

Int 254


n^o — 42







Ad usum R. Imm. Soter.


Vale 12 n.







Fia.



DE ROMANA
REPUBLICA,
SIVE DE RE
MILITARI ET CIVILI
ROMANORUM.

Ad explicandos Scriptores antiquos.

AUCTORE

PETRO JOSEPHO CANTELIO

S. J. PRESBYTERO.

EDITIO QUARTA VENETA.

*Post sextam Lugdunensem, a mendis quamplurimis expurgata;
aeneis figuris ac duabus Dissertationibus auctior.*



V E N E T I I S,

EXCUDENTE JO: BAPTISTA NOVELLO



MDCCLXVIII.

SUPERIORUM PERMISSU AC PRIVILEGIO.



THE
AMERICAN

WEEKLY

OF THE



ARGUMENTUM

Primæ Partis.



IN Latinis tum Oratoribus tum Poetis, quos in scholis prælegi mos est, occurrunt sæpe multa, quæ ad Romanorum vel instituta vel bella pertinent; eaque res legentibus, hæc si nesciant, molestiam interdum obijcere solet. Cujus incommodi, ut pars aliqua per me tolleretur, feci non invitus studiose juventutis causa, ut Romanæ historiæ epitomen facili digestam ordine contexerem; Romanorumque bella, prælia, militiam, provincias, jura, & alia id genus perbrevis libello complecterer. Quod non adolescentibus modo, sed iis etiam, qui humaniores colunt litteras, aut oblectationi aut usui esse poterit: res enim Romanas cognoscere homini liberaliter instituto nec injucundum est, nec inutile. Sed de instituti nostri ratione paucis admonendus es, amice lector; ut quænam sit hujus libelli partitio, quo spectent Dissertationes singulæ, & quæ cujusque summa sit, intelligas.

Hunc libellum in partes duas tribuimus: prior continet ea, quæ ad rem militarem spectant; posterior, quæ ad civilem. In prima parte sex omnino sunt Dissertationes, in secunda totidem: de posteriori parte videbimus postea, de priori nunc agimus breviter.

Prima *Dissertatio Romanorum bella* complectitur; ubi diligenter annotatum a nobis est, quæ cujusque belli causa fuerit, quot prælia, quis exitus, quæ devictis gentibus imperatæ leges; penes quos fuerit belli & suscepti & confecti gloria, & quo anno singula geri bella & cœpta sint & desita.

Ex illa vero infinita prope præliorum multitudine illustriora quæque selegimus, quæ in Dissertatione secunda persequimur paulo uberius. Summa nobis cura fuit observare, quis militum utrinque nu-

4
merus fuerit; quo & loco & anno, quibusve ducibus pugnatum sit; qua arte instructa acies; cujus vel imprudentia accepta clades, vel fortitudine relata victoria; quot ex utraque parte milites & cæsi sint & capti. Adscripta etiam, ex antiquis petita scriptoribus, Imperatorum seu in prælio seu post victoriam/præclare dicta; ne quid nobis excidat, quod ad summorum virorum gloriam quodammodo pertinet: quibus accessit brevis appendix de expugnatione clarissimarum olim urbium, quæ a Romanis vi captæ sunt, vastatæ, dirutæ.

Hanc Dissertationem excipit tertia, *de Romanorum illustrium mortibus*. Historiæ enim, quam scribimus, ordo postulat, ut postquam de Romanorum bellis & præliis diximus, agamus de iis Imperatoribus, quorum auspiciis & confecta hæc bella sunt, & partum Romæ orbis imperium est. Ne vero longiores simus, hæc a nobis adhibita est cautio. Non omnes, qui vel militari gloria vel obitis honoribus Romæ floruerunt, in hanc Dissertationem temere & nullo delectu adsciti; sed ii tantum, quorum interitus habet aliquid ad posteritatis memoriam singulare: sive ipsi sibi mortem consciverint, sive hostium fortitudine in prælio, sive inimicorum scelere domi perierint. Testimonia etiam ex primæ classis auctoribus excerpta apponere libuit, quibus illorum & expressa forma est & indoles: habet enim voluptatis nonnihil, quo summi Imperatores & ingenio fuerint & corporis habitu, cognoscere.


Secundum hæc *de provinciis Romanorum* disseritur; ubi breviter, quoad fieri potuit, perstringimus, quid ab iis ducibus tot bellis & præliis actum sit, quot annis subactæ provinciæ, quæ domitæ gentes, quæ singulis nationibus leges impositæ, a quibus in provinciæ formulam descriptæ, quibusque terminis quæque provincia definita sit. Unde cuivis intelligere licebit, quam late patuerit Romanorum imperium, & qua ratione tot gentes, quæ ab Euphrate ad Britannicum usque Oceanum pertinebant, in Romanorum ditionem concesserint.

Huic Dissertationi succedit alia ipsi cognata & affinis, *de variis Romanorum juribus*. Provincia enim
omnis

3

omnis in Romanorum potestatem venit vel armis, vel fœdere. Quare solemne fuit tum sociis ex initæ societatis conditionibus, tum domitis gentibus pro victoris arbitrio & imponere onera & jura concedere; unde ex varia vel victoriæ vel fœderis lege varia jura manarunt, *Romanorum*, *Latii*, *Italicum*, *Provinciarum*, quorum aliud alio & commodius erat & honestius. Ex iis vero juribus jus coloniarum, municipiorum, præfecturarum temperatum erat; quæ cujusque juris origo sit, sive privati, sive publici; quibus datum populis, a quo, quo tempore, quave de causa; quis apud Romanos ingenuus, liber, servus, libertus, &c. quid jus sacrorum, census, militiæ, suffragii, honorum & imperii; quid colonia, municipium, præfectura, &c. disputamus.

Ne quid vero, quod ad rem militarem spectat, omittamus, subjecta a nobis est sexta Dissertatio, *de Romanorum militia*; in qua accurate, quoad licuit, exponitur, primum quænam fuerit & legendi militis & dimittendi ratio; deinde quot partibus constaret exercitus; quid legio, cohors, manipulus, ala, turma, cornu, & ejusdem generis alia; tum quot militum ordines, qui velites, hastati, principes, triarii, evocati, ablecti; post, quam varia ducum genera, qui Centuriones, Tribuni, Præfecti, Legati, Imperator; denique, quæ signa, arma, stipendia, pœnæ, præmia tum militum tum Imperatorum; ubi ovationis & triumphi discrimen ac pompa describitur. Hæc fere in priori parte continentur.



ARGUMENTUM

Secundæ Partis.

Alia hujus partis ac primæ conditio est. Prima nec Urbem nec Italiam tantum, sed universum Romanum orbem complexa fuit; huic vero parti angustiores multo terminos præscripsimus: iisdem enim erit, quibus Urbs ipsa, circumscripta finibus, nec illam extra hos limites longius vagari patiemur. In sex Dissertationes itidem ac prima descripta est, quarum argumenta sunt hæc.

Primæ Dissertationis tria sunt veluti membra; Romanorum enim *nomina*, *varios ordines*, *comitia* explicat. Ne quis enim ejusdem sive gentis sive familiæ homines nominum similitudine inter se confundat, primum de nominibus disputamus: nomine enim gens a gente, cognomine familia a familia, prænomine frater a fratre distinguitur. Quærimus, an Romani omnium primi pluribus uti nominibus cœperint; quæ fuerint illa prænomina, nomina, cognomina, & unde sumpta sint; quæ lex fuerit in fœminis, filiis adoptivis, libertinis, servis; an eadem fuerit nominum ratio, stante everfsaque Republica. Deinde exponimus varios populi Romani *ordines*; quando & a quibus divisus sit in tribus, curias, classes, centurias, plebem, equites, Senatores; quæ illarum vocum notio sit; quæ cujusque ordinis dignitas, privilegia, insignia; quid eques a plebejo; quid ab equite Senator differat. Denique agimus de *comitiis*; quotuplex eorum genus fuerit; ubi, qua de causa, & quando habita; quorum fuerit & illa vocare & illis interesse; qui in singulis creati tum magistratus tum Pontifices; & qua ratione quæque celebrata sunt.

Cum vero publicæ rei administratio duabus potissimum rebus contineatur, & magistratuum auctoritate, & religionis cultu; in secunda Dissertatione

Ro-

Romanorum magistratus; in tertia *sacerdotia* complexi sumus. Non nobis tamen propositum est dignitates omnes sive profanas, sive sacras persequi, sed præcipua tantummodo; cuiusmodi sunt inter civiles *Dictatura*, *Consulatus*, *Censura*, *Prætura*, *Ædilitas*, &c. inter sacras vero *Collegia Pontificum*, *Augurum*, *Flaminum*, &c. Cætera enim ut plurimum vel inutilia sunt vel levia. Cur & quando hæ dignitates & institutæ sint & abolitæ; quæ cuiusque potestas fuerit, onera, jura, ita expressum est, ut quoddam veluti singularum stemma, a prima origine ad finem usque deductum, texuerimus.

Subiuncta est *de Romanorum familiis* Dissertatio longe uberior. In qua de patriciis primum agitur; quid discriminis fuerit inter patricios & plebejos, inter nobiles & homines novos; quot patriciorum fuerunt genera; cuius fuerit Romanum civem in patriciorum ordinem adsciscere; qui contigerit interdum, ut quis vel ex patricio plebejus fuerit, vel ex plebejo patricius. Deinde appositæ nobilissimarum stemmata, sive patriciæ fuerunt, sive plebejæ. Si qua familia plures & belli & pacis attribus insignes viros protulit, subiectum est illius stemma integrum; si unum tantum alterumve, non item: sed clarissimi quique suo ordine appellati. Annus etiam, quo quisque Consul fuit, annotatus est.

Dissertatio quinta *de Romanorum anno, mensibus, feriis* disputat; qua forma fuerit annus a Romulo institutus, quo modo a Numa primum, deinde a C. Cæsare, tum ab Augusto castigatus; quid dies festus, profestus, intercisus, fastus, nefastus, & alia huiusmodi.

Dissertatio ultima, quæ de industria in hunc locum rejecta est, varia Romanorum instituta continet *de vestibus, conviviiis, ludis, funeribus*; quam multiplex ludorum genus, tum scenicorum, tum circensium; quis usus, quæve figura pallii, tunicæ, togæ sive prætextæ, virilis sive pictæ, &c. Ubi etiam de lato clavo Senatorum, de equitum annulo, de puerorum bulla agitur; quot apud Romanos sumendi cibi tempora; unde mos ad mensam accumbendi fluxerit, &c. quo ritum, quæve pompa funebri, ubi
quis

quis obierat, cadaver elatum, combustum, sepultum. Hæc posterioris partis summa est.

Ni hujus libri moles nimium excresceret, duo, intra quos coereretur, ipsi præscripti limites; ab Urbe condita ad annum 722. quo devictis ad Actium Antonii partibus Octavius Cæsar rerum unus potitus est. Tempus vero illud omne, quod a Romulo ad Augustum usque fluxit, in multas sive ætates sive epochas tribuimus; quo & memoriæ imbecillitati quam maxime serviremus, & Dissertationes singulæ in varia veluti membra distractæ minus haberent fastidii. Appositæ ubique & temporum & locorum notæ, ut id, quo de agitur, his characteribus insignitum fiat illustrius.

Præterea adscriptæ interdum, ubi opus fuit, variorum de re eadem historicorum sententiæ; ut & res testatior sit, & fontes ipsos, unde eadem illa uberius licet haurire, si lubet, lector, consulat. Hæc de instituti nostri ratione & navata in hoc libello opera præfari & admonere, te, lector volumus; animus quidem erat idem de Græcis, quod de Romanis præstare, Græcorumque & res gestas & instituta in hujusmodi epitomen redigere; sed id, si Deus dederit, alias pertexemus. Interim his in antecessum fruiere & fave.



DE ROMANA REPUBLICA

PARS PRIMA.

De Re Militari Romanorum.

- DISSERT. I. Bella.
- DISSERT. II. Prælia.
- DISSERT. III. Mortes illustres.
- DISSERT. IV. Provinciæ.
- DISSERT. V. Jura.
- DISSERT. VI. Militia.

PARS SECUNDA.

De Re Civili Romanorum.

- DISSERT. I. Nomina, Ordines, Comitia.
- DISSERT. II. Magistratus.
- DISSERT. III. Sacerdotia.
- DISSERT. IV. Familiæ.
- DISSERT. V. Annus, Menses, Feriæ.
- DISSERT. VI. Vestes, Convivia, Ludi, Funera.

APPENDIX.

- DISSERT. I. Sacrificia.
- DISSERT. II. Nuptiæ.



O R I G O

URBIS ROMÆ.

I.
Aneas
Phrygia
pallus.




ANNO mundi 2300. ante Christum circiter
1184. a Græcis Troja proditiōe capta est.
Quæ belli causa fuerit, quæ ducum nomi-
na, prælia, victoriæ, docet vel historia,
vel fabula: sed hæc nihil ad nos. Proditionis aucto-
res fuisse perhibentur Antenor & Æneas, a quibus
vel Scæa porta aperta Græcis est, ut vult Dares,
vel equus ligneus armato gravis milite in urbem in-
vectus, ut visum est aliis. Trojæ rudera ambo in-
colere permitti, at paulo post uterque inde pulsus;
alius alio, aliaque de causa. Æneas vel ab Agame-
mnone ejectus est, ut placet Dareti, quod Polyxe-
nam pro felici reditu a Græcis immolanda apud
se occultasset; vel ab Antenore, ut Dictys auctor
est, quod vicinos in eum populos concitaret.

II.
Regnat
in Ita-
lia.

Ut ut est, ex Asia pulsus Æneas, classe navium
duarum & viginti felicibus auspiciis in Latium ap-
pulit. Latio, tum præerat Latinus, Fauni filius: cum
eo Æneas accepta in matrimonium Lavinia filia fœ-
dus iniit, Turnum Rutulorum Regem vicit. Tur-
nus & Latinus occisi, utrique superstes Æneas trien-
nio post contra Mezentium Tyrrhenorum Regem
fortiter dimicans occubuit. Hunc excepit Ascanius,
a quo condita Alba est. Qua in urbe a quatuordecim
post Ascanium Regibus ad Romulum usque im-
peratum est.

Pro-



Portae Urbis Romae

- A.P. Aurelia
- C.P. Capua
- C.P. Capua montana
- D.P. Collatina
- E.P. Collina
- E.P. Esquilina
- G.P. Flumentana
- L.P. Laurentina
- L.P. Latina
- L.P. Portuensis
- M.P. Quercetularia
- N.P. Septimiana
- O.P. Ostiense
- O.P. Trigemina
- O.P. Triumphalis
- R.P. Viminalis

Procas Sylvius Albanus Rex ab Ænea decimus tertius duos suscepit filios, Numitorem & Amulium; Ambos æquis partibus hæredes moriens instituit; tum Amulius, si Dionysio credimus, regnum opesque patris ita partitus est, ut ex una parte regia potestas esset, ex altera prædia, villæ, aliaque id genus. Numitor, cui optio permissa erat, privata bona regno prætulit; ita regium decus sortitus est Amulius. Scriptores tamen cæteri Numitorem una cum Amulio primum regnasse prodiderunt, deinde ab eo ejectum: cujus etiam scelere Ægeus filius Numitoris necatus est, Rhea ipsius soror Vestæ sacerdos fieri iussa.

Rhea duos ex Marte, ut fabula est, filios peperit, Romulum & Remum; de quo ut allatum est ad Amulium, Rhea continuo aut occisa est, aut coniecta in carcerem; aliis enim aliter videtur: pueri, quod Tiberis aquarum copia late restagnasset, ad Pallantii montis radices depositi in alveo vimineo, qui impactus saxo effudit infantes. Iis, dum in luto vagiunt, lupa mammas præbuisse dicitur, distentis a recenti partu uberibus. Sub hæc illos ibi offendit pastor Amulii Faustulus, uxorque Accæ Laurentiæ nutriendos detulit.

Ubi uterque adolevit, orta inter Amulii & Numitoris pastores rixa, victa pars Numitoris ad dolos conversa est. Remum absente Romulo insidiis intercipit, eumque de vi illata apud Amulium criminatur. Permotus juvenis periculo Faustulus Romulum, & quo genere ortus sit, edocet, & ut liberet fratrem, hortatur. Continuo in Amulium conspirant pastores; iis se ducem præbet Numitor. Oppressi primo impetu Amulii custodes, deinde & Amulius ipse obtruncatus, & restitutus in regnum Numitor.

Secundum hæc Numitor (sive ut ditionem propriam daret nepotibus, sive ut fautores Amulii a se removeret) agros, pecuniam, arma, mancipia, aliaque id genus illis, quo novam conderent urbem, indulgit; familiasque quinquaginta, quæ ab Amulio steterant, eo migrare jubet. Sic Roma ædificari cœpta est festis Palilibus, quæ Pali Pastorum

III.
Numito-
rem A-
mulius
regno
ejecit.

IV.
Romu-
lus &
Remus
Numi-
toris ne-
potes.

V.
Amu-
lium oc-
cidant.

VI.
Urbem
Romam
con-
dunt.

Deæ sacra erant. Quo vero cresceret civium multitudo, Romulus asylum aperit. Eo ex finitimis populis turba omnis, inquit Livius, sine discrimine, liber an servus esset, avida novarum rerum perfugit, idque primum ad cœptam magnitudinem roboris fuit.

VII.
Remus
occisus.

Vix jacta Urbis fundamenta, cum Romuli & Remi animum regni cupido incescit. Remus collem Remuriam muniendum contendit, Romulus Palantium: judicium Diis permittitur, uter auspiciis vinceret alterum. Sex vultures primus vidit Remus, duodecim paulo post Romulus. Utrumque sua multitudo Regem salutat; inde uter vicerit, oritur contentio: pugnatur; Remus in turba ictus cecidit: ita Dionysius. Sunt tamen, qui Remum jussu Romuli necatum velint; verbo quod per contumeliam muros Urbis transiisset, revera quod regni socium habere nollet. Ex tam parvis initiis profecta Romana res primum iisdem quibus Urbs ipsa, definita est terminis: deinde & Italiam integram, & præcipuas Europæ, Asiæ, Africæque regiones complexa est.

12

XXII



REPUBLICA

PARS PRIMA

De Re Militari Romanorum.

DISSERTATIO PRIMA.

ROMANORUM BELLA.



CAPUT PRIMUM.

Bella a Regibus & contra Reges gesta.



QUINQUE bella Romulus gessit; Cæninense anno Urbis 4. Sabinum anno 5. Camerinense & Fidenatenſe anno 16. Vejentinum an. 21. Bello Cæninensi & Sabino caussam præbuit

I.
Bella
gesta a
Romu-
lo.

Sabinarum virginum raptus; cæteris nimia novæ urbis potentia. Victi sunt Cæninenses, Rexque illorum Acron a Romulo obtruncatus. Fugatus primum a Sabinis Romulus illos paulo post fudit; tum Sabinæ commissum sua causa prælium dirimunt: percutitur inter duces fœdus; Sabini commigrant Romam. Devicti Camerini Romæ habitare permitti, urbsque eorum direpta. Fidenates parte agri mulctati; Fidenas deducta colonia est. Vejentes semel atque iterum fusi, eorum castra capta, naves cum commeatu interceptæ, ager ademptus, quinquaginta imperati obsessi; sicque fœdus in annos centum utrinque pactum est. Tres de hoste victo triumphos in Urbem invenit Romulus, primum de Cæninensibus & Antemnatis, alterum de Camerinis, tertium de Fidenatibus & Vejentibus.

Romulum excepit Numa Pompilius; Pompilium Tullus Hostilius: ille otii quam belli studiosior; hic

II.
A Tulle
Hostil-
lio.
paci

pacis insolens & ad bella factus, qui finitimis bellum indixit: Albanis an. 84. Fidenatibus an. 85. Sabinis an. 88. Dum Romana Albanæque acies ad pugnam instructæ starent, placuit utrisque paucorum certamine decerni, utri utris imperarent: victoria Horatii virtute penes Romanos fuit; Albani in Romanorum ditionem redacti. Fidenates & Sabini paulo post acie devicti, Metiusque Suffetius perfidiæ convictus actis equis in diversa distractus est, Albanæque diruta.

III. Ancus Martius Numæ nepos bellum & Latinis an. 115. & Vejentibus an. 126. intulit; utriusque felici exitu: multa Latinis ademta oppida, multa Latinorum millia in Urbem adscita; Vejentes semel atque iterum victi.

IV. Plura Tarquinii Prisci bella memorantur. Latinum an. 139. Sabinum an. 140. Vejentinum an. 143. Etruscum an. 144. Prælio fusi Latini; Sabini tribus affecti cladibus se suæque Tarquinio permiserunt; domiti Vejentes; Etrusci commissa ad Eretum pugna subacti: in eos tamen nec gladio nec exilio sævitum est, nec imperatum veditum. Tarquinio permessa summa in omnes potestas, delataque principatus insignia, corona aurea, sella eburnea, sceptrum, aquila, purpurea tunica auro distincta, duodecim secures, singulæ a singulis Etruriæ populis missæ. Hæc Dionysius & Livius. Sub Servio bellum adversus Etruscos anno 177. & adversus Vejentes anno 185. renovatum. Etrusci tribus præliis fugati, terque de illis triumphatum, Vejentes nullo negotio debellati.

V. Varia & pro Romanis & contra Romanos bella gessit Tarquinius cognomento *Superbus*, Sabinum an. 223. Volscum an. 225. Gabinum an. 232. Ardeatinum an. 242. Romanum an. 245. Sabini & Volsci multis ab eo præliis concisi; Gabii, cum vi non possent, Sex. Tarquinii dolo capti; Ardea obsessa; cumque Tarquinius Urbe pulsus bellum Romanis infert. In ipso conflictu Brutus quidem occubuit, sed victus est Tarquinius. Accitus a Tarquinio in auxilium Porfena an. 247. & Horatii fortitudine & Scævolæ audacia territus pacem ultro petiit. Denique Latinum omne nomen cum Tarquiniis conjuravit; sed ad-

B E L L A.

15

adversus illos ad lacum Regillum a Posthumio feliciter an. 158. dimicatum est, in eaque pugna Tarquinii spes omnis concidit: missi enim a Latinis Romanam legati, qui pacem supplices peterent, iique captivos dimittere iussi sunt, dare perfugas, exules ejicere; tumque renovatum foedus. Is belli, quod contra Tarquinius per annos 14. gestum est, exitus fuit.

C A P U T II.

B E L L A

*Volscum, Etruscum, Gallicum, Latinum,
Samniticum, Tarentinum.*

HACTENUS pro libertate contra Tarquinienfes & Latinos pugnatum erat; pro finibus deinceps adversus Volscos, Æquos, Sabinos, Etruscos certatum est: multæ utrinque & illatæ & acceptæ clades; sed hæc, quia ut plurimum leviora sunt breviter perstringimus.

Volscos, quod Latinis in bello Tarquinienfi favissent, P. Servilius an. 259. bello petit, victosque castris spoliatur: funditurque iterum an. 260. Annii Virginius; illorumque oppida capit an. 261. Posthumius. Sed eorum rem afflictam recreavit pulsus e patria Marcius Coriolanus: is enim dux bello delectus videtur sæpe Romanis Urbi imminerebat, cum matris precibus lacrimisque flexus an. 266. cœpto destitit. Sub hæc sæpe Volsci & Æqui fugati sunt, alii ab aliis ducibus, quos appellare longum est. At nihil Quintii Cincinnati victoria fuit illustrius, qui ab aratro ad Dictaturam vocatus Q. Minutium Consulem ad Algidum obsessum ab Æquis liberavit an. 269. eosque sub jugum misit; & iterum rebellantes a Romulo Consule an. 299. a Quintio Capitolino an. 308. victi sunt, & a Gegano an. 311. sub jugum missi: quod bellum ex intervallo sæpe repetitum ad annos plures propagatum est.

Gravius etiam cum Etruscis, maxime cum Vejentibus, bellum fuit; quod anno circiter 269. cœptum est. An. 274. Manlio & Fabio Consulibus acriter dimi-

I.
Volscum.

II.
Vejentinum & Faliscum.

micatum; Consulum alter necatus, vulneratus alter. An. 277. Fabia gens, quæ bellum illud sibi depoposcerat, & Veientes sæpe vicerat, ab iis per insidias ad Cremeram pene deleta est: sed Fabiorum cædemulti sunt & Servilius an. 278. & Virginius an. 279. & maxime Æmilius Dictator an. 317. quo in prælio Tolumnius Vejentium Rex Cornelii Cossi manu occubuit. An. 319. a Servilio Prisco Fidenæ dirutæ: & an. 328. Veji ab Æmilio capti & direpti: qui, cum iterum defecissent, an. 349. obsessi, quæ obsidio decem annos tenuit: capta urbs tandem an. 358. a Camillo Dictatore; qui Faliscos etiam justitiæ & fidei opinione ad imperium adiecit.

III. Galli. Vejentinam cladem Gallicum bellum excepit. Galli in obsidione Clusii a Q. Fabio populi Romani legato irritati, omisso Clusio Romanan. 364. advolant; primo impetu fusi ad Alliam, qui obviam iverant, Romani. Urbs deinde capta, & Capitolium, quo se flos civitatis receperat, obsessum; sed indicio anseris a T. Manlio servatum. In angusto Romana res erat, cum Camillus exul Dictator appellatus collectis copiis, Gallos primum Urbe pellit, deinde ad octavum lapidem fundit. Nec quiescere tamen post hæc Galli: iterum victi sunt a Camillo in agro Albano an. 386. tum a T. Quinctio Pæno an. 392. ad Anienem; post an. 404. a L. Camillo Consule in agro Pomptino; in quibus præliis & T. Manlii & M. Valerii Torquati virtus enituit: deinde juncti Etruscis & Umbris an. 457. a Q. Fabio Rulliano fugati in Etruria, ubi Decius alius se devovit: denique ad lacum Vadimonis a P. Dolabella magna clade confisi, suisque pulsi sedibus an. 470. agerque Gallicus inter cives Romanos descriptus est.

IV. Latini. Cum Samnitibus & Latinis interea negotium fuit: cum Latini jus civitatis societatemque Imperii poscerent, ad arma ventum est; an. 413. victi Latini a Consulibus Torquato & Decio: quo in bello id singulare fuit, quod Consulum alter filium, quia injussu suo pugnat, securi percussit; alter se pro exercitu devoverit. Multati agro Latini iterum rebellant: sed alii a Q. Publio Philone, alii a C. Mænio, alii a L. Camillo Coss. an. 415. domiti, paxque data omni-

mnibus. Par Sabinorum, qui se Latinis adjunxerant, & fortuna & conditio fuit; fusi enim a Curio Dentato in amicitiam an. 463. recepti.

At nihil hæc præ Samnitico bello, quod 410. pro Campanis cœptum per annos 72. vario præliorum exitu propagatum est. Samnites Sidicinis bellum intulerant: hi tanto hosti impares ad Campanos confugiunt: victi a Samnitibus semel atque iterum Campani se suaque permittunt Romanis. Missi continuo ad Samnites legati, ut pro veteri amicitia a Campanorum agro injuriam abstinerent; a quibus cum ferociter responsum esset, jussi ambo Consules, alter in Samnium, in Campaniam alter, exercitum ducere. Valerio Corvino occurrunt Samnites, atroxque utrinque facta cædes; sub vesperam Samnites fusi. Hæc prima de iis victoria fuit; de quibus tricies & semel, ut ex fastis intelligere licet, triumphatum est. Belli confecti gloria penes Fabios & Papirios potissimum fuit; insignis præ cæteris ad Furcas Caudinas Romanorum clades memoratur: tandem an. 482. cum Samnitibus bellum geri desitum est, iisque leges pro populi Romani arbitrio imposita. Apuli, Brutii, Lucani ejus belli contagione subacti sunt.

V.
Samni-
ticum.

Necdum erat bellum adversus Samnites confectum, cum Tarentinum ob violatos populi Romani legatos excitatum est. L. Valerius classi Romanæ præfectus in portum Tarentium forte appulerat. Tarentini, classem contra se missam suspicati, illam invadunt; quinque navibus ægre per fugam elapsis, reliqua classis direpta est; præfecti navium trucidati, omnes bello utiles cæli, alii pretio venditi. Missus Roma, qui de injuria expostularet, L. Posthumius: is derisus a Tarentinis, & ejectus e theatro, dum scurra illius vestes lotio respergeret: *Ridete, inquit, dum vobis per tempus licet; nam post hæc diu flebitis, dum vestes has multo sanguine eluetis*. Ita bellum anno Urbis 471. Tarentinos inter & Romanos exarsit. At Tarentini viribus impares Pyrrhum Epirotarum Regem auxilio evocant. Ter Pyrrhus cum Romanis confligit; semel cum Lævino Consule inter Pandosiam & Heracleam an. 474. iterum cum Decio & Sulpitio ad Asculum an. 475. tertio cum Curio an.

VI.
Tarenti-
num.

478. ad Beneventum : primo prælio vicit Pyrrhus ; altero dubia victoria ; tertio victus est Pyrrhus & e-
jectus ex Italia , anno postquam venerat sexto. Pyr-
rho fugato Tarentini & Samnites anno 481. in po-
puli Romani ditionem venerunt anno hujus belli de-
cimo.

CAPUT III.

Bella Punica.

I. **P**ULSO ex Italia Pyrrho domitisque Samnitibus ,
Præ-
mum . efferre se Romana res cœpit , bellumque extra
Italiam adversus Pœnos gestum est . Belli causa fuit
utriusque civitatis ambitio , & alterius alteri suspecta
potentia : occasionem dedere , qui Messanam occupa-
verant , Mamertini . Hi ab Hierone Syracusanorum
Rege victi a vicinis populis petunt auxilia ; sed alii
ab aliis , pars a Carthagenensibus , pars a Romanis :
unde arx Pœnis tradita , urbs Romanis an. 489. Ejus
belli anceps diu fortuna fuit , Pœnis mari , Romanis
terra ut plurimum vincentibus : in Sicilia , Sardinia ,
Africa , & Siculo mari vario præliorum exitu sæpe
dimicatum est . Primum Appius Claudius Hieronem
ad Messanam vicit an. 489. Annibalem ad Agrigen-
tum an. 491. L. Posthumius & Q. Mamilius ; Anni-
balem iterum navali pugna an. 493. C. Duillius , qui
primus e Romanis rem nauticam attigit , & navalem
egit triumphum . L. Manlius & M. Attilius an. 498.
Annonem & Amilcarem superavit ; Asdrubalem an.
499. in Africa Attilius ; L. Metellus ad Lilybæum
an. 502. eundem Asdrubalem . At victi a Xantippo
in Africa an. 489. Attilius terrestri certamine , nava-
libus præliis P. Claudius Pulcher & D. Junius an.
504. ille ab Adherbale , hic a Cartalone . Tandem
Lutatius Catulus an. 511. navali pugna Carthaginien-
sum opes fregit , pacemque his conditionibus dedit :
*Pœni universa Sicilia excedanto ; cum Hierone bellum
ne gerunto ; Syracusanos armis ne petunto ; captivos
omnes sine pretio Romanis reddunto : argenti talenta Eu-
boica bis mille & ducenta pendunto . Nonnihil tamen
a Romanis in hoc foedere immutatum ; tum illud*
præ-

præcipue , quod Pœni infulis omnibus , quotquot inter Africam & Italiam sunt , excedere jussi . Hic finis belli Punici primi fuit an. 512. post annos 24.

Eadem belli Punici secundi causa , quæ superioris , gentis utriusque ambitio , & in Annibale sive impatientia servitutis , sive vindictæ cupiditas . Is Saguntum (amica Romano nomini civitas erat) an. 534. obsidet , & post septem menses capit ; cives partim hostili gladio , partim flammis , partim suapte manu perierunt . Saguntus eversa initium belli fuit : quod in Italia , Sicilia , Hispania , & Africa varia fortuna gestum est ; læta quidem Pœnis primordia fuerunt , sed tristior exitus .

Annibal transgressus Alpes P. Cornelium ad Ticinum vicit ; & Sempronium ad Trebiam an. 535. ad Thrasymentum an. 536. Flaminium ; & an. 537. Terentium Varronem ad Cannas . Multa sub hæc commissa per Italiam leviora prælia , in quibus Annibal , quem jam Q. Fabius victoriis exultantem an. 536. cunctando represserat , modo victor , modo victus fuit : fusus enim est a M. Marcello semel atque iterum ad Nolam an. 537. & 539. deinde a C. Hostilio in Salentinis , & a Claudio Nerone ad Grumentum an. 546. cæsusque cum ingenti exercitu an. 546. ab eodem Nerone & Livio Salinatore ad Metaurum flumen Annibalis frater Asdrubal .

Lætior in Sicilia Romana res erat . Hierone mortuo Hieronymus , regni , non fidei hæres , ad Pœnos defecerat : quare Marcellus transmittit in Siciliam an. 539. Leontium expugnat , Megaram diruit , victisque Pœnis Syracusas obsidet non minus Archimedis ingenio , quam civium armis defensam ; & tertio tandem obsidionis anno noctu ann. 542. ex improvviso capit , fuscisque iterum Pœnis in monte Albano triumphat .

Ut in Italia , ita in Hispania varia belli fortuna fuit : summa rerum ibi permessa P. & Cn. Scipionibus ; ambo fratres erant consulatu , clementia , & bellica laude clarissimi . Ab iis victi ad Illiturgum an. 536. Asdrubal , Mago , & Amilcar , cæsaque uno die Carthaginensium 60. millia ; deinde Anno ad Incibile superatus ; iterum Mago & Asdrubal primum

ad Illiturgum, tum ad Mundam, denique ad Aurin-
gem fugati: sed tandem Publius a Magone & Af-
drubale ad Incibile occisus est an. 541. & audita fra-
tris nece, victus, & ipse Cneus in prælio occubuit.
L. Marcius Romanus eques labantem rem sustinuit,
cujus ductu una nocte & die expugnata sunt bina ca-
stra, & 37. hostium millia an. 542. interfecta. P.
Scipio 24. annos natus patris ac patrui ultor in His-
paniam mittitur, cujus auspiciis omnia Romanis pro-
na fuerunt: novam enim Carthaginem in eaque va-
riarum gentium obsides an. 543. capit; Asdrubalem
vincit ac fugat an. 544. ad Bœtulam; denique victis
ad Salpiam an. 547. Asdrubale & Magone, tota Hi-
spania Pœnos anno quinto, quam venerat, ejicit.

VI.
In Afri-
ca.

Secundum hæc revocatus in Italiam P. Scipio, ut
hærentem in visceribus Italiæ Annibalem abstraheret,
in Africam an. 549. transportat exercitum; Annonem
cum exercitu cædit, Syphacem Mauritanix Regem,
qui auxilio venerat, cum Asdrubale bis superat an.
550. victumque opera Lelii capit: tandem an. 551.
cum Annibale, qui ex Italia redierat, acie congres-
sus illum vincit, & qui Pœnis auxilium tulerat, Sy-
phacis filium Verminam; pacisque leges an. 552. Car-
thaginensibus dicit auctore Senatu Populoque Roma-
no. Fuerunt vero hujusmodi: Ut Carthago suis le-
gibus viveret; iisdem, quibus ante bellum, ditionis
finibus uteretur; perfugas, fugitivos, captivos red-
deret; bellum extra Africam nunquam, in Africa
injussu populi Romani ne faceret; penderet decem
talentum millia; daretque fidei causa centum obsi-
des. Scipio domita Carthagine rediit in Italiam, ubi
summo honore exceptus, triumpho nobilissimo in
Urbem inductus est, & ex devicta Africa *Africani*
cognomen deportavit.

VII.
Ter-
tium.

Bello Punico tertio ex Massinissa quæsitus color.
Pœnis crimini datum, quod Massinissam fines ipso-
rum invadentem armis repellerent: cautum enim erat
pacis legibus, ne in socios populi Romani bellum
gerere illis liceret. Is igitur bellum infertur, suatore
Catone Censorio, cui solemne fuit, cum sententiam
diceret, addere: *hoc censeo, & delendam esse Cartha-*
ginem, An. 604. ambo Consules L. Marcius Censori-
nus

nus & M. Manilius Nepos in Africam cum exercitu transmittere iussi: ab iis spe pacis objecta delusi Carthaginienſes. Iis enim imperant Conſules, ut dent obſides trecentos; dederunt: ut claſſem incendant, incenderunt: ut arma omnia tradant; tradiderunt: denique ut orbem ipſam diruant funditus; tum poſt inanes gemitus & irritas preces, omnes in furorem aſti bellum adverſus Romanos parant; ſervi ad libertatem vocati; Aſdrubal belli dux appellatus; ferri inopia arma ex argento auroque conſtata; claſſis conſtructa ex domorum ruinis, fune ex mulierum crinibus; Romanorum claſſis aduſta, hoſtesque a muris civium fortitudine prohibiti, bellumque Calpurnii Piſonis, qui Cenſorino ſuſſeſus erat, ſegnitie per quatuor annos obtinuit. Quare P. Scipio Æmilianus contra leges immatura ætate Conſul eligitur, eique extra ſortem decreta eſt Africa; a quo, eodem quo Corinthus die, anno belli quarto capta & incenſa Carthago eſt. Scipionis triumphum captivus Aſdrubal aliique nobiles Pœni cohoneſtarunt, & *Africani* cognomen, quod jam ab avo hæreditarium erat, Scipio per ſe partum habuit. Senatus decreto vetitum eſt, ne quis in poſterum inſtauraret Carthaginem.

Ut paucis complectar, tria Punica bella fuerunt. Primi cauſſa fuit auxilium Manertinis datum; ſecundi Saguntus deleta ab Annibale; tertii bellum a Pœnis illatum Maſſiniſſæ. Primum ab anno Urbis 489. ad annum 513. geſtum eſt; alterum ab an. 536. ad an. 553. tertium ab an. 605. ad annum 609. Primum poſt annos 24. Q. Lutatius Catulus conſecit; ſecundum poſt annos 17. P. Scipio Africanus major; tertium poſt annos 4. P. Scipio Africanus minor. Primo bello Carthaginienſibus ademtæ omnes, quæ Africam inter & Siciliam ſunt, inſulæ; ſecundo Hiſpania & pars Africæ, tertio Carthago deleta.

VIII.
Singulorum cauſſa & exitus.

C A P U T IV.

Bella Macedonica.

TOT Macedonica bella numerantur, quot Punica. Primum contra Philippum fuit; alterum ad-

E 3

ad-



adversus filium ejus Perseum ; tertio contra infimæ fortis hominem nomine Andrisum.

II.
Primi
caussa.

Romanos & ad Thrasymenum & ad Cannas ab Annibale victos ut audiit Philippus Macedoniæ Rex, legatos, impulsore Demetrio Phario, ad Annibalem misit, qui cum eo ita pepigerunt : ut cum ingenti classe primum Rex in Italiam, deinde Pœni in Græciam trajicerent; ubi vero debellatum foret, Italia omnis cum Urbe Roma Carthaginienſibus, Græcia cum iis quæ adjacent insulis Philippo Regi cederet. Ita Livius, Eutropius, & alii. Verum ad Philippum redeunt legati, a Romanis intercepti, alii Romanam perducti sunt, alii fuga dilapsi pervenerunt ad Philippum. Continuo M. Lævinus Prætor jussus est in Græciam cum classe transmittere, ut Philippum in regno contineret. Ita bellum utrinque geri cœptum est an. 539. cujus, ut fines, ita & initia Philippum infausta fuerunt.

III.
Prælia.

Primum enim ad Apolloniam a Lævino subita eruptione fusus est, ipsius milites pro victoris arbitrio cæsi, castra amissa, ipse vix seminudus refugit ad classem; quam, ne in Romanorum potestatem veniret, ultro incendit. Nec felicior an. 545. adversus Sulpitium Prætorem fuit: dum vexat Eleos, intra Elim admissi Romani milites in Macedonas erumpunt. Philippus dum in Romanam cohortem fortiter incurrit, effusus equo vix post acrem pugnam receptus a suis evasit; qua gemina clade castigatus pacem, Epirotarum opera, obtinuit. At bellum haud multo post iterum exarsit; quod Athenienses Romani nominis socios infestaret. Bis justo prælio a T. Quintio Flaminino pugnatum est, semel ad Apsum an. 555. iterum ad Cynocephalas an. 556. utrobique victus Philippus, pacem denuo petit, filiumque Demetrium mittit obsidem.

IV.
Exitus.

Hæ a Romanis impetratæ Philippo leges: ut captivos Romanis redderet & transfugas, ut omnes Græcæ civitates sive Asiæ sive Europæ essent liberæ; mille talenta Romanis penderet; præterea Corinthus Achæis daretur; aliaque id genus. T. Quintius, confecto bello, in ludis Isthmicis hæc verba per præconem recitari jussit: *Senatus Populusque Romanus & T. Quin-*

T. *Quintius Imperator*, *Philippo Rege Macedonibusque devictis*, *liberos*, *immunes*, *suis legibus esse jubet Corinthios*, *Phocenses*, *Locrenses*, &c. Quod tantus repente clamor excepit, ut supra stadium volantes corvi, si *Plutarcho credimus*, in terram deciderint: tum *Græci summis laudibus efferre Romanam gentem*, quæ pro aliorum libertate bella gereret, idque unum studeret maxime, ne quod in orbe terrarum injustum esset imperium.

Duo *Philippo* erant filii, *Perseus* natu major ex matre impari, & *Demetrius*, quem & Romanorum amicitia & *Persei calumniis suspectum necari* iussit; ipseque paulo post dolore moritur. *Philippum* excepit *Perseus*, ut regni, ita paterni in Romanos odii hæres. Quod *Basternos*, *Thraces*, aliasque gentes ad bellum excitaret, ipsi bellum a Romanis anno 582. indicitur; quod quarto anno post & ipsius & regni *Macedonici clade finitum est*. Læta quidem *Perseo belli initia* fuere: *Licinium Crassum* primo congressu vicit; sed paucis post diebus parem prope, quam intulerat, cladem accepit. Secunda etiam fortuna contra *Mancinum* usus est; varia adversus *Marcium Philippum*: donec an. 585. ab *Æmilio Paulo* ad *Pydnam devictus fugit Amphilopolim*, indeque *Samothraciam*; ubi captus ab *Octavio* ad Consulem perductus est. Ab *Æmilio Macedonia*, quatuor in partes descripta, facta provincia est: trium dierum triumphus *Æmilio* permissus; infinita vis auri, argenti, vasorum, statuarum, & alia hujusmodi delata; quibus succedebat currus *Persei* & arma, iisque impositum diadema, illius liberi, ipseque *Perseus* pullo amictu testus: secundum hos *Æmilius* curru ornatissimo invectus est, purpura insignis, dextra frondem lauri tenens: post currum Imperatoris exercitus lauro coronatus sequebatur.

Andriscus infimæ sortis homo, cum se pro *Philippo Persei filio* gereret, a *Demetrio Rege Syriæ* in vincula conjectus; sed inde clam aufugiens *Macedonas* ad suas partes allicit. *Juventium Prætorem* an. 604. vincit, occiditque. *Juventii* necem ultus est *Q. Metellus*, qui duobus præliis *Andrisci* fregit audaciam. *Andriscus* amisso exercitu a *Byzo Thrace* pro-

V.
Secun-
dam.

VI.
Æmili-
trium-
phus.

VII.
Ter-
tium.

ditus in Metelli potestatem venit, cui *in malis iis indulgit fortuna, ut de illo populus Romanus, quasi de vero Rege, triumpharet.* Ita recepta an. 605. Macedonia est, & Macedonici cognomen Metello partum.

VIII.
Singulo-
rum ca-
ussa.

Tria igitur Macedonica bella fuere: primo causam præbuit a Philippo pacta cum Annibale societas; secundo clam sollicitata a Perseo cæterarum gentium auxilia; tertio Andrisci temeritas. Primum duravit ab an. 539. ad 557. per annos 18. alterum quatuor annis ab an. 572. ad 586. tertium duobus ab an. 604. ad 606. Philippum devicit T. Quintius Flamininus; Perseum L. Æmilius Paulus; Andriscum Q. Metellus Macedonicus.

IX.
Illyri-
cum.

Eadem Gentii Illyriorum Regis, quæ Persei, fortuna fuit: is enim a Perseo per fraudem inductus in periculi societatem ab L. Anicio Prætor eodem anno victus est, captus, & in triumphum ductus; & Illyricum itidem ac Macedonia in provinciæ formam cessit.

C A P U T V.

B E L L A

*Antiochenum, Etolicum, Achaicum;
& Asiaticum.*

I.
Belli An-
tiocheni
caussa.

II.
Prælia.

E Bello Macedonico bellum aliud adversus Antiochum Syriæ Regem ortum est. Pacis cum Philippo initæ conditionibus cautum erat, ne Græcis civitatibus sive Philippus in Græcia, sive Antiochus in Asia noceret; omnesque suis legibus uterentur. Monitus a Romanis Antiochus, ut Græcas urbes liberas dimitteret, respondit, *asiam nihil ad Romanos pertinere; nec magis iis inquirendum, quid Antiochus in Asia, quam Antiocho, quid in Italia populus Romanus faciat.* Stimulos Regi addebant & Thoas Ætolorum dux & fugitivus ex Africa Annibal. Ita bellum exarsit, in quo Polyxenidas Antiochi legatus quater navali prælio decertavit, bis contra Rhodios; bis adversus Romanos: semel & Rhodios vicit & ab iis victus est an. 563. Bis a Romanis Prætoribus su-
gatus,

gatus, semel a Livio an. 563. iterum ab Æmilio an. 563. Primo prælio naves tredecim a Romanis cum milite & remige captæ, decem demersæ: in altero vel captæ vel incensæ 42. Antiochus ipse bis terrestri prælio superatus est, primum a M. Acilio Glabrone an. 562. ad Thermopylas, deinde a L. Cornelio Scipione an. 563. ad Magnesium, quæ ad montem Sipylum est.

Continuo legatos de pace misit, quibus eadem, quæ ante victoriam, præscriptæ sunt leges, prædicante Africano. *Neque Romanis, si vincantur, animos minui; neque si vincant, secundis rebus insolescere. Europa, inquit, abstinete; Asiaque omni, quæ cis Taurum est, discedite: pro impensis deinde in bellum, factis quindecim millia talentorum Euboicorum dabitur.* Jussus etiam est Antiochus & elephantos & naves tradere & 20. obsides, maxime Annibalem & Thonantem Ætolum. *Benigne sibi a populo Romano factum, dixisse fertur Antiochus, quod magna cura liberatus modicis regni finibus uteretur.* E civitatibus Asiæ Eumeni aliæ cesserunt, aliæ Rhodiis, aliæ sui juris factæ.

Ex relata de Antiocho victoria belli contra Gallogræcos & Ætolos gerendi petita occasio est. Antiocho auxilia tulerant Ætoli; Galli tulisse dicebantur. An. 564. missi contra illos ambo Consules, Cn. Manlius Vulso adversus Gallos, adversus Ætolos M. Fulvius Nobilior. Gallis in montibus, quo se receperant, gemino prælio a Manlio victi, primum Tolistobogii & Troemii, deinde Tectosages: pax visis data, sed negatus victori triumphus, quod causa belli Senatui non probaretur. A Fulvio Ambracia, regia olim Pyrrhi, tum gentis caput obsessa est; iisque legibus sancita pax, ut Ætoli arma, equos, captivos, & perfugas traderent quingenta Euboica talenta solverent, eosdem cum Romanis & amicos haberent & hostes.

Achaicum bellum vel ex nimia Achæorum potentia, ut visum est Justino, vel ob legatos superbius appellatos, ut placet Ciceroni, conflatum est. Achæi cum in unum Reipublicæ corpus multos Græciæ populos allicerent, Lacedæmonios in eandem societatem adeptis legibus invitos compulerunt. Quæsti sunt apud

III.
Faci-
condi-
tiones.

IV.
Gallos
græcum
& Æto-
licum.

V.
Achæi-
cum.

apud Romanos Lacedæmonii; missi a Senatus Corinthum legati, qui non modo Lacedæmonem, sed Corinthum etiam, Argos, Heracleam ab ea societate divellerent. Agente Critolao orta repente seditio est; in peregrinos omnes sævitum, maxime in Lacedæmonios; Romani fuga sibi consuluerunt. Dux appellatus est ab Achæis Critolaus, illique suffectus Diæus; sed uterque a Q. Metello victus, ille ad Thermopylas, hic in Phocide an. 606 Sublektus Metello Mummius bis cum Diæo confligit: primum ab eo per insidias fusus, illum deinde victoria exultantem ad Leucopetram devicit. Diæus in domum refugit, eam incendit; conjugem ferro, se veneno enecat. Corinthus a Mummio capta & incensa, sublatus Græciæ concilium: missus quotannis juris dicendi causa Prætor; Græciaque omnis, cui tum Achajæ nomen teste Zonara inditum, in deditionem accepta est: ejusdem bellī contagione Thessalia & Epirus Imperio adjuncta.

VI. Achaicam victoriam bellum Asiaticum excepit. Attalus Pergami Rex populum Romanum moriens hæredem scripserat; quod cum ipsius cognatis ægre esset, tum maxime Aristonico. Is (sive Eumenis ex pellice filius, ut tradit Justinus, sive mentitus regiam stirpem, ut scribit Vellejus) urbes Asiæ multas, qua vi, qua deditione, occupat: mittitur adversus illum an. 622. P. Licinius Crassus Mutianus, qui, prædæ Attalicæ attentior quam bello, ab eo victus est, & dum fugit a Thrace, cujus in oculum virgam impeggerat, cæsus; homo, ut tum ferebatur, felicissimus; quod *ditissimus* esset, quod *nobilissimus*. quod *eloquentissimus*, quod *Pontifex maximus*. Nec diu tamen Aristonico victoria frui licuit: ut enim auditum est Romæ periisse Crassum, Perpenna Consul in Asiam advolat, Aristonicum fugat, & Stratonicæ, quo fugerat, ad deditionem cogit. Mortuo Perpennæ subrogatus L. Aquilius belli reliquias confecit an. 624. cui tamen id crimini datum est, quod præter fas moresque majorum fontes veneno infece- rit: sic *Asia facta Romanorum provincia*, inquit Justinus, *cum opibus suis vitia quoque Romam transf- misit.*

C A P U T VI.

B E L L A

Ligusticum, Gallicum, Celtibericum, Numantinum, Lusitanicum, & Viriathicum.

CUM Liguribus anno Urbis 515¹ quod infestarent I. Etruriam, bellum geri cœptum est. A multis Ligusticum. Consulibus T. Sempronio Graccho, L. Posthumio Albino, Q. Fabio Maximo, M. Æmilio, & P. Furio Philo cæsi sunt. Tum societatem & fœdus an. 535. ineunt cum Annibale; quare fugatis ex Italia Pœnis renovatum an. 556. in eos bellum est: cumque in multas gentes distracti essent, alii ab aliis Consulibus devicti; a Q. Minutio Iluates, Apuani a C. Flaminio, a M. Lepido Briniates. Ingauni a L. Paulo superati, & paulo post ad 40. millia an. 573. a P. Cornelio Lentulo & M. Brœbio translatis in Samnium. Necdum tamen quievêre Ligures, a quibus Q. Petilius ad montem Lætum cæsus est; quare M. Popilius multa eorum millia vendidit an. 580. diruit oppida, agros ademit; quæ tamen cum præter jus facta viderentur, Senatus rescidit. Sub hæc victi sæpius a M. Claudio Marcello, C. Sulpicio Gallo, M. Fulvio Nobiliore, denique an. 638. M. Æmilii Scauri victoria domiti; regio in provinciæ formam redacta; ipsique Romano Pretori parere jussi. Ita bellum cum Liguribus annos 123. tenuit; quod an. 516. cœptum, ab Æmilio Scauro an. 638. confectum est.

Devictis, uti dictum est supra, Gallis Senonibus II. an. 525. C. Flaminius Tribunus plebis legem tulit, Gallicum. ut ager Picenus & Gallicus viritum divideretur. Boii, cum se injuriæ proximos cernerent, cum vicinis Insubribus fœdus ineunt; Gallos evocant Gefatas (ita enim a mercede, qua conducti erant, dicti sunt) irrumpunt in Etruriam an. 528. contra quos, si tamen Polybio adhibenda fides, peditum millia septingenta, equitum septuaginta, conscripsere Romani, a quibus Æmilio Pappo & Attilio Regulo Con-

Consulibus Galli ad 40. millia cæsi ad Fæfulas; victi etiam a Quinto Fulvio an. 526. tum a M. Marcello an. 532. a quo Viridomarus Gessaterum Rex singulari certamine occisus. Ita Boii & Insubres in Romanorum ditionem venerunt; eorumque regio facta provincia est. Sed paulo post deficiunt ad Annibalem; quo ex Italia pulso, missus contra eos an. 554. P. Ælius, deinde an. 555. Insubres, Boii, & Cenomani a L. Furio Purpureone ad Placentiam ingenti clade victi; alternis deinde & victoriis & cladibus propagatum bellum est, donec an. 562. P. Cornelius Nasica Bojos ad deditionem compulit: an. 566. a M. Æmilio Lepido Gallia citerior in formulam provinciæ iterum descripta est.

III.
Celtibericum.

Ejectis ex Hispania Carthaginensibus, regio omnis in varias gentes distracta est; aliæ Romanis parere iussæ; cum aliis fœdus initum; cum aliis non item: unde varia exarsere bella. Cum Celtiberis fœdus erat; iis tamen, quod auxilio Turdetanis adversus Romanos venerant, bellum indictum est, Primum a M. Catone, qui citeriori Hispaniæ præerat, victi sunt; deinde a M. Fulvio, tum a Q. Fulvio Flacco, denique a Tit. Sempronio Graccho, a quo pacis in posterum servandæ ipsi prescriptæ leges: ut certam pecuniæ summam quotannis tributum nomine solverent; ut mitterent auxilia, ne urbem conderent: unde bellum 26. annis post renovatum est. Segedani (potens erat Celtiberorum civitas) traductis ad se multorum oppidorum civibus, an. 600. murum ambitu 40. stadiorum ducere instituunt; de quo ut Romam allatum est, missus qui illorum coereret audaciam Q. Fulvius. A Segedensibus Caros vir bello strenuus dux eligitur; primo congressu Romani ad sex millia cæsi; deinde totidem cum Caro Celtiberi; paucis post diebus iterum pugnatum est, fusi Comani, quorum quatuor millia, dum alii alio diffugiunt, a Numantinis trucidata. Unde Numantinum bellum exarsit. Sub hæc a Q. Metello Macedonico fractæ Celtiberorum vires, captaque Contrebia an. 611. ubi pulsas præcipiti loco cohortes eodem protinus subire jubet; nec proposito deterritus, quod milites velut ad certam mortem ituri in procinctu
testa-

testamenta facerent, militem, quem moriturum miserat, victorem recepit.

Parta victoria Numantinis jubet, ut & Segedenses & fugitivos dedant, & arma deponant; utrumque detrectant. Exinde, licet & numero & opibus longe impares multas Romanis clades intulerunt. Q. Pompejus, dum Numantiam obsidet, an. 614. sæpe ab iis fusus, cæsus an. 615. Popilii exercitus; triginta Romanorum millia sub Mancino a quatuor Numantinorum millibus fugata; paxque ea clade turpior accepta; quæ a Senatu cum esset rescissa, Mancinus Numantinis manibus post tergum revinctis traditus, desertusque a suis & ab hostibus non receptus, lacrymabile utrisque spectaculum fuit. Subrogatus Mancino P. Scipio Africanus minor, qui Numantinos fundit, & intra urbem obsidet; cives pars ferro alii veneno, alii flammis perierunt; urbs nullo superflite solo æquata, anno Urbis 621. Ita finitum Scipionis virtute bellum Celtibericum est, anno postquam cœperat 21. & Numantinum anno nono postquam Numantia defecerat.

Ex Celtiberia in Lusitaniam belli contagio pervaserat, sæpeque ulterioris Hispaniæ Prætoribus cum Lusitanis negotium fuit, a quibus Punico duce fusi an. 599. Manlius & Calpurnius Romani Prætores; deinde duce Cæsare an. 600. Mummius, qui tamen eos victoria exultantes ad 20. millia cecidit; ab Attilio Oxthrace gentis caput an. 601. vi capta, multique in deditionem accepti: sed ab eo cum paulo post defecissent, ut Servilius Galba successor Attilii advenit, ed eum de pace legatos mittunt an. 602. Benigne illos excipit Galba, terram ubi habitent feraciorum daturum se simulat, tum gentem in tres partes dividit, omnesque separatim trucidari imperat. Evadere tamen ex illis pauci, quos inter Viriathus fuit, qui ex venatore latro, ex latrone Dux atque Imperator, gentis suæ cladem ultus est.

Viriathi in bello gerendo industria cum sæpe alias tum maxime adversus C. Vetilium enituit; a quo in locum iniquum compulsus, primum deluso hoste exercitum an. 603. eduxit incolumem; deinde Vetilium, fractis insidiis, cum quatuor Romanorum mil-

IV.
Numan-
tinum.

V.
Lusita-
nicum.

VI.
Viri-
thicum.

millibus cecidit; Tithos, qui Romanis auxilio venerant, occisione delevit; C. Plautium semel atque iterum vicit; Claudium Unanimum cum exercitu delevit; C. Nigidium cum suis oppressit. Nec secunda tamen semper fortuna usus est: a C. enim Lælio an. 608. a Q. Fabio Maximo Æmiliano an. 609. a Q. Fabio Serviliano an. 611. fusus est. At Erisanem urbem dum Fabius obsidet, eruptione facta, Romanos vertit in fugam, Prætorisque exercitum in loca prærupta compulit; cumque facilis esset victoria, sibi suisque in futurum prospiciens, pacem petiit, obtinuitque an. 612. quam, licet a Senatu rata esset, rescindi curat Servilius Cæpio, & Viriathum dolo per suos anno belli undecimo interimit, ingenti Romani nominis dedecore. Junius Brutus persecutus belli reliquias Callaicos, qui auxiliis Viriathum juverant, cæsis hominum 50. millibus, perdomuit an. 617. & Callaici cognomen adeptus est.

CAPUT VII.

BELLUM

*Jugurthinum, Cimbricum, Mithridaticum,
Allobrogicum, Gallicum, Parthicum.*

I. **J**ugurtha Massinissæ ex Manastabale filio nepos & Micipsa una cum filiis, ne quid eis noceret, testamento hæres appellatus erat: at Micipsa mortuo, ipse filios, dolo Hiempsalem, Adherbalem per vim enecat an. 540. Bellum Romæ, agente Memmio Tribuno plebis, in Jugurtham decretum est; missusque in Africam cum exercitu Consul Calphurnius Bestia, qui multas urbes pugnando capit, sed ab eo Jugurtha, ut in deditionem accipiatur, impetrat. Cultu quam maxime miserabili Romam venit, ubi Massivam Massinissæ nepotem interficit; quare Italia decedere jussus, multis artibus Sp. Albinum Consulem an. 644. deludit, Aulumque ipsius fratrem aggressus, Romanum exercitum sub jugum mittit, & intra decem dies Numidia excedere imperat. Suffectus

Æus Albino Metellus an. 644. Romanam rem restituit: ab eo Jugurtha semel atque iterum victus est. Thala capta, multa oppida direpta, Numidæ multi in servitutem abducti. Nec felicior adversus Marium Jugurtha fuit, a quo an. 646. debellatus est, & prodicione Bocchi Mauritaniz Regis, ad quem fugerat, Syllæ traditus, Mariique cohonestato triumpho, in carcere necatus est.

Inter hæc cum Cimbris & Teutonibus bellum erat, a quibus multæ Romanis illatæ clades. Gens ab extremis Galliz partibus profuga, inquit Florus, quod ipsius terras inundasset Oceanus, cum sedem certam non haberet, agrum, quem incolat, a Senatu petit; quod cum non impetraret, Papyrium Carbonem an. 640. cum exercitu fundit: pari clade Silanus an. 644. ab iis victus est: fugatus itidem an. 645. Aurelius Scaurus: fœdior etiam an. 646. L. Cassii Consulis calamitas, qui a Tigurinibus cum exercitu cæsus est; Legatorum alter L. Piso Consularis interfectus; alter Q. Publius, ne reliqua pars exercitus deleteretur, & obsides dare & mediam rerum omnium partem coactus est: sed hæc cladis a Cæpione acceptæ præludia. Fama fuit eo prælio 80. Romanorum milla sociorum 40. calorum & lixarum 60. trucidata; Aurelius Scaurus Consularis cæsus; cæsi duo Manilii Consulis filii; bina castra ab hostibus capta, vestis captiva discissa, aurum & argentum projecta in flumen, equi fluvio immerfi, homines suspensi ex arboribus, nihil ut prædæ victor, nihil misericordiz victus agnosceret: decem tantum cladis nuntii ex tanto exercitu superfuerunt. Abrogatum Cæpioni imperium est, delatum Mario una cum Consulatu: qui primum Teutonas & Ambrones ad Aquas Sextias an. 631. solus delevit, cæsis 200. millibus, captis 20. deinde cum Catulo Collega Cimbros ad Vercellas an. 632. interfectis 150. millibus. Ita bellum Cimbricum C. Marii virtute duodecimo postquam cœperat anno finitum est.

Inter Romana bella, Mithridatica a Scripto-ribus maxime celebrantur, sive ob diuturnitatem, sive ob ducum a quibus gestum est præstantiam, sive ob rerum magnitudinem. Tria cum Mi-
thri,

II.
Cimbricum.

III.
Mithridaticum

thruidate bella fuerunt, alia ex aliis orta; primum confecit Sylla, alterum Muræna, tertium Lucullus & Pompejus,

IV. Ariobarzanes, & Nicomedes e suis regnis, ille e
Pri- Cappadocia, hic e Bithynia, a Mithridate, semel ac-
mum. que iterum eiectioni; bis invito Mithridate restituti
sunt, primum a L. Sylla, deinde a M. Aquilio, cu-
jus consiliis Nicomedes in Mithridatis ditione ir-
rumpit. De injuria apud Romanos cum frustra que-
stus esset Mithridates, Nicomedem rursus Bithynia
expellit: ita bellum ne consulto quidem Senatu cœ-
ptum est. Primo congressu victi Romani, captus
Oppius, M. Aquilius belli auctor asino per Asiam
circumvectus: Sub hæc Mithridatis jussu, sive Ro-
manorum, sive Italicorum hospitem 150. millia per
Asiam trucidata; bona partim Regi, partim percus-
soribus cesserunt; seruo libertas data, si herum oc-
cideret; debitori, si creditorem, pecuniæ media
pars. Deinde ipse Macedoniam, Thraciam, Græ-
ciam, Athenas in potestatem redigit. Contra hunc
missus Sylla Consul Athenas capit, & Archelaum
Mithridatis ducem gemino prælio vincit, primo an.
666. ad Chæronæam, altero an. 667. ad Orchome-
non; deinde transmittit in Asiam, Fimbriam exer-
citu spoliatur; Mithridatem minis territum ad pacis
conditiones adigit, eumque jubet Asia, Bithynia,
Cappadocia decedere.

V. Renovati adversus Mithridatem belli invidia pe-
Secun- nes Murænam fuit. Contra Bosporanos dum parat
dum. classem Mithridates, Archelaus, cui jam diffidebat,
fugit ad Murænam Asiæ Proconsulem, ipsique au-
ctor est, ut Mithridati prior bellum inferat; ne sua
classe contra Romanos uteretur. Continuo Muræna
in Cappadociam irrumpit an. 671. monitusque a
Senatu, ut a foederato Rege injuriam abstineret,
non paruit: quare in illum movet Mithridates,
eumque magna clade afficit; tum Muræna jussus est
a Sylla arma deponere: ita foedus cum Mithridate
iterum percussum est an. 672.

VI. Nec diuturnum tamen Mithridatis ambitione fœ-
Tertium dus fuit; dum enim adulatores ipsum cum Pyrrho;
sub Lu- Sertorium, cujus tum ingens fama erat, cum Vi-
cillo, ria-

riatho conferunt: inita belli societate cum Sertorio 40. millia peditum, 16. equitum comparat, & Bithyniam, quæ Nicomedis interitu Romanis cesserat, invadit: missi adversus illum ambo Consules L. Licinius Lucullus & M. Aurelius Cotta; alter ut cum Mithridate bellum gereret, alter ut Bithyniam tueretur. Cotta, ne Lucullus esset triumphii particeps, cum Rege solus configit, & vincitur: at Lucullus Mithridatem bis victum semel an. 679. ad Cyzicum, iterum an. 680. ad Ætolum flumen in Pontum compulit; deinde inter angustas montium fauces an. 681. & castris & exercitu spoliatum fugavit in Armeniam ad Tigranem; quem Lucullus cum 200. peditum millibus, equitum 60. an. 683. ultra Euphratem ingenti prælio devicit, cæsis hostium centum millibus: post Tigranocertam urbem regiam & Nisibim capit, ubi inventa infinita vis auri argentique, denique a militibus suis destitutus, tot victoriarum fructum Pompejo cedere coactus est an. 687.

Luculli laboribus facilem nactus victoriam Pompejus Mithridatem nocturna pugna superatum in Scythiam an. 687. fugere compulit: tum Tigranes duos patrem & filium supplices accipit; patrem, adempta Syria, contentum sola Armenia esse jubet; filium, quod superbius responderet, conjicit in vincula. Artocem Iberorum & Oresen Albanorum Reges an. 688. & superato Tauro Antiochum Comagenum, devictos in amicitiam recipit; Darium Medum, Aretam Nabathæum, Aristobulum Judæum vincit; pacem inter Phraatem Parthorum & Tigranem Armenorum Reges conciliat; occupat ditio- nem omnem Mithridatis; multosque in Asia Reges an. 691. constituit, Ariobarzanem Cappadociæ, Antiochum Comagenum Seleuciæ, Pamphilæ Attalum, Aristarchum Colchorum, Bospori Pharnacem filium Mithridatis, qui undique pulsus, dum in Gallias fugam meditatur, & exercitus & Pharnacis ipsius defectione perterrefactus veneno sibi mortem conscivit an. 690. Ipsius morte bellum Cicero- ne Consule terminatum est post annos 46. ex Justino; 40. ex Floro & Eutropio; 30. ex Orosio; vel,

VII.
Sub
Pompe-
jo.

quod verius putem, post annos 26. Cœptum enim est an. 664. ante Syllam Consulem, & an. 690. quo Consul Cicero, finitum est. Secundum hæc, in Italiam Pompejus rediit, & triumpho splendidissimo in Urbem an. 692. inuestus est, totius orbis dominator, tribus triumphis, ex Africa, ex Europa, ex Asia longe clarissimus.

VIII.
Allobrogicum.

Ultra Alpes duo a Romanis bella gesta sunt, prius Allobrogicum dictum est, posterius Gallicum; Allobrogici hæc causa fuit. Erant in Gallia Romanorum socii Massilienses & Ædui: illos infestabant Salyes, gens erat Ligurum; hos Arverni & Allobroges. Quare missi in Galliam an. 628. M. Fulvius Flaccus, & an. 629. C. Sextius, a quibus Salyes perdomiti: an. 632. Cn. Domitius Ænobarbus, & an. 633. Q. Fabius Maximus Æmilianus, a quibus Arvernorum Rex Bituitus bis ingenti suorum clade victus est, primum a Cn. Domitio ad Vindalium sive Undalum oppidum, deinde a Fabio ad Isaram, ubi cæsa hostium 150. millia ex Orofio, vel 120. ex Liviana Epitome; Bituitus per fraudem captus Albam missus est, gens Allobrogum in deditionem accepta, Fabioque cognomen *Allobrogici* inditum est.

IX.
Gallicum.

Cæsar, Pompeji Crassique amicitia omniumque ordinum gratia fretus, duas Gallias Cisalpinam & Narbonensem an. 695. obtinuit, novemque annorum spatio regionem omnem, quæ Alpibus, Pyrenæis montibus, Rheno Rhodanoque fluviis continetur, in provinciæ formam redegit. Res illi primum fuit cum Helvetiis, quos an. 695. ad Ararim concidit, deinde cum Ariovisto Germanorum Rege, quem prælio victum fugavit ultra Rhenum; deinde & Belgæ ad Axonam an. 696. & Veneti an. 697. navali prælio devicti; cæsi Senatores, reliqui ad terrorem sub corona venditi: Lexovii a Sabino, a Crasso Aquitani, Subalpini a Galba, Menapii & Morini ab ipso Cæsare perdomiti. An. 698. iterum cum Germanis negotium fuit, qui suis pulsi sedibus, dum vagantur per Gallias, magna strage cæsi sunt; pons subinde Rheno impositus, fugati Siccambri; tentata semel atque iterum, quo nullus Ro-
mano-

manorum haftenus penetraverat, Britannia, factaque vestigalis; Ambiorix & Vercingentorix in Galliis defectionis auctores diversis preliis fracti; & an. 699. & 701. Velodunum, Gennabum, Noviodunum, Avaricum, Alexia nobilissima tum Galliarum oppida, vel capta, vel diruta; excitati per hiemem Gallorum motus an. 702. compressi, Galliaque omnis in deditionem accepta.

Parthici belli ut causa, ita etiam exitus longe dispar fuit. M. Crassus iterum cum Pompejo Consul ita cum Cæsare & Pompejo pactus erat, ut eorum alter Gallias, alter Hispanias, ipse Syriam fortiretur. Ut venit in Siriam homo jam senex, contra jura cum Parthis inita, injustus bellum Orodi indicit; de quo illud Dejotari fertur non illepidum, ad quem cum ex itinere divertisset Crassus, eumque jam senio confectum ædificare offendisset; *Duo-decima hora*, ait Crassus, *ædificare incipis*: cui subridens Dejotarus, *Atqui neque tu*, inquit, *matutinus admodum Imperator contendis in Parthos*. Anno igitur 699. transit Euphratem, in Mesopotamiam penetrat, ditionis Parthicæ oppida aliqua diripit, tum redit in Syriam, ubi templum Hierosolymitanum spoliat: spretis tum Armenii Regis, tum suorum consiliis, iterum in Parthos movet. Occurrit cum Parthorum exercitu Surenas; primo congressu Crassi filius occiditur; ipse cum reliquo exercitu fugit, obsidetur Carrhis; unde proditore duce fugiens circumvenitur a Parthis, quos dum adit spe pacis, ab iis perimitur. Nec ipsius morte extinctum bellum est: victores Parthi irruunt in Syriam; jamque laborabat in Oriente Romana res, nisi Q. Cassius Quæstor Parthis summa virtute obstitisset.

X.
Parthi-
cum.

C A P U T VIII.

B E L L A

Servilia, Sociale, Piraticum, Balearicum, & Creticum.

Unus quidam natione Syrus, fanatico furore simulato, servos in Sicilia quasi Syriæ deæ imperio ad libertatem an. 618. vocat, & 60. amplius

I.
Bella
Servilia.
Primum
Euni.

millium colligit exercitum, si Floro credimus. Illius exemplo Cleonitidem servus, ut Livius auctor est, 70. servorum millia contraxit. Ab his Prætorum quatuor Manilii, Lentuli, Pisonis, & Hypsæi sæpe fusi exercitus, castraque direpta; donec a Rutilio vel Rupilio (aliter enim vocatur ab aliis) vi Tauro-menium, proditione Enna capta an. 621. servorumque alii in prælio ceciderunt, pars e rupibus ad præcipites, pars suppliciis necati. Cleon eruptione facta fortiter dimicans occubuit: Eunus a Romanis captus in carcere periit. Hæc Diodorus.

II.
Secun-
dum Sal-
vii.

Aliquanto post, Servile bellum an. 645. recruduit. Adversus Cimbro dum bellum gerit Marius, a Nicomede Rege Bithyniæ petit auxilia; is respondet Bithynos a publicanis in servitutem majori ex parte abstractos: quare Senatusconsultum editum est, ne quis ingenuus ex populi Romani focis in provincia servituti addiceretur. Licinius Nerva in Sicilia Prætor intra paucos dies 800. servos libertati restituit; cæteri, quibus negata libertas erat, conspirant: alii a Prætore cæsi sunt, alii Salvium quemdam tibicinem Regem appellant, qui Morgantiam continuo obsidet, Romanos fundit: Athenionem, qui ab aliis Rex electus erat, adiscit militiæ principem; regiaque sumit insignia, & Tricalam regni sedem constituit. L. Licinius Lucullus contra illum missus 20. servorum millia cecidit. Salvio mortuo a servis sublectus est Athenio, quem M. Aquilius an. 652. insigni prælio devicit, & singulari certamine interemit; cæteri vel cæsi vel capti, Romæque contra bestias pugnare iussi: quibus bellis centum servorum myriades periisse tradit Athenæus.

III.
Tertium
Sparta-
ci.

Tertium subinde bellum in Italia an. 680. excitavit Spartacus genere Thrax, qui Romanorum alias militiam secutus, tum ex servo gladiator 70. focis persuasit, ut pro sua potius libertate pugnarent, quam pro civium voluptate. Lentuli, qui eos alebat, ludus continuo effractus; arma & Capuanis & viatoribus erepta; Ducesque appellati Spartacus, Ænomaus & Crixus. Ab iis Clodius Prætor exutus castris, sæpe fusus P. Varinus: L. Gellius Consul, qui

qui Crixum vicerat, a Spartaco itidem victus est; a quo etiam fugatus Consul Lentulus an. 681. jamque Urbem cum 110. peditum millibus victor petebat, cum occurrit M. Crassus, a quo semel atque iterum superatus est: in secunda pugna Spartacus tragula femur trajectus, vel in genu subsedit ex Appiano, vel per tela & vulnera Crassum petens, Centuriones duos interemit, ex Plutarcho. Denique suis in fugam effusis, dum ipse locum tenet, acriter pugnans cecidit: multi ex prælio in montes elapsi a Romanis cæsi sunt, ad sex millia capti, qui per viam, qua Romam itur a Capua pependerunt. Hæc fere Appianus.

Huic bello multiplex nomen fuit, *Sociale*, *Italicum*, *Mariscum*, quod a Sociis, ab Italis, a Marfibus gestum sit. Belli auctores vulgo feruntur Silo Popædus & M. Drusus; dum alter Italos ad spem civitatis erigit, alter ad bellum, nisi civitas detur, excitat. Hæc igitur una belli causa fuit, quod jus civitatis poscerent Itali, negaret Senatus: bellum Asculi cæptum est, ubi Servilius Proconsul ipsiusque Legatus Fonteius interfecti, alii Romani cives trucidati, bonaque eorum direpta an. 662. Ubi in apertum bellum odia eruperunt, institutus est ab Italis Corfinii Senatus, creati Consules itidem ac Romæ Q. Popædus Silo & C. Aponius Motulus, variæ utrinque & acceptæ & illatæ clades; Sex. Julius Cæsar duo suorum millia amisit, quatuor Licinius Crassus; fusus Perpenna; Cn. Pompeius Firmum fugere coactus; ingenti clade concisus Sexti Cæsaris exercitus; Cæpio & Rutilius, ceciderunt in prælio, ille contra Popædium, hic adversus C. Papium. Hæc quidem an. 663. sed lætior multo Romanis fuit an. 664. Cn. Pompei Strabonis & L. Porcii Catonis auspiciis. Itali alii ab aliis ducibus domiti sunt; cæsa enim octo millia a L. Cæsare, 23. a Cn. Pompejo, 30. ad Nolam a L. Sylla, ubi Cluentius periit, 15. a Cosconio cum Trebatio duce, multa etiam a Catone, qui paulo post occubuit; Marfi, Marrucini, Vestini a Cn. Pompejo subacti, Apuli a Metello, contra quem Popædus cecidit; cæteri a C. Cosconio domiti pacem an. 665. petierunt: civitas omnibus cum

IV.
Sociale,
sive Ita-
licum.

pace data. Præcipuum in hoc bello victoriæ decus meruerunt Cn. Pompejus Magni pater & L. Corneli-
us Sylla postea Dictator.

v. Servili bello affine quodammodo est Piraticum; Pirati- alia tamen alii origo fuit. Victus a Sylla Mithri- cum. dates Piratas immisisse dicitur, qui Romanam clas- sem vexarent: hi primum numero pauci, deinde belli diuturnitate aucti viribus prædas agere, inva- dere oppida, in belli societatem Syros, Pamphylos, Cyprios, Ponticos adsciscere; maria, portus, sinus omnes a Syria ad columnas usque Hercules infestare; Cilicia, regio aspera & opportuna latrociniiis, sedes belli constituta; naves erant plusquam mille, ex Plutarcho. Ab iis intercepti sæpe commeatus, 400. capta oppida, Prætores multi fusi fugatique sunt; eos quidem vicit P. Servilius an. 677. illorum oppi- da Phaselin & Olympon diripuit, arcemque Ciliciæ munitissimam Isaurum cepit, unde *Isaurici* cogno- men retulit; nec his tamen cladibus fractæ Cilicium vires. Quare an. 686. bellum hoc tam late fulum A. Gabinii lege Pompejo decretum est; data 120. peditum millia, equitum quinque; naves vel 270. vel 500. ut refert Plutarchus; Legati Senatores 27. ex Appiano, 24. ex Plutarcho, 14. ex Floro, inter quos maria in 13. sortes descripta sunt, sua cuique assignata sedes. Dum Pompejus Piratas ingenti classe persequitur, alii tanti apparatus magnitudine territi in suas se arces recipiunt; alii levibus præliis ad 10. millia cæsi, eorum naves expugnatae 72. deditae 306. capta oppida 120. omnesque Pompeji clementiæ & fidei, arma, naves, captivos, prædas, seipsos permi- serunt. Ita contra Piratas, ne una quidem amissa navi, unius anni spatio ex Dione, tribus mensi- bus ex Plutarco, 40. diebus ex Floro, debellatum est. *Bellum*, inquit Cicero, *extrema hieme appa- ratum, ineunte vere susceptum, media æstate con- fectum.*

VI. Eadem prope & Balearici & Cretici belli causa, Balearicum & Creticum. quæ Piratici fuisse perhibetur. Balearibus datum cri- minum, quod piraticam exercerent; Cretensibus, quod faverent Mithridati. Utrumque bellum Metelli duo confecerunt; unde alter *Balearici*, alter *Cretici* co- gno-

gnomen sortitus est. Sed difficilior de Cretentibus victoria fuit. M. Antonius Triumviri pater, qui victoriæ spe plures in navibus catenas, quam arma tulerat, ab iis an. 685. victus est; Metellus insulam igni ferroque populatus, illos præliis aliquot fregit, multas cepit arces, insulamque omnem redegit in provinciæ formam an. 687. quæ vix tribus annis difficili bello perfecta sunt.

C A P U T IX.

Bella Civilia.

A Sociali bello ad Civile ventum est; cujus occasio Marii ambitio fuit. Bellum Mithridati indictum erat duce L. Sylla. C. Marius tantam gloriæ segetem Syllæ Legato olim suo invidens, per Sulpitium Tribunum plebis eam ipsi provinciam eripuit, & in se transtulit; quare commotus Sylla an. 665. Urbem occupat, occisoque Sulpitio Marium fugat, qui post errores varios in Africam se recipit. An. 666. Cornelius Cinna Consul, quod faveret Marianis, ab Octavio Collega Urbe pellitur; sed ab exercitu, qui circa Nolam erat, receptus Marium revocat ex Africa, junctisque viribus Urbem obsident: eaque deditione capta, principes civitatis obtruncant in veste & sede Consulari Octavium Consulem, illius Collegam Merulam, M. Antonium Oratorem, duos Cæsares Cajum & Lucium, Q. Catulum, aliosque, quorum alii alio mortis genere perierunt: leges Syllæ abrogatæ, domus diruta, bona publicata, ipse hostis judicatus, *nihilque illa victoria fuisset crudelius, inquit Vellejus, nisi mox Syllana esset secuta.*

Sub hæc; mortuo jam Mario, Sylla ex Asia victor an. 669. in Italiam rediit. Habebat sub signis vel 30. militum millia ex Vellejo, vel 40. ex Ap-
piano; Mariani ducenta prope millia; quorum princeps Cornelius Cinna a suis militibus, quod eos haberet paulo durius, cæsus est. Ambo Consules L. Cornelius Scipio Asiaticus & C. Norbanus an. 670. movent contra Syllam; sed ille ad Teanum spolia-

I.
Bella Ci-
vilia.
Sylla-
num.
Illius
causa.

II.
Et præ-
lia.

tus est exercitu, hic ad Canusium amissis suorum sex millibus fugatus: unde Carbo, *cum leone & vulpe sibi rem esse*, dixit. Inde omnia Syllæ prona fuerunt: 50. legiones a Lucullo ad Padum concisæ; a Sylla Marius junior ad Prænestæ victus, cæsis 20. millibus; apud Clusium ambo Consules ann. 671. Norbanus & Carbo: Carinas bis fugatus, semel a Metello, iterum a Pompejo & Crasso; bis itidem Marcius a Pompejo primum circa Senas, deinde ad Ariminum: denique Carinatem, Marcium Damasippum ad portam Collinam Sylla devicit; & Pompejus Carbonem in Sicilia, in Africa Domitium necat, Regemque Numidum Hiabam prælio victum capit.

III.
Syllæ
crudeli-
tas.

Sylla profligatis Marianis Urbem & Italiam stragibus complet: primum sex Marianorum millia prope ædem Bellonæ, ubi tum habebat Senatum, occidi jubet: deinde Dictator appellatus 80. cives proscribit, postero die 220., tertio non pauciores: alii per vicos, per templa, per porticus nec opinantes oppressi; alii sublimes correpti, & ad Syllæ pedes raptati; ex ipso equestri ordinis flore duo millia proscripta, qui fuga elapsi sunt, bonis spoliati: nec cædibus in urbe modus erat, donec victores admonuit Fursidius *vivere aliquos debere, ut essent quibus imperarent*. In locios etiam sævitum est, qui Marianos ope, consilio, milite juverant: alii alio abducti, alii mulctati pecunia, alii sub hasta venditi. Illud etiam de Q. Aurelio (homo dives erat) proditum est; quod cum inter proscriptorum nomina suum etiam legisset, nihil tale suspicatus, quod neutri parti favisset; *Væ mihi misero*, inquit! *fundus Albanus mihi procurat necem*: paulumque inde progressus necatus est. Ita Plutarchus. Sylla tot tantisque stragibus editis Dictatura sponte se abdicavit: quodque magis mirere, privatus vixit incolumis, quæ abdicatio Dictaturæ ita grata populo accidit, ut ejus funus incredibili & pompa & frequentia celebraverit.

IV.
Sertoria-
num.

Ex belli civilis scintilla ingens in Hispania extitit incendium. Sertorius, *vir summæ, sed calamitosæ virtutis*, inquit Florus, proscriptus a Sylla in Hi-

spa-

spaniam profugit an. 670. ubi populos lenitate sibi conciliavit; sed C. Annio, qui adversus ipsum missus erat, viribus impar bis in Africam trajecit: unde revocatus a Lusitanis exigua militum manu graves Syllanis ducibus clades intulit; Cottam navali pugna; terrestribus præliis Aufidium & Domitium superavit; Thoranium & Aquinum Metelli legatos oppressit: Metellum nova belli gerendi ratione sæpe delusit an. 674. Pompejum, qui Metello an. 675. auxilio venerat, bis vicit, primum ad Sucronem, deinde in campis Saguntinis. Sub hæc & Romanorum & Hispanorum animos a se alienat Sertorius; quod a Metello proscriptus Celtiberico se stiparet satellitio, & Perpenna graviora ab Hispanis tributa ipsius nomine exigeret: quare & a Pompejo sæpe fusus est, & Perpennæ scelere a suis occisus. Anno illius belli decimo, Perpenna ausus cum Pompejo confligere victus est, & illius jussu necatus: epistolas a viris Consularibus ad Sertorium scriptas Pompejus ne lectas quidem concremari jussit, ne novis indiciis novarum calamitatum auctor fieret. Ita Sertoriano bello an. 681. finis impositus est.

Post Crassi in Oriente cædem, cum neque parem Pompejus, neque superiorem Cæsar ferre posset, civile inter illos bellum exortum est. Fama tum erat æs alienum Cæsarem prope infinitum contraxisse, legibus solutum esse velle, largitione milites, magistratus, populi suffragia corrumpere, Dictaturam etiam affectare: unde Euripideum illud usurpare interdum solebat, teste Cicerone; *Si violandum est jus, regnandi causa violandum est; aliis rebus pietatem colas*. Petebat a Senatu, ut absens fieret Consul; sin minus, ut Galliam Cisalpinam & Illyricum cum duabus legionibus retineret, ne inimicorum vel calumniis pateret vel insidiis. Utrumque a Senatu negatum est: creati Consules Lentulus & Marcellus; Gallia L. Domitio Proconsuli data.

Cæsar Romam infesto agmine contendit. Flaminia, Piceno, Samnitibusque potitus Pompejum fugat ex Italia, Africanum & Petrejum in Hispania spoliatur exercitu, Massiliam per D. Brutum in dedi-

V.
Pompe-
janum.
Illius
caussa.

VI.
Et præ-
lia.

tio-

tionem recipit; Romæ init Dictaturam, deinde in Græciam transgressus quinque victorias de hostibus retulit: primam an. 705. de Pompejo ad Pharsalum; alteram ad Alexandriam an. 706. de Ptolemæo & Ægyptiis, tertiam de Pharnace in Ponto; quartam ad Thapsum in Africa an. 707. de Juba & Scipione; quintam de Pompeji filiis an. 708. ad Mundam in Hispania. Ita triumphis quinque Cæsaris ex Gallia, ex Ægypto, Ponto, Africa, & Hispania civile bellum an. 709. cum Reipublicæ ruina restitutum est.

VII.
Muti-
nense.

Postquam Cæsar a conjuratis in curia confossus est alia ex aliis bella exorta sunt. Primum excitavit M. Antonius Consul, qui in funere Cæsaris plebem in patriæ liberatores commovit; nefarias leges per vim tulit: invasit Galliam Cisalpinam; D. Brutum Mutinæ obsedit. Quare auctore Cicerone bellum a Senatu contra illum decernitur an. 710., missi ad liberandum Brutum ambo Consules Hir-tius & Panfa, itemque Octavius adolescens, quem ex dodrante sibi hæredem Cæsar scripserat. Collatis signis victus quidem Antonius, sed cæsi ambo Consules; unde tres exercitus uni paruerunt Octavio, qui natus annos 20. Consulatum per vim extorsit, dumque Senatus tentat eum paulatim cogere in ordinem, cum Antonio & Lepido in patriam conspirat, unde Triumviratus extitit, & gravia subinde bella.

VIII.
Philip-
pense.

A Triumviris cum multi Romani cives, tum Senatores 130. proscripti, e quibus præstabat Cicero, cujus caput & manus pro rostris affixa: deinde Romanus orbis trifariam divisus; Oriens & Græcia Antonio, Lepido Africa, Italia & Occidens Octavio obvenit. Sex. Pompejo, qui classe plurimum valebat, Sicilia permessa: post, percussores Cæsaris Brutum & Cassium bello persequi Triumviri cœperunt; ad Philippos (urbs erat in Macedoniæ & Thraciæ confinio ad radices Pangæi montis) pugnatum est. Utrinque cornua dextra vicerunt, utrinque direpta castra, Cassii ab Antonio, Octavii a Bruto; utrinque par clades erat, cum error fecit imparem. Cassius victus victum quoque Brutum ratus, mortem

ul-

ultero sibi conscivit. Brutus altero quoque prælio haud multo post superatus, sua ipse manu occidit, & cum eo Reipublicæ spes omnis. Percussores Cæsaris intra triennium omnes sublatis morte violenta; alii tamen alio mortis genere, quidam etiam eodem, quo Cæsarem confoderant, pugione seipsos interfecerunt.

In Italiam vix redierat Octavius, cum ipsi negotium fuit cum L. Antonio Triumviri fratre. Octavius militibus agros distribuerat: antiqui possessores ad optimates, maxime ad Antonium Consulem, confugere, eorum implorare opem. Flammas etiam incendio subdebat Fulvia M. Antonii uxor: causa Cæsaris invisa populo; quare L. Antonium contra ipsum Imperatorem appellat: sed is viribus impar Perusiam an. 712. se recipit, ubi ab Octavio obsessus ad deditionem an. 713. compulsus est.

IX.
Perusi-
num.

Longe difficilior de Pompejo, qui Siciliam tenebat, victoria fuit. Cum oras Italiæ omnes infestaret, prohiberetque annonam, fremente populo, de pace primum juxta Puteolos an. 713. conventum est. Aderant Antonius, Cæsar, Pompejus: iis legibus sancta pax, ut præter Siciliam Pompejo Sardiniam & Corsicam Cæsar, Antonius Peloponnesum cederet. Tum placuit singulis ut quisque vicissim alios convivio exciperet. Dum apud Pompejum in nave Cæsar & Antonius ad mensam assident, Menodorus Pompejum clam admonet; ut patris fratrisque necem ulciscatur: si funem, quo illigatur ancora, abscindi jubeat, penes ipsum fore orbis imperium. Cui Pompejus, Utinam, inquit, inconsulto me id peregisset Menodorus; nam Menodoro perjuro esse licet, Pompejo non licet. Paulo post, quod Peloponnesum Pompejo non traderet Antonius, violatum est fœdus; bisque navali prælio an. 715. dimicatum: par utrinque & accepta & illata clades; sed Octavii naves ita ventis æstuque quassatæ sunt, ut Pompejo pateret Italia, si fortuna uti scivisset. An. 717. classis Octavii semel atque iterum tempestate vel dispersa vel demersa; tandem ingenti prælio, Agrippæ potissimum virtute, victus Pompejus in Asiam fugit, ubi jussu Antonii interfectus est: Lepidus, qui ex Africa in Siciliam trajecerat, privatus imperio,

X.
Sicula-
lum.

rio; ipsiusque legiones ad Cæsarem signa transfulerunt.

XI.
Actia-
cum.

Vix Pompejus victus erat; cum aliud bellum Octavium inter & Antonium exarsit. Erat cur alter alterum crimineretur. Ægre erat Antonio, quod Octavius & provincias tum Lepidi tum Pompeji usurpasset; & ex Italia, quæ utrique communis erat, milites unus conscriberet. Octavius cum multa alia, tum hæc potissimum in Senatu objecit Antonio: Pompejum a se dimissum ipsius iussu necatum; Artavasdem Regem Armeniæ per fraudem captum; repudiatam sororem Octaviam; Cæsarionem Cleopatrz filium in Cæsaris familiam adoptatum. Quare abrogatus Antonio Consulatus, bellumque verbo Cleopatrz, reipsa Antonio indictum est an. 721. Commisso apud Actium prælio navali an. 722. cum æquo Marte pugnaretur, refugientem temere Cleopatram Antonius sequitur, deserta pugna, in qua de orbis Romani imperio dimicabant. Parta victoria, Cæsar hostem insecutus in Ægyptum, equestri pugna ab Antonio victus est; pedestri paulo post victor exstitit; quare rebus desperatis, Antonius gladio, admota aspide Cleopatra, sibi mortem consciverunt. Is tandem bellorum civilium an. 723. exitus fuit, quo Octavius Cæsar rerum unus potitus est.



DISSERTATIO SECUNDA:

PRÆLIA ROMANORUM.

CAPUT I.

Prælia a Regibus & contra Reges commissa.



U M a finitimis populis connubia novo populo Romulus non impetrasset, extorsit. Consualibus ludis Sabinas aliasque virgines, quæ Romam spectandi studio confluerant, capi jubet; de quo ut ad Sabinos aliasque civitates allatum est, continuo Cæninenses in agrum Romanum irrumpunt. Fit obvius cum exercitu Romulus, ann. Urb. 4.; hostes fundit fugatque, fusos persequitur, Regemque Acronem cum valida manu occurrentem obtruncat, sive singulari certamine, ut a Valerio & Plutarcho proditum est, sive tumultuaria pugna, ut tradunt Livius & Dionysius. Hosti cæso spolia detrahit, eaque vel ex ramis arboris, vel e feretro suspensa, ipse quadrigis investus, indutusque purpura, si Dionysio credimus, in Capitolium detulit; cumque ad quercum Pastoribus sacram spolia appendisset, designavit Jovis templo fines, cognomenque addidit Deo. *Juppiter Feretri*, inquit, *hoc tibi victor Romulus Rex arma fero, quæ regibus ducibusque hostium cæsis me auctorem sequentes posteriferent*. Ea erant opima spolia, quæ dux duci detraxisset. Tres tantum opima spolia Jovi Feretrio tulerunt; omnium princeps Romulus ex Acrone cæso: alter Cornelius Cossus an. Urb. 317. ex Tolumnio Fidenatium duce; tertius M. Marcellus an. 533. ex Viridomaro Galorum Rege: quanquam opinatur Servius prima quidem spolia a Romulo fuisse Jovi dicata; sed altera Marti a Cornelio Cosso, tertia Quirino a Marcello.

I.
Prælia
Romuli
contra
Acro-
nem.

Cæ-

II. Cœninenſe prælium Sabinum excepiſit. A Sabinis
 Contra legati primum miſſi ad Romanos, qui raptas virgi-
 Tatium. nes repeterent. At nihil cum impetratum eſſet, Ta-
 tius Sabinorum Rex 25. millia peditum, equites fere
 mille in prælium educit an. 5. Primum arx Romana
 Tarpejæ virginis prodicione occupata eſt; deinde fuſi
 primo impetu Romani, ſed Romulus Jovi Statori vo-
 tum nuncupat. Romani continuo aciem repetunt;
 utrinque pugnatur acriter, donec utraque pars præ-
 lio ſeſſa diſcedit. Tum Sabinæ mulieres ſparſis cri-
 nibus dirimere infeſtas acies; hinc patres; hinc vi-
 ros orare, ne ſe ſanguine nefando ſoceri generique
 reſpergerent: inter ambos Reges idum ſœdus eſt iis
 conditionibus, ut Sabini Romam demigrarent, & utri-
 que regi par eſſet poteſtas, Urbs a Romulo *Roma*,
 cives a Quiribus (Tatii patria erat) *Quirites* dice-
 rentur.

III. Orto Romanos inter & Albanos bello an. 84. Me-
 Horatio- tius Suffetius Albanorum Dictator auctor eſt Tullo Ro-
 rum & manorum Regi, ut ineatur aliqua via, qua abſque
 Curia- multo utriuſque populi ſanguine diſcerni poſſit, u-
 tiorum. ter imperet alteri. Erant in utroque exercitu terge-
 mini fratres, nec ætate diſpares, nec viribus, Ho-
 ratii & Curiatii: hi apud Albanos, apud Romanos
 illi. Cum hiſ agunt ambo Reges, ut pro ſua quique
 patria ferro dimicent: nihil recuſatur; tempus & lo-
 cus convenit. Idem ſœdere tergemini arma capiunt;
 datur ſignum; concurrunt infeſtis armis, conſertiſ-
 que manibus, duo Romani alius ſuper alium vulne-
 ratis tribus Albanis corruunt. Superſtes Horatius for-
 te integer fuit, ut univerſis ſolus nequaquam par,
 ſic adverſus ſingulos ferox; quare capeſſit fugam,
 Curiatii inſequuntur, ut quemque vulnus ſinit. Ut
 vidit Horatius eos magnis intervallis inſequentes,
 proximum invadit, & antequam alter alteri auxilio
 eſſe poſſit, unum & alterum, deinde tertium æqua-
 to Marte conficit. Hæc fere Livius.

IV. Contra Fidenates & Vejentis bellum Tullus Hoſtilius
 Tullii gerebat an. 86. Metius Suffetius cum Albanis ex pa-
 Hoſtilii. cto ſœdere ſocius aderat: ad Tyberim pugnatum eſt.
 contra Romanos Vejentibus, Fidenatibus Albani oppoſiti.
 Vejen- Metius, qui belli ſuſcipiendi Fidenatibus aut ſuaſor
 tes. aut

aut auctor fuerat, sensim cum suis ad montes succedit, & copias, ut tempus tereret, explicat, nudumque Romani exercitus latus hostibus exponit. Rem eques Tullo nunciat: is, ne Romani caderent animis, id suo jussu factum simulat, ut hostis simul & a fronte & a tergo caderetur; quæ cum ordines obsequitans identidem ipse iteraret, rediit Romanis animus, hostes fusi fugatique, pars undis periere. Sequenti die advocata concio est. Albani inermes juxta Regem constitere; inde Romanæ legiones, quæ sub amictu gladios gestare jussæ erant: tum Tulli Hostilii jussu Metius flagris fœde laceratus est, bigis humi raptatus, moxque discriptus; Alba diruta; cives Romam translati; nobiles inter patricios allekti; cætera plebs distributa in curias.

Pulsus ex Urbe Tarquinius ad Porfenam Clusinarum Regem an. 246. confugit; qui junctis copiis cum Octavio Mamilio (is Tarquinii gener erat) Romam infesto exercitu petit. Janiculum primo impetu occupat; tum ad manus cum Romanis ventum est: diu & acriter utrinque pugnatum. Tandem post multam cædem Romani, faucibus ducibus Valerio & Lucretio, in Urbem refugiunt; hostes a tergo magna vi instant: at Horatius Cocles primum eum Sp. Largo & T. Herminio, deinde iis etiam dilapsis solus illorum impetum ad pontem sublicium sustinet; *rem ausus*, inquit Livius, *plus famæ habituram ad posteros, quam fidei*. Ubi vero pontis extrema pars post tergum abrupta aditum in Urbem hostibus prohibuit, tum Horatius & armatus & semur trajectus sagitta sese projicit in fluvium, ad suosque pervenit incolumis. Armata ex ære statua in foro illi posita est; cumque e vulnere nonnihil claudicare, idque per jocum sive serio exprobraret nescio quis: *At ego*, inquit, *per singulos gradus admoneor triumphi mei*.

Dum Porfena Urbem obsidet, C. Mutius Cordus, cui *Scævola* cognomen postea fuit, in castra Etruscorum penetrat. Ad prætorium ut venit, Scribam Regis proceritate corporis & purpura insignem, raptus esse Regem, stricto ferro interficit: continuo comprehensus ad Regem ducitur, fatetur se ipsius occidendi causa venisse, certum mori, sive res ex

ani-

V.
Horatii
Coclitis
contra E-
truscos.

VI.
Mutii
Scævolæ
contra
Porfe-
nam.

animi sententia succederet, sive secus. *Romanus sum civis*, inquit; *hostis hostem occidere volui*; nec ad mortem minus animi est, quam ad cædem fuit: & facere & pati fortia Romanum est. Dumque rex ignem minatur ut conscios proderet, ipse dexteram in foculum ultro injicit, tamdiuque ardere permisit, dum Porfena attonitus rei miraculo juvenem ab igne amoveri imperat, liberumque dimittit. Tu vero, ait, abi in te magis, quam in me hostilia ausus. Juberem maxime virtute, si pro mea patria ista virtus staret: nunc jure belli liberum intactumque dimitto. Cui Mutius, Quandoquidem, inquit, est apud te virtuti bonos; trecenti conjuravimus principes juventutis Romanæ, ut in te hac via grassaremur: mea prima sors fuit, ceteri suo quisque ordine aderunt. Sub hæc, dum quærit a suis Porfena, qua ratione sibi a Romanorum caveret insidiis? Respondit filius: Non quærendum quomodo se contra illorum muniret insidias, sed quo pacto custodiis non indigeret. Tum percontanti Regi, qui id fieri posset? Si viros istos, inquit ex hostibus amicos feceris: & continuo Porfena in Urbem de pace legatos misit, datique utrinque obsides.

VII.
Clælia
virginis.

Tum Clæliæ virginis, quæ obles Porfenaæ data erat, fertur insigne facinus. De nocte egressa custodiam, equum conscendit, & trajecto flumine rediit Romam: de quo cum quereretur Porfena; remissa quidem ad eum Clælia est; sed a Rege vel parte obsidum, ex Livio, vel equo bellatore, ex aliis, donata fuit, a Romanis vero statua equestri. De qua in consolatione ad Marciam Seneca: *Equestri insidens statua in sacra via Clælia exprobrat juvenibus nostris pulvinum adscendentibus, in ea illos urbe ingredi, in qua etiam fœminas equo donavimus.*

VIII.
Posthumii
Regillensis
contra
Tarquinius.

Aliquanto post, Latium omne pro Tarquiniis adversus Romanos conspirat; ad Regillum lacum in agro Tusculano an. 258. pugnatum est: quo in prælio id singulare perhibetur, quod duces omnes singulari inter se certamine contenderint. Tarquinius Superbus, quanquam ætate jam & viribus gravis, Posthumium Dictatorem aggressus est, M. Valerius Publicolæ frater L. Tarquinius, Octavium Mamilium primum Ebutius Magister equitum, deinde T. Her-

mi-

minius Legatus. Tarquinius, in latere ictus, a suis receptus in tutum est; M. Valerius temere inVectus in exulum aciem cecidit; Ebutio brachium trajectum, Mamilio percussum pectus & latus ab Herminio transfixum; Herminius ipse, dum Mamillii corpus sponat, transfixus occubuit. In dextro cornu vicit Posthumius, in sinistro acre certamen erat variaque pugna; donec occiso Mamilio equites Romani dimissis equis in primam aciem advolant: tum undique facta fuga multaque cædes, & præda ingens capta est; e quadraginta Latinorum millibus vix decem millia domum rediere. Castorem & Pollicem pugnasse referunt Cicero, Dionysius, & Plutarchus; quod a Posthumio, ut suis animos adderet, excogitatum scribit Frontinus.

C A P U T II.

P R Æ L I A

Contra Æquos, Veientes, Gallos, & Samnites.

SABINI & Æqui a Romanis defecerant an. 296. Nautius contra Sabinos movit; adversus Æquos Minutius. Is in castris dum se præ metu continet, ab hostibus ita obsessus est, ut nec pugnare, nec inde egredi liceret: de quo ut Romam allatum, L. Quintius Cincinnatus Dictator ab altero Consule dicitur. Operi rustico tum ille intentus legatos ut vidit, togam e tugurio afferri jubet; continuo in hostes advolat; eorum castra noctu invadit. Tum Æqui ad preces versi hinc dictatorem, inde Consulem orare, ut inermes abire sinerent. Gracchum, Clodium, aliosque duces vinctos ad se Dictator adduci jubet; ipsosque & illorum milites sub jugum mittit. Præda omnis Quintii militibus cessit; Minucianis nihil datum: quos increpans Quintius, *Carabis, inquit, parte prædæ, miles, ex eo hoste, cui prope præda fuisti; & tu, L. Minuci, donec Consularem animum incipias habere, Legatus his legionibus præeris.* Paruit Minucius, & abdicato Consulatu ad exercitum Legatus mansit. Quintius peracto triumpho.

I.
L. Quintii Cincinnati adversus Æquos.

ad boves redit die decimo quarto triumphalis agricola; ut festinasse Dictator, inquit Florus, ad relinquitum opus videretur: de quo eleganter Plinius l. 18. c. 18. *Quanam tantæ ubertatis causa erat? Ipsorum tunc manibus Imperatorum colebantur agri; ut fas est credere, gaudente terra vomere laureato, & triumphali aratore: sive illi eadem cura semina tractabant, qua bella; ea denique diligentia arva disponebant, qua castra; sive honestis manibus omnia lætius proveniunt; quoniam & curiosius sunt.*

II.
A. Cora
nelii
Cof. Cof.
si contra
Tolu-
mnum.

Par A. Cossi adversus Veientes felicitas fuit, major etiam gloria. Ob cæsos a Tolumnio Legatos bellum ortum erat; trans Anienem pugnatum est an. 317. Dextrum cornu Veientes tenebant, sinistram Falisci, medii erant Fidenates. Mamercus Quintius Capitolinus signa intulit; ante mediam aciem processit Magister equitum; cesserunt undique legiones Etruscæ; eques maxime resistebat. Suis Tolumnius Rex & verbis addebat animos & exemplo; quem regio habitu insignem ut conspexit Cornelius Cossus Tribunus militum: *Hicne est, inquit, ruptor fœderis humani, violatorque gentium juris; ego hanc maculatam victimam Legatorum manibus dabo.* Tum infesta cuspide in eum fertur; equoque dejectum in terram affigit, & detracta spolia caputque victor gerens terrore cæsi Regis hostes fundit. Dictator triumphum egit. Cossus quadrigis in Urbem inductus opima spolia in æde Jovis Feretrii alter a Romulo dono fixit. Est tamen cur Cossus tum fuisse Consulem suspicer: id enim & inscriptus spoliis titulus, teste Livio, præ se ferebat; & ea tantum spolia dicta sunt *opima*, quæ dux duci detraxisset.

III.
T. Man-
lii Tor-
quati
contra
Gallum.

In præliis adversus Gallos cum multorum virtus enituit, tum maxime T. Manlii & M. Valerii etiam tum juvenum. Ad Anienem an. 392. castra posuerant Galli, ex altera fluminis ripa Dictator T. Quintius Pœnus confederat: pons inter utrosque medius erat. Tum miræ corporis proceritate Gallus in pontem processit, Romanorumque fortissimum ad singulare certamen provocat. T. Manlius ad Dictatorem pergit. *Si tu permittis, inquit; volo ego illi bel-*



T

belluæ ostendere me ex ea familia ortum, quæ Gallorum agmen ex urbe Tarpeja dejecit. Tum Dictator, Macte virtute, hac pietate in patrem patriamque T. Manli, esto: perge, & nomen Romanum juvantibus Diis præsta. Armis continuo instructus ad pugnam progreditur. Ubi constitere inter duas acies, Gallus Manlii arma scutumque ingenti sonitu percutit; Manlius ipsi ipsius scutum elevat, hostique propior factus uno alteroque subinde ictu illum confodit, ipsique torquem detrahit, & collo induit cruore respersum; unde illi ipsiusque posteris honoris ergo Torquati cognomen inditum. Manlius a Dictatore & summis pro concione ornatus est laudibus, & corona aurea donatus: tantus hosti ex hac victoria injectus est terror, ut relictis de nocte castris discesserit.

T. Manlii audaciam M. Valerius haud multo post æmulatus est. L. Camillus Consul, ut Gallos a populationibus arceret, an. 404. stativa in agro Pomptino delegerat: ubi cum stationibus quieti tempus tererent, Gallus & armis insignis & robore in medium processit; unumque e Romanis, qui secum ferro decernat, ad certamen poposcit. Tum M. Valerius Tribunus militum, Consulis sciscitatus voluntatem, in prælium descendit. Jam conferenti manum corvus repente in galea consedit, & os oculosque hostis rostro & unguibus appetit; donec prodigio territum Valerius obtruncat: at dum parat Gallum spoliare, utrinque concurrunt acies, suisque Consul Valerium ostentans, *hunc imitare miles*, agebat, & *circa jacentem ducem sterne Gallorum catervas*. Fusi victique Galli, Valerius decem bobus aureaque corona a Consule donatus; *Corvini* cognomen sibi suisque peperit.

IV.
M. Valerij Corvini contra Gallum.

Nonnulla interdum clade Romanorum contra Samnites dimicatum est: at præcæteris nobilis ea est, quam Pontius ad Furcas Caudinas an. 432. intulit. Non procul a Benevento saltus duo alti angustique sunt, montibus perpetuis inter se juncti: jacet inter eos satis patens campus, per quem medium iter est. Hic Pontius Samnitium dux castra quam occultissime locat: tum rumorem spargi jubet, Samnites Luceriam circumsedere, nec procul abesse quam vi

V.
T. Verurij contra Samnites ad Furcas Caudinas.

capiant. Consules T. Veturius Calvinus & Sp. Posthumus Albinus, ut Lucerinis quam primum opem ferrent, per Furcas Caudinas viam, quæ brevior erat, sequuntur; quo ut ingressi, alterum exitum arboribus & saxis, alterum Samnitium armis clausum reperiunt. Pontius patrem Herennium per literas semel atque iterum consulit: is primum filio auctor est, ut *Romanos omnes inviolatos dimittat*; deinde, ut *omnes ad unum interficiat*; quo vel perpetuam cum Romanis tanto beneficio firmaret pacem, vel deleta tanta exercitu bellum multos in annos differret. Neutra sententia probata Pontio est; omnes sub jugum mitti placuit. Nec dissensere Romani duces, quia nulla sive pugnae sive fuga spes erat: primum sexcenti equites obsides dati; deinde Consules prope seminudi sub jugum missi, tum alii duces; (ut enim quisque gradu proximus erat, ita ignominiae obiectus) denique singulae legiones. Postquam e saltu evaserunt, a Capuanis omni humanitatis officio excepti sunt; militibus commeatus, Consulibus sua insignia, fasces, lictores, arma, equi, vestimenta missa; at Romani dejectis oculis præ pudore adspexere neminem. De hac clade ut Romæ nunciatum est, clausæ continuo tabernæ, justitiumque in foro coëptum; lati clavi annulique aurei positi; ipsoque exercitu moestior civitas: milites ducesque captorum habitu vultuque ingressi sero in Urbem, & in suis quisque ædibus ita se abdidit, ut nec postero die nec sequentibus diebus ullus in foro visus sit.

VI.
L. Papirius
Cur-
soris
contra
Samni-
tes.

Secundum hæc M. Valerius Corvinus Interrex Q. Publilius Philonem & L. Papirium Cursorem Consules creat. Ii de pace Caudina ad Senatum referunt, & Publilius Posthumii Exconsulis sententiam rogat; qui Senatui persuadet, ut tum ipse, tum alii foederis cum Samnitibus sponsores, nudi vinctique dedantur Samnitibus: continuo & ipse abdicato Magistratu & reliqui foederis sponsores traduntur fecialibus. Caudium omnes abducti, datique Samnitibus; sed ab iis non recepti, & vinculis solvi jussi in castra Romana liberata fide redierunt. Jam enim Consul uterque cum gemino exercitu venerat, Caudium Publilius, Papirius Luceriam: ad Caudium primo pugna-

pugnatum est, deinde ad Luceriam. Utroque victi Samnites an. 433. & in eos a Romanis maxime ad Luceriam sævitum est: inermes juxta ac armati cæsi sunt, servi, liberi, puberes, impuberes, homines, jumenta; maxima pars prædæ ira militis corrupta; capta Luceria: Samnites ad septem millia sub jugum missi, quos inter Pontius erat; recepti equites, qui ad Caudium dati erant obsides; utrique Consuli decretus triumphus. Ita deletum est ad Furdas Caudinas contractum dedecus.

Inter Romanos duces celebre Q. Fabii Rulliani ætate nomen erat, cujus victoriæ de Samnitibus duæ præ cæteris insignes memorantur: alteram etiam tum juvenis, alteram admodum senex retulit. L. Papirio, cui *Cursoris* cognomen fuit, tum Dictatori Q. Fabius Rullianus datus est Magister equitum. Incertis auspiciis in Samnium Dictator an 429. venerat; quare monitus a Pullario auspiorum causa Romam revertitur, simulque Magistro equitum denunciat ne se absente manum cum hoste conferat. Fabius tamen cum Samnitibus spe rei benè gerendæ confluit. Isque prælii fuit exitus, ut viginti hostium millia eo die cæsa esse dicantur. Sub hæc in castra redit Papirius. Fabium continuo nudari paloque alligari jubet: cæteri duces omnisque exercitus orant Dictatorem, ne in juvenem & nobilitate & victoria florentem sæviet. Interim Fabius clam dilapsus Romam fugit; Senatus, & Tribunorum populi opem implorat. Romam paulo post Papirius advenit, & Senatus precibus repudiatis, Fabium prehendi jubet sedetque pro tribunali; cumque populus universus Tribuni plebis pœnam deprecarentur, & Fabius ipse ipsiusque pater Dictatura & tribus Consulatibus nobilis ad Dictatoris genua procumberent: tum Papirius facto silentio. *Bene habet*, inquit, *Quirites: vicit disciplina militaris; vicit imperii majestas. Non noxæ eximitur Q. Fabius; sed noxæ damnatus donatur populo Romano, donatur Tribunicia potestate. Vive, Q. Fabi, felicior hoc consensu civitatis ad tuendum te, quam qua paulo ante exultabas victoria.* Hic ille est Q. Fabius, qui consul quinques, ter Dictator, semel Censor, Princeps Senatus,

VII.
Q. Fabi
Rulliani
contra
Samnites.

tribus triumphis clarissimus, primus e gente Fabia *Maximi* cognomen adeptus est.

VIII.
Q. Fabii
Rullia-
ni senis
contra
Samni-
tes.

Nec minor jam senis gloria fuit, quam juvenis fuerat. Fabius Gurges ipsius filius re adversus Samnites male gesta in Urbem refugerat. De abrogando ipsi imperio frequens Senatus convenit: tum Fabius pater hanc filio deprecatus infamiam, si belli iterum gerendi facultas detur, Legatum se filio iturum pollicetur. Assensere omnes; quodque receperat, præstitit, & victoriam filio virtute sua peperit imbellis senex. Ubi enim ad pugnam an. 461. ventum est, Samnites pulsus Romanis Consulem invadunt; filii periculo commotus pater in medium se iniecit agmen. Romani equites illius exemplo illuc tota acie incumbunt, nec frustra: Consul Consulisque pater liberati; fusi hostes; Pontius eorum dux captus; cæsa Samnitium viginti millia, capta quatuor; honor triumphi Fabio Gurgiti permissus, cuius currum pater equo insidens secutus est, *sibi que summæ gloriæ duxit triumphantem filium comitari, quem ipse parvulum in triumphis suis gestaverat.*

C A P U T III.

Prælia contra Pyrrhum.

I.
Lævini.

PYRRHUS Epirotarum Rex accitus a Tarentinis exercitum an. Urbis 474. in Italiam trajicit; habebat equitum tria millia, peditum viginti duo, sagittarios quingentos, elephantos viginti. Ut audit Valerium Lævinum Romanum Consulem vastare Lucaniam, ad eum caduceatorem misit, *placeretne Romanis uti se disceptatore & iudice*; cui Consul respondisse fertur, *populum Romanum neque disceptatorem Pyrrhum cupere, neque reformidare hostem*: ita Plutarchus. Continuo Lævinus adversus Pyrrhum movet, qui Pandosiam inter & Heracleam confederat. Is Romanorum exercitum contemplatus; Megaclem appellans, *Megacle*, inquit, *ordo hic barbarorum barbarus non est*: tum mutato cum Megacle habitu in Romanos irripit. Romani Megaclem, Pyrrhum esse rati, post acre certamen perimunt, Pyrrhumque in acie ceci-

cecidisse clamitant: dum Pyrrhus nudato capite aciem obequitat, suosque voce & manu ad pugnam hortatur. Interea Romanorum equi elephantorum odorem non ferentes, sessores transversos egere, turbarunt ordines, omnia tumultu miscuere. Unde, *Romanis jam vincentes*, inquit Justinus, *inustata ante elephantorum forma stupere primo, mox cedere prælio coegit: quam victoriam cum Pyrrho gratularetur nescio quis; si denuo, subjecit Pyrrhus, ita vicerimus, actum de nobis erit: tum, quam facile erat, inquit, orbis imperium occupare, aut mihi Romanis militibus, aut me Rege Romanis!* Florus. Ad Romam occupandam dum Pyrrhus properat, obviam processit cum exercitu T. Coruncanus, secutus est a tergo auctis copiis Lævinus; a quibus sibi metuens Pyrrhus, *hydræ instar*, ait, *Romanorum legiones cædendo renascuntur*; deinde pugnam fugitans captivos Tarentum reduxit.

Missi sub hæc de captivis redimendis ad Pyrrhum Legati C. Fabricius & Q. Æmilius. Captivos Fabricii fidei Pyrrhus credidit ea lege, ut illos, pacem si repudiaret Senatus, ad se remitteret. Romam venit Cyneas, de ineundo fœdere in Senatu actum est, sed discussa auctore Appio Cæco pacis consilia, iterumque ad arma ventum est. Ad Asculum dimicatum est an. 475. Romanis transmittendi fluminis potestatem fecit Pyrrhus, ut æquis utrinque viribus certaretur. Romanorum equitatus elephantorum metu actus est in fugam; vicerunt pedites. Consul Decius avi patrisque exemplo se devovit; cæsa Romanorum quinque millia, hostium viginti; si Eutropio & Orosio credimus. Pyrrhus ipse vulneratus Tarentum victo similis discessit. Tum venit ad Fabricium Consulem vel Timochares, ut scribit Gellius, vel Nicias, ut vult Zonaras, petitque ab eo præmium, si Regem veneno enecet. Fabricius Pyrrhum continuo monet, ut sibi ab amicis caveat. Epistola erat huiusmodi: *C. Fabricius & Q. Æmilius, Consules Romani, Pyrrho Regi salutem. Videris neque in amicis, neque in hostibus judicandis felix. Etenim lætis nostri ad te literis cognosces, bonis te & iustis viris bellum facere; malis & iniustis credere. Neque vero hæc tibi in tuam*

II.
Decii.

gratiam indicamus; sed ne tuus casus calumniam adversus nos excitet, & videamur bellum, cum virtute non possemus, fraude confecisse: hæc Plutarchus. Paulo aliter Gellius: Communis exempli & fidei causa visum est, uti te salvum velimus, ut esset, quem vincere possimus.

III.
Curi.

Evocatus in Siciliam Pyrrhus prælia aliquot secunda adversus Pœnos fecit: unde reversus in Italiam an. 478. tertium cum Romanis conflixit. Ad Beneventum M. Curius confederat: in hunc Pyrrhus, priusquam Collega subveniret, fortissimos quoque milites immisit. Curius eductis copiis primam adortus aciem, multis cæsis, captisque aliquot elephantis, terrorem Græcis incussit. Tum aperto Marte undique certatum est; in uno cornu acti in fugam Græci, in altero belluarum impetu Romani. Ut ad castra perventum est, Romani ex locis editis in elephantos undique tela coniecere; belluæ confixæ telis fuga retro per suos deferri, turbareque ordines: quæ res Romanis & de Pyrrho victoriam dedit & orbis imperium. *Eadem fera, inquit Florus, quæ primam victoriam abstulerant, secundam parem fecerant; tertiam sine controversia tradidere.* Cæsa hostium ex Eutropio 23. millia, 33. ex Orolio; capti elephanti quatuor, hostes mille trecenti.

C A P U T IV.

Prælia contra Carthaginenses, bello Punico primo.

Prælia
contra
Pœnos.

I.
Appii
Claudii.

UBI a Senatu decretum est, ferendum Mamertinis auxilium, Appius Claudius cum classe Messanam missus est. Is in urbem ut appulit, Mamertinis persuadet, ut Annonem, qui a Pœnis arci præfectus erat, accerferent. Venit Anno, & a Romano milite comprehensus in carcerem conjicitur. Tum Carthaginenses caduceatorem mittunt, qui jubeat Romanos & urbe & insula intra certum tempus cedere; cumque non parerent Romani, Messanam continuo an. 489. obsident. Claudius reditum in Italiam simulat, & Messanam de nocte reversus, Hieronis, qui Pœnis auxilio venerat, castra aggreditur; cumque ea celeritate vicit, ut ille fateretur prius se

viſum; quam hoſtem vidiffet. Claudius reſiſto Meſſanæ præſidio, in Italiam redit; primumque de Pœnis agit triumphum.

Post Claudii triumphum ſummam in bello Punico laudem C. Duillius an. 493. adeptus eſt. Claſſi Romanæ præſectus erat Cn. Cornelius Afina. At is Lipſæorum oppidum dum invadere per inſidias tentat, in portu concluſus, Carthaginienſibus vel dedicationem fecit, ut ſcribit Polybius; vel a Pœnis ſimulato colloquio captus eſt, ut tradit Florus: de quo ut audit C. Duillius, qui terreſtribus copiis præerat, ad claſſem illico trajicit: Erat illa quidem rudi adornata artificio, ſed ferreis manibus ſive *corvis* inſtructa, quibus & alienas naves invadere facilis, & firmiore veſtigio pugnare poſſent. In eum Annibal dux hoſtium triginta naves immittit, quæ *corvis* illigatæ a Romanis captæ ſunt, quinquaginta aliæ demerſæ, cæteræ fugatæ. Viſtus Annibal Carthaginienſium Senatum adiit, diſſimulata fuga, omneſque interrogat, *pugnandumne, an ſecus*; Cunctis ut pugnaret acclamantibus; *feci*, inquit, *& viſtus ſum*. Sic penam crucis effugit: *puduit quippe punire, quod ipsis auctoribus factum eſſet*; ita Aurelius Viſtor. C. Duillius ingenti plauſu Romæ exceptus maritimum primus egit triumphum: qui, ut ait Florus, *non contentus unius diei triumpho, per vitam omnem, ubi a cœna rediret, præluſere funalia & præcinere ſibi tibias juſſit, quaſi quotidie triumpharet.*

Nullius laus in eo bello major quam Attilii fuit, qui Pœnorum duces maritima pugna ſemel, terreſtribus ſæpius ſuperavit. Erant in Romana claſſe an. 498. naves 330. in Punica 350. Romanis præerant ambo Conſules, L. Manlius & M. Attilius Regulus; Pœnis Amilcar & Anno. Propoſitum Romanis erat Carthaginem belli caput petere; Pœnis navali prælio decernere. Primum fugam Pœni ſimulant, deinde ſigno ab Amilcare dato Romanos invadunt: paribus diu viribus certatum eſt, alii enim alia laude præſtabant. Pœni navium celeritate & uſu rei nauticæ, Romani pugnandi audacia & corvorum apparatu. Tandem fugato Amilcare, victoria penes Romanos ſtetit. Amiſſæ naves 24. hoſtium, 30. de-

mer-

II.
C. Duil-
lii.

III.
M. At-
tilii Re-
guli.

merfæ, captæ 63. Classem dum reficit Amilcar, Annonem ad Romanos mittit, ut eos ab Africa spe pacis prohiberet: quem cum retinendum clamitarent Romani milites, quod Cornelium Consulem Pœni pari fraude cepissent; *Si istud, inquit, feceritis, Afris nihilo jam præstantiores eritis*: qua adulatione evasit incolumis. Romana interim classis Clypæam Africæ oppidum appulit: capta Clypæa aliæque urbes bene multæ, qua vi, qua deditione occupatæ; castella trecenta direpta, mancipiorum viginti millia ad naves abducta. Tum Romam cum victrici classe Manlius redit, mansit in Africa Attilius.

IV.
M. Atti-
lii. Re-
guli.

Adversus Attilium tres a Pœnis creati duces, Asdrubal, Bostoar, & Amilcar. Ii, dum Adin oppugnat Attilius, copias educunt: pugna commissa; sed loco ita incommodo, ut Attilii industria nec equi Pœnis usui fuerint, nec elephantum. Victi itaque Pœni, cæsa millia octodecim, quinque millia capta & octo elephantum; ut refert Eutropius. Sub hæc octoginta duo oppida dedita ex Orofio, ducenta ex Aurelio Victore, centum urbes ex Eusebio, cumque Carthagini jam immineret Attilius, scripsit ad Senatum, *se metu obsegnatas habere portas Carthaginis*.

V.
M. Atti-
lii Regu-
li.

Inter hæc missi a Carthaginensibus, qui militem in Græcia mercede conducerent. Omnibus præfectus est Xantippus Lacedæmonius, vir militiæ peritissimus. Is Carthaginenses e tumulis in planitiem deduxit; instructaque acie Romanos adortus, equitarum vertit in fugam an. 499. triginta millia ex Eutropio, viginti ex Orofio occidit, quindecim capit una cum Imperatore Regulo: quingenti tantum Romani capti, si Polybio & Floro credimus. Reguli virtus in calamitate magis quam in victoria enituit, de quo postea.

VI.
L. Cæci-
lii Me-
telli.

Postquam Romana res & Attilii clade & duobus naufragiis afflictæ est, Asdrubal Carthaginensium Imperator Lilybæum appulit an. 502. Habebat in exercitu elephantos centum triginta, equitum peditumque triginta millia: ad Panormum, ubi erat L. Cæcilius Metellus, castra ponit. Cæcilius intra muros de industria se continet, manumque expeditam in fossis collocat, quæ bestias telis obruat; nec eum spes fefellit: dum enim rectores belluarum in pri-

mam

nam aciem irrumpunt, belluæ telis, hastis, pilisque confossæ in suos sævire cœperunt. Tum Metellus eductis copiis latera hostium invadit, eosque magna strage fugat: capti elephantum sex & viginti ex Eutropio, 60. ex Diodoro, 104. ex Orosio: occisa Carthaginiensium viginti millia; elephantum 26. cæteri per Italiam deducti jucundum Italicis gentibus spectaculum præbuerunt.

Hanc victoriam gemina clades excepit an. 504. altera Claudii Pulchri, Junii Pulli altera; quorum utrique ob neglecta auspicia data crimini est. Ad herbalem nec opinantem cum opprimere vellet Claudius, auspicia de more petiit; quodque pullos non exire de cavea Pullarius nunciasset, in mare projici imperat. *Bibant*, inquit, *quia esse nolunt. Qui risus*, ut ait Cicero, *classe devicta multas ipsi lacrymas, magnam populo Romano cladem attulit.* Ad Drepanum pugnatum est. Initio anceps aliquandiu fuit prælii exitus; tandem peritia remigum & Adherbalis fortitudine res Pœnorum superior fuit; Claudius cum 30. navibus aufugit. Naves seu captæ seu demersæ 73. ex Polybio, 90. ex Orosio, 117. ex Diodoro; octo Romanorum millia cæsa, viginti amissa: si Orosio credimus.

Eo etiam tristior Junii clades fuit, quod absque pugna victus sit. Iis, qui Lilybæum obsidebant eodem anno, ferebat annonam, cum navibus longis 120. onerariis 80. aliisque 60. cum illi occurrit missus ab Adherbale Carthalo. Junius pugnam committere non ausus, naves in loca aspera sensim subducit: ubi orta tempestate, fluctibus & saxis ita afflicta classis est, ut ne tabula quidem, quæ usui esse posset, superfuerit: ita Polybius, a quo nonnihil Diodorus dissidet.

Romanam rem his cladibus pene perditam restituit an. 511. Lutatii Catuli diligentia & felicitas: quo auctore decretum est, ut pro facultatum modo singuli vel bini vel terni unam quinquagemam adorarent. Ita naves aut 200. ex Polybio, aut 300. ex Eutropio instructæ sunt: ad Ægades insulas dimicatum est. Romanis Lutatius præerat, Pœnis Anno. Ea fortitudine & audacia a Romanis inita pugna est,

ut

VII.
Claudii
Pulchri.

VIII.
Junii
Pulli.

IX.
Q. Lutatii
Catuli.

ut primo impetu naves Pœnorum 50. vel fractæ sint vel demersæ, 70. captæ, reliquæ fugatæ, decem millia hostium interfecta; ita Polybius: sed cladem more suo auget Orosius, qui Punicas naves 63. captas numerat, merfas 125. cæsa hostium millia 14. & 32. capta. Fugato Annone, summa rerum a Pœnis permixta est Amilcari, cui pacem petenti iis, quas diximus antea, conditionibus Lutatius indulxit.

CAPUT V.

Prælia contra Carthaginienses, bello Punico secundo.

I.
Contra
Anniba-
lem. P.
Cornelii
Scipio-
nis ad
Ticinū.

Inter duces Romanos, qui ab Annibale victi sunt, principem locum obtinet P. Cornelius Scipio, & relatis postea in Hispania victoriis, & Africano filio clarissimus. Is ad Ticinum amnem, qui in Padum influit, an. 535. occurrit Annibali: uterque de nocte cum equitibus & jaculatoribus dum ad castra hostium speculanda tendit, alter alteri fit obuius: constitit utrinque agmen, ad manus continuo ventum est. Anceps aliquandiu certamen fuit; fusi tandem Romani, gravique vulnere confossus Scipio, quem ut filius etiam tum adolescens ab hostibus circumventum vidit, suos illico turmales hortatur, ut Consuli opem ferant: cumque illi cunctarentur, in circumfusus hostes ipse irruit, patremque liberat. Præsentis ereptus periculo Scipio filium salvatorem suum palam salutavit, & triplici donandum corona pronuntiavit; *quod & Civem, & Imperatorem, & Patrem servasset.*

II.
Sempro-
nii ad
Trebiā.

Victus ad Ticinum Scipio Placentiam versus proxima nocte discessit. Annibal trajecto Pado aciem ad pugnam instruit: tum duo Gallorum millia ad ipsum deficiunt. Defectionem cæterorum veritus Scipio tacito agmine ad Trebiam flumen abiit: huic venit auxilio, rebus in Sicilia bene gestis, Collega Sempronius. Cornelius rem trahi malebat; Sempronius fusa hostium manu ferocior pugnam cupiebat. Erant in castris pedites Romani ad 16. millia, socii ad 20. equites ad 4. millia: habebat Annibal peditem 20. millia, decem equitum. Is Magonem fra-

trem

trem cum equitibus mille & totidem peditibus in insidiis locat: tum Sempronium ut alliciat ad pugnam, Numidas equites Romanorum portis obequitare jubet, Sempronius avidus pugnae primo equitatum, deinde pedites educit; at refugientes Numidas dum insequitur per aquas, occurrit a fronte Annibal, instat a tergo cum suis Mago. Immoti aliquandiu acies stetit; sed caedes & fuga mox facta undique. Decem Romanorum millia perrupta hostium acie Placentiam se receperunt; alii dum castra repetunt, pars hausti fluctibus pars ab hostibus caeli an. 535. Haud multo post, adversus Sempronium duodecim peditum millia, equitum quinque ad Placentiam ducit Annibal; nec certamen detestat Sempronius. Primo congressu vincunt Romani; at hostium castra dum temere oppugnant, Annibal, emissis dextra laevaue equitibus, ipse cum peditum robore e castris erupit. Atrox cum orta pugna est: sed nocte direpta, & pari utrinque clade discessum est.

Annibal superato Apennino, ut ad Trasymenum lacum prope Perusiam pervenit, locum ibi offendit aptum insidiis. Inter montes geminos angusta via est, deinde paulo latior patescit campus, tum colles assurgunt. Ibi castra in aperta locat Annibal, ubi ipse cum Afris Hispanisque confedit. Baleares levemque armaturam post montes, equites ad fauces saltus constituit, ut ubi intrassent Romani, omnia clausa essent, equitatu, lacu, ac montibus. Romanis praeerat C. Flaminius Consul iterum, homo plebejus, ingenio ferox, consiliisque praeceptus. Is patribus cum se invisum sciret, nullo peracto sacrificio in provinciam abiit an. 536. cumque paulo ante pugnam nunciaret signifer signa loco suo convelli non posse; *Num literas quoque a Senatu affers*, inquit, *quæ me rem gerere vetent & abi, nuntia, signum effodiant; si ad convellendum præ metu manus obriuerunt*; cumque Pullarius prælium differret, quod pulli non vescerentur; *Præclara*, inquit, *auspicia, si esurientibus pullis res geri potuisset, saturis nihil gereretur*: ita Cicero. Sub hæc inexploratis locis in montium angustias se conjecit Flaminius; quem ut lacu

III.
Flamini
ad Tra-
syme-
num.

lacu montibusque claufum vidit Annibal, dat fuis pugnæ fignum, undique irruunt Pœni. Pugnatum eft a Romanis acriter, dum aut viam aperire ferro, aut fortiter mori fatagunt; tantæque contentione ardoreque animorum trium horarum fpatio dimicatum eft; ut terræ motum, quo nonnullæ urbes everfæ funt, nemo pugnantium fenferit. Circa Flaminium acrior pugna erat, & ipfe quacunquẽ in parte premi ac laborare fuos videret, ferebat opem; cum Inſuber (Ducario nomen erat) illum ex armis & facie agnoſcens, *Conſul*, inquit, *hic eſt, qui legiones noſtras cecidit; jam ego hanc viſtimam Manibus peremtorum fœde civium dabo*; ſubditifque equo calcaribus per confertiſſimam hoſtium turmam impetum facit, obtruncatoque prius armigero, Conſulem lancea tranſfixit. Inde fuga undique fieri cœpta eſt. Romanorum quindecim millia cæſa, ſex millia capta, decem millia ſparſa per Hetruriam fuga Romam diverſis itineribus petiere.

IV.
Q. Fabii
Cuncta-
toris.

Annibalem victoriis exultantem cunctando repreſentat Q. Fabius, qui ſub Flaminii clade Dictator an. 536. appellatus eſt. Is per alta loca agmen ducere, in caſtris continere militem, impetus Annibalis levibus præliis retundere; certus illius fraudes & vim omnem conſilio & conſtantia eludere, licet Magiſter equitum Minucius illius tarditatem carperet. Interim rediturus Romam Fabius precatur obnixè Minucium ne ſe abſente cum Annibale prælium committat; at ille pugnæ impatiens, hoſtes aggreſſus ſex millia cecidit. Quare, agente Tribuno plebis, plebiſcitum Romæ invito Senatu factum eſt, quo jus Magiſtri equitum cum jure Dictatoris æquaretur. Deinde duas in partes deſcriptus eſt exercitus, altera Minucio attributa, Fabio altera. Suos in planitiem deduxit Minucius, in montibus ſe Fabius continuit: paulo poſt Minucium aggreditur Annibal, certaue jam erat Romanorum clades; cum Fabius, *O Dii immortales*, inquit, *quanto celerius quam timui, ſerius tamen quam cupivi, perdidit ſe Minucius! Nunc milites, ſi quis meminit M. Minucii, properate; vir enim eſt egregius & amans patriæ. Aliud jurgandi ſuccenſendique tempus erit; nunc ſigna extra vallum pro-*

proferte, victoriam hosti extorqueamus, confessionem erroris civibus. Ut descendente e collibus Fabium conspexit Annibal, receptui cecinit, dum diceret a se Minucium; se a Fabio victum; eamque nubem, quæ sedere in jugis montium solita sit, tandem cum procella imbrem dedisse. Liberatus Minucius ad castra Dictatoris cum suis properat, signaque ante ipsius tribunal constitui jubet. Parentibus, inquit, meis, Dictator, vitam tantum debeo: tibi cum meam salutem, tum omnium horum. Duplicem victoriam obtinui: si virtute de hostibus, consilio & humanitate de Collega: ita Livius.

Dictatori Fabio sublecti sunt Consules duo L. Æmilii Paulus & M. Terentius Varro; alter alteri, ut generis nobilitate, ita rei militaris scientia longe inferior: Æmilius jam Consulatu & triumpho nobilis erat. Terentius, plebejus homo, popularibus artibus ad honores irrepsérat; qui ut Consulatum adeptus est, cum nobiles omnes, tum maxime Fabium Maximum carpere instituit: bellum in Italiam accersitum a nobilibus, hæsurumque diu in Reipublica visceribus, si plures Fabios imperatores haberet. Ante discessum, Æmilium monet Fabius, ne cum Annibale dimicet, Collegæ obstat. Paruit quidem Æmilius, sed frustra: ut enim ad Cannas ventum est, Varro pene quem eo die imperium erat, nihil consulto Collega an. 537. pugnae signum proponit. Consules cornua tenuerunt, Terentius lævum, dextrum Æmilius; Servilio media acies tuenda data. Annibal Gallis Hispanisque Asdrubalem in lævo cornu præficit, Numidis in dextro Maharbalem, ipse cum Magone fratre mediam aciem tenuit. Numerus peditum, qui tum steterunt in acie, millium fuit quadraginta, decem equitum; Romanis peditum erant 80. millia, equitum novem: ita locati erant, ut splendor solis & pulvis, qui plurimus ibi esse solet, Romanorum ora verberarent. Clamore sublato initum prælium est; fusi Romani equites: pedestris pugna longe acrior. Dum ingentibus animis utrinque dimicatur, Numidæ perfugium simulant, & in mediam aciem recepti in Romanorum terga sævire cœperunt: unde tumultus, pavor, & fuga. Terentius

Var-

Varro cladis auctor cum 50. equitibus Venusiam fugit, septem millia in minora castra, duo millia in oppidum Cannas. Cæsa sunt 40. millia peditum, 2700. equites, pari prope civium sociorumque numero: in his Consul alter Æmilius, duo præcedentis anni Consules, Quæstores duo, Tribuni militares 21., multi & Prætorii & Ædilitii, 80. præterea Senatores; capta tria millia peditum, equites trecenti, nullusque superfuit, inquit Livius, nisi quem hostis cædendo fessus reliquit. Documenta cladis fuerunt ex Floro, cruentus aliquandiu Aufidus, pons de cadaveribus jussu Ducis factus in torrente Gello, duo modii annulorum Carthaginem missi. Sunt tamen, qui unum modium; sunt etiam qui tres modios missos fuisse velint, ut Valerius & Eutropius.

Sub prælii exitum dum cæteri duces gratulantur Annibali, suadentque ut aliquid temporis quieti daret; contra Maharbal auctor est, ut quamprimum Romam petat: *die quinto*, inquit, *in Capitolio epulaberis; sequere cum equite, ut prius venissete, quam venturum sciant.* Annibal, *voluntatem se laudare Maharbalis*, ait; *ad consilium pensandum temporis opus esse*: tum Maharbal, *non omnia nimirum eidem dii dedere, vincere scis, Annibal, victoria auti nescis.* Mora ejus diei urbi atque imperio salutis fuit. Auctor etiam est Livius, cum posthac Cannarum veniret in mentem Annibali, suam hac voce negligentiam incusare solitum, *O Cannæ, Cannæ!* quod etiam usurpasse dicitur tum, cum aliquanto post ad Urbem instructas acies fœda tempestas semel atque iterum diremisset; apud Deos conquestus, *potiundæ urbis Romæ modo mentem sibi non dari, modo fortunam.* Duo etiam illi tum ægre fuerant; alterum, quod dum ad Urbis mœnia armatus ipse consideret, milites sub vexillis in Hispaniæ supplementum missi sint; alterum, quod per eos dies ager, in quo ipse castra haberet, non minori, quam si abiisset, pretio venierit. Id vero adeo superbum ipsi visum est, ejus soli, quod bello ceperat, inventum Romæ esse emtorem, ut vocato præcone tabernas argentarias, quæ circa forum Romanum erant, venire jussit: at, qui eas emeret, invenit neminem.

Gemina subinde clades illata est Pœnis; altera ad Beneventum, ad Metaurum flumen; altera. Beneventum jussu Fabii occupaverat Sempronius Gracchus, Anno ad Calonem fluvium cum 17. millibus Pœnorum confederat. Gracchus volones suos sp̄e libertatis ad prælium accendit; qui caput hostis retulisset, continuo liberum fore; qui loco cessisset, in eum se servili supplicio animadversurum. Postero die ad Prætorium volones conveniunt, prælium conferitur ann. 539. quatuor horis dubia victoria fuit; quod capita hostium, pretia libertatis facta, propugnantes retardarent; quare Gracchus capita projici jubet, hostemque invadere, *testatam jam esse virtutem, non dubiam strenuis viris fore libertatem*: cumque incertus esset etiam tum prælîi exitus, pronunciat Gracchus, *Nihil esse cur libertatem sperarent, nisi fusi hostes fugatique essent*. Unde tanta vi in hostes irruunt, ut fuga undique hostium fieri cœpta sit. Duo tantum millia per avios colles dilapsa, cæteri vel cæsi sunt, vel capti. Gracchus volones omnes liberos esse jussit.

Hanc cladem longe gravior excepit. Ambo Consules hostibus obviam ire jussi, Annibali C. Claudius Nero, Livius Salinator Asdrubali, qui cum ingenti exercitu fratri veniebat auxilio. Non procul a Senis aberat Asdrubal, cum Claudius qui jam Annibalem justo prælîo vicerat, occisis Pœnorum octo millibus, educit equites mille, peditum sex millia; jubetque legatis ut eadem in castris & vigiliæ & stationes agerentur: ipse magnis itineribus ad Collegam tendit. Ne quid vero Asdrubali de adventu alterius Consulis suboleat, Tribunus Tribunum, eques equitem, peditem pedes apud se noctu excipit. Ut illuxit, signum pugnæ proponitur, cornu dextro præerat Claudius, Livius sinistro. Oppositus erat Livio Asdrubal, Claudio Galli & Ligures. Gallos fudit Claudius: inter Livium & Asdrubalem inita est atrox pugna; tum Claudius cohortes aliquot e dextro cornu subducit, & mira celeritate incurrens in sinistrum hostium latus suis peperit victoriam. Asdrubal & Imperatoris & militis munere egregie perfundus concitato equo se in Romanam cohortem immisit; ubi, ut *Amilcare patre & Annibale fratre dignum*

VI.
Sempro-
nii Grac-
chi ad
Calonē.

VII.
C. Clau-
dii Ne-
ronis &
Livii Sa-
linato-
ris ad
Metau-
rum.

erat, pugnans cecidit. Cæsa sunt, ut tradit Polybius, Pœnorum decem millia; si Livio credimus, quinquaginta sex; capta quinque, redditaque Pœnis æqua Cannensi clades. Postero die cum nunciatum esset Livio Gallos sine duce, sine signis fugere; si una equitum ala mittatur, posse deleri: *superfuit*, inquit, *aliqui nuncii & hostium cladis & nostræ virtutis*. Nero eadem nocte citatiore, quam venerat, agmine castra repetit, caputque Asdrubalis ante stationes hostium projici jubet, captivosque Afros partim victos ut erant ostendi, partim solutos ire ad Annibalem; qui & publico & domestico luctu afflictus agnoscere se fortunam Carthaginis dixisse fertur. Decretus utrique Consuli triumphus; quos inter ita convenit, ut Livius (cujus in provincia res gesta erat) quadrigis in Urbem prosequente exercitu, Claudius equo sine milite invehetur. *Ita consociatus utrique triumphus gloriosus fuit*, inquit Florus: *sed ejus magis gloriam auxit, qui tantum honore cesserat Collegæ, quantum illi & nobilitate & merito anteibat*.

VIII. Post Scipionum in Hispania cædem, Romana res duorum juvenum virtute restituta est. Alter L. Marcius fuit Romanus eques; alter P. Cornelius Scipio Publii filius. L. Marcius juvenis impiger, & ad omnes militiæ artes a Cn. Scipione edoctus, post cæsos duces, Romanos milites alios e fuga revocat, alios e præsidiis educit; junctisque cum T. Fontejo Scipionis Legato viribus dux militari suffragio eligitur. Sub hæc, Asdrubal Gisgonis filius ad delendas belli reliquias an. 541. Iberum transit: at Romani milites a luctu in furorem versi, imperatorum ulturi cædem, in hostem irruunt. Acti in fugam primo impetu Pœni, dum mirantur unde repente Romani & exercitus & dux extitisset; fœdaque eorum cædes fuisset, nisi Marcius receptui dedisset signum. In castra ut Marcius rediit, omnia apud hostes neglecta esse comperit, suisque persuadet, ut de nocte bina hostium castra invadant. Ad propria castra continuo itum est: nulla statio erat pro portis, nullæ in vallo custodiæ. Romani, pars portas occupant, ne quis esset fugæ locus, pars in castra irrumpunt: hostes cæsi ad unum omnes. Marcius rei bene

VIII.
In His-
pania L.
Marcii
contra
Asdru-
balem.

bene gestæ famam prægressus, eadem nocte alia castra oppugnat. Atrox intra portas prælium fuit; sed cruenta Romanorum scuta & indicium alterius cladis & terrorem hostibus objecerunt, factaque undique & fuga & fugientium cædes. Ita Pœni una nocte & geminis exuti castris, & ad 37. millia cæsi. Magnum subinde apud omnes fuit L. Marcii nomen.

Duæ etiam P. Scipionis insignes de Asdrubale in Hispania victoriæ memorantur, altera ad Bætulam, ad Salpiam altera. Capta nova Carthagine, nobiles Hispanos & humanitatis & liberalitatis fama ad partes suas Scipio allexit, quorum auctus auxiliis movit adversus Asdrubalem. Is ad Bætulam urbem erat an. 544. qui ut sensit adventare Romanos, copias in tumultum recipit, inde fluminis ripa, hinc alta crepidine munitum. Romani nihil loci asperitate terri; tumultum magno impetu invadunt, dum Scipio a lævo cornu, a dextro Lælius nuda hostium latera petunt. Perierunt hostium octo millia, decem peditum capta, duo equitum. Asdrubal ante pugnam fuga dilapsus est; Hispani omnes sine pretio dimissi; Afri venditi; Massiva puer, Massinissæ nepos, ornatus muneribus ad avunculum cum honore remissus: præda omnis permissa militi.

Victus Asdrubal 70. peditum, 4. equitum millia armat an. 547. Scipio habebat sub signis 45. peditum millia, tria equitum ex Romanis, ex sociis, ex barbaris. Primo concursu fusi in omen victoriæ Pœni; deinde commissa ad Salpiam pugna, victi & Romanorum virtute & Scipionis prudentia: qui & ordinem aciei mutavit præter expectationem hostium, & suos pastos in aciem eduxit, pugnamque de industria extraxit in multam diem, ut hostes & jejuni, & fessi labore, æstu, fame deficerent. In castra refugerunt Pœni: sed deficientibus sociis, cum suis fugit Asdrubal, clausoque Bæotis transitu, flectit ad Oceanum: sed quod a tergo & a lateribus instarent Romani, cum septem millibus in proximos colles evasit. Unde suorum defectionem veritus ipse relicto exercitu nocte Cades profugit. Milites partim ad Romanos transierunt, partim fuga in vicinas

IX.
P. Sci-
pionis
contra
Asdru-
balem
ad Bæ-
tulam.

X.
P. Sci-
pionis
contra
eundem
ad Sal-
piam.

cinas civitates dilapsi, alii alio: ita ejeti ex Hispania Carthaginienſes.

XI.
In Africa
P. Scipionis
contris
Syphacem.

Major etiam in Africa fuit P. Scipionis felicitas, ubi Pœnos illorumque ſocios tribus ingentibus præliis devicit. Carthaginienſibus venerat auxilio Syphax Mauritaniz Rex cum peditum 50. millibus, 10. equitum. Aderat etiam Afdrubal cum 30. millibus peditum, equitum tribus. De pace faciendum agitur, miſſi ſæpe utrinque legati, & inter eos a Scipione calorum loco primi ordinum milites, qui aditus omnes formamque caſtrorum curioſius inſpicerent. Ut accepit Scipio caſtra vel lignea eſſe vel contexta arundine, pacis conditiones repudiat, & adverſus hoſtes movet an. 550. Lælius & Maſſiniſſa Syphacis caſtra, ipſe Afdrubalis oppugnat: gemina ſimul caſtra incendio abſumta ſunt; cæſa vel hauſta flammis 40. hoſtium millia, ſex millia capta, ſigna militaria 178. Senatores multi, elephanti ſex: hæc Polybius & Livius.

XII.
Contra
eodẽdem.

Poſt cladem Afdrubal novum in urbe agrisque delectum habet, quatuor Celtiberorum millia mercede conſtituit; redit cum novis Numidarum copiis Syphax. Uterque exercitus triginta ferme millium armatorum erat: ad Magnos Campos (loco id nomen erat) eodem anno pugnatum eſt. Pœni iterum fuſi fugatique ſunt; Celtiberi ad internecionem cæſi: continuo Lælius & Maſſiniſſa juſſi ſunt Syphacem & Afdrubalem perſequi. Ut perventum in Numidiam eſt, illis Syphax occurrit; qui dum Romanorum turmis obequitat, equo graviter iſto effuſus capitur. Vincit Cirtam regni caput a Maſſiniſſa deducitur; urbs a Romanis capta; Syphax a Scipione Romanis miſſus, ut ipſius triumphum cohoneſtaret.

XIII.
Contra
Annibalem.

Secundum hæc, ex Italia revocatus Annibal Adrumetum appulit. Primum exploratores miſit ad hoſtium caſtra; ſed ii capti a cuſtodiis Romanis juſſu Scipionis per caſtra circumducti a Tribunis, ut omnia diligentius explerarent, muneribus etiam donati, ut tradit Polybius, ad Annibalem remiſſi ſunt: deinde de pace ineunda actum eſt; locus inter caſtra delectus, ubi ambo duces ſummotis pari ſpatio armatis congreſſi ſunt. Pauliſper alter alterius conſpe-

spectu admiratione mutua prope attoniti conticue-
 re: tum Annibal pacis condiciones proponit; illas
 respuit Scipio, durioresque imperat: *Alioqui, inquit,*
bellum parate, quoniam pacem pati non potuistis. Quis igitur,
ait Annibal, orationis nostræ finis erit? Nimirum, sub-
 jicit Scipio, *ut vos patriamque vestram fidei nostræ per-*
mittatis, aut prælio dimicantes vincatis. Ita infecta
 pace ad suos uterque rediit, militesque hortatur ad
 certamen; in quo victoriæ præmium terrarum orbis
 futurum sit. Postera die acies utrinque scientissime
 instructa est añ. 551. Annibal ad primum terrorem
 80. elephantos in fronte collocat: in prima acie au-
 xilia Ligurum, Gallorum, Maurorum; in secunda
 acie Afros & Carthaginienses; in subsidiis Italicum
 militem. Scipio læto vultu, ut jam vicisse crederet,
 Romanorum more primos hastatos instruit, post eos
 principes, denique triarios; cavetque imprimis, ut
 inter singulos ordines spatium esset, quo elephanti
 hostium accepti nihil nocerent: Lælium in sinistro
 cornu, in dextro Massinissam curare jubet. A prin-
 cipio pugnæ tantus editus est clamor, ut elephanti
 alii irruerint in suos, alii inter ordines accepti telis
 confossi sint. Fusi primum a Romanis Galli & Li-
 gures. Ut ad secundam aciem, quæ Afrorum erat
 perventum est, difficile & cruentum initum, est præ-
 lium; sed tandem fugato hostium equitatu Lælius &
 Massinissa in Afrorum terga sævire cœperunt, tum-
 que cædes & fuga Pœnorum undique fieri cœpta est.
 Perierunt hostium supra 20. millia, par prope nu-
 merus captus, cum signis militaribus 133. & ele-
 phantis undecim: Romanorum ad duo millia cecidi-
 derunt. Annibal primum Scipioni, deinde Massinissæ
 obviam factus, utrumque hasta congrediens ex
 equo dejecisse dicitur: cum paucis equitibus elap-
 sus Adrumetum perfugit, deinde Carthaginem,
 sexto ac trigésimo post anno, quam puer inde pro-
 fectus erat. Sapientis Imperatoris laudem ab ipso
 Scipione Annibal, & ab ipso Annibale Scipio
 adeptus est, quod uterque singulari arte aciem eo
 die instruxerit. Continuo terra marique a Scipione
 obsessa Carthago est. Venit quidem auxilio Sypha-
 cis filius Vermina; sed continuo amisso exercitu in

Numidiam refugit : paulo post auctore Annibale inter utramque gentem pax sancita est .

CAPUT VI.

Prælia contra Macedonas & Antiochum .

I.
T. Quintus
Flaminii
contra
Philippum .

UT Romanos a Macedonia Philippus arceret : fauces ad Antigoniam, quibus *Stena* nomen erat, inſedit an. 555. montiumque juga occupat. Quintius vero Conſul dum levibus eum præliis diſtinet, quinque peditum millia per montium anfractus paſtorem ſequi jubet . Ab his ad ſumma montium tertio die perventum eſt, ſignumque fumo Conſuli datum, qui hoſtium caſtra continuo aggreditur ; dumque contentione ſumma utrinque certatur, exortus a tergo clamor Macedonas in fugam vertit . Deſeri totus exercitus poterat, niſi per aſpera loca gravis armis miles tardaretur . Rex ad quinque millia progreſſus caſtris amiſſis ſuos collegit .

II.
Contra
eundem .

Altera cum Philippo pugna inter tumulos, quos ob ſimilitudinem *Cynocephalas* vocabant, caſu commiſſa eſt an. 556. Uterque exercitus altis diſtinctus collibus, alter alterum videre cum non poſſet, biſduum eoſdem tumulos inſedit . Quare Romani velites, dum caute explorant loca, imprudentes ob diei tenebras in Macedonum ſtationes incurrunt . Inter illos oritur pugna, ſuis uterque auxilia ſubmittit : modo Macedones cedere, modo Romani : donec utraque acies ad pugnam educitur . Ingenti clamore concurſum eſt : dextra Romanorum acies vicit, viſta ſiniſtra eſt ; at Tribuni unius prudentia victoriam Romanis peperit . Is Philippum ut vidit longe ultra reliquum cornu progreſſum, cum viginti ſignis in terga victorum ſævire inſeſtus cœpit ; cumque phalanx prælium viritim capeſſere non poſſet, projectis armis fugam arripuit . Philippus fugit verſus Tempe : ipſius caſtra direpta ; octo millia militum cæſa, quinque capta . Hæc fere Polybius & Livius .

Longe L. Æmilii Pauli de Perſeo victoria illuſtrior an. 582. Ubi in conſpectum venerunt ambo exercitus, ſuos ad pugnam eduxit Perſeus : at Æmilius poſtquam ſuam inſtruxit aciem, ne ſuos & via
&

& æstu defessos in tegro hosti objiceret, castra metari imperat; pugnamque in posterum diem differri: quod cum multi ferrent ægrius, tum maxime Nasica, qui unus ex omnibus ausus est monere Consul, *vereri se, ne nocte hostis abeat, sequendus maximo labore ac periculo in intima Macedonia: se magnopere suadere, dum in campo patenti hostem habeat, aggrediatur, nec oblatam occasionem vincendi amittat.* Consul nihil offensus libera admonitiones tam clari adolescentis: *Et ego, inquit, animum istum habui, Nasica, quem tu nunc habes; & quem ego habeo, tu habebis. Multis belli casibus didici, quando pugnam, quando abstinendum a pugna sit. Non operæ sit stanti nunc in acie docere, quibus de causis hodie quiesce melius sit: rationes alias reposcito; nunc auctoritate veteris Imperatoris contentus eris.* Castris permunitis, C. Sulpitius Gallus Tribunus militum Consulis permissu milites ad concionem evocat, illosque monet nocte proxima lunam defecturam esse, ne quis id pro portento accipiat; statis temporibus id sciri ante & prædici posse. Edita hora luna deficit. Romani milites Galli sapientiam mirari; Macedones vero triste prodigium, tanquam gentis perniciem portendens, averfati intolerabiles clamores edere. Postero die fortuna certamen contraxit. Inter utrumque exercitum flumen erat; erant utrinque posita præsidia: jumentum a Romanis in alteram ripam evadit; sequuntur Romani tres; ne reducant, duo Thracæ prohibent: fit rixa; Thrax unus occiditur: continuo Thraces octingenti, ut illius mortem ulciscantur, fluvium transgressi, mox omnis exercitus in aciem processit; idem factum a Romanis: commissa pugna. Consulius virtus Romanis saluti fuit: dum enim cello & læto ore aciem obequitat sine galea & lorica, videt Pelignos a phalange dispersos: tum discisso paludamento per hiantem certis in locis phalangem suos immisit, aditumque aperuit victoriæ. Dum phalanx cæditur, equitatus Macedonum prope integer pugna excessit; princeps fugæ Rex erat. Cæsa dicuntur Macedonum 20. vel 25. millia, capta undecim: e Romanis centum ex Possidonio, 80. ex Nasica ceciderunt.

III.
Contra
Antio-
chum.
M. Acili
Glabrio-
nis.

Nec difficilior de Antiocho victoria fuit. Postquam in Græciam Consul appulit an. 562. M. Acilius Glabrio, Antiochus & a sociis in Græcia & a suis in Asia destitutus, intra saltum Thermopylarum se recipit: fauces ipse occupat, juga montium Ætoli; castra communit vallo, fossa, muroque duplici. Habebat sub signis peditum decem tantum millia, & equites quingentos, si Polybio credimus; si Valerio Antiati, 60. militum millia. Consul M. Catonem & L. Valerium Flaccum Consulares cum duobus peditum millibus adversus Ætolorum castella in jugis posita immittit: dum ipse prima luce instruit aciem. Primum magno utrinque impetu certatum est, tum in jugis, tum ad castra, quo refugerat Antiochus; at ubi M. Cato vel cæsis vel pulsus Ætolis apparuit in collibus, tantus hostes invasit terror, ut abjectis armis undique fuga fieri cœpta sit. Antiochus lapide in os ictus excussisque dentibus Elateam fugit, inde Chalcidem, post Ephesum: ipsius castra direpta sunt, cæsa ad decem millia ex Polybio, vel ex Valerio Antiate quadraginta.

IV.
L. Cor-
nellii
Scipio-
nis.

Acilium excepit ann. 563. L. Cornelius Scipio Africanus frater. Ambo Consules Scipio & Lælius Græciam cupiebant: res non sorti, ut mos erat, sed Senatui utriusque consensu permessa; cumque Senatus pars major faveret Lælio, P. Scipio Africanus dixit, si L. Scipioni fratri suo Græciam decrevissent, se legatum iturum. Hæc vox audita certamen sustulit: *experiri libebat, utrum plus Regi Antiocho in Annibale victo, an in victore Africano, Consuli Romanisque legionibus auxilii foret.* Græcia continuo Scipioni, Lælio Italia decreta est; tantaque Africani apud omnes gratia erat, ut quinque sive Romanorum sive sociorum millia, qui emerita jam sub ipso habebant stipendia, præsto fuerint exeunti Consuli, & nomina dederint. Per Græciam, Macedoniam, & Thraciam ad Hellepontum perventum est; unde Eumenis Pergameni opera transmissus in Asiam exercitus. Tum ad Africanum Antiochus legatos misit, si per eum pacem impetrasset, & auri pondus ingenis pollicitus, & filium absque pretio redditurum: is enim, sive dum Hellepontum trajicit, sive dum hostium stationes speculatur incautius, captus erat. Ad ea Sci-

Scipio: Ego, inquit, ex munificentia regia maximum donum filium habeo: aliis, deos precor, ne unquam fortuna egeat mea; animus certe non egebit. Pro tanto in me munere gratum me esse in se sentiet, si privatam gratiam pro privato beneficio desiderabit; publice nec habeo quidquam ab illo, nec dabo. Quod in presentia dare possim, fidele consilium est: abi, nuncia meis verbis, bello absistat, pacis conditionem nullam recuset. Et paulo post, ubi audiit Antiochus Scipionem ægrum delatum Elæam, eo legatos, qui filium ad eum reducerent, misit: illis Scipio, *Renunciate*, inquit, *gratias Regi me agere; referre gratiam aliam nunc non posse, quam ut suadeam, ne ante in aciem descendat, quam ut in castra me rediisse audierit.* Morem gessit Antiochus, & circa Magnesiam, quæ ad Sipylum montem est, castra posuit, eaque, ne cogeretur ad pugnam, vallo duplici circumdedit. Consul & Cn. Domitius, quem suo loco æger Africanus reliquerat, ut vident detrectari certamen, duces cæteros in consilium advocant: *instare hyemem; aut sub pellibus habendos milites, aut bellum in æstatem differendum.* Contemptu hostis conclamatum undique est, *ducerent extemplo; paratos esse per fossas; per vallum hostes invadere.* Tertio die post, Consul aciem instruit; Antiochus ne suis animos minueret, copias educit. Erant Consuli 28. militum millia ex Livio, 30. ex Appiano: Antiocho 70. peditum millia tribuit Appianus; 12. millia equitum Livius addit. Ut ad manus ventum est, dextrum Romanorum cornu vicit & fortitudine & industria Eumenis, qui falcatos Antiochi currus territis equis avertit; sinistrum vero victum est: jamque in castra effuso cursu fuga erat, cum M. Æmilius Tribunus militum, qui præsidio castris relictus fuerat, fugientibus occurrit, iisque mortem, ni ad pugnam redeant, intentat. Hic major timor minorem vicit: in pugnam redeunt, ipseque Æmilius acriter resistit sequenti Antiocho; qui ut vidit novam e castris aciem, aliamque a dextris victricem ingruere, in fugam vertit equum, Sardesque, deinde Apameam, denique in Syriam refugit. Ad 50. peditum millia ea die periisse perhibent, quatuor equitum; mille præterea & 400. captos;

74 ROMANORUM
ptos: ceciderunt e Romanis plus 300. pedites, 24. equites. Romanos, dum in sua castra redeunt, illud proverbii loco usurpasse refert Appianus; fuit Rex Antiochus magnus.

C A P U T VII.

Prælia contra Gallos Gæsatas, Jugurtham, Teutonas, & Cimbros.

I. **V**irdomarus Gallorum Gæsatarum Rex an. 532. Claſtidium obſedit; de quo ut ad Marcellum Conſulem allatum eſt, Cornelium Collegam ad Aceras dimiſit, ipſe cum equitatu & peditibus paucis magnis itineribus in hoſtem pergit, & eum, Gallis licet equite & peditum multo inferior, aggreditur. Virdomarus, & armis & corporis proceritate inſignis, Marcellum ad ſingulare certamen provocat; nihil cunctatus Marcellus in illum invecſus equo facit impetum, mediumque lancea tranſfixit: tum detracta oſtentans ſpolia, *Arbiter inſignium factorum*, inquit, *Juppiter Feretrie, te teſte Dux Ducem, Conſul Regem, manu mea tertius ego hunc conſoſſum interfeci; tibi conſecro opima ſpolia*. Terrore caſſi Regis fuſi Galli, & magna ſtrage conciſi.

II. **Dum Metellus Jugurthæ verbis pacem nunciat,** reipſa bellum gerit. Jugurtha ex loci opportunitate in ſpem victoriæ adductus Romanos an. 644. adortur: Metellus pro loco & tempore copias inſtruit, Rutiliumque, ut caſtris locum capiat, præmittit. Interim Numidæ alii poſtremos cedere, pars a ſiniſtra ac dextera tentare: ſicubi vero Romanorum turma inſequi cæperat, non conſeſſim fugere, ſed alii alio quam maxime diverſi; facies totius negotii varia & incerta: pars cedere, alii inſequi; ubi quemque periculum ceperat, ibi reſiſtere. Ut videt Metellus Numidas minus inſtare, milites in collem ſubducit, reſtituitque ordines. Interea Bomilcar Rutilium invadit, ſed continuo fuſus fugatuſque eſt: plerique abjectis armis, collis & noctis beneficio, integri abeunt; quatuor elephanti capti, 40. caſi.

III. **Jam fractus a Metello Jugurtha Bocchum Numidæ regem in auxilium evocat: a Mario, qui Metello**

tello subleſtus erat, uterque ſemel atque iterum vi-
ctus an. 646. Primum ſub vesp̄am in Romanos in-
currunt. Romani, quamvis improviſo metu trepidi,
virtutis tamen memores arma capere, alii obviam
ire hoſtibus, omnes ſine ſignis, ſine ordinibus pu-
gnare. Tum Marius vicinos colles occupat; ibi per
noctem maximum ſilentium haberi jubet, ne ſigna
quidem canere: dum Barbari plerumque noctis læ-
tari, exultare, & Romanis inſultare. Ut lux adve-
nit, deſeſſis jam hoſtibus, tubicines ſimul omnes
canere Marius imperat, milites clamorem tollere, &
portis erumpere. Numidæ horribili ſonitu repente
exciti, neque fugere, neque arma capere poterant:
omnes fuſi fugatique, arma & ſigna militaria plera-
que capta, plureſque eo prælio quam ſuperioribus
interemti.

Nec lætior Jugurthæ inſita ad Cirtam pugna fuit:
ubi copiis in quatuor partes diſtributis Romanos un-
dique invadit; ipſe equitibus, Bocchus peditibus
præerat. Dum Marius apud primos agit, Jugurtha
clam cum paucis ad pedites ſe convertit: ibi Latine
exclamat, *frustra illos pugnare; paulo ante Marium
ſua manu interfectum*; ſimul gladium ſanguine obli-
quum oſtendere, ſimul Barbari animos tollere; atro-
citate rei contra terreri Romanos; jamque paulum
a fuga aberant, cum hinc Sylla, inde Marius (pro-
ſtigatis iis, quos adverſum ierant) accurrunt auxi-
lio ſuis; tum fuga a Numidis fieri undique cœpta
eſt; multaque millia trucidata.

Partem in Africa gloriam Marius duabus de Cim-
bris & Teutonibus victoriis cumulavit. Dum Italiam
Cimbri per Noricum petunt, & Teutones per Gal-
liam, Teutonibus ad Rhodanum Marius occurrit:
quod vero Barbarorum & multitudo & proceritas
terrorem incuteret militi, ſe in caſtris continuit;
unde Barbari per ludibrium a Romanis quærebant
identidem, *Ecquid mandare vellent uxoribus ſuis?
brevis eas ſe viſuros*. Ubi vero ſenſit Marius milites
& aquæ inopia laborare, & pugnam ultro expoſce-
re; flagitante aquam exercitu, fluvium, qui ultra
hoſtes erat, oſtendit: *viri, inquit, eſtis; en illic ha-
betis*. Continuo tanta audaciâ contra hoſtem itum
eſt.

IV.
Contra
eodem
ad Cirtam.

V.
Contra
Teuto-
nas ad
Aguas
Sextias.

est an. 651., ut Ambrones ad unum omnes concissi sint. Plus cum Teutonibus negotii fuit, qui dum magno impetu ruunt ad collem, quem Romani insederant, hinc a Mario inde a Marcello magna strage cæsi sunt: 100. millia trucidata ex Plutarcho, 200. ex Orosio, 150. ex Vellejo; capta vel 80. vel 90. millia, ex Liviana Epitome; vix tria millia evaserunt, Rex Teutobocchus, qui tanta erat agilitate corporis, ut senos equos saltu transiliret, captus Marrii postea triumphum cohonestavit. Cæsorū ossibus ferunt vineas a Massiliensibus multo post circumseptas.

VI.
Contra
Cimbros
ad Ver-
cellas.

Non par Catuli contra Cimbros fortuna fuit. Ad Athesim confederat, ut transitum hostibus prohiberet; at Cimbri mira feritate saxis, rupibus, arboribus replere amnem: unde tantus Romanos terror invasit, ut fugam plerique caperent; quos cum retinere non posset Catulus, quo illorum pudori consuleret, præmissa aquila, se fugæ ducem præbuit. Sub hæc, de Teutonibus victor Marius venit auxilium petit ab eo Bojorix Cimbrorum Rex, ut die & loco prodiret in aciem. Dies ab eo tertius, & campus ad Vercellas, cui Raudis nomen erat, delecti ad pugnam an. 652. Habuit sub signis Catulus militum 20. millia Marius 32. In orientem ita conversa est Romanorum acies iussu Marrii, ut pulvis in oculos hostium ferretur, & galearum splendore ardere cælum Cimbris videretur. Hostium fortissimi quique concissi ad 140. millia ex Plutarcho, 60. millia capta ex Eutropio, & 33. signa militaria: Beleus Rex in acie dimicans nec inultus cecidit, ex Floro; plures Regulos numerat Orosius, e quibus Lucius & Bojorix cæsi. Claudius & Cæsorix capti: prædam Marrii milites diripuerunt; spolia, tubæ, signa militaria relata in castra Catuli, penes quem partæ victoriæ laus fuit. Nec minor fuit cum mulieribus pugna; cum objectis undique plaustris desuper, quasi e turribus, contis lanceisque pugnarent: cumque nec libertatem, nec sacerdotium a Mario impetrarent, in furorem actæ, pars maritos, parentes, filios fugientes e pugna occidere; pars parvulos propriis elidere manibus; omnes denique vel mutuis se confecerunt vulneribus, vel

vel vinculis e crinibus factis ex arboribus jugisque plaustrorum pependērunt. Eodem die quo gesta res est, juvenes laureatos pro æde Castoris literas dedisse perhibent. Marius, tertius Romæ conditor appellatus, ipsique & sextus Consulatus & honor triumphī delatus est, quem tamen cum Catulo communicare voluit.

C A P U T VIII.

Prælia contra Mithridatem & Tigranem.

Archelaum Mithridatis ducem bis Sylla devicit, primum ad Chæroneam, deinde ad Orchomenon: habebat Archelaus militum 120. millia, Sylla tertiam quidem partem. Quare ad loci temporisve occasionem intentus, oblatam sibi ab Archelao pugnam sæpe detrectare instituit; donec ad Chæroneam ventum est, ubi ob loci angustias nihil juvat multitudo, & propter rupes nullum victis patet efugium. Hic hostes Sylla tanto militum ardore invadit, fundit, cædit, ut e 120. millibus vix 10. millia effugerint: e Romanis militibus, quod vix quisquam sibi persuadeat, decem tantummodo ceciderunt, an. 666.

Mithridates per hyemem novos milites ad 80. millia contribit, quibus Dorylaum præficit, ut ad Archelaum duceret. Ad Orchomenon Bœotiæ oppidum an. 667. pugnatum est. Cum Romani equitum multitudine territi segnius pugnam capefferent, nec Sylla quidquam precibus minisve proficeret; desiliit ex equo, & arrepto signo inter duas acies procurrit clamitans: *Si quis vos rogarit, milites, ubinam Syllam Imperatorem vestrum prodideritis; respondete, pugnantem ad Orchomenon.* Tum Præfecti, Tribuni, milites victi pudore se ipsos invicem hortari & in hostes certatim irruere. Ea die 17. millia hostium cæsa; postero die expugnata castra factaque magna strages; ipse Archelaus dies aliquot in palude delituit, unde navicula profugit Chalcidem: ducentis annis post, si Plutarcho credimus, loricæ, galeæ, & alia id genus in cœno reperta.

I.
Contra
Mithri-
datem;
Syllæ ad
Chæro-
neam.

II.
Ad Or-
chome-
non.

III.
Lucul-
li ad Cy-
zicum;

Tribus Mithridatem præliis fregit Lucullus, cujus in

in eo eluxit scientia militaris, ut ipse semper, nusquam Mithridates omnibus viribus decertaret. Erat Mithridati infinita prope militum multitudo. Lucullo 30. peditum millia, & 1600. equites; quare bellum ducere, detrectare pugnam, & hostes fame vincere instituit. Ad certamen cum eum elicere non posset Mithridates, Cizycum, amicam Romano nomini civitatem, obsidet an. 679. tum Lucullus advocata concione palam dicere non dubitavit, *se paucis diebus victoriam iis incipientem daturum*. Nec eum spes fefellit; vexatus inedia Mithridates primum copiarum partem in Bithyniam ad hyberna, deinde soluta obsidione cæteros milites Lampsaenum dimittit: omnes separatim affecutus Lucullus magna strage concidit; cepit equorum sex millia, virorum quindecim. In Pontum postea penetrat, ubi equestri prælio bis a Mithridate fusus est: at hostilem equitatum tandem in montium faucibus delet an. 681. unde tantus & Mithridati & ipsius ducibus incussus terror, ut omnes desertis castris fugam ceperint: quo vero Romanos retardaret Mithridates, sarcinam muli aurum ferentis de industria concidi jubet. Ita sparsos per viam nummos dum colligunt Romani, ipse elabitur, & ad Tigranem fugit Armeniæ Regem.

IV.
In Pon-
to.

V.
In Ar-
menia
contra
Tigra-
nem.

Jam ad Tigranem Metrodorum Sceptium præmiserat Mithridates, ut eum in belli societatem alliceret. Sceptium rogavit Tigranes, quidnam ipse consilii de auxilio contra Romanos mittendo daret? *ut legatus*, inquit ille, *consulo*; *ut consiliarius deterreo*: quod cum Mithridati paulo post Tigranes aperuisset, Sceptium occidi iussit. Sub hæc advenit a Lucullo Appius Claudius, qui Mithridatem Romanis tradi posceret: negavit Tigranes, nec Lucullum titulo Imperatoris ornavit, quod ille non Regem Regum, uti mos erat in Syria, sed Regem tantummodo in epistola ipsum appellasset. Erant Tigrani peditum 250. millia, 50. equitum, ex Appiano: scribit Plutarchus sagittariorum & funditorum fuisse 20. millia, equitum 55. peditum gravis armaturæ 150., reliquorum ad varia ministeria 35. millia: unde tam certa aulicis victoriæ spes erat, ut insignem ducem fore Lucullum dicerent, si Tigranem opperiretur Ephesi, & non statim ex Asia

Asia profugeret. Is tamen, relicto ad regendam provinciam Sornatio, ipse cum 12. peditum millibus, tribus fere equitum transmissis primum Euphrate, deinde Tigri, Tigranocertam Armeniæ caput obsidet an. 683. Venisse Lucillum nemo Regem monere audebat, quod nescio quem, qui primus monuerat, aulicum suspendi jussisset; Regem tamen ut sibi caveret Mithrobarzanes admonuit: quare continuo jussus est a Rege Lucillum sibi vivum adducere, & obterere cæteros; at is sive a Lucullo, sive a Sextilio legato cum suis oppressus est. In Lucillum tandem movit Tigranes, ne Mithridates, qui aberat, in gloriæ societatem veniret; Romanorumque paucitatem conspicatus (erant enim tum Lucullo undecim tantum militum millia, cæteris ad Tigranocertam relictis) *sibi legati sunt; inquit, multi sunt; sin autem hostes, perpauci:* idque unum ægre ferebat, quod cum uno sibi Lucullo, non cum omnibus Romanorum ducebus decertandum esset. Ex alia parte dum Lucillus aciem instruit, illum monent cæteri duces, ne pugnet die nefasta, qua cæsus a Cimbris cum exercitu Cæpio fuerat; quibus ille, *hæc dies, inquit, victoria nostra deinceps fausta Romanis erit.* Tum in frontem immisit equites, qui hostem lacefferent & ultro cederent, dum pedites ipse ad tumulum circumducit; ut vero conspexit hostes quasi jam victores in persequendo dispersos, exclamavit, *Vicinus milites;* & continuo in jumenta, quæ intra tumulum erant, irruit: illa confossa telis in pedites incurrunt, hi in equites, moxque effusa undique facta fuga est, nescientibus Armenis unde esset cladis initium. In hostes sævitum est per 120. stadia; e quibus ceciderunt pedites supra centum millia, equitum 40. millia: e Romanis centum vulnerati, quinque tantum cæsi, ex Plutarcho; quamvis, ut Livius auctor est, ne vigesimus quidem bellatorum pro Romanis pugnaret.

Subrogatus Lucullo Pompejus bellum una nocte confecit anno 687. Post aliquam equitum velitationem pressus inopia Mithridates in regni interiora se recipit; sequitur Pompejus: rex vicum occupat circumquaque munitum rupibus. Dum utrinque stationarii de nocte per declivia dimicant, primum regii equi-

VI.
Pompeji
Magni
contra
Mithri-
datem
in Pon-
to.

res deinde Romani suis quique opem ferunt injus-
si: dumque utrinque pugnatur, duo Mithridaticis
fraudi fuerunt; unum, quod cum luna a tergo Ro-
manis esset, ii umbras hostes esse rati cuncta in ir-
ritum tela fuderunt; alterum, quod dum equites re-
gii Romanis numero impares castra præcipiti cursu
repetunt, cæteri eos castris captis fugere arbitrati,
continuo abjectis armis ipsi fugiunt; alii, quod exi-
tus ad fugam non pateret, desiliunt in præceps; alii
a Romanis interfecti; rex per rupes elapsus ad Col-
chos fugit. E Romanis vulnerati mille, necati 40. e
regiis decem millia cæsa, castra cum omni apparatu di-
repta, eaque nocte cum Mithridate debellatum est.

CAPUT IX.

*Prælia C. Cæsaris contra Gallos & Germanos,
& Crassi contra Parthos.*

I.
C. Julii
contra
Helve-
tios in
Ædais.

PRIMUM Cæsari bellum cum Helvetiis fuit, qui in
Galliam irruerant anno 695. Contra illos in
Ædais pugnatum est; ubi Cæsar, ut æquato periculo
spem fugæ tolleret; primo suum, deinde omnium equos
remover. Tum cohortatus suos, in hostium phalan-
gem facit impetum, qua disjecta, in montem ho-
stes se recipiunt; unde redintegrata pugna, diu
ancipiti prælio dimicatum est a septima hora ad
vesperam. Tandem Helvetii vulneribus defessi pars
ad Carros, pars ad montem iterum se conferunt,
ubi ad multam noctem certatum est. Romani tan-
dem Carris potiti sunt; fugientes Helvetii, rerum
omnium inopia adducti, deditionem faciunt; quos
Cæsar in fines suos, unde profecti erant, reverti iussit.

I P.
Contra
Germa-
nos.

Partam de Helvetiis victoriam altera eodem anno
de Germanis excepit. Ariovistus Germanorum rex
Æduos Romanorum socios vexabat. Per legatos ab
eo petit Cæsar, ut locum medium utriusque collo-
quio deligeret: responder Ariovistus, *si quid ipsi a
Cæsare opus esset, sese ad eum venturum; si quid ille
a se velit, illum ad se venire oportere.* His responsis
commotus Cæsar imperat, ut hospites, quos habe-
ret ab Ædais, redderet; ne illos injuria lacefferet.

Utrum

Utrumque negat Ariovistus; quare ad arma ventum est. Sed Romani milites ab hoc bello vehementer abhorrebant: alii lacrymari, alii in tabernaculis suum fatum queri, vulgo totis castris testamenta obsignare; quem timorem ubi oratione sua Cæsar depulit, in Ariovistum movet. Dies continuos quinque Cæsar aciem instructam habuit; tandem copias e castris eduxit Ariovistus. Ita utrinque concursus est, ut spatium pila in hostes conjiciendi non fuerit; comminus gladiis pugnatum. Sinistrum Cæsaris cornu vicit; in dextro laboratum est vehementer; donec P. Crassus tertiam aciem præsidio misit. Ita restitutum prælium est; hostes tandem terga verterunt, pauci cum Ariovisto lintribus Rhenum trajecerunt: cæteri a Romanis trucidati.

Secundum hæc, dum Cæsar in citeriori Gallia agit, Belgæ cum vicinis populis in Romanos conjurant; diebus quindecim Cæsar ad Belgarum fines advolat an. 696. Noviodunum & Belovacum deditione accipit; Ambiani se suaque tradunt, Belgæ ad Axonam fluvium concisi: plus cum Nervii negotii fuit. Dum Cæsariani milites ad Sabim castra communiunt, Ædui, qui intra sylvam ordines constituerant, omnibus copiis provolant. Pulsi primo impetu equites, cæteri undique oppugnati, legio nona & decima e colle ad flumen compulsæ, multi Centuriones vel occisi, vel vulnerati: resque in angusto erat, cum Cæsar scuto militi detracto in primam aciem processit; cujus exemplo spe illata militibus, paulum hostium impetus tardatus est. Cæteræ legiones, ut nunciatum est, quanto in periculo & castra & exercitus & Imperator versaretur, undique auxilio advolant; undetanta rerum commutatio est facta, ut qui confecti vulneribus procubissent, scutis innixi prælium redintegrarent; calones etiam inermes armatis occurrerent; equites, ut fugæ dedecus virtute delerent, pugnarent omnibus in locis. Ita victi tandem Nervii, quorum gens & nomen pene ad internecionem hoc prælio deletum est: ex 600. enim Senatoribus tres tantummodo, ex hominum millibus 60. vix 500. superfuerunt, quos Cæsar suis finibus & oppidis uti jussit.

III.
Contra
Nervios
ad Sabim.

IV.
Contra
Germanos.

Par prope clades Germanis aliquanto post illata. Ad 600. millia a Suevis pulsi Rhenum transferant an. 698. Amisissis sedibus, petunt a Cæsare ut ejectis domo agros attribuat; posse Romanis esse utiles amicos: a Cæsare ad Ubios remissi sunt. Interim Cæsar ne quid fraudis subesset, equitatum evocat; qui dum conveniunt, 800. Germani equites in quinque Cæsarianorum millia nihil hostile timentium impetum faciunt, & 72. perimunt: deinde Germani, quasi criminis purgandi causa, majores natu mittunt ad Cæsarem. Illos Cæsar retinet, copias omnes educit, priusque ad hostium castra pervenit, quam quid ageretur Germani sentire possent. In castra undique irrumpitur, pauci inter carros & impedimenta resistunt, reliqua multitudo fugam capit: pars ab equitatu Cæsaris oppressi, pars Rheno submersi perierunt.

V.
Contra
Ambiorigem.

Illustrior etiam C. Cæsaris de Ambiorige victoria an. 699. Is Eburonum Princeps, Sabino & Cotta per fraudem oppressis, Q. Ciceronem in castris obsidet. Unam tantum legionem habebat Cicero; 60. militum millia Ambiorix: castra magna vi undique oppugnat, a Romanis diu noctuque ingenti audacia resistitur: nulla ægris, nulla vulneratis facultas quietis datur; casæ Romanorum illorumque impedimenta incensa; nullus tamen, ut flammam extingueret, de vallo decessit: eoque die plurimi hostes vulnerati. Erant in legione Centuriones duo fortissimi viri: iis perpetua contentio erat, uter præstaret alteri. Ex iis Pulpio: *quid dubitas*, inquit, *Varene? aut quem locum probandæ virtutis tuæ expectas? hic dies de nostris controversiis judicabit.* Hæc quum dixisset, procedit extra munitiones, & in hostes confertissimos irrumpit, pilum in eos mittit, unumque ex multitudine trajicit. In eum universi tela conjiciunt; scutum transfigitur, verutum in balteo defigitur. Tum succurrit illi, qui subsecutus erat, Varenius: ad hunc se confestim a Pulpione omnis multitudo convertit. Is dum gladio rem gerit instatque cupidius, in locum inferiorem dejectus concidit; hinc rursus fert subsidium Pulpio, atque ambo incolumes multis interfectis summa cum laude sese intra munitiones recipiunt: ita alter alteri inimicus auxilio salu.

salutique fuit, nec judicari potuit, uter utri virtute antefendus videretur. Interea de Ciceronis periculo Cæsar factus certior, venit in Nerviorum fines; Galli re cognita ad Cæsarem omnibus copiis contendunt. Cæsar castra communit in loco quam potest æquissimo, eoque hostes timoris simulatione allicit; qui spe victoriæ pronunciari jubent, *seu quis Gallus seu Romanus velit aut horam tertiam ad se transire, sine periculo licere: post id tempus non fore potestatem.* Tunc Cæsar omnibus portis eruptione facta celeriter hostes dat in fugam, magnumque ex iis numerum occidit, atque omnes armis exuit: eodem die pervenit ad Ciceronem, eumque pro merito legionemque collaudat.

Non eadem Romanorum adversus Parthos felicitas. M. Crassus Orodi bellum sine causa intulerat an. 698. transmissoque Euphrate quadrato agmine procedebat, cum Parthi signo dato Romanos invadunt. Alii primos telis configere, pars a sinistra ac dextra intrare, undique infesti adesse, si vero Romanorum turma eos insequi cœperat, non confestim pugnare, nec in unum se recipere; sed uti docti erant a Surena, alius ab alio quam maxime diversi. Ubi videt Crassus eminus sauciari suos, nec contra ferendi & cominus pugnandi copiam esse, filium advocat, jubet cum hoste manum conferat. Tum Parthi simulare fugam, Publius insequi imprudentius; postquam enim a patre longius abstractus est, Parthi prælium instaurant, alios sagittis, alios contis transfodiunt, magnamque equitum edunt stragem. Publius trajecta telo dextera invitatus ab amicis, ut fuga sibi consuleret, negavit deserturum eos, qui sua causa perirent; tum ab armigero latus gladio transfigi iussit. Continuo Parthi illius caput hausta suffixum ostentant, patrique ad auxilium filii properanti occurrunt: *quo patre, qua gente natus sit Publius, per ludibrium quæruunt; nec enim Crassi patris ignavissimi tam fortem filium fuisse.* Post iteratum prælium sub vesperam tandem se recipiunt, cum dicerent Crasso largiri se unam noctem ad filium legendum. Crassus de nocte primum Carrhas, deinde Syriam versus longius fugit, sed a Parthis cir-

V I.
M. Lici-
nii Cras-
si con-
tra Par-
thos.

cumventus, cæsus est; amissaque hoc bello Romanorum 20. millia.

CAPUT X.

PRÆLIA

In Bello Civili Marii & Sillæ.

I.
L. Cornelii
Syllæ
contra
Carinatem
&
Marciū
ad portam
Colinam.

MArianos inter & Syllanos multa quidem prælia summo publicæ rei damno commissa sunt; at illud præ cæteris insigne, quod ad portam Colinnam datum est an. 671. Præerant Marianis Carinas, Marcius, & Damasippus; Syllanis ipse Sylla, multarum palmarum Imperator. Summa utrinque vi concursus est: post acre diuturnumque certamen, dextrum Syllæ cornu vicit, sinistrum fufum est; in quodum pugnat Sylla summo vitæ discrimine, sigillum Apollinis aureum Delphis sublatum, quod semper in sinu ferebat, tum deosculatus dicitur, atque ita precatus: *Felicem me Cornelium Syllam Pythi Apollo, quem tot decorasti victoriis, hoc loco adduxisti, ut in patriæ foribus cum suis civibus caderet.* Hoc prælio, in quo de summa rerum certatum est, 50. utrinque hominum millia periisse perhibent: qua clade Marianorum vires concisæ sunt.

I I.
Cn. Pompei
contra
Hiarbam
&
Domitium
in
Africa.

Habet vero id præcipui de Hiarba & Domitio Pompei victoria, quod & summa celeritate & a juvene parta sit. Jussus a Sylla Pompejus Domitium bello persequi in Africam, quo fugerat, septem legiones ducit an. 682. Domitium & Hiarbam Numidiæ Regem magna strage vincit. Cæsis hostium 17. millibus, illorum castra expugnat; ubi cæsus Domitius, captus

Hiarbas, urbes multæ partim vi, partim deditione captæ, subacta Africa; quæ intra dies 40. Pompejus annos natus 24. præstitit. Tum dimisso jussu Syllæ exercitu, Romam venit: cum omnes civitatis principes, tum ipse Sylla processit obviam, qui Pompejum amice complexus, *salve*, inquit, *Magne Pompei*: quod ille cognomen tanquam spoliū ex Africa cepit, ait Plinius. Triumphum petenti negavit primum Sylla ob ætatem immaturam: at ubi respondit Pompejus, *plu-*

res orientem solem quam occidentem adorare; juvenis audaciam admiratus Sylla, *triumphet, inquit, triumphet.* Animus erat curru elephantis juncto in Urbem invehi; sed quod porta erat angustior, transiit ad equos, nec in Senatum prius admitti voluit, quam triumphasset, quia & ipsi ad gloriam illustrius erat, & plebi jucundius equitem triumphare.

Non eadem Pompejus adversus Sertorium fortuna usus est an. 676. Lauronem Hispaniæ oppidum dum Sertorius obsidet, advenit ex Italia cum exercitu Pompejus; scribitque civibus bono essent animo, spectarentque e muris obsidentem Sertorium obsideri. Quod ut nunciatum Sertorio est, risit, & *discipulum Syllæ docturum se ait Imperatoris munus*; & simul e castris sex millia militum evocat, qui Pompejum a tergo adorarentur: quare Pompejus, ne obsideretur ipse a Laurone recessit longius. Ad Sucronem haud multo post justo prælio pugnatum est an. 677. præcipiti jam in vespem die; veriti enim ambo, ne superveniret Metellus, Pompejus ut solus, Sertorius ut cum solo dimicaret. Alterum cornu regebat Pompejus, Afranius alterum; oppositus Afranio Sertorius, Pompejo Perpenna. Cornu sinistrum urgente Pompejo labare cœpit: continuo inclinatae aciei succurrit Sertorius; suos confirmat, Pompejumque vertit in fugam, qui amisso equo acceptoque vulnere pene oppressus est, vix, de equo & phaleris dum altercantur Afri, fuga dilapsus. Interim Afranius oppositum cornu vincit, castra diripit; cum victor in ipsum Sertorius irruit, intentosque prædæ milites cædit fugatque. Ut illuxit, copias Sertorius iterum educit in aciem; at ubi Metellum advenire audiit, inde abiit, cum diceret: *kunc ego puerum, nisi anus illa supervenisset, verberibus castigatum Romam dimissem.*

III.
Sertorii
contra
Pompe-
jum ad
Sucro-
nem.

I.
C. Cæsaris ad
Pharfa-
lū con-
tra Pom-
pejum.

POSTquam Cæsar ad pugnam elicere Pompejum apud Pharsalum diu frustra tentasset, ex hoc loco castra movere constituit; jamque signo dato agmen in portis erat, cum animadversum est longius a vallo esse Pompeji aciem progressam. Tum Cæsar, *diffendum est*, inquit, *iter in præsentia nobis, & de prælio cogitandum*: confestimque expeditas copias educit an. 705. In sinistro cornu M. Antonium curare jubet, in dextro P. Syllam, in media acie Cn. Domitium, ipse contra Pompejum constitit; ne vero dextrum cornu ab equitatu hostili circumveniretur, ex tertia acie sex cohortes detrahit, & ex iis quartam aciem constituit, monuitque ejus diei victoriam in earum cohortium virtute constare. Tum Crastinus evocatus, vir singulari virtute, *faciam*, inquit, *hodie, Imperator, ut aut vivo mihi, aut mortuo gratias agas*. Hæc cum dixisset, primus in dextro cornu procurrit. Pompejus paulo ante suis victoriam pollicitus erat, & T. Labienus juravit se nisi victorem in castra non reversurum; idemque juravit Pompejus cæterique duces. Ita instructa Pompeji acies erat; sinistrum cornu regebat Pompejus, Afranius dextrum, mediam aciem Scipio: habebat sub signis 110. cohortes, hoc est militum 45. millia; Cæsar cohortes 80. id est 32. millia: inter utramque aciem tantum erat relictum spatii, ut satis esset ad concursum. Cæsariani de more ad medium usque spatium procurrunt; Pompejani non item: pilis primum certatum est; deinde gladiis. Pompejanorum impetum equitatus Cæsaris non tulit: jamque Pompejani Cæsaris aciem circuire cœperant, cum Cæsar quartæ aciei signum dedit, quæ tanta vi in Pompeji equites incurrit, ut omnes primo impetu in montes versi sint; deinde eadem cohortes sinistrum Pompeji cornu adoriuntur, tertiamque aciem Cæsar procurrere jubet: ita cum recentes atque in-

regri

tegrī defeffis fuccederent, Pompejani fuſi ſunt. Pompejus ut equitatum, cui maxime fidebat, pulſum videt, aliis diffuſus acie exceſſit, & ſe in caſtra equo contulit: ubi Centurionibus, *Tueamini*, inquit, *caſtra, ſi quid durius acciderit; ego reliquas portas circum-*
eo, & caſtrorum præſidia confirmo. Tum in tentorium ſe recipit, ubi aliquandiu ſedit attonitus; cumque magnam hoſtium manum fugientium tergo inhærentem vidiffet, *etiamne in caſtra?* dixit: & depoſitis Imperatoris inſignibus fugit a caſtris, & equo citato Lariffam contendit. Caſtris Cæſar potitus eſt, & ſcriniis Pompeji, cujus literas incendi juſſit, ne quid in quemquam gravius ſtatuerē cogeretur. Erant in caſtris triclinia ſtrata, magnum argenti pondus expoſitum, multaſque præterea, quæ nimiam luxuriam & ſpem victoriæ indicarent. Ceciderunt ex Cæſarianis 200. non amplius milites, e quibus 30. Centuriones & Craſſinus ille, de quo modo meminimus, gladio in os adverſum conjeſto: e Pompejanis 15. millia ex Appiano & Hirtio, 6. millia ex Plutarcho, 24. millia deditione capta, ſigna militaria capta 180. Cæſar, ut ait Appianus, parci civibus juſſerat, & in ſola ſervare auxilia: dedititios legionibus adſcripſit ſuis; dumquæ cæſorum corpora conſpiceret: *hoc voluerunt*, inquit; *tantis rebus geſtis C. Cæſar condemnatus eſſem, niſi ab exercitu petiſſem auxilium.*

Ex Pharſalica victoria novum Cæſari bellum ortum eſt. Ptolemæus Dionyſius, etiam tum puer, in Ægypto ſolus regnabat; Alexandriam ut appulit Cæſar, ex patris Auletis teſtamento par Cleopatrz imperium detulit: quod cum multis, tum maxime Phottino Ptolemæi nutritio ægre fuit. Is copias e Peluſio evocat, quibus Achillam præfixit; Cæſar viribus inferior intra oppidum ſe continet. In portu acriter pugnatum eſt; 120. naves hoſtium incenſæ, teſtis etiam ignes injeſti, quibus celebris illa Philadelphi bibliotheca deſlagavit an. 706. Auxilia Cæſar accerſit ex Aſia: commiſſo iterum prælio penes Cæſarem victoria ſtetit; naves hoſtium partim captæ, partim demerſæ, fugataſque reliqua classiſ. Inſula potiri dum Cæſar nititur, ipſius navis nimio pondere ſubmerſa eſt; ipſe ne madefactis quidem, quos ſiniſtra manu

II.
Ad Ale-
xandriā
contra
Ptole-
mæum.

tenebat, libellis, natando incolumis evasit; quamvis & veste gravaretur, & jaculis peteretur ab Ægyptiis. Sub hæc ab Alexandrinis de pace actum est. Rex quidem, quem apud se habebat Cæsar, ab eo dimissus; sed bellum mox renovatum est: auxilio venerunt Cæsari & Mithridates Pergamenus & Judæus Antipater. Continuo Cæsar transmissio fluvio hostium castra expugnat; cæsa 20. millia, capta 12. Rex ipse, dum fugit, exceptus scapha merfus est; occupata Alexandria; Ægyptus data Cleopatæ. Hæc fere Hirtius, Appianus, Plutarchus.

III.
In Pon-
to con-
traphar-
nacem.

Rebus Ægypti compositis Cæsar per Syriam Pontum petit an. 707. Pharnaces Mithridatis filius, dum Romanos civili bello distractos videt, Armeniam minorem & Cappadociam occupat. Domitius Calvinus Asiæ præfectus a Cæsare illum utroque regno decedere jubet, non parentem bello persequitur: at inita pugna victus est; Cæsari tamen adventu territus Pharnaces veniam petit. Legatos benigne excipit Cæsar, ut spe pacis, inquit Dio, incautum evertat; quod subveritus Pharnaces Cæsarianos, dum castra ad Scotium metantur, invadit. Romani omisso opere arma capiunt, hostem fundunt, castra expugnant; Pharnaces cum paucis equitibus profugit: quæ tanta celeritate præstita sunt, ut ad Anitium amicum scripserit Cæsar tria tantum verba hæc, *veni, vidi, vici*. Ita Pontus receptus, regnumque Bospori Mithridati Pergameno concessum.

IV.
Ad Thapsum
contra
Jubam
& Scipionem.

Hæc dum geruntur in Asia, Pompejani bellum in Africa reparant. Eorum principes erant M. Cato, Afranius, Labienus, Petrejus, Faustus Sylla; & præerat omnibus spe victoriæ Scipio Pompeji socer, quasi fatale esset Scipionibus in Africa vincere. Romam ut rediit Cæsar, media hyeme trajicit in Africam: cum primum terram attigit, prolapsus est; & quasi de industria procubisset, terram osculatus exclamavit: *teneote Africa*. Primum illi res fuit cum Labieno & Petrejo; utrumque vicit gemino prælio, alterum altero ut refert Hirtius. Deinde acceptis ex Italia copiis, crebris velitationibus hostes vexare instituit an. 707. utque illos alliceret ad pugnam; Thapsum a micam illis civitatem obsedit: eo etiam tendit Scipio.

Ibi

Ibi Cæsar perire aciem instruit, cohortes selectas elephantis opponit, singulosque milites blande compellans ad prælium hortatur; tum a multis animadversum est trepidare hostes, circa castra pavidos concurrere: quare legati obsecrant Cæsarem, ne dubitet signum dare; qui dum dubitat diutiusque sustentat aciem, in dextro cornu tubicen a militibus coactus canere cœpit, & continuo a singulis cohortibus signa in hostes inferri cœpta: quare Cæsar, signo felicitatis dato, contra principes ire contendit. Ab elephantis & cladis & fugæ initium factum est, qui lapidum & fundarum stridore perterriti suos proterere cœperunt; ubi militis, cujus ignotum nomen est, virtus enituit. Is armatus furenti elephanto concurrere ausus, & ipsius proboscide elatus in sublime, gladio proboscidem, qua erat circumdatus, cadere non destitit; donec dolore adductus elephas, abjecto milite, maximo stridore ad reliquas bestias refugit. Ab elephantis protriti principes fugam capeunt; instant Cæsaris legiones, valloque potiuntur; tum milites Scipionis amissis castris in collem se recipiunt, fidemque Cæsaris implorant; sed a veteranis, Cæsare vel invito, ut ait Hirtius, vel auctore, ut scribit Dio, ad unum omnes cæsi sunt: equites fugerunt Uticam, unde a Catone cum Fausto Sylla dimissi; Scipio captus a Sittio, Juba exclusus Numidia, sibi mortem conficiverunt; Sylla & Afranius in militari seditione cæsi; Petrejus a Juba necatus, dum inter se pugnant, ut uterque aliena manu caderet. Cæsar trinis potitus castris Jubæ, Scipionis, Afranii, decem hostium millibus interfectis ex Dione, 50. millibus ex Plutarcho, subacta Africa Romam rediit; ubi de Gallia, de Ægypto, de Ponto, de Africa quater triumphavit.

Nec diu tamen a bello otium fuit: post Thapsensum cladem Pompeji filii Cneus & Sextus occupaverant Hispaniam; ad Mundam Bæticæ oppidum omnibus viribus an. 708. dimicatum est. Pompejanorum exercitus præter auxilia constabat, 13. aquilis, & sex millibus equitum levis armaturæ: acies Cæsariana 80. cohortibus, & 8. equitum millibus. Primo conflictu sociorum auxilia ex utraque parte terga verterunt; a Romanis legionibus summa contentione pugnatum est.

V.
Ad Mū-
dam cō-
tra Pom-
peji fi-
lios.

est. Post anceps & diuturnum certamen, factum utrinque silentium est; tum veterani Cæsaris post 14. annorum victorias retro gradum tulerunt, inquit Florus, adeo ut pudore magis, quam virtute retineri viderentur: quare Cæsar equo dimisso, rejectaque galea ut agnosceretur, in primam aciem procurrit, prensatque fugientes, confirmat, orat, *ne se tot victorias pueris prodant*; oculos, manus, vocem per totum circumfert agmen, *denuntiatque militibus vestigio se non recessurum*; proinde videant quem & quo loco deserant Imperatorem. Victus tamen erat, nisi Labieni imprudentia ipsi saluti, Pompejo exitio fuisset. Is tum forte periclitantibus castris cohortes quinque præsidio misit, quas fugere Cæsar aut credidit ipse, aut suis sane persuasit: quare in eas invehit & suorum erexit animos, & hostes perculit. Post multam cædem acies Pompeji versa in fugam, partim in oppidum refugit: ceciderunt hostium 30. milia ex Hirtio, in quibus Labienus & Attius Varus; equitum tria millia: ex Cæsarianis sive equites sive pedites circiter mille. Post pugnam amicis dixit Cæsar, *sæpe se pro victoria, in præsentia vero pro vita primum dimicasse*. Cæsus in fuga Cn. Pompejus, recepta Hispania, & de civibus præter morem a Cæsare triumphatum est.

CAPUT XII.

PRÆLIIA

In Bello Civili Triumvirorum.

I. OCTAVII
Cæsaris
ad Muti-
nam
contra
Anto-
nium.

NEC cæde Cæsaris extingui civile bellum potuit, duasque iterum in factiones distracta est Romana res. Unius principes erant ambo Consules Hirtius & Panfa, & Octavius Cæsar; alterius M. Antonius. Ad Mutinam initum prælium est an. 710. Dum Panfa Collegæ venit auxilio, M. Antonius duas robustissimas legiones ponit in insidiis; Panfæ Octavius & legiones Martiam & Prætorianos misit. Panfa veruto per illa transfixus, Prætoriani Cæsaris ad unum cæsi: sub hæc cum altera legione Hirtius ad-

volat, Antonius pro tempore instaurat ordines; fessi tamen a recentibus fusi, & magna pars interfecti, a-
quilæ duæ captæ, signa sexaginta: ne unum quidem
militem Hirtius emilit, si Ciceroni credimus. Haud
multo post, contracta iterum pugna, in Antonii ca-
stra Hirtius irrupit, & circa Prætorium pugnans ce-
cidit. Octavius castris primum potitus est; mox pul-
sus est ab Antonio: in armis uterque pernoctavit,
at veritus Antonius, ne ab Octavio vallo cingeretur;
soluta obsidione fugit ad Lepidum.

Postquam Octavius Cæsar cum Antonio & Lepido
societatem iniit, Antonius & Octavius Brutum &
Cassium bello persequi cœperunt. Erant Bruto & Cas-
sio 80. peditum millia, equitum 17. Triumviris equi-
tum millia 13. peditum 90. Ut ventum est ad Phi-
lippos, an. 711. Cæsariani ad certamen provocare ho-
stes; illi contra bellum ducere, & commeatus ino-
pia Cæsarianos vincere. Antonius clanculum ad Cas-
sii castra viam per paludem struxerat, quam Cassius
interrumpi imperat, ut iis, qui paludem transierant,
nullus ad suos receptus esset; quare Antonius copias
ad oppugnanda Cassii castra convertit: quod Bruti
milites indecorum rati, absque imperio in eos ex la-
tere irruunt, plerosque occidunt; deinde vertunt se
in oppositam Cæsaris aciem, consciunt in fugam,
castris potiuntur; tum forte aberat Cæsar & ægritu-
dinis & somnii causa, cujus lætica a Brutianis pu-
gionibus confossa est. Interim Antonius ingenti au-
dacia in adversum clivum evasit, dumque Cassiani
extra vincebantur, castra capit ac diripit; Cassiano-
rum cæsa sunt octo millia, Cæsarianorum duplo plu-
ra: ita æquata ferme utrinque damna, cum Cassius
Brutum itidem ac se victum ratus, sibi mortem con-
scivit. Tum Brutus advocata concione milites col-
laudat, hostes fame premi edocet, præliumque vita-
re constituit; quod ægre militibus fuit, quasi eorum
virtute diffideret Imperator. Quare Brutus subveri-
tus, ne transirent ad Cæsarem, eos invitatus produ-
cit in aciem; ordinesque obequitans, singulos admo-
net, *ut quoniam ab invito Imperatore pugnam extorsissent,
darent operam, ut ne vel ducem, vel milites pugnae
pœniteret.* Ea tum virtute, tum victoriæ cupiditate

I I.
Octavii
Cæsaris
& M.
Antonii
ad Phi-
lippos
contra
Brutum
& Cas-
sium.

pugnatum est, ut par prope fuerit & apud victores & apud victos caëtorum numerus; dextrum cornu, in quo pugnabat Brutus, sinistram hostium impulit; at sinistram versum est in fugam. Cæsariani viam, quæ ducebat ad castra, magno & periculo & damno occupant, dum Antonius magnam hostium edit stragem: dispersas copias & interclusum ad castra regressum ut vidit Brutus, in montes cum quatuor legionibus secessit; quas cum frustra hortatus esset ut per hostes erumperent, a Stratone occidi se iussit. His præliis 150. fere hominum millia cæsa fuisse perhibent.

III.
Ostavii
Cæsaris
in Sicilia
contra
Sext.
Pompe-
jum.

Post partam de Bruto victoriam, Ostavium inter & Sext. Pompejum bellum exarsit; eventu vario sæpe certatum erat, cum de rerum summa dimicare an. 717. inter utrumque convenit. Erat utrique & navalis & terrestris exercitus; classe pugnatum est, dum terrestres copię spectante littore. Ex turrium coloribus, quod solum iter utramque classem discrimen erat, ut vidit Agrippa plures Pompeji naves periisse, & suos proximos quosque cohortatus, majori impetu in hostes irruit, & obvios quosque vertit in fugam: tum Cæsaris & classis & terrestris exercitus ingenti jubilo victoriam significat; ingemuit Pompejanus; Pompejus ipse, qui mox trecentis præerat navibus, vix septem navibus fugit in Asiam, dum reliqua classis deditionem facit, terrestresque copię ad Cæsarem deficiunt.

IV.
Ad A-
stium
contra
M. An-
tonium.

Sub hæc orto inter Ostavium & Antonium bello, ingens utrinque apparatus ad prælium fieri cœpit. Italia, Gallia, Hispania, Sicilia, Sardinia, Africa parebant Ostavio; Antonio Græcia, Macedonia, Asia omnis, Ægyptus, & imperio Romano subditi Reges undecim. Habebat Antonius naves 500. centum peditum millia, 12. equitum: par Cæsari equitum numerus, peditum 80. millia, naves 250. Duobus præliis ultimæ pugnæ prolusum est; altero navali, terrestri altero: utroque victus est Antonius an. 722. quare suorum virtuti diffusus, redire in Ægyptum constituit: at classico dato dum ex portu Adriaco classem educit Cæsar, suos ad pugnam parat, graveque prælium vel invito Antonio contractum est: navium

ma-

magnitudine vincebat Antonius, celeritate Cæsar. Dum æquo Marte certatur, Cleopatra quæ stabat in anchoris, in Ægyptum vela facit: abeuntem subsequitur Antonius, *fugientisque Reginae*, inquit Vellesus, *quam pugnantis militis comes esse maluit*. Nec cessere tamen Antoniani milites, donec a Cæsarianis pugnari cœptum est incendio, quo naves multæ perierunt; cæsa hominum 5. millia, naves captæ trecentæ, terrestris exercitus 19. legionum se dedit Cæsari. Eaque die Octavius summum Romani orbis imperium adeptus est.

C A P U T XIII.

Urbes a Romanis captæ.

UT Troja, ita Vejorum decennis obsidio fuit, tumque primum a Romanis sub pellibus hymatum. Multæ utrinque & acceptæ & illatæ clades, donec a Camillo cuniculus in arcem hostium agi cœptus; tum multis locis urbs oppugnata, dumque Vejentes Romanos a muris prohibent, delecti milites per cuniculum irrumpunt an. 358. Vejentes, qui in armis erant, cæsi; inermes in deditionem accepti; præda data militi. Camillus urbis calamitatem miseratus illacrymasset; deinde precatus est superos, *ut ejus rei invidiam quam minimo & suo privato publicoque incommodo lenirent*: quæ haud multo post & ipsius exilio, & urbe a Gallis incensa, rata fuerunt. Ipse summa civium lætitia juncto equis albis curru urbem invehit; sed crimini aliquanto post ipsi datum est, quod decimam prædæ partem vovisset Apollini, ipsique dies dicta a Tribuno plebis. Verum is in exilium sponte abiit, precatus superos, *ut si hæc sibi innoxio fieret injuria, ingrata civitati sui desiderium quamprimum facerent*; quod & aliquanto post contigit, cum capta urbe Dictator absens appellatus est.

I.
Veji a
Camillo
capti:

Post cladem Cannensem Capua a Romanis defecit ad Annibalem; quare ubi primum Romana res restitui cœpit, Q. Fulvius Flaccus Capuam obsidet. Auxilio venit Annibal; nec tamen aut Romanos elice-

II.
Capua a
Q. Ful-
vio Flac-
co.

re ad pugnam, aut urbem obsessam liberare licuit. Cum igitur nulla præterea auxilii spes esset, urbs Romanis dedita est an. 542. mœnia diruta; domus, magna pars, incensæ, civitas a rusticis tantum & vinitoribus habitari permissa; populus alio migrare iussus; Senatores 25. Cales 32. Theanum in custodiam missi, de quorum supplicio ad Senatum scripsit Ap. Claudius Fulvii Collega: de quo ut suboluit Fulvio, homo paulo severior, illico de media nocte cum equitum duobus millibus Theanum advolat, & Campanos Senatores cædi virgis & securi percuti imperat. Inde citatis equis Cales pervenit; jamque in tribunali confederat, cum ecce a Senatu afferuntur literæ: tum universa concio fremere, Senatorum supplicium ad Senatum deferre. At Fulvius rem, uti erat, suspicatus, literas clausas in gremio reponit, Campanosque a lictoribus necari jubet: ubi Jubelli Taureæ facinus memoratur, qui ultro se Fulvio obtulit: *quoniam, inquit, Fulvi, cupiditate tanta bauriendi nostri sanguinis teneris, quid cessas in me cruentam securim dstringere, ut gloriari possis, fortiores aliquanto virum, quam ipse es, tuo jussu esse interemtum? aspice oculis tuis quidem gratum, animo vero tuo majus opus edentem.* Tum interfectis & conjuge & liberis, gladio incubuit.

III.

Syracusæ a M. Marcello.

Syracusarum & Capuæ par & in Romanos levitas & calamitas. Post Hieronis obitum auctore Hieronymo Rege ad Annibalem desciverant. Missus in Siciliam M. Marcellus, qui fusis sæpe & Pœnis & Siculis urbem obsidione cinxit. Ex quinque veluti urbibus constabat, Insula, Neapoli, Tyche, Epipoli, Acradina, quæ cæteris & arte & natura loci firmior erat. Producta in annum tertium obsidio est, tum Siculorum virtute, tum Archimedis maxime industria, qui lapidibus, telis, missilibus Romanos sæpe ab urbe repulit, ita ut Marcellus interdum diceret; *næ ille fabulosos Centimanos superat, qui tantam telorum vim simul conjicit:* tantusque timor Romanos incesseerat, ut si vel funiculum, vel lignum ex muro conspicerent, continuo Archimedem inclamantes aufererent. Nulla Romanis capiendæ urbis spes erat, cum Damalippus Lacedæmonius a Marcello captus est:

est: tum ad Trogilorum portum utrinque missi, qui de ejus redemptione paciscerentur. Ibi dum paulisper subsistunt Romani milites, muri altitudinem æstimant, rem Marcello deferunt; clam scalæ comparantur: dumque cives aut vino madidi, aut obruti somno jacent die Dianæ sacro, Romani evadunt in murum an. 541. Terrendi hostis causa signum capte urbis tuba datur. Marcellus fracto hexapylo copias in urbem inducit, quam e superiori loco contemplatus illacrymasse dicitur, illiusque jussu a civium cæde, tectorumque incendio temperatum est, cætera prædæ data; nec rapinis ante modus fuit, quam diuturna felicitate cumulas opes Romanus miles diripuit. Id Marcello præ cæteris ægre fuit, quod præter ipsius voluntatem interfectus sit a militibus Archimedes: de cujus morte alia aliorum sententia est; vel enim domi confossus est a milite dum ducit lineas, illumque orat obnixæ, ut sustineat paulisper, ne quod quærebat, relinqueret imperfectum; vel jussus a milite, Marcello se quamprimum sistere, dum horologia, sphaeras, aliaque id genus abscondit sub veste, a militibus, qui aurum ab eo occultari putabant, trucidatus est.

Eadem fraude, qua Syracusæ a Marcello, a Scipione capta in Hispania Carthago est. Scipio paternæ cædis ultor in Hispaniam ut appulit, novam Carthaginem regionis caput obsidet terra marique. Primum fusi ad muros Pœni, deinde urbs undique oppugnata; quod vero scalæ aut breviores essent aut nimio pondere fractæ, Scipio receptui signum dat. Tum recentes & integros milites scalis admovet, dum ipse delectos pedites per paludem ad murum ducit: nulla ibi hostium statio erat; urbem inopinatus invadit an. 543. & in terga hostium, qui ad portas pugnabant, lævire cœpit. Mago, qui urbi præerat, refugit in arcem, seque paulo post dedit. Prædæ summa 600. talentorum fuit, naves captæ 113. civibus libertas data, bona etiam illis sua cuique concessa, cætera fervorum multitudo remigio addita, aliarum civitatum legatos ad suos cum honore remissi, teneriori etiam ætati data munuscula. Mago & Senatores 15. Romam missi in vincula; cumque

IV.
Carthago nova
a P. Scipione.

que inter duos milites contentio esset, uter murallem coronam obtineret, uterque corona donatus est: at nihil ad Scipionis laudem illustrius, quam ipsius & juvenis & victoris continentia.

V.
Ambra-
cia a M.
Flavio
Nobilio-
ri.

Par prope Ambraciæ obsidendæ fuit causa; at capta etiam lætior conditio fuit. M. Fulvius Nobilior sortitus Ætoliæ, Ambraciam Epirotarum consilio obsidet an. 564. Eupolemus in urbem cum mille expeditis militibus se proripit: Nicander vicinam regionem populatur. Eruptio sæpe ab obsessis facta est cum Romanorum clade; pars operum incensa, repulsi sæpe a mœnibus Romani. Quod tamen nulla spes esset auxilii, orant per legatos Consulem, ut gentis quondam sociæ misereatur. Ille ut equos armaque tradant, imperat; dena quingenta Euboica talenta, eosdemque cum Romanis amicos hostesque habeant. Iis legibus se suæque cives permittunt Consuli. Signa tum ænea, tum marmorea, tabulæ pictæ, quibus præ cæteris Græciæ urbibus ornata civitas erat, a Romanis sublata devestaque Romam: nihil præterea damni sive urbi sive civibus illatum est.

VI.
Carthago
vetus
a P. Scipione
Æmiliano.

Sortem Carthaginis novæ Carthago vetus aliquanto post experta est; eoque durior illius conditio fuit, quod a Scipione altero & incensa fuerit & diruta. Pœni a Romanis, uti dictum est, delusi, servos ad libertatem vocant, Asdrubalem appellant Imperatorem, ferri inopia arma constant ex argento & auro, classem ex domorum ruinis construunt, nectunt funes ex mulierum crinibus, Romanam incendunt classem, eaque audacia pugnant, ut eorum fortitudine Calpurniique Pisonis segnitie obsidio in tertium annum propagata sit. Quare Scipio Æmilianus contra leges fit Consul immatura ætate, eique extra sortem decreta est Africa. Ab eo restituta disciplina militaris; Megara (locus erat spatiosus muris contiguus) occupata; castra hostium incensa, obstructus portus urbis, Nepheris vi capta, ibique cæsa hominum 70. millia; tandemque urbs ipsa Carthago an. 607. arxque Byrsa, quo cives fugerant, oppugnata: tum ædibus subiectus ignis vix post dies 17. extinguere potuit; Pœnistamen a Scipione datum est,

est, ut ex arce, qui vellent esse salvi, excederent. Exiisse ferunt virorum & mulierum 50. millia; cæteri cum Asdrubale, illius uxore, liberis, & transfugis in summam arcem se præripiunt; unde Asdrubal cum oleæ ramis ad Scipionem confugit. Illum Scipio ad ipsius pedes affidere iustum ostendit civibus, cuius fuga acti in furorem transfugæ templo subjiunt ignem. At uxor Asdrubalis, Scipioni bene precata, in maritum multa probra congerit; duos, quos ex ipso susceperat, filios coram ipso jugulat, & eos in ignem seque insuper abjicit. Præda militi concessa præter aurum, argentum, & donaria: multa focis restituta, 4470. pondo argenti delata in ærarium. Ita Carthago post 700. annos, ex quo condita fuerat, flammis absunta est; cuius cladi illacrymasse Scipio dicitur, veritus ne urbs Roma pari aliquando clade deflagraret.

VII.

Corin-
thus a
Mum-
mio.

Eodem anno Corinthus, quo Carthago, deleta est. Victus, uti alias diximus, apud Leucopetram a Mumio Dicus, domum refugit; illam incendit, conjugem perimit, ipseque veneno occidit. Corinthii, qui urbis mœnia tuebantur, omnes periisse rati, urbem deferunt: quam civibus vacuum Mummius occupat, diripit, incendit præcinente tuba; arma, dona templorum, tabulas, signa, aliaque ornamenta Romam deferri jubet. Quantas opes abstulerit vel cremaverit, inquit Florus, hinc scias, quod quidquid Corinthii æris toto orbe laudatur, incendio superfuisset comperimus: nam æris notam pretiosiores ipsa opulentissimæ urbis fecit injuria, quia incendio permittis plurimis statuis atque simulacris, æris, auri, argentique venæ in comune fluxere. Scribit Polybius vidisse se tabulas in solum projectas, & milites super iis ludentes talis, quas inter Bacchus erat, pictus ab Aristide; de quo illud, *nihil ad Bacchum*.

VIII.

Numan-
tiæ a P.
Scipione
Æmiliano.

Numantiam, Hispaniæ munitissimum oppidum, sub hæc tempora idem, qui Corinthum, exitus excepit. Fusis sæpe Romanis Imperatoribus summa erat Numantinorum gloria; cum populus Romanus belliditurnioris pertæsus, Scipioni Æmiliano nec ambienti, nec præsentis & alterum consulatum detulit, & extra sortem Hispaniam. Is ut venit ad exerci-

G

tum

rum, militarem disciplinam ita restituit: milites singulos & frumentum ad 30. dies, & septenos vallos ferre jubet, & militi ægre propter onus incedenti, *cum gladio*, inquit, *te vallare sciveris, vallum ferre desinito*: si quem extra ordines deprehendisset, si Romanus erat, vitibus, si extraneus, virgis cædi imperat: jumenta omnia vendi, lectos removeri, nova subinde castra & munire & demoliri, fossas ducere, muros exstruere & diruere. Ubi patientes laboris milites reddidit, propius Numantiam promovit castra; oblatum sæpe sibi a Numantinis prælium refugit, cum diceret sibi vitio datum iri, si cum hominibus omnium rerum desperatione efferatis mallet configere, quam inclusos fame expugnare. Numantini tandem fame vexati, cum nec pugnæ copia fieret, nec ulla spes superesset vel pacis vel fugæ, in rabiem furoremque conversi an. 620 duces suos, se, patriamque ferro, veneno, subjectoque igne peremerunt: ne unus quidem fuit; qui in vinculis duceretur, prædaque ut de pauperibus nulla, triumphusque tantum de nomine, inquit Florus. Aliis tamen aliter super hac re visum est. Scribit Orosius se potu & semicrudis carnibus ingurgitasse, deinde atroci contra Romanos prælio dimicantes periiisse. Sunt etiam, qui deditionem ab iis factam velint; armaque Scipioni tradita; aliosque postea sibi conscivisse mortem; alios in eum, quo jussi erant, locum sædo corporis habitu se contulisse. Ut ut est, delicti penitus Numantini, & solo æquata Numantia est.

IX. Duæ urbes munitissimæ bello Mithridatico a Romanis captæ sunt, Athenæ & Tigranocerta; illa literarum studiis, hæc opibus celebris: primam cepit Sylla, Lucullus alteram. Orto Romanos inter & Mithridatem bello, Aristio sive Athenio (aliter enim ab aliis appellatur) Athenas occupavit. In Atticam ut appulit Sylla, Athenas a parte copiarum obsideri imperat, ipse Pyræum cum altera petit, ubi vario eventu ad hyemem certatum est. Interim fame laborabatur Athenis, quibus auxilium ferre tentavit Archelaus; at monitus a proditoribus Sylla semel atque iterum commeatum avertit: cumque egeret pecunia, sacros e tota Græcia thesauros corradit,

Athenæ
a Corneli-
o Sylla.

radit, ea tamen lege, ut omnia confecto bello redderet. Cumque Caphis, quem Delphos miserat, auditum ex adyto citharæ sonum scriberet, vererique se, ne Deus Syllæ cladem minaretur, rescripsit Sylla mirari se Caphim, qui non intelligeret, gaudens Dei eum sonitum esse, non indignantis, ne ergo capere dubitet, propitio & largiente Deo. Sub hæc Athenas scalis & arietibus oppugnat, urbemque post longam obsidionem noctu capit an. 666. In cives, nulla habita ætatis sexulve ratione, sævitum est: erat enim iis insensus Sylla, quod & ad barbaros nulla causa defecissent, & ipsum e muro laceffissent convitiis. Aristio in arcem refugit, ubi diu Curionis, quem obsidioni Sylla præfecerat, elusit impetus, donec fame sitique vexatus se dedit; eoque & die & pene momento maximus imber e nubibus in arcem decedit.

Tigranocerta a Tigrane Armeniæ Rege condita fuit, ornata Regis palatio, hortis, piscinis, & valida arce munita: hanc urbem superato Euphrate Lucullus obsidet. Regiam extra mœnia sitam diripit, urbem arcemque fossa valloque cingit; quodque Tigranes cum infinita barbarorum multitudine obsessis veniret auxilio, Murænam obsidioni præficit, ipse cum undecim Romanorum millibus Regi occurrit: commissa pugna Tigranes vincitur. Audita clade Mancæus, qui urbi præerat, mercenarios milites, sive Græci fuerint, ut scribit Appianus; sive Cilices, ut placet Dioni, arma ponere jubet; tum eos cum armatis barbaris invadit: at ii nihil territi, brachiis vestibus vice clypei obvolutis, fustibus instructi, in barbaros irruunt, vertunt in fugam, armis spoliant, turres aliquot occupant, in easque Romanos evocant. Ita Romani intra mœnia urbemque recepti ingenti præda potiti sunt, an. 684. Urbs direpta, pars diruta, Græci cum viatico in patriam remissi, octo millia talentum pecuniæ signatæ inventa; insuper octingentæ drachmæ in singulos milites divisæ, scenici ad ludos & spectacula reservati; plerique barbari, qui Tigranis jussu migraverant Tigranocertam, in suas quisque urbes redire jussi: ita multæ urbes, una spoliata, restauratæ.

X.
Tigra-
nocerta
a Lucul-
lo.

XI. Dum in Gallia Cisalpina ob Clodii cædem Cæsar
 Avari- distinetur, Galli de bello consilia ineunt. Defectio-
 cum a C. nis initium a Carnutibus factum est: ii dato signo
 Julio Gennabum concurrunt; Romanos, qui negotiandi
 Cæsare. causa ibi consliterant, interficiunt. Fama ad Ar-
 vernos celeriter perfertur, ubi Vercingentorix sum-
 mæ potentiaæ adolescens clientes ad bellum accendit,
 in agris delectum habet, Rexque a suis appellatur.
 Cæsar magnis itineribus in Lingones prius advenit,
 quam de ejus adventu hostibus nunciari posset: Vel-
 laudunum & Noviodunum recipit, Gennabum di-
 rigit & incendit, Avaricum obsidet an. 701. Subse-
 quitur Vercingentorix, locumque castris non procul
 deligit, ut Romanos a pabulatione & frumentatio-
 ne prohiberet: tanta erat difficultas rei frumentariae,
 ut plures dies & frumento & pecore caruerint; nul-
 la tamen vox est ab iis audita tot indigna victoriis
 quin etiam cum Cæsar oppugnationem dimissurum:
 te diceret, si inopiam ferrent acerbius, universi ab
 eo, ne id faceret, petere; præstare omnes perferre
 acerbitates, quam non civibus Romanis, qui Gen-
 nabi cæsi fuerant, parentare. Interim Cæsar agge-
 rem apparare, vineas agere, turres extruere cœpit:
 contra obsessi aggerem cuniculis subtrahere, crebris
 eruptionibus aut aggeri ignem inferre, aut milites
 in opere occupatos adoriri, & Romanos pice & sa-
 xis a muris prohibere. Romani 25. diebus aggerem
 latum pedes 330. & altum 80. extruunt: hunc Galli
 tentant incendere, alii faces atque aridam materiem,
 alii picem in aggerem jacere, alii e portis erumpe-
 re, & Romanos cedere. Restincto tandem aggere,
 Cæsar, postero die turrim promovet, quodque pau-
 lo incautius ob coortum imbrem custodias in muro
 dispositas videret, jubet, suos languidius in opere
 versari, legiones intra vineas in occulto collocat;
 iis, qui primi murum ascendissent, præmia propo-
 nit: dato signo milites evolant, murumque celeri-
 ter complent. Galli abjectis armis in ultimas urbis
 partes refugiunt, parsque ibi a militibus, pars jam
 egressa portis ab equitibus est interfecta. Nec fuit
 quisquam qui prædæ studeret; nec senibus, nec mu-
 lieribus, nec pueris parcitum est: ex 40. civium
 mil-




*Corona
Trium-
phalis*




*Corona
Obsidio-
nalis*




*Corona
Civica*



Corona Muralis



*Corona Vallaris
Vel
Castrensis*



Corona Naualis



millibus vix 800. qui primo clamore audito ex oppido se ejecerant, incolumes ad Vercingentorigem pervenerunt.

Cladem Biturigum gravior Galliæ fere totius defestio excepit; mali auctores fuerunt, qui in officio hæcenus perstiterant, Hedui. Hi petunt a Vercingentorige, ut ad se veniat, rationesque belli gerendi communicet. Totius Galliæ concilium Bibracte indicitur: ad unum omnes Vercingentorigem probant Imperatorem. Collectis undique copiis jurare jubent equites, ne testis recipiatur, ne ad liberos, ne ad parentes aditum habeat, qui non bis per hostium agmen perequitasset. Continuo equestre certamen committitur, vincuntur Galli. Vercingentorix Alesiam versus, quod Mandubiorum oppidum erat, iter facere cœpit, ubi iterum equestri certamine funditur. Quare equitatum a se dimittit; mandat, ut civitatem suam quisque adeat, omnesque ad bellum cogant: ipse in oppidum se cum peditibus recipit, quod circumvallare Cæsar instituit. Munitiois circumcitus erat undecim millia passuum, castella opportunitis locis 22. facta, omneque opus varia arte munitum. Interim Galli collectis equitum 12. millibus, peditum circiter 25. ad Alesiam perveniunt; sæpe inita equitum certamina, sæpe oppugnatae munitiones, dum Vercingentorix ex urbe erumpit, semper fusi Galli; tandem omnibus prope viribus pugnatum est. Jamque vallum & lorica rescissa erant a Gallis, cum Romanis venit auxilio Labinus, accurrit ipse Cæsar. Clamore sublato ad conspectum Imperatoris renovatur prælium; missis pilis, gladiis res geritur; hostes terga vertunt, occurrunt fugientibus equites. Fit magna cædes, & continuo e castris Gallorum fuga; magnus numerus capitur, reliqui in civitates discedunt. Postero die Vercingentorix concilio convocato ad utramque rem se offert, sive morte sua Romanis satisfacere, seu vivum tradere velint. Mituntur de his rebus ad Cæsarem legati an. 701. Jubet arma tradi, principes produci; ipse in munitione pro castris confedit: eo duces producuntur, Vercingentorix deditur, Cæsar captivos prædæ nomine militibus distribuit; tum & Ædui & Arverni, quæ

XII.
Alesia a
C. Julio
Cæsare.

102 ROMANORUM ILLUSTRIMUM
imperaret, facturos se pollicentur. Ita iterum pacata
omnis Gallia est.

DISSERTATIO TERTIA
MORTES ILLUSTRIMUM
ROMANORUM.

CAPUT PRIMUM.

*Mortes illustrimum Romanorum, ab Urbe condita
ad Reges exactos.*

Mortes
I.
Romuli.



E Romuli morte alia ab aliis traduntur. In eo tamen plerique conveniunt, quod a Patribus, quibus erat propter impotentiam invisus, discerptus sit, an. regni 37.; sive in curia, ut vult Valerius; sive in æde Vulcani, ut placet nonnullis apud Plutarchum; sive potius, quæ Dionysii & Livii sententia est, ad Capræ paludem, dum concionem haberet aut recenseret exercitum. Orta tempestas solisque defectio, mox Julius Proculus fidem fecit, visum a se Romulum affirmans augustiore forma, quam fuisset; mandare præterea, ut se pro Deo colerent; Quirinum in cælo vocari. Abi, nuncia, inquit, Romanis, Cælestes ita velle, ut mea Roma caput orbis terrarum sit: proinde rem militarem colant.

II.
Numæ.

Ut Romulus bello, ita Numa pace Romanam rem auxit: nec enim quoad vixit, aut intestina seditio, aut externum bellum civitatis otium turbavit; id consecutus, inquit Livius, ut & subditi eum amarent, & finitimi æmularentur, & posterius honorifica memoria celebrarent: Integris sensibus annum vitæ agens octogesimum, nullo conflictatus infortunio, facilissima morte absumptus est, V. C. an. 81. Ne corpus suum

suum de morte cremaretur, prohibuit: corpus in una arca conditum est, ipsius libri inclusi in altera. Aliquanto post arcæ sive ab agricolis effossæ sunt, sive aquarum impetu e tumulo avulsæ; quæ titulum Regis sepulci habuerat, inanis inventa absque ullo vestigio humani corporis, in altera vel lapis repertus, ut vult Plinius l. 13. c. 13.; vel duo fascēs, ut Livius l. 40. & in singulis septem libri non integri modo, sed recentissima specie. Librorum alii alium numerum produnt: Livius & Valerius quatuordecim, apud Plinium duodecim, Varro Valerius Antias quinque tantum numerat, quos tradit Pythagoricos fuisse partim Græcos, partim Latinos. Valerius illos, quod ad solvendam religionem pertinerent, crematos scribit; hos vero summa servatos diligentia. Combustos omnes Livius & Plutarchus memorant.

Tullia Servii Tullii filia Tarquinio, cui postea Superbo nomen fuit, per summum scelus nupserat; cum ipsa maritum, ille uxorem veneno sustulisset. Tarquinius sumtis regni insignibus in comitium prodit an. 219. tum Patres vocari in Senatum jubet. Convenere alii rerum novarum spe, alii metu, ne non venisse fraudi esset. Trepidus nuncio excitatus Servius accurrit, & a vestibulo curiæ, *quid hoc, inquit, Tarquini, rei est? qua tu audacia, me vivo, vocare ausus es Patres, aut in sede considerare mea?* Quum ille ferociter ad hæc, *se patris sui tenere sedem multo, quam servum, potiorum filium Regis regni heredem.* Tum clamor ab utriusque fautoribus oritur, & Servium Tarquinius arripit medium, & per curiæ gradus in comitium dejicit. Sub hæc advenit Tullia, Tarquiniumque prima Regem salutat. Tullius prope ex sanguis domum repetebat, cum ab iis, qui a Tarquinio missi erant, occiditur. Creditur admonitu Tulliae id factum, quæ recenti cadaveri supervenit dumque horrore commotus hæreret auriga, illum Tullia scabello petit inclamans; *non aget, scelestæ, vel per mortuum?* Ipse vi mulos per cadaver egisse fertur; unde hic vicus *sceleratus* dictus est.

Exul apud Etruscos Tarquinius Romam legatos miserat, qui bona ipsius repeterent. Hi cum multos

III.
Servii
Tullii.

IV.
Filiorum
L. Bruti.

e civibus, tum Bruti filios Titum & Tiberium ad suas partes alliciunt an. 245. In ædes Aquiliorum conveniunt conjurati: interim pincerna quidam nomine Vindicius Valerium admonet. Ille continuo cum amicis advolat; capit conjuratos, eosque ante Consules sistit. Tum Brutus filiis dicendi, si quid vellent, potestatem facit: cum uterque fleret, in dicto silentio capitalem in eos pater profert sententiam: *Exiit patrem*, inquit Valerius, *ut Consulem ageret; orbisque vivere, quam publicæ vindictæ deesse maluit*. Continuo juvenes pro tribunali virgis cæli, & religati ad palum securi percussi sunt; *quum inter omne tempus pater, vultusque & os ejus spectaculo esset, eminente animo patrio inter pœnæ publicæ ministerium*.

V.
L. Junii
Bruti.

Tarquinio insidiæ cum male cessissent, ad apertam vim progressus exercitum an. 245. contra Romanos ducit. Venienti occurrunt Romani, & trajecto fluvio copias instruunt: dextro cornu præerat Valerius, sinistro L. Brutus. Profectus ex acie Etrusca Aruns Tarquinius convitiis Brutum incessit: *Ille est vir qui nos extorres expulsi patria; Dii Regum ultores adeste*; eumque ad singulare certamen vocat. Probrorum impatiens Brutus procurrit extra ordines, tantoque uterque impetu alter in alterum ruit, ut certo uterque ictu confectus sit, cuspidè alter in costas, alter in ilia impacta: equi etiam collisis pectoribus in posteriores pedes erecti lessores excusserunt. Valerius Bruti Collega, fufis hostibus, illius corpus in forum deferri jussit, & funebrem orationem habuit.

VI.
Valerii
Poplicolæ.

P. Valerius, cui a singulari in populum Romanum amorem *Poplicolæ* cognomen fuit, patricia dignitate, pulsus ex urbe Regibus, quatuor intra septennium Consulatus, bellis duobus confectis, totidem triumphis clarissimus, an. urbis 251. obiit. Ea fuit viri illius continentia, ut moriens non haberet, unde pro patricii dignitate sepeliretur: quod ut per urbem vulgatum est, eximius in ipsum civium suorum amor enituit. Senatus impensas in sepulturam ex ærario decrevit, ipsiusque corpus intra urbem præter morem sepeliri prope forum jussit; quo

quo honore, inquit Dionysius, præterea dignatus est neminem. Mulieres quoque communi consensu depositis auro & purpura eum per annum luxerunt; quod summo ipsi honori ac decori fuit.

C A P U T II.

*Mortes illustrium Romanorum, ab exactis
Regibus ad bella Punica.*

M. Coriolanus, cujus virtus tum in bello contra Volscos, tum in Coriolanæ urbis expugnatione enituerat, injuria damnatus ad Volscos confugit. Volscorum copiis præficitur; Romanos sæpe vincit; urbem denique obsidet an. 266. Missi ad eum legati, deinde sacerdotes cum infulis; sed frustra: tum Veturia illius mater uxorque Volumnia castra Volscorum petunt. Coriolanus quum ferret matri obviam complexum, mulier in iram ex precibus versa; *sine priusquam complexum accipio, sciam ad hostem, an ad filium venerim.* Tum eam complexus Coriolanus, *vicisti*, inquit, *mater*, *quod nec tibi nec mihi bene vertet: patriam quidem servasti, pium vero filium perdidisti.* Ubi copias ab urbe reduxit, invidia rei oppressum a Volscis ferunt; sed alii alio mortis genere. Lapidibus obrutum Plutarchus; sibi mortem conscivisse Cicero in Lælio; Fabius Pictor apud Livium ad senectutem pervenisse refert, eumque exacta ætate hanc sæpe usurpasse vocem: *Multo miseriùs seni exilium esse.*

Spurius Cassius, triplici Consulatu & duplici triumpho insignis, a Quæstoribus Cæsone Fabio & L. Valerio ambitæ tyrannidis postulatus anno 269. e rupe spectante populo præceps actus est; illius ædes dirutæ, bona fisco addicta, filiique hæreditate privati. Sunt qui patrem, cognita domi causa, eum necasse velint.

Dum cives Romæ fame laborant, Sp. Melius ex equestri ordine, ut illis temporibus, prædives, frumento privata pecunia emto, largitiones facere instituit; cumque & ambire regnum & in domum arma conferre diceretur, Dictator appellatur an. 329.

L.

L. Quinctius Cincinnatus, Magister equitum C. Servilii Ahala. Is Sp. Melium ad Dictatorem venire jubet, eumque, dum populi implorat fidem, obtruncat. Tum Dictator vocata concione pronunciat Melium jure cæsum: illius etiam & domus diruta & bona publicata.

IV.
Fabio-
rum ad
Cremer-
am.

Quod Veientes agrum Romanum identidem popularentur, a Senatu decretum est, ut positum in Veientum finibus præsidium ipsos ab agro Romano prohiberet. Fabii idulstro in se recipiunt, M. Fabio & Cæsone Fabio ducibus; ab his ad Cremeram castrum excitatum, duplicique fossa cinctum. Inde multæ Veientibus illatæ clades, quibuscum sædus tandem initum est; sed undecim Etruriæ populi Fabiis bellum minantur, ni diruant castrum Cremerense: de quo ut nunciatum Romæ est, jussus Menenius Consul auxilium ferre, qui dum circa urbem moras trahit Cremera ab Etruscis obsessa, Fabii alii post alios an. 277. per insidias cæsi. Trecenti & sex viri ex ea gente fuisse perhibentur, omnesque ad unum necati; e quibus præstabant Cæso, Marcus, & Quintus, septem continuis Consulatibus insignes. Unus ex tota gente Marco superstes fuisse filiolus dicitur; vere an falso, incertum: negat Dionysius, affirmant alii. Post Menenius ab Etruscis actus est in fugam: sed paulo post victi sunt ab Horatio altero Consule.

V.
M. Man-
lii.

M. Manlius, vir quidem fortissimus, quippe qui triginta septem dona militaria tulerat, sed *nimius animi* inquit Livius, *& vitio ingenii vehemens & impotens*, cum alios civitatis principes sperneret, uni invideret Camillo, popularis factus est; novisque tabulis & largitione regnum affectare visus, a Cornelio Cossio Dictatore in carcerem conjicitur: sed mox populi metu liberatus plebem ad vim concitat. Quare dies ipsi a Tribunis plebis dicitur an. 370. tum ille res a se præclare gestas commemorare, hostium spolia ducumque dona proferre, & ad Capitolium, quod contra Gallos tutatus erat, supplices manus identidem tendere; cumque plebs amica ferret suffragia, in locum, unde in Capitolium conspectus non erat, abductus est. Ibi a Tribunis ple-

plebis damnatus e saxo Tarpejo in præceps dejectus est; *locusque idem in uno homine & eximie gloriæ monumentum & pœnæ ultimæ fuit.* Hæc Livius. Adjectæ etiam duæ ad infamiam notæ sunt, publica una, gentilitia altera: latum enim ad populum est, ne quis Patricius in Capitolio habitaret; & gentis Manliæ decreto cautum est, ne quis deinde M. Manlius vocaretur. *Vir, ut ait Livius, nisi in libera civitate natus esset, memorabilis.* Paulo post pestilentia ex Manliano supplicio orta multis visa est, *violatum Capitolium esse sanguine servatoris, &c.*

Latinis bellum illatum est, quod Magistratus paricum Romanis & numero & imperio poscerent, VI.
L. Dec-
cij. & L. Annius Setinus eorum Legatus in senatu superbius respondisset. Duo Consules an. 413. M. Manlius Torquatus & P. Decius ad Capuam castra locant; utrique in quiete visa species viri augustioris quam pro humano habitu, dicentis ex una acie Imperatorem, ex altera exercitum diis Manibus deberi: utrius exercitus Imperator se devovisset, ejus populi victoriam fore. Inter Consules convenit, ut ab utra parte cedere exercitus cœpisset, inde se Imperator devoveret. Manlius dextro cornu; Decius lævo præerat: primo utrinque æquis viribus gerebatur res; deinde ab lævo cornu hastati Romani non ferentes impressionem Latinorum, se ad principes receperunt. Tum Decius incinctus ritu Gabino in equum insiluit, ac sese in medios immisit hostes; conspectus ab utraque acie aliquanto augustior humano visu. Latinorum turbavit signa, & quocunque equo inductus est, vastam edidit stragem, ubi vero telis obrutus corruit, inde consternatæ Latinorum cohortes fugam ac vastitatem late fecerunt. Hæc fere Livius. Plus tamen momenti ad victoriam attulit Manlii prudentia, quam Decii mors. Is enim contra fessos Latinorum triarios suos & integros & recentes immisit; a quibus tanta cæde sævitum est, ut vix quarta hostium pars evaserit. Castra post prælium capta; Decii corpus inter hostium acervos repertum, & summa pompa a Manlio tumulatum est. Ea virtute eoque consilio M. Manlius in hoc prælio fuit, ut facile convenerit inter omnes, utrius

Par-

partis Manlius dux fuisset, ejus futuram haud dubie fuisse victoriam.

VII.
T. Man-
lius.

Eodem quo Decius cecidit bello, Manlius Torquati filius jussu patris cæsus est. Edixerant Consules, ne quis extra ordinem pugnaret. Sub hæc T. Manlius Consul filius inter cæteros turmarum præfectos exploratum missus an. 413. supra hostiùm castra ad teli jactum evasit. Tum illum Metius ad singulare certamen provocat: movet ferocem juvenis animum seu ira, seu pudor; oblitus itaque paterni imperii, præceps ad id certamen agitur, spiculumque fixit inter aures equi hostilis. Doloris impatiens equus excussit equitem, quem cuspide Manlius terræ affixit; deinde detractis spoliis ad tentorium patris redit. *Ut me omnes, inquit, pater, tuo sanguine ortum vere ferrent, provocatus equestris hæc spolia capta ex hoste caeso porto.* Quod ut Consul audit, filium adversatus, concionem classico advocari jubet: quæ ut frequens convenit, filium arguit violati imperii; tum ad palum alligari, cervicesque amputari imperat. In Consulem coortæ omnium voces, ut neque lamentis, neque execrationibus parceretur. Peraçto bello, Manlio redeunti a senibus obviam proditum est; sed cum omni vita Romana juventus averfata est, quod patrem oblitus tyrannum egisset in filium innocentem. Unde factum, ut Manliana imperia non in præsentia modo horrenda, sed exempli etiam tristis in posterum essent.

VIII.
P. Decius
Junio-
ris.

Adversus Gallos, Samnites, Etruscos, Umbros lecti Consules, Q. Fabius quintum, & P. Decius quartum; qui tribus Consulatibus & Censura Collegæ fuerant, duo his temporibus Reipublicæ lumina. Uterque in Etruriam missus; in patenti campo an. 458. pugnatum est: dextro cornu Galli, sinistro Samnites consisterunt; Etrusci enim & Umbri aberant. Primo concursu æquis viribus gesta res est. Fabii milites Gallos arcebant magis, quam inferebant pugnam, ut fessos facilius vincerent; Decius quidquid virium habuit primo certamine effudit; jamque bis Gallicum equitatum averterat, cum Galli pugnantes e curribus fragore Romanorum equos conterrent, equitatumque omnem inanis pavor dissipat.

Tum

Tum Decius patris exemplo se hostesque diis Manibus Livio Pontifice præeunte, devovet; deinde in confertissimam Gallorum se conjecit aciem, ubi hostium telis confossus est. Post Fabius acrius hosti instare cœpit, jussitque equites in Samnites irruere: ii non tulerunt impetum. Galli testudine facta conferti stabant; nec dum victi, donec a tergo circumventi sunt. Cæsa eo die 25. hostium millia & octo capta perhibentur. Decii corpus postredie inventum, cui summo honore justa perfoluta sunt. Redux in urbem Fabius triumphavit.

C A P U T III.

Mortes illustrium Romanorum, a bello Punico primo ad Gracchorum seditiones.

MUltis attriti cladibus Carthaginienſes, Romam de pace & captivis permutandis legatos mittunt. Inter Pœnos missus Attilius Regulus, ante Romanus Imperator, tum captivus; sed adstrictus jurejurando, ut nisi eam impetraret, Carthaginem rediret ad vincula. Romam ut venit, pro Pœno se gessit, dixitque se ex illa die, qua in Pœnorum potestatem venerat, Romanum esse desisse; ita Eutropius. In Senatum extra urbem coactum admissus, Nos, inquit, P. C. Carthaginienſes ad vos miserunt (nam ego quoque jure belli servus eorum factus sum) petentes imprimis, ut pax iis conditionibus, quas utrinque probaveritis, fiat: sin id nolitis, saltem captivi permittentur. Tum jussus a Consulibus inter Senatores ascendere, non paruit, priusquam annuissent Carthaginienſes. Rogatus sententiam, Ego, inquit, P. C. si vel millies captus fuero, unus vestrum sum; corpus Africani juris est, animus Romanus est: itaque cum vobis consultum cupiam, pacem cum Pœnis nullo modo e re vestra esse duco. Ita fere Zonaras; subjecitque certam sibi esse perniciem: cumque ipsius causa ad pacem Senatus propenderet, respondit, se nec diu viſurum, qui dudum Carthagine venenum ebibisset; nec in ea mansurum civitate, in qua dignitatem bonæ civis Pœnorum captivus retinere non posset. Ea-
que

l.
M. Attilii
Reguli.

que fuit seu fide in Pœnos, seu severitate in suos, ut nec urbem ingredi, nec uxorem ad colloquium admittere sustinuerit. Reversus Carthaginem an. 502. in carcerem conjectus est. Primum id tantum cibi datum est, unde vitam ægre sustentaret; & adductus elephas, a quo territus nec corpore nec animo conquiesceret. Tum præcis palpebris, ne connivere posset, Solis radiis objectus est. In dolio denique inclusus præfixo claviculis, quorum aculeis misere laceratus interiit; quæ tradunt Gellius & Zonaras. De quo Romam ut allatum est, Pœnorum captivorum nobilissimi quique Attilii liberis dediti sunt, & ab iis haud absimili mortis genere interemti.

II. Cneo & Publio Scipionibus fratribus paria prope
Cn. & omnia fuerunt, animi magnitudo, scientia rei mi-
P. Sci- litaris, victoriarum splendor, & mortis etiam ge-
pionū. nus. P. Scipio a Massinissa diu laceratus in castris, dum Indibili an. 541. obviam iret, ut, quocumque occurreret loco, pugnam confereret, ab equitibus Numidis circumventus, dum fortiter dimicat, lancea transfixus occubuit. Continuo Asdrubal & Mago, assumpto etiam Asdrubale Barchino, movent in Cn. Scipionem fraternæ cladis ignarum, qui militum numero longe inferior subductis in collem copiis restitit aliquandiu; donec vel in eo tumultu, ut volunt nonnulli, vel, ut Livius, in turri quo fugerat, interficitur. Ambo summi viri, & summorum virorum parentes. Publius enim Scipionum Africani Majoris & Asiatici pater fuit; Cneus vero Scipionis Nasicæ, qui vir optimus dictus est.

III. M. Claudius Marcellus quinque Consulatus, o-
M. Clau- pimis spoliis Jovi Feretrio consecratis, fuso semel
dii Mar- atque iterum Annibale, captisque Syracusis clarissi-
celli. mus, ob virtutem bellicam populi Romani *gladius* vulgo dictus, insidiis tandem Annibalis an. 545. occidit. Inter Punica & Romana castra tumulus silvestris erat ab neutris primo occupatus; postea tamen Annibal aliquot Numidarum turmas medio in saltu condidit: cumque fremerent in castris Romani occupandum illum tumulum, ambo Consules Marcellus & Crispinus cum equitibus 200. eo se conferunt. Ubi in tumulum ventum est, continuo Nu-
midæ

midæ clamore sublato impetum faciunt: fugiunt, qui cum Consulibus erant, 180. Etrusci; Fregellani quadraginta fortiter pugnando rem sustinent, donec vulneratus uterque Consul, sed alter altero multo gravius. Crispinus enim fuga sibi consuluit; Marcellus transfixus lancea prolapsus ex equo occubuit. Tanta fuit in Marcello cum Annibale pugnandi cupiditas, ut id assiduis diu usurparet sermonibus, id noctu somnaret, frequentibus votis a diis exposceret. Cum fusus ab Annibale ad pugnam postero die aciem instrueret, dixisse fertur Annibal: *Papæ! quid hoc homine facias, qui nec bonam nec malam fortunam ferre potest? solus, nec victor finit nos quiescere, nec quiescit ipse victus.* Mors Marcelli, cum alioqui miserabilis, tum quod nec pro ætate neque pro veteris prudentia ducis tam improvide se, collegam, & publicam rem in præceps dederat.

L. Æmilius Paulus, jam Consulatu & triumpho de Illyriis clarus, Terentio Varroni homini plebejo datus est collega. Eum privatim monuit Fabius, plus ipsi cum Varrone, quam cum Annibale negotii fore; illius temeritati obfisteret; arte & industria, non præliis fugandum Annibalem. Paruit Æmilius, sed frustra fuit: pugna Varronis imprudentia commissa est an. 537. Victi Romani: Paulus, dum fortiter dimicat, funda graviter ictus, suos & voce & exemplo, quandiu per vires licuit, ad pugnandum cohortatus est. Romanis tandem vel cæsis vel fugatis, ipse, deficientibus viribus, in tumultu confedit; quem cruore oppletum cum Cn. Lentulus Tribunus militum vidisset, oblato equo hortatus est ad fugam. Recusat Æmilius, & abeuntem monet *nunciare Patribus, ut urbem muniant, & antequam hostis victor adveniat, præsidii fiment; privatimque Fabio, L. Æmilium præceptorum ejus memorem & vixisse & mori. Tu me in hac strage militum meorum patere expirare, ne ut reus inteream, aut causa Consulatus accusator Collegæ existam, ut alieno crimine innocentiam meam protegam.* Paulo post ab hostibus, ignorantibus quis esset, telis confossus est.

Utriusque Scipionis Africani vita rebus gestis clarissima extitit, mors obscurior civium invidia. Africano

IV.

L. Æmilius Pauli.

V.

P. Africanus Magnus.

cano Majori, post devictum a fratre Antiochum, dies a M. Nævio Tribuno plebis, vel Petiliis, agente (ut fama tum erat) Catone, ad populum dicta est. Accusationis capita erant hæc, filium, captum ab Antiocho, sine pretio redditum; ipsum ab Antiocho, quasi pacis bellicque fuisset arbiter, cultum esse: & alia hujusmodi. Justus dicere causam Scipio, magno amicorum comitatu deductus in forum an. 566. rostra conscendit; & orationem adeo magnificam sine ulla criminum mentione de rebus a se gestis exorsus est, *ut satis constaret neminem unquam neque melius neque verius laudatum esse.* Producta dies est, quæ ut illuxit, Scipio magno agmine amicorum clientiumque festo habitu per mediam concionem ad rostra subiit; suoque capiti corona triumphali imposita: *Hoc, inquit, die Tribuni plebis, vosque Quirites, cum Annibale collatis signis in Africa bene ac feliciter pugnavi; æquum est me hinc recta in Capitolium ad gratias Superis agendas ire. Ite mecum, Quirites, & orate deos, ut mei similes principes habeatis: si ab annis 17. ad senectutem ætatem meam honoribus vestris anteistis, ego vestros honores rebus gerendis præcessi.* Continuo universa concio. Senatus, equester ordo, plebs cuncta in Capitolium secuta est. A Capitolio per totam urbem omnia templa circumiit, ac majore prope gloria, quam cum triumpharet de Syphace Rege & Carthaginensibus, urbem est invehens. Librum rationum coram populo concepsisse dicitur: *indignans, inquit Livius, quod cum bis millies in ærarium intulisset, quadragies, quæ illius summæ tantula par est, ab se posceretur.* Hic speciosus ultimus dies P. Scipioni illuxit: nam certamina cum Tribunis plebis prospiciens, Linternum, Campaniæ ad maris littus oppidum, concessit; *major enim natura & animus erat, quam ut reus esse sciret: ubi absque urbis desiderio obisse perhibetur, & uxori moriens imperasse, ne funus sibi in ingrata patria fieret. Ubi tamen & obierit & sepultus sit, incertum est, Romæ an Linterni: erant enim utrobique illius monumentum & statux, Livio teste. Cum in exilium abiit Scipio, multi dicebant, duas maximas orbis terrarum urbes*
ingratas

*ingratas in Principes fuisse, Romam ingratiorem; si-
quidem victa Carthago victum Annibalem expulisset,
Roma victrix victorem Africanum.*

Par Æmilii Pauli virtus fuit, felicior exitus. Is Romæ post devictum Perseum obiit an. 593. cujus pompa funebris, inquit Plutarchus, nec auro, nec ebore, sed eximia tum civium tum populorum, quos devicerat, benevolentia ornata est. Nam qui tum Romæ fuerunt juvenes (Legatos appellat Valerius) Macedonum, Ligurum, Hispanorum, ejus feretrum honoris ergo ultro subierunt. Id etiam Æmilio gloriæ datum est, ut testantur Florus & Victor, ut cum maximas opes in Urbem tribus triumphis intulisset, vix ex autione bonorum ejus redactum sit, unde dos uxori ejus redderetur.

VI.
L. Æmi-
lii Ju-
nioris.

C A P U T IV.

*Mortes illustrium Romanorum, a Gracchorum seditioni-
bus ad bellum civile Marii & Syllæ.*

Tiberio & Cajo Gracchis fratribus par ingenium fuit, eadem consilia, idem etiam exitus. Erant Tiberii Consularis filii, & Africani majoris ex filia nepotes. Cum ægre ferret Tiberius improbatum a Senatu Mancini turpe cum Numantinis foedus, quod ipso & auctore & quæstore ictum erat, a recta via deflexit: *vir alioqui innocentissimus*, inquit Vellejus, & *ingenio florentissimus*. Hæc illi crimini data, quod Tribunus plebis pecuniam Attali dividi jussisset, quod civitatem pollicitus esset Italici, tulisset legem agrariam, vetuisset ne quis amplius quadraginta possideret agri jugera, se Cajumque fratrem & Appium focerum Triumviros agris dividendis legisset. Cum concionem ad suos in Capitolio habet Gracchus an. 630. Consules, quid agendum opus sit, consulunt: per vim cum agendum nihil diceret Consul Mutius Scævola, tum Scipio Nasica, privatus licet & togatus, magna voce clamavit, *qui salvam vellent Rempublicam, se sequerentur*. Continuo optimates Senatus, ex equestri ordine multi, multi e plebe una tendere in capitolium, & in Gracchanos irruere.

I.
Tib.
Gracchi

Illi nec numero nec viribus pares non resistere; sed primum cedere loco, deinde palam fugere: at Tiberius, dum relicta toga in tunica clivo Capitolino decurrit, prolapsus est, surgentique unus e Collegis Saturejus caput afflixit sublellii pede. Illo mortuo, in socios sævitum est; trecenti sive fustibus sive lapidibus cæsi, ferro nullus; cadavera projecta in Tiberim: *quod initium in urbe Roma, inquit Vellejus, civilis sanguinis gladiatorumque impunitatis fuit: inde jus vi obrutum, potentiorque habitus prior; discordiaque civium, antea conditionibus sanari solita, ferro dijudicata.* Tiberii Gracchi indolem ita expressit Vellejus l. 2. *Vir aliqui vita innocentissimus, ingenio florentissimus, proposito sanctissimus; tantis denique adornatus virtutibus, quantis perfecta & natura & industria mortalis conditio recipit.*

11.
C. Gracchi.

C. Gracchus, post quæsturam in Sicilia summa cum laude gestam, semel atque iterum Tribunus plebis factus est. Cum in multis Senatum offendit, tum in iis duobus præcipue; quod & legem frumentariam tulerit, & judicia communicarit Equitibus. Cum vero eandem, quam frater, sectam sequeretur, eundem habuit exitum. Primum L. Opimius, Graccho multis nominibus insensus, ejus leges antiquavit. Quod cum ille ferret acerbius, plebis implorat opem; una cum Fulvio Consulari armat multitudinem, & Aventinum an. 632. occupat: deinde Opimius patribus imperat, ut arma capiant; Equitibus, ut singuli binos servos armis instructos adducant: tum in Gracchanos fit impetus. Sagittariorum Crentensium metu alii alio dilapsi sunt. Fulvius in balneum confugit; unde extractus una cum filio natu majore obruncatus est. Cajus in ædem Dianæ, inde in lucum Furinæ se proripuit; dum amici Pomponius & Junius ad pontem sublicium hostium impetum sustinent: nec prius cuiquam patuit aditus, quam uterque occumberet. Denique Cajus vel ab Euphoro famulo, ipso lubente, necatus est, ut vult Vellejus; vel, ut alii apud Plutarchum, a fuga cum Euphoro retractus una cum ipso, dum ille heri corpus suo tegit, ab Opimianis confossus est: caput ab Septimulejo lancea præfixum ad consulem delatum.

tum. Corpus Corneliæ matri ad sepulturam permiffum. Tria hominum millia vel cum Graccho, vel paulo poſt ſuppliciis cæſa. Luſtuofa imprimis Fulvii natu minoris cædes, qui annorum duodeviginti, pugnæ & armorum expertus, in cuſtodia necatus eſt; id tantum ætati & innocentia datum, ut genus mortis ſuo arbitrato eligeret. Hæc Plutarchus & Appianus. Ita de Cajo Graccho Vellejus: *Qui Tib. Gracchum, idem Cajum fratrem ejus occupavit furor, tam virtutibus ejus omnibus, quam huic errori ſimilem; ingenio etiam eloquentiaque longe ſuperiorem. Utriuſque Gracchi imago hic a Plutarcho coloribus depicta eſt: Vultu & obtutu blandus erat, & compoſitus Tiberius; acer Cajus & vehemens. Itaque in concionando ille modeſte non ſe movebat loco; hic primus Romæ deambulavit inter dicendum, & togam ex humero diſtulit... Deinde oratio fulminans & exaggerata affectibus; dulcior Tiberii, magisque commiſerationem movens: dictione pura hæc, atque exquiſite elaborata; Caji artiſcioſa & ſplendida: pari modo in victu & menſa frugalis & ſimplex Tiberius; Cajus, ſi cum aliis eum contendas, reſtriſtus & continens, ſi cum fratre, grandis & exquiſitus. Mores respondebant orationi: ſuperior lenis & placidus; iracundus alter & fervens.... audacia vero adverſus hoſtes, juſtitia adverſus populares, officiorum in muneribus ſedulitas, & adverſus voluptates continentia par in utroque.*

Luſtuofa fuit Africani Minoris ſeu mors, ſeu cædes. Agris dividendis Triumviri creati ſunt, Fulvius Flaccus, C. Carbo, & C. Gracchus, Tiberii, qui nuper cæſus erat, frater. Iſcum obſiſteret Scipio, nuper e Numantia victor; interrogatus de cæde Tib. Gracchi, jure cæſum videri, reſpondit, ſi Rempublicam opprimere ſtatiſſet: clamoremque cum concio omnis tolleret, hoſtium, inquit, armatorum toties clamore non territus, qui poſſum veſtro moveri, quorum noverca eſt Italia. Tam de periculo ſalutis ſuæ conteſtatus, domum ſanus rediit; poſtridie mortuus in cubiculo inventus eſt an. 624. Nocturna viſ dormienti illata creditur; quædam enim elifarum faucium notæ in cervice repertæ ſunt; ſi Vellejo credimus. Nulla de ipſius morte quæſtio habita eſt;

ejusque corpus velato capite elatum est. Criminis admissi suspicio tum in Fulvium recidit; tum in Semproniam Scipionis uxorem; quod & soror esset Gracchorum, quibuscum Scipioni simultas erat, & ob deformitatem nec a Scipione amata, nec amasse Scipionem diceretur. Hæc multis Appianus. Scipionis Æmiliani laudes his verbis complexus est Vellejus l. 2. *P. Scipio Æmilianus, vir avitis P. Africanis paternisque L. Pauli virtutibus simillimus, omnibus belli ac togæ dotibus, ingenii ac studiorum eminentissimus sæculi; qui nihil in vita nisi laudandum aut fecit, aut dixit, aut sensit: tam elegans liberalium studiorum omnisque doctrinæ & auctor & admirator fuit, ut Polybium & Panætium præcellentes ingenio viros domi militiæque secum habuerit: neque enim quispquam hoc Scipione elegantius intervalla negotiorum dispunxit; semper inter arma & studia versatus, aut corpus periculis, aut animum disciplinis exercuit.*

IV.
L. Apulejus Saturninus
& C. Servilius Glaucia

Tristiores etiam exitum an. 653. sortiti sunt L. Apulejus Saturninus & C. Servilius Glaucia. Ab iis percussores in comitia immitti, qui Memmium, Glauciam in prætura competitorem, conficerent; inde ingens oritur tumultus, solviturque concio. Populus Apulejum & Glauciam ad mortem deposcit; M. Æmilius Scaurus Senatus Principes, quamvis confectus senio, arma induit, & spiculo innixus imbellis, senex, ante fores curiæ, Equites, Senatores, & maxime Marium Consulem hortatur, ut libertatem legesque manu defenderent. Continuo Saturninus & Glaucia hostes a Senatu appellati, & a Mario Consule in Capitolio, quo fugerant, obsessi; tum ab eo inclusi in curia, ubi a populo convulsis testi regulis oppressi sunt. Hæc fere Appianus.

V.
M. Livius Drusus

Nec Tiberii nec Caji Gracchorum cædes M. Livium Drusum aliquantopost a ferendis agrariis legibus deterruit: leges quidem tulit, sed Italicis civitatem dare aggressus, ab hostibus an. 662. oppressus est. Quo enim urbis omnes sibi conciliet ordines in Italiam Siciliamque multas colonias deducit; inter Senatores ex equestri ordine trecentos adscribi jubet, judicia, quæ Gracchianis legibus penes Equites erant, Senatui communicat: unde in ordinis u-

triusque

triulque odium incurrit. Ægre enim erat Senatoribus, tot in Senatum allegi Equites; & Equitibus, Senatui communicari judicia. Quare invisus pene omnibus cum raro prodiret in publicum, & in obscura porticu cœtus haberet domi, sub vesperam dimissurus multitudinem exclamavit, & continuo cecidit, & lateri infixo cultro, inquit Valerius, intra paucas horas expiravit. Nulla de ejus cæde habita quæstio est, latæque ab eo leges rescissæ sunt. De M. Druso hæc pauca l. 2. Velleius. *M. Livius Drusus vir nobilissimus, eloquentissimus, sanctissimus meliore inter omnia ingenio animoque, quam fortuna usus.*

C A P U T V.

Mortes illustrium Romanorum, a Bello Civili Marii & Syllæ usque ad Bellum Pompeji & Cæsaris.

P Sulpicius in bello Syllano, cujus auctor fuerat, primus occubuit. Cum enim gratia, opibus, ingenio floreret, sive odio Syllæ, sive novarum rerum studio sese Mario addixit; anno enim 666. Tribunus plebis imperium Syllæ abrogat, & Mario bellum Mithridaticum decernit. Sylla urbe pellicur, qui paulo post ab exercitu receptus urbem occupat, Marium & Sulpicium ejicit. Sulpicius dum fugit, proditus a servo in Laurentinis paludibus occisus est. Sylla servo, quod inimicum tradidisset, primo dari pileum jussit; deinde, quod dominum prodidisset, e Capitolio egit præcipitem. Sulpicii eloquentiam Cicero describit in Bruto: mores Vellejus l. 2. Cicero. *Fuit Sulpicius, vel maxime omnium, quos quidem ego audiverim, grandis, & ut ita dicam, tragicus Orator; vox cum magna, tum suavis & splendida; gestus & motus corporis ita venustus, ut tamen ad forum, non ad scenam institutus videretur: incitata & volubilis, nec ea redundans tamen, nec circumfluens oratio.* Vellejus. *P. Sulpicius Tribunus plebis, disertus, acer, opibus, gratia, amicitiiis, vigore ingenii & animo celeberrimus. . . quasi pigeret eum virtutum suarum, & ei bene consulta mala cederent, subito prævus & præceps.*

II. **Ostavius.** Fœdatam multis cædibus urbem sive Marii sive Cinnae jussu proditum est: principem in ea strage locum obtinet Consul Ostavius. Ejecto ex Italia Mario, Consules a Sylla creati Ostavius & Cornelius Cinna; at is, pecunia corruptus, Italos in urbem evocat. Quare ab Ostavio aliisque civibus urbe pellitur, Consulatu, bonis, honoribus spoliatur, illique sufficitur Cornelius Merula: tum Cinna receptus ab exercitu, qui circa Nolam erat, junctis cum Mario copiis Romam obsidet, & in ea an. 666. recipitur, ea tamen lege ne sæviret in cives. Ille ultro pollicitus, *se scientem mortis causam fore nemini*, Ostavium ex urbe discedere jubet. Parere recusat Ostavius; cum diceret, *mallo se Consulem agere, quam fugitivum*. Quare a Saturnino quodam in Consulari habitu & Sella Curuli, ut auctor est Vellejus, capite truncatus est; caput delatum ad Cinnam primum pro rostris positum fuit.

III. **L. & C. Cæsa-**
rum, Q. Caruli,
Corn. Merulae.
P. Crassi. In cæteros Syllanæ factionis principes itidem sævitum est. L. & C. Cæsares fratres ambo, ille Consularis & Censorius, hic Ædilitius, Poeta, & Orator eximius, de quo multa in Oratore Cicero: Q. Catulus Marii & in quinto Consulatu & in victoria Cimbrica Collega: Cornelius Merula Cinnae Consuli subrogratus: P. Crassus cognomento Sapiens, triumpho & censura nobilis, civilis illius belli furore perierunt; sed alii alio mortis genere. Lucius Cæsar domi, Cajus hospitis, quem sæpe defendebat, proditione a Marianis necatus est. Catulus in domo calce nuper oblita inclusit se, illatoque igni, qui vim odoris excitaret, mortem magis voto suo quam arbitrio inimicorum obiit. Merula, abdicatione magistratu, *invisis venis superfusoque altaribus sanguine*, inquit Vellejus, *deos in Cinnae execrationem precatus spiritum reddidit*; Crassus, ne quid sua virtute indignum pateretur, gladio se transfixit. Capita in rostris ad ludibrium exposita; corpora alitibus & feris projecta.

IV. **M. Antonii O-**
rationis. Ostavii cæde territi urbis principes alii alio diffugiunt. M. Antonius Orator ille clarissimus, quem in libris de Oratore loquentem inducit Cicero, apud hominem plebejum aliquandiu delituit; at cauponis

perfidia

perfidia an. 667. proditus est. Dum enim servus hospitis Antoniani ab caupone vinum emit, illudque degustat paulo quam solebat curiosius; rogat caupo, quid hoc rei sit? Servus illi ut amico rem, sicut erat, aperit: ille continuo Marium admonet, qui præ lætitia exclamasse & manibus plausisse dicitur. Missus ab eo est, vel Antonius ex Valerio, vel Annius ex Plutarcho, qui Antonium occideret. Is ad hostium domus substitit, & in cubiculum intrare milites jubet; quos ut vidit Antonius, tanta illos suavitate alloqui, tantaque eloquentia mortem deprecari cœpit, ut illum nec aspicere milites nec attingere auli sint, sed defixo in terram obtutu illacrymarentur omnes: quod ubi sensit Annius, stricto gladio in domum irrupit, Antonium obtruncat, illiusque caput desert ad Marium. M. Antonii Oratoris ingenium, eloquentiam, dicendi genus M. Tullius in Bruto expressit: cujus verba hic appingere libuit. *Erat memoria summa; nulla meditationis suspicio: imparatus semper aggredi ad dicendum videbatur. In verbis & eligendis & collocandis nihil non ad rationem & tanquam ad artem dirigebat. Sed cum hæc magna in Antonio, tum actio singularis: gestus erat non verba exprimens, sed cum sententiis congruens: manus humeri, latera, supposito pedis, status, incessus, omnisque motus cum verbis sententiisque consentiens: vox permanens, verum subranea natura; sed hoc vitium huic uni in bonum convertebat; habebat enim flebile quiddam in quæstionibus, aptumque cum ad fidem faciendam, tum ad misericordiam commovendam.*

Haud multo post, belli civilis auctor C. Marius obiit an. 667. Fuit is insigne ludentis fortunæ documentum. Ex milite Imperatoris Legatus, ex Legato & Consul ipse & Imperator, omnium plane civium suffragiis, sex Consulatus, multas victorias, geminum triumphum adeptus est: tum ex tanto honorum fastigio momento decedit, urbe pellitur, exul & egens errat per Italiæ littora, & a Syllanis, ubi mento tenus in palude aliquandiu delituit, capitur, morti addicitur, mittiturque ad eum necandum servus publicus natione Cimber; at is viri majestate territus a carcere refugit, magna voce

V.
C. Marii

clamitans: *non possum occidere Marium*. Inde dimissus a Minturnensibus scapha fugit in Africam. Ibi copias colligit, redit in Italiam, junctus Cornelio Cinnæ urbem capit, multos e nobilibus obruncat, septimum occupat Consulatum, & 17. die post moritur. Cum audisset Syllam cum victore exercitu advolare in Italiam, a cœna de rebus a se gestis collocutus cum amicis dixisse fertur, *non esse viri prudentis iterum se fortunæ committere*: inde salutatis amicis, cum dies septem continuos decubisset, decessit. Ambitionis etiam in morbo apparuerunt indicia: visus enim sibi cum Mithridate bellum gere; varios, uti solebat in præliis, & motus corporis & clamores identidem edidit: *difficile dictu est*, ut ait in Epitome Livius, *an bello melior, an pace perniciosior: quam Rempublicam armatus servavit, eam primo togatus omni genere fraudis, postremo armis hostiliter evertit*. C. Marii septies Consulis vitia Vellejus l. 2., virtutes Sallustius in bello Jugurthino referunt: utriusque verba subjiciam. Hæc Vellejus. *C. Marius natus equestri loco, hirtus atque horridus vitaque sanctus quantum bello optimus, tantum pace pessimus, immodicus gloriæ, insatiabilis, impotens, semperque inquietus*. Ita Sallustius. *Illum jam antea Consulatus ingens cupido exagitabat, ad quem capiendum præter vetustatem familiæ alia omnia abunde erant, industria, probitas, militiæ magna scientia, animus belli ingens, domi modicus, libidinis & divitiarum victor, tantummodo gloriæ avidus*. Sed is natus, & per omnem pueritiam Arpini alitus, ubi primum ætas militiæ patiens fuit, stipendiis faciendis non Græca facundia, neque urbanis munditiis sese exercuit; ita inter bonas artes integrum ingenium brevi adolevit.

VI. L. Cornelius Cinna, ubi ingentem contra Syllam collegit exercitum, se cum Carbone in annum proximum Consulem designat: tum ut Syllæ occurreret, in Dalmatiam trajicit an. 669., at milites alii deficiunt, alii contra cives arma laturos se negant. Quare Cinna concionem evocat, minasque intentat militibus; cumque lictor de via multitudinem submovens obvium pulsasset militem, miles lictorem repercutit, quem dum Consul corripere jubet, fit clamor

mor militum, a quibus primum ad saxa, deinde ad gladios ventum est, in eodem tumultu Cinna confoditur. De L. Cinna quater Consule ita Vellejus l. 2. *Vir dignior, qui arbitrio victorum moreretur, quam iracundia militum; de quo jure dici potest, ausum ea, quæ nemo auderet bonus, perfecisse quæ a nullo nisi fortissimo perfici possent; & fuisse eum in consultando temerarium, in exequendo virum.*

L. Cornelius Sylla, devictis Marianorum partibus, Dictator appellatus cum 24. fascibus processit, multo plures quam Marius proscriptione cives sustulit, Rempublicam præclaris constituit legibus; sed nihil mirum magis, quam quod tot tantisque stragibus civium editis Dictatura sponte se abdicavit; privatusque vixit incolumis: haud multo post pediculari morbo absumentus interiit. Jam febris correptus Granium ad se evocat, quodque pecuniam ad reficiendum Capitolium dare differret, strangulari jubet; sed clamore nimio dirupta vomica vim magnam sanguinis profudit, & paulo post an. 675. expiravit: ita Valerius & Plutarchus. Abdicatio Dictaturæ ita grata populo accidit, ut ipsius funus incredibili pompa celebrarit; ipsius enim cadaver, ut Appianus prodidit, Puteolis in urbem, præcinentibus tubis, equitatu deducente, in lectica aurea, ornata regio delatum est. Ante lecticam prælata Dictaturæ insignia, coronæ aureæ bis mille, infinita prope & legionum, quibus præfuerat, & civitatum dona. Corpus deducebant Sacerdotes, Vestales, Senatus universus, cum suis insignibus Magistratus. Aderat ingens tibicinum numerus lugubre quidpiam concinentium; pro rostris deinde laudatus; tum a Senatoribus lectica in campum Martium delata, ubi solos reges sepelire olim moris erat, & circa rogum decurrerunt tum equites, tum reliquus exercitus: ita vel in ipso funere felix Sylla fuit. Epigramma a se compositum suo inscribi sepulcro voluit; cujus hæc sententia erat, *se nec amicorum beneficiis, nec inimicorum injuriis superatum.* Syllæ Dictatoris naturam Sallustius, corporis habitum Plutarchus descripsit. Sallustii verba sunt hæc: *Sylla patriciæ gentis nobilis fuit. . . literis Græcis juxta ac Latinis do-*

VII.
L. Cor-
nelii
Syllæ -

ctissime

Stiffime eruditus; animo ingenti, cupidus voluptatum, sed gloriæ cupidior; otio luxurioso esse; tamen a negotiis nunquam eum voluptas remorata... facundus, callidus, & amicitia facilis; ad simulanda negotia altitudo ingenii incredibilis; multarum rerum ac maxime pecuniæ largitor: atque illi felicissimo omnium ante civilem victoriam nunquam super industriam fortuna fuit; multique dubitavere fortior, an felicior esset. Et paulo post. Ad hoc milites benigne appellare; multis rogantibus, aliis per se ipse beneficia dare; invitatus accipere, sed ea properantius, quam æs mutuum reddere; ipse a nullo repetere; magis id laborare, ut illi quamplurimi deberent; joca atque seria cum humillimis agere; in operibus, in agmine, atque ad vigilias multus adesse; neque interim, quod prava ambitio solet, Consulis, aut cujusquam boni famam lædere: tantummodo neque consilio, neque manu aliquem priori pati. Ita Plutarchus breviter. Oculos glaucos, qui perquam erant amari & truces, color faciei magis efferebat aspectu; efflorescebat enim aspera rubedo albedine sparsim interfusa: unde Sannio quidam Athenis in eum hoc versu usus est.

Mora si spargas farina, talis est forma Syllæ.

VIII. Sertorius Marianarum partium dux, relatis in Hispania victoriis longe clarissimus, suorum proditione interiit, cum semel atque iterum pugnasset, & ad labores ætatis vitio esset remissior. Perpenna, qui inter amicos principem locum obtinebat, de illo interficiendo conjurat; tum rumorem spargit hostes a P. Sertorii Legato magna strage victos, Sertoriumque ad cœnam invitat. Sub cœnam ille in lectulo recubuit; dumque convivæ vino se madidos simulant, Perpenna phialam inter bibendum in terram projicit, quod conjuratis pro signo erat. Continuo Antonius, qui ad lectuli caput affidebat, Sertorium pugione ferit, ambasque illius manus occupat, dum ab aliis multis vulneribus an. 681. confoditur. Nec diu impunitum Perpennæ scelus fuit; mox enim a Pompejo acie victus, illius jussu cæsus est.

IX. L. Catilinæ. Postquam audiit Catilina detectam conjurationem, sumtumque de Lentulo, Cethego, aliisque supplicium

cium, per devios tramites an. 691. in Galliam fugere constituit: at ubi vidit Alpium aditus præclusos a Metelli Celeris exercitu, nec procul abesse L. Antonium, statuit cum Antonio configere. Aberat quidem tum Antonius pedibus æger; sed Petrejo Legato exercitum permiserat. Utrinque instructa acie signis infestis concurritur; Catilina strenui militis & boni Imperatoris simul officia exequitur. Ubi vero fortissimos quosque e suis cecidisse videt, generis memor & dignitatis, in confertissimos hostes incurrit, ibique pugnans confoditur. Post pugnam longe a suis inter hostium cadavera repertus est, paululum etiam spirans, ferociamque animi, quam habuerat vivus, in vultu retinens. Hæc Sallustius. Illius caput Romam ab Antonio missum scribit Oros. L. Catilinæ virtutes & vitia persecuti sunt, cum ipse Cicero in Oratione præsertim pro M. Cælio, tum Sallustius initio belli Catilinarii. Ciceronis verba sunt hæc: *Habuit enim ille permulta maximarum non expressa signa, sed adumbrata virtutum. Utebatur hominibus improbis multis, & quidem optimis se viris deditum simulabat: erant apud illum illecebræ libidinum multæ; erant etiam industriæ quidam stimuli ac laboris: flagrabant vitia libidinis apud illum; vivebant etiam studia rei militaris. Neque ego unquam fuisse tale monstrum in terris illum puto, tam ex contrariis diversisque inter se pugnantibus naturæ studiis cupiditatibusque conflatum. Quis clarioribus viribus quodam tempore jucundior, quis turpioribus conjunctior? quis civis meliorum partium aliquando, quis tetrrior hostis huic civitati? quis in voluptatibus inquinatior, quis in laboribus patientior? quis in rapacitate avarior, quis in largitione effusior? Illa vero in illo homine mirabilia fuerunt, comprehendere multos amicitia, tueri obsequio, cum omnibus communicare quod habebat, servire temporibus suorum omnium, pecunia, gratia, labore, scelere etiam si opus esset & audacia versare suam naturam, & regere ad tempus, atque huc & illuc torquere & flectere: cum tristibus severe, cum remissis jucunde, cum senibus graviter, cum juventute comiter, cum facinorosis audacter, cum libidinosis luxuriose vivere. Ita vero Sallustius: L. Catilina,*

lina, nobili genere natus, fuit magna vi & animi & corporis, sed ingenio malo pravoque. Huic ab adolescentia bella intestina, cædes, rapinæ, discordia civilis grata fuere; ibique juventutem suam exercuit. Corpus patiens inediæ, algoris, vigiliæ, supra quam cuique credibile est. Animus audax, subdolus, varius, cujuslibet rei simulator & dissimulator, alieni appetens, sui profusus, ardens in cupiditatibus: satis eloquentiæ, sapientiæ parum. Vastus animus immoderata, incredibilia, nimis alta semper cupiebat.

X.
P. Clodii.

P. Clodius odio & exilio Ciceronis, quem urbe expulit, nobilitatus ad posteros, ita a Milone cæsus est. Consulatum petebant Hypsæus, Metellus & Milo. Clodius Hypsæo & Metello favebat, Miloni non item. Erat enim ipse cum multis nominibus infensus, tum maxime, quod Ciceronis Milo studiosus esset: sub hæc Clodius Miloni occurrit ad Bovillas an. 701. cum ille e villa in urbem equo vestus rediret, hic Lanuvium peteret cum familia. Ut Clodius præterit, Milonis famulus illum invadit (jussus a Milone, an secus, incertum est) in occiput gladio vulnus infligit; dumque defertur Clodius in proximum diverforium, accurrit cum suis Milo hominemque conficit; spirantem adhuc an exanimem, non liquet. Miloni persuasum erat de cæde Clodii, illo mortuo, se facilius, quam de vulnere, eo vivo, absolutum iri. Ubi illuxit, pro rostris cadaver positum est, deinde translatum in curiam; ubi congestis subselliis rogos exstructus est, ignisque illi subjectus, quo una cum cadavere curia omnis deflagavit: deinde in amicos Milonis per dies aliquot saxis, igne, ferro sævitum est. De P. Clodio hæc breviter Vellejus l. 2. *P. Clodius homo nobilis, disertus, audax, qui neque dicendi, neque faciendi ullum nisi quem vellet, nosset modum, malorum propositorum executor acerrimus.*

XI.
M. Crassii.

M. Crassus a Surena victus an. 700. primum Carthas, deinde Syriam versus refugit; sed ab Andromacho quodam proditus eo deducitur, quo Surena cum equitatu continuo advolat: Crasso, si descendat e colle, pacem pollicetur. Romani milites, quibus nec in armis, nec in fuga spes nulla supererat, fremunt

fremunt ineundum fœdus. Crassus eorum clamoribus victus, *Vos*, inquit, *Octavi, Petroni, & quotquot adestis Præfeti*, cernitis, *quam vim patiar; verum nunciate, ubi incolumes fueritis, deceptum ab hostibus Crassum, non a civibus deditum periisse*: tum cum paucis ad Surenam pergit. Crassum ille ut vidit; *quid hoc rei est? Pedes Romanus Imperator, & nos equo vehimur? Nihil ab utroque peccari*, respondit Crassus, *cum more uterque patrio congregaretur*. Interim Surena equum adduci jubet, ut ad leges fœderis scribendas una irent ad flumen; *neque enim fœderum*, inquit, *vos Romani memores estis*. Tum equo Crassus imponitur; dumque illum & abducere Parthi & Romani retinere nituntur, fit pugna: Crassus, Octavius, alique duces occiduntur. Crassi caput Orodi missum ludibrio fuit, aurumque liquidum in rictum oris infusum, ex Floro; *ut cujus animus arserat auri cupiditate, ejus etiam mortuum & exangue corpus auro uteretur*. Hac etiam exprobratione usum Orodem scribit Cicero: *Aurum sitisti, aurum bibe*.

C A P U T VI.

Mortes illustrium Romanorum, in Bello Civili Pompeji & Cæsaris.

Curio, patre consulari & triumphali genitus, I. C. Curionis.
Tribunus plebis, una cum M. Antonio fugit ad Cæsarem; deinde e Sicilia cum quingentis equitibus & duabus legionibus trajicit in Africam, ubi secundis aliquot præliis usus, Imperatoris nomen adeptus est: at dum Uticam, quo Pompejani fugerant, obsidet, advenit cum ingenti exercitu Juba. Cum Sabura illius duce bene quidem pugnatum est; at postero die Curio ab hostibus circumfusus cum toto exercitu an. 704. deletus est: qui in castris præsidio relictæ erant, pars fugerunt in Siciliam, pars a Mauris cæsi. De Curione hæc pauca Vellejus l. 2. C. Curio vir nobilis, eloquens, audax; suæ alienæque & fortunæ & præditiæ prodigus: homo ingeniosissime nequam, & facundus malo publico; cujus animo, volupta-

luptatibus, vel libidinibus neque opes ullæ, neque cupiditates sufficere possent.

II. Cn. Pompeji Magni. Fugatus ad Pharſalum Pompejus primum ſolus citato equo Lariſſam contendit; tum paucos ſuorum e fuga naſtus nocturno itinere ad mare, deinde naſi oneraria ad Leſbum, tum in Cyprum, denique in Ægyptum pervenit. Ægypto præerat Ptolemæus Dionyſus, etiam tum puer. Alia aliorum de Pompejo ſententia fuit. Dum alii recipiendum dicerent, rejiciendum alii; neutrum probavit Theodorus Chius, ne aut hoſtem haberent Cæſarem, aut victor poſtea Pompejus injuriam ulciſceretur. Ptolemæo, ut Pompejum necaret; auctor fuit; nihil inde ſive a Pompejo ſive a Cæſare fore periculi. In eam ſententiam itum eſt: miſſique, qui Pompejum occiderent, Achilles & Septimius. Exceptus ab iis in navicula Pompejus an. 705. confoditur; qui peti ſe gladiis ut ſenſit, toga faciem obtexit, nec quidquam Pompejo Magno indignum aut dixit aut fecit. Caput ab Achilla delatum ad Regem, corpus a Septimio in fluctus, a fluctibus in littus projectum. Ibi vel a Servio Codro ſepultum eſt, ut auctor eſt Aurelius Victor, tumuloque hæc addita inſcriptio eſt; *Hic jacet Pompejus Magnus: vel quod verius putem, a Philippo liberto combuſtum, qui dum cadaver componit ad ſunus, aſſtitit gravi ætate Romanus civis qui prima olim ſub Pompejo ſtipendia fecerat. Tu, inquit, quis hominum es, qui Pompejo Magno paras juſta perſolvere; Libertus illius ego ſum;* reſpondit Philippus. *Atqui hoc decus, ſubjicit ille, non apud unum te reſidebit. Patere me in hujus tecum gloriæ partem venire; & mecum poſt tot labores belle actum putabo, ſi & manibus meis contrectare & humo tegere liceat ſummum populi Romani Imperatorem.* Oblatum eſt paulo poſt Cæſari Pompeji caput; ſed ille tetrum ſpectaculum averſatus illacrymaſſe dicitur, Pompejique amicos, in Ægypto captos a Rege, benigne excepit, ſcripſitque Romanum ad ſuos, *eum ſe fructum ex victoria capere maximum, quod quotidie cives aliquot ſervaret.*

Pompeji Magni imago a Vellejo & Plutarcho adumbrata eſt. Ita a Vellejo: *Fuit hic genitus matre*

tre Lucilia, stirpis Senatoriæ, forma excellens, non ea, qua flos commendatur ætatis, sed ex dignitate constanti, quæ in illam conveniens amplitudinem, fortunam quoque ejus ad ultimum vitæ comitata est diem: innocentia eximius, sanctitate præcipuus, eloquentia medius, potentiæ, quæ honoris causa ad eum deferretur, non ut ab eo occuparetur, cupidissimus; dux bello peritissimus, civis in toga, nisi ubi vereretur ne quem haberet parem, modestissimus; amicitiarum tenax, in offensis exorabilis, in reconcilianda gratia fidelissimus, in accipienda satisfactione facillimus; potentia sua nunquam, aut raro ad impotentiam usus, pene omnium vitiorum expers; nisi numeraretur inter maxima, in civitate libera dominaque gentium indignari, cum omnes cives haberet pares, quemquam æqualem dignitate conspiciere. Nam neque Pompejus, ut primum ad Rempublicam aggressus est, quemquam animo parem tulit; & in quibus rebus primus esse debebat, solus esse cupiebat; neque eo viro quisquam, aut alia omnia minus, aut gloriam magis concupivit: in appetendis honoribus immodicus; in gerendis verecundissimus: ut qui eos libentissime iniret, finiret æquo animo, & quod cupisset arbitrio suo sumere, alieno deponeret. Paulo aliter Plutarchus: Pompejo, cur diligeretur, multæ causæ fuerunt, vitæ temperantia, rei militaris scientia, facundia in dicendo, fides morum, comitas in conveniendo: qui neminem minus importune rogabat, vel hilarius largiebatur roganti: ostendebat enim in dandis beneficiis serenitatem, & gravitatem in accipiendis. Vultu initio præditus fuit non mediocriter gratiofo, qui præveniebat ejus orationem: nam veneres ejus erant cum humanitate conjunctæ, atque in vigore floreque juventutis senilis elucebat & regia majestas. Jam modice surrecta coma, oculorumque lenis modulatio reddebat faciei ejus usurpatam magis sermonibus, quam representatam cum Alexandri Regis statuis similitudinem.

Uticam defendendam Cato receperat; sed ubi rem perditam victo Scipione, seque desertum ab aliis videt, cæteris ad fugam naves attribuit, ipse an. 706. mori statuit. Sub cœnam de Philosophicis cum Philosophis multum disputat; post deambula-

III.
M. Ca-
tonis.

tio-

tionem solito vultu it cubitum, librumque Platonis de immortalitate animæ legit in mediam noctem; deinde gladio pectus trajicit. Strepitu (lecto enim exciderat) excitati servi irrumpunt in cubiculum, humi jacentem in lectum reponunt, obligantque vulnus, sed frustra; nam paulo post suis ipse manibus vulnus dilacerat, multoque effuso sanguine expiravit. Filium ad Cæsarem misisse scribit Dio, cum diceret ipsum præsentem rerum statui assuefieri posse, se autem, qui in libertate natus, atque educatus consueverat, servitutem deinceps ferre non posse, & Cæsaris gratiam longe sibi morte graviores futuram. De quo ut nunciatum est Cæsari: Invideo, inquit, Cato, hoc lectum tibi; nempe tu mihi salutem invidisti tuam: ita Plutarchus. De Catonis morte præclare ut solet Seneca, cujus hæc sunt ex Ep. 25. ad Lucilium. Ultima illa nocte Platonis librum legerat, posito ad caput gladio: duo hæc in rebus extremis instrumenta prospexerat, alterum ut vellet mori, alterum ut posset.

Egregias Catonis Uticensis virtutes & Sallustius in bello Jugurthino & Vellejus l. 2. persecuti sunt. Sallustii testimonium, cum de C. Cæsare agemus, infra referemus. Hic Velleji verba adscribere satis erit. Ita ille. *M. Cato, genitus M. Catone principe familiæ Porciæ, homo virtuti simillimus, & per omnia ingenio diis, quam hominibus, propior; qui nunquam recte fecit, ut facere videretur, sed quia aliter facere non poterat; cuique id solum visum est rationem habere, quod haberet justitiam: omnibus vitiis humanis immunis, semper fortunam in sua potestate habuit.*

IV. Haud lætiores Pompeji focer P. Scipio habuit exitum. Amisso ad Thapsum exercitu an. 706. fugit in Hispaniam, diu multumque jactatus fluctibus vel in Mauritaniam, ut vult Dio, vel ad Hipponem Regium, ut placet aliis, tempestate defertur. P. Sittius, qui classi Cæsarianæ ibi præerat, navem invadit capitque. Tum Scipio, ne in hostium potestatem veniret, se gladio transfixit: quærentibusque Cæsarianis ubinam esset Imperator; prostratus in puppi respondit; *Imperator bene se habet: & continuo expiravit. Hæc vox, inquit Seneca, parem illum majoribus*

bus fecit, & fatalem Scipionibus in Africa gloriam non est interrumpi passa: multum fuit Carthaginem vincere, sed amplius mortem; nec aliter debebat Imperator, & quidem Catonis more.

Multi honores Cæsari post victoriam Hispanicam delati. Mensis Quintilis illius nomine *Julius* vocatus, ex Appiano; curia Hostilia destructa est, ut restaurata *Julia* diceretur, ex Dione; ipsi *divi Julii* nomen impositum, templumque Clementiæ illi consecratum, ex Suetonio; collegium Lupercorum in illius honorem constitutum, ex Dione; diadema ab Antonio illi oblatum, ex Cicerone & Suetonio. Hæc vero C. Cæsari a civitatis principibus crimini data sunt: quod ipsi sella aurea in theatro posita esset, coronaque auro & gemmis insignis; quod dum Alba ovans rediret, Rex esset appellatus; quod tribunos, qui candidam fasciam ipsius statuiæ impositam detraxerant, deposuisset: quod sedens pro æde Veneris Senatui non assurrexisset; quod proximo Senatu L. Cotta sententiam dicturus esset, libris Sybillinis contineri Parthos, nisi a Rege, vinci non posse, ideoque Cæsarem *Regem* esse appellandum. Principes conjurationis erant M. Brutus, L. Cassius, D. Brutus, Trebonius. Idibus Martiis an. 709. in Pompeii curiam Senatus vocatus erat: somniis prodigiisque territus Cæsar continere se domi statuerat, cum ecce advenit Decimus Brutus conjurationis particeps, qui ut in curiam veniat, hortatur: eo die venisse Senatum, uti illi tria ad gloriam immortalia deferat; ut perpetuo Dictator esset, ut omnibus præter Italiam Provinciis præesset, ut terra marique præterquam in Italia coronam gestaret: tum irridens, quod timeret somnia, manu prehensum domo educit. Dum pergit ad curiam, obvius fit ei Spurrinna, qui Calendis Martiis, sibi ut caveret, monuerat: eique per jocum dixit Cæsar, *adsunt Calendæ, o Spurrinna: cui ille, adsunt quidem, sed nondum præterierunt.* Tum oblatum ei libellus, in quo omnis conjunctio descripta erat; quem tamen variis conjuratorum sermonibus & petitionibus distentus non aperuit. Ut curiam ingressus est, a conjuratis rhonoris ergo ad sellam usque deducitur, dum Tre-

V.
C. Julii
Cæsaris.

bonius, vel D. Brutus M. Antonium extra curiam detinet, ne auxilio veniret Cæsari; tum illum Casca gladio percutit. Saucius assurgit Cæsar, vimque vi repellere nititur; at ubi M. Brutum, quem filii loco habebat, inter conjuratos vidit: *Tu quoque, fili mi?* inquit; & simul caput involvit toga, demisitque sese, & ad Pompeji statuam tribus & viginti plagis confossus interiit. Hæc Suetonius, Plutarchus, & Appianus. Qua corporis forma fuerit C. Cæsar tradit Suetonius: quibus moribus, Vellejus & Sallustius: sed ita illius laudes Catonis laudibus Sallustius conjunxit, ut seungi minime possint. Eorum verba hic subjicere libuit, primum Suetonii, tum Velleji, denique Sallustii. *Fuisse traditur excelsa statura, colore candido, teretibus membris, ore paulo pleniore, nigris vegetisque oculis, valetudine prospera. Circa corporis curam morosior, ut non solum tonderetur diligenter ac raderetur, sed etiam velleretur; calvitii quoque deformitatem iniquissime tulit. Armorum & equitandi peritissimus, laboris ultra fidem patiens erat; sæpius in agmine, nonnumquam equo, sæpius pedibus anteibat; capite detecto, seu sol, seu imber esset; in obeundis expeditionibus dubium cautior, an audentior, &c.* Hæc & plura Suetonius: ita vero Vellejus: *Hic nobilissima Juliorum genitus familia, & ab Anchise & Venere deducens genus; forma omnium civium excellentissimus, vigore animi acerrimus, munificentia effusissimus, animo super humanam & Naturam & fidem erectus; magnitudine cogitationum, celeritate bellandi, patientia periculorum magno illi Alexandro, sed sobrio, neque iracundo simillimus: qui denique semper & somno & cibo in vitam, non in voluptatem uteretur.* Sallustii de Cæsare & Catone verba sunt hæc. *His genus, ætas, eloquentia prope æqualia fuere, magnitudo animi par, item gloria; sed alia alii. Cæsar beneficiis ac munificentia magnus habebatur, integritate vitæ Cato. Ille mansuetudine & misericordia clarus factus, huic severitas dignitatem addiderat. Cæsar dando, sublevando, ignoscendo; Cato nihil largiendo gloriam adeptus est. In altero miseri perfugium erat, in altero malis perniciēs: illius facilitas, hujus constantia laudabatur. Postremo Cæsar in animum induxe-*

rat

rat laborare, vigilare, negotiis amicorum intentus sua negligere, nihil denegare, quod bono dignum esset: sibi magnum imperium, exercitum, novum bellum exoptabat, ubi virtus enitescere posset. At Catoni studium modestiæ, decoris, sed maxime severitatis erat: non divitiis cum divite, neque factione cum factionis; sed cum strenuo virtute, cum modesto pudore, cum innocente abstinentia certabat: esse, quam videri bonus mallebat. Ita quo minus gloriam petebat, eo magis assequebatur.

C A P U T VII.

*Mortes illustrium Romanorum in Bello
Civili Triumvirorum.*

D Brutus obsidione Mutinensi ab Hirtio & Pansa vix liberatus erat; cum ecce nunciatur Octavium Cæsarorum cum Antonio & Lepido inisse sedibus. Habebat quidem legiones decem, sex Tironum, veteranorum quatuor; viribus tamen longe inferior. Quo tenderet, incertus hæsit aliquandiu; tandem ad M. Brutum in Macedoniam pergere statuit: sed copiarum omnes viæ longioris labore deterritæ aliæ post alias deficient. Primum tirones ad Octavium, deinde ad Antonium veterani, paulo post & auxiliarii & Galli equites alii alio diffugiunt: ipse tamen cum trecentis, qui supererant, equitibus Rhenum versus an. 710. contendit. At illis etiam ad sua dilapsis, desertus pene ab omnibus, sumto cultu Gallico, Aquilejam fugit. A latronibus capitur, ducitur ad Camillum hujus regionis Principem, qui Brutum benigne excipit: clam tamen Antonium admonet. Is Brutum occidi, illiusque caput ad se mitti imperat. Paruit Camillus, Brutusque necatus est: mortem tullisse mollius, refert Appianus.

M. Tullius Cicero, proscriptus a Triumviris, conscensa navi ad Brutum an. 710. fugiebat in Græciam: cum ad villam, quæ in Campania erat, sive comparandæ pecuniæ, sive alterius rei causâ, divertere constituit. Dum appellit ad terram, corvorum agmen ex fano Apollinis magno crocitu ad navem illius

I.
D. Brutus.

II.
M. Tullius
& Q. Cicero.
num.

illius advolat. Ubi vero in villam ingressus ad quietem composuit sese, continuo corvi frequentes in sinistra confident; dumque alii diros edunt crocitus, unus demittit se in dormientis lectulum, & togam, qua opertus erat, a facie paulatim rostro detrahit. Corvorum clamoribus territi servi Ciceronem partim precibus, partim vi sublatum in lecticam ad mare deferunt. Interea missi ab Antonio percussores Popilius Tribunus & Herennius Centurio adveniunt, & ad Ciceronem, qui in sylvam deflexerat, pueri indicio recta pergunt: quos ut vidit Cicero, servis ut lecticam ponerent iussit, cervicemque natus annos 64. ad eandem e lectica protendit. Caput & manus pro rostris affixa fuerunt, ubi miraculo fuerat eloquentia. Idem fere Q. Ciceronis, qui Marci oratoris frater erat, exitus fuit, eoque tristior, quod una cum filio necatus sit. Cum Marco fratre proscriptus a Triumviris Roma fugerat; quod vero utrique deesset pecunia, Marcus secedit in villam, Quintus mutata veste cum filio per avios tramites Romam repetit; at occurrit Antonii militibus, ab iisque agnitus capitur. Tum patrem inter & filium oritur contentio, uter prior moreretur, ne aut pater filii eandem, aut filius patris cerneret. Quare alter ab altero abstractus est a militibus, & eodem tempore separatim interfectus. De Marco Cicerone hæc pauca Vellejus. *M. Cicero, qui omnia incrementa sua sibi debuit, vir novitatis nobilissimæ & ut vita charus, ita ingenio maximus; qui effecit, ne quorum arma viceramus, eorum ingenio vinceremur.*

III.
c. Cassi:

Par prope & Cassii & Bruti interitus. Ad Philippos contra Antonium & Octavium pugnatum erat, ubi victus Cæsar a Bruto, & ab Antonio Cassius: par utrinque & victoria & clades; sed error fecit imparem. Victus Cassius an. 711. in tumultum se recipit; ut quo res essent loco prospiceret: sed cum pulvis prospectum eriperet, sive dedecoris impatiens sive Brutum eadem usum fortuna ratus, armigero Pindaro; ut ipsum occidat, jubet. Dum ille cunctatur, Brutum in alio cornu vincere nunciat nescio quis, cui Cassius *refer ei me optare illi absolutam victoriam: tum ad Pindarum versus, quid cessas? inquit;*

quit; *cur non me ab hac ignominia liberas?* Simulque jugulo ferrum excipit: ita Appianus. Paulo aliter Plutarchus & Vellejus: dum Bruti equites victoriæ nuntii accurrunt ad Cassium, ille, qui esset incertus, ad eos misit Titinnium, qui ab iis ut amicus receptus in medium, dum ad Cassium redit, ille hostes esse arbitratus: *expectavimus*, inquit, *dum videremus amicum abripi*: tum in tentorium cum Pindaro secessit, ubi cæsus est. Ut prostratum Imperatorem vidit Titinnius; *sequar*, inquit, *eum quem mea tarditas occidit*: & continuo incubuit in gladium.

Post mensem ferme integrum a morte Cassii, alterum a Bruto prælium datum est; eoque tum virtute militum, tum victoriæ cupiditate utrinque pugnatum est, ut par prope fuerit & apud victores & apud victos cæsorum numerus. Dispersas copias & interclusum ad castra regressum ut vidit Brutus, in montes cum quatuor legionibus se recipit, easque per Tribunos hortatur, ut medios per hostes conentur erumpere; sed responsum ab iis est, sibi tot bellicorum labore fessis spem pacis non esse corrumpendam. Tum conversus ad amicos Brutus, jam civis inquit, *ego sum inutilis patriæ*; & amicum sive servum Stratonem nomine advocat, ab eoque occidi se jubet. M. Bruti & Cassii, qui & conjurationis in Cæsarem auctor fuerat, & cladis ad Philippos acceptæ, hæc fuit indoles; si Vellejo & Plutarcho credimus. Ita Vellejus. *Fuit autem Cassius dux melior, quanto vir Brutus; e quibus Brutum amicum habere mallet, inimicum magis timeres Cassium. In altero major vis, in altero virtus: qui si vicissent, quantum Reipublicæ interfuit Cæsarem potius, quam Antonium habere Principem, tantum retulisset habere Brutum, quam Cassium. Plutarchus vero: Habebatur Cassius rei bellicæ peritus, sed ira asper, & per metum magis velle imperare; apud familiares ad risum proutor, & dicax. Brutum vero virtutis causa vulgo carum, amicis dilectum fuisse, admirationi optimo cuique, odio venisse ne hostibus quidem; quod mire lenis, magnanimus, adversus iram, voluptatem, avaritiam infractus, rectam sententiam atque inflexibilem retineret pro honesto & justitia.*

IV.
M. Bruti

V. Sext. Pompejus navali prælio victus a Cæsare Cephaleniam fugit; inde transmittit in Asiam: hinc Sext. Pompeji. Antonio se socium & amicum obtulit; inde Thraciæ Pontique Principes sibi conciliare studuit, ut, si ab Antonio postulata non impetraret, per Pontum fugeret in Armeniam, seque Parthis ducem præberet. Interim delectus habet, Lampſacum capit, Cyzicum obſidet, Furnium vincit; tum advenit jussu Antonii cum 120. navibus Titius; quare Pompejus impar viribus naves suas incendit, armat remiges, & Armeniam petit. Eum persequuntur Antoniani duces Furnius, Titius, Amyntas, quos quidem nocturno certamine Pompejus fudit; sed commeatum inopia dum redit ad mare, a suis vel desertus vel proditus, ab Amynta capitur, & a Titio, quem paulo ante captum dimiserat, an. 718. occiditur: Antonii jussu, an secus, obscurum est. De Sex. Pompejo Pompeji Magni filio sic Vellejus l. 2. *Hic adolescens studiis rudis, sermone barbarus, impetu strenuus, manu promptus, cogitatione celer, fide patri dissimillimus, libertorum suorum libertus, servorumque servus, speciosus invidens, ut pareret humillimis.*

VI. M. Antonius post Actiacam cladem in Ægyptum M. Antonii. refugerat. Ibi contra Augustum bis pugnavit: primum equitatu victor, deinde pedestri prælio victus ad classem fugit, ut certamen navale compareret: sed Cleopatrarum perfidia duces classis ab eo ad Cæsarem transfugerant. Ipsa vero in monumentum insiliit, quasi mortis sibi consciscendæ causſa; re ipsa, ut, cum Antonius eam mortuam audivisset, sibi manus inferret. Quod ut allatum ad Antonium, mori decrevit, oratque Eroto, ut ipsum occidat; at ille nudato gladio seipsum transverberat, eumque imitatus Antonius se gladio transfixit. Inde coorto tumultu, Cleopatra ex fastigio sepulcri prospexit: tum Antonius ad sepulcrum Cleopatrarum se deferri imperat, ibique expiravit, an. 723. M. Antonii Triumphum formam & mores Plutarchus expressit in Antonio, his verbis. *Forma ei ingenua, oris dignitas, & barba promissa, frontisque amplitudo, & nasus aduncus; faciem virilem repræsentare dictis & sculptis Her-*
culis

culis simulacris germanam videbatur. Jactantia, dicacitas, perpotatio; in publico sedere inter vescendum, & cibum sumere assistentem ex militari mensa, incredibile dictu, quantam benevolentiam ei conciliavit militum. Inerat moribus ejus simplicitas, effusus erat ad præmia & supplicia; beneficiis tamen, quam pœnis excedebat modum. Contumelia ejus in jocis & disertiis afferebat secum medicinam; siquidem reponere licebat dicta & convitia: nec minus hilaris erat, cum derideretur, quam cum derideret alium.

C A P U T VIII.

Mortes illustrium Ducum, contra quos pugnarunt Romani.

NEC abs re fuerit, nec injucundum, opinor, si hoc loco subjunxerim interitus summorum Ducum, adversus quos vel grave vel diuturnum Romanis bellum fuit. Paucos quidem e multis selegimus; sed qui militari gloria cæteris longe præstiterunt, Pyrrhum, Annibalem, Viriathum, Jugurtham, Mithridatem. Omnes, præter Pirrhum, Romanorum vel jussu vel metu perierunt; alii tamen alio mortis genere.

Pulsus ex Italia Pyrrhus cum Antigono Macedoniæ Rege bellum gerebat. Uterque ingenti stipatus exercitu ad Argos consisterat; quod civium principes Aristias & Aristippus inter se dissiderent. Alter Pyrrho, Antigono favebat alter; eoque discordia processit, ut Aristias Pyrrhum, Antigoni filium Aristippus de nocte in urbem induxerit. Magna utrinque contentione certatum est; at ubi illuxit, terribus est Pyrrhus & hostium multitudine & figura tauri cum lupo pugnantis: ipsi enim prædixerat nescio quis, tum illi instare mortem, cum hujusmodi speciem vidisset. Paulo post ex urbe tentat erumpere; at in suos, qui opem illi ferre properabant, incurrit: dumque alii egredi, ingredi alii nituntur, Pyrrhus in hostes irruentes se convertit & cum Argi-

I.
Pyrrhi.

vo quodam pugnabat, cum mota periculo filii mater ingentem e fenestra tegulam in illius caput deiecit. Ex equo cecidit Pyrrhus, ibique a Zopyro Antigoni Duce agnitus capite truncatus est, an. U. C. 481. Laudatur a multis, nec immerito, Antigoni Regis humanitas. Cum enim Alcyoneus ipsius filius Pyrrhi caput ad ejus pedes projecisset, Antigonus correpto juvene, quod tanti viri ruinæ insultaret, ipse caput humo sublatum causa, qua velatus erat, obtexit; corpus magnifico apparatu cremari, ossaque urna aurea inclusa ad Alexandrum filium deportari iussit. Inter hæc Helenus filius alter Pyrrhi, quo suæ salutis consulat, deponit insignia, & obsoletam chlamydem induit. In eum forte Alcyoneus incidit, ipsumque benigne appellat, & adducit ad patrem. Tum, *Melius*, inquit Antigonus, *sic est, quam ante, fili; sed tamen ne nunc quidem recte, quod vestem hanc, quæ nos victores dedecet, non detraxeris*. Quærenti aulico: cur tanta pompa infensissimo hosti iusta solvisset: *O utinam*, inquit, *hostibus meis omnibus idem præstare liceat!* Illud etiam de Pyrrho perhibent, quod pedis dextri pollex, absumpto flammis reliquo corpore, integer & illæsus fuerit.

II.
Annibal-
lis.

Victus in Africa a Scipione Annibal inexcusandæ pacis auctor fuit civibus, dissuasor Gilco; quem ad imbellem & inquietam plebem dum dislerit, arreptum ex superiori loco detrahit Annibal, ac fremente plebe violatam populi libertatem: *Novem annorum natus*, inquit, *a vobis profectus; post 36. annos redii: militares artes, quas me a puero fortuna nunc privata nunc publica docuit, probe scire videor urbis ac fori jura non didici*. Sub hac ubi se a suis, quasi novis rebus studeret, Romæ insimulatum audiit, sub vesperam vestitu forensi ex urbe cum duobus comitibus egressus est, inde citatis equis Thapsum pervenit, unde parata nave Tyrum ad Antiochum Syriæ Regem navigavit, a quo benigne exceptus est. Tum P. Scipio Africanus venisse in Asiam legatus ad Antiochum a Græcis dicitur, & cum Annibale Ephesi collocutus. Quærenti Africano, *quem fuisse maximum Imperatorem Annibal crederet?* respondit,

pondit, *Alexandrum magnum, quod parva manu innumerabiles exercitus fudisset. Quærenti deinde, quem secundum poneret? Pyrrhum dixit. Ex sequenti, quem tertium duceret? Haud dubie seipsum respondit. Tum subridens Scipio, quid aiceres, inquit, si me vicisses? Tum vero me, ait Annibal, & ante Alexandrum, & ante Pyrrhum, & ante omnes alios Imperatores esse. Victo a L. Scipione Antiocho, Annibal, ne Romanis traderetur, ad Prusiam Bithyniæ Regem se contulit: sed ad Prusiam an. 570. a Romano senatu legatus venit T. Quintius Flaminius, qui Annibalem reposceret. Is, quo facilius fugeret, septem a domo exitus fecerat, & ex iis quosdam occultos, ne militum custodia cingerentur. Prusias, ut Flamini gratificaretur, misit milites, qui Annibalis domum, ne elaberetur, custodirent. E-rumpere tentavit Annibal; at ut sensit nullam omnino fugæ patere viam, vel taurinum sanguinem ebit, vel a servo ipsius jussu compressa gula interiit (ita enim nonnulli apud Plutarchum;) vel potius, ut placet Livio, venenum quod jam diu præparatum ad tales casus habebat, poposcit. Liberemus, inquit, diuturna cura populum Romanum; quando mortem senis exspectare longum censent. Nec magnam, nec memorabilem ex inermi proditoque Flaminius vi-ctoriam feret. Mores quidem populi Romani quantum mutaverint, vel hic dies argumento erit; Horum patres Pyrrhum infestis signis Romæ imminentem, a veneno ut caveret, monuerunt. Hi Prusiæ auctores sunt, ut regiæ dignitatis junctæque dexteræ oblitus, hospes hospitem scelere prodat. Execratus deinde in caput regnumque Prusiæ, poculum exhaustit, natus annos 70. Hæc Livius, qui Annibalis virtutes & vitam dec. 3. l. 1. his verbis expressit. Missus in Hispaniam primo statim adventu omnem in se exercitum convertit. Amilcarem viventem redditum sibi veteres milites credere; eundem vigorem in vultu, vimque in oculis, habitum, oris lineamentam intueri. Deinde brevi effecit, ut patri in se minimum momentum ad favorem conciliandum esset. Nunquam ingenium idem ad res diversissimas parendum & imperandum habilius fuit. Itaque haud facile discerneres, utrum Imperatori, an exercitui*

exercitui carior esset: neque Asdrubal alium quemquam præficere malle, ubi quid fortiter & strenue agendum esset; neque milites alio duce plus confidere, aut audere. Plurimum audaciæ ad pericula capeffenda, plurimum consilii inter ipsa pericula erat. Nullo labore aut corpus fatigari, aut animus vinci poterat. Caloris ac frigoris patientia par, cibi potionisque desiderio naturali, non voluptate modus finitus. Vigiliarum somnique nec die, nec nocte discriminata tempora; id, quod gerendis rebus superesset, quieti datum: ea neque molli strato accersita. Mulii sæpe militari sagulo operum, humi jacentem, inter custodias stationesque militum conspexerunt. Vestitus nihil inter æquales excellens, arma atque equi conspiciebantur, Equitum peditumque idem longe primus erat; princeps prælium inibat, ultimus conserto prælio excedebat. Has tantas viri virtutes ingenita vitia æquabant: inhumana crudelitas, perfidia plusquam Punica, nihil veri, nihil sancti, nullus Deorum metus, nullum jusjurandum, nulla religio.

III. Viriathi Tristior etiam Viriathi, quam Annibalis exitus fuit; qui non suo, sed amicorum scelere periit. Jam per annos undecim rem Lusitanam contra Romanos fuerat summa laude tutatus, eorumque duces sæpius fuderat, cum fidissimos sibi amicos Audacem, Ditalconem, & Mimurum de fancienda pace identidem ad Cæpionem mittit: illos Cæpio donis promissisque corrumpit. Igitur Audax cum cæteris in Viriathi tentorium de nocte irrumpit, illataque in jugulum plaga, quod ea pars sola pateret vulneri, an. 613. dormientem enecat, & tacitus transfugit ad Cæpionem, a quo prodicionis præmium petit: sed ad Senatum de præmiis remisit Cæpio, cum diceret, nunquam Romanis placuisse imperatorem a suis militibus interfici. Lusitani Ducis interitum ingenti luctu & magnifico funere prosecuti sunt. De Viriatho hæc pauca Florus. Lusitanos Viriathus erexit, calliditatis acerrimæ, qui ex venatore latro, ex latrone subito Dux & Imperator; & si fortuna cessisset, Hispaniæ Romulus.


IV. Jugurthæ Eo turpior Jugurthæ calamitas fuit, quod & victus & ductus in triumphum Romanis ludibrio fuerit.

rit. Numidia ejectus a Mario fugerat ad Bocchum; ad quem continuo veniens jussu Marii Cornelius Sylla Jugurtham reposcit. Dubius hæsit aliquandiu Bocchus, Jugurtham traderet: tandem omnia se facturum promittit ex Syllæ voluntate. Ad publicum de pace colloquium indicitur dies: venit Jugurtha, uti dictum erat, inermis; ac statim signo dato undique simul ex insidiis insurgitur. Cæteri statim obtruncati. Jugurtha Syllæ victus traditur, & ab eo ad Marium deductus est. Deinde una cum duobus filiis, vinculis onustus, Marii triumphum an. 649. cohonestavit; vultu, oculis habituque corporis, ut perhibent, amenti similis. Tum vel jussu Consul in carcere strangulatus, ut Eutropio & Livio visum est; vel, ut tradit Plutarchus, dejectus in profundam specum sexto die fame periit. Jugurthæ dotes eximias Sallustius his verbis complexus est. *Qui ubi primum adolevit, pollens viribus, decora facie, sed multo maxime ingenio validus, non se luxui neque inertia corrumpendum dedit; sed uti mos gentis illius est, equitare, jaculari, cursu cum æqualibus certare, & cum omnes gloria anteiret, omnibus tamen carus esse: ad hoc pleraque tempora in venando agere; leonem atque alias feras primus ferire: plurimum facere, & minimum de se loqui.*

Proditus est ab amico Jugurtha, a filio Mithridates. Nocturno, uti dictum est, prælio a Pompejo victus per rupes elabitur; primum ad Euphratis fontes, deinde ad Tigranem fugit, ab eoque repulsus Colchos se recipit. Magnos habet delectus; castellis tamen regnoque spoliatus iter ad Gallos destinat, ut per Alpes irrumpat in Italiam. At Pharnaces ex filiis longe clarissimus ipsi struit insidias: reo ignovit pater; sed ille venia factus deterior exercitum ad se allicit, & a Ducibus longioris viæ tædio an. 690. Rex appellatur. Misit filium Mithridates, qui tutam fugam peteret; cumque nullus rediret, veritus ne Romanis dederetur, satellites & amicos ad novum Regem abire jubet: ipse venenum, quod circa gladium perpetuo ferebat, ebibit: Cum vero aut nihil aut lentius noceret, quod esset a puero tutorum metu bibendis venenis assuetus; *ma-*
le

V.
Mithri-
datis.

le tentatum veneno spiritum, inquit Fiorus, *ferro expulit*. Sua manu, an aliena ceciderit, incertum est: a Rituito Gallo, ex Floro & Victore; a seipso, ex Gellio & Dione, gladio confossus occubuit. De quo breviter Vellejus: *Mithridates Ponticus Rex, vir neque silendus, neque dicendus sine cura; bello acerrimus, virtute eximius; aliquando fortuna, semper animo maximus; consiliis dux, miles manu, odio in Romanos Annibal.*



DISSERTATIO QUARTA.

ROMANORUM PROVINCIAE.

Romani Imperii duplex veluti ætas fuit: una a Romulo ad Augustum utque pertinet; altera ab Augusto ad Arcadium aliosque deinceps Imperatores, sub quibus imperii decus concidit. Non iisdem in utraque ætate terminis definitum Imperium est; sub Imperatoribus latius aliquanto patuit, quam florente Republica. Provinciarum seu Regionum, quæ ante Augusti tempora a Romanis armis subactæ sunt, nomina sunt hæc: *Italia, Gallia, Hispania, Sicilia, Sardinia, Corsica, Illyricum, Macedonia, Achaja, Asia, Cilicia, Bithinia & Pontus, Cyprus, Syria, Africa, Cyrenaica & Creta, Numidia, Mauritania*. Quibus multæ ab Imperatoribus additæ sunt, sed aliæ ab aliis: *Rætia, Noricum, Pannonia, Mœsia, Dacia, Britannia, Ægyptus, Galatia, Rhodus, Lycia, Comagena, Judæa, Arabia, Mesopotamia, Armenia, & Assyria*. Animus est, hic explicare paucis, quæ de causa, quo tempore, quibus duobus, singulæ nationes domitæ sint: at de prima tantum Romani Imperii ætate hoc loco agimus; de altera alias. Eo etiam breviores erimus, quod jam multa, quæ ad hanc rem pertinent, in Romanorum bellis præmisimus.

CAPUT PRIMUM.

Italia.

Alii a Romanis, alii ab exteris gentibus Italiae adscripti fines. Quidquid enim ab Alpibus ad Siciliam usque pertinet, cæteræ gentes Italiam appellabant: Romani non item, a quibus hæc regio omnis duas in partes divisa est, quarum altera, quæ a Siculo mari ad Rubiconem & Arnun fluvios pertingit, illis Italia fuit; altera, quæ his fluviiis & Alpibus continetur, *Provincia Gallia*. Quare si Romanorum morem sequimur, erant in Italia, præter Romanos, *Etrusci*, *Latini*, *Campani*, *Lucani*, *Apuli*, *Brutii*, *Ferentani*, *Picentes*, *Umbri*, *Sabini*, *Vestini*, *Marfi*, *Marrucini*, *Peligni*, *Samnites*: in *Provincia Gallia* *Ligures*, *Galli* tum *Boji* tum *Insubres*. *Veneti* & *Carni*. De Italia nunc agimus, de *Provincia Gallia* postea.

I.
Italiae
divisio &
populi.

Etrusci in tres gentes distracti erant: qui enim intra Tiberim & Arnun habitabant, *Maritimi* dicti sunt; qui citra montes Ciminios, *Cis-ciminii*; qui ultra montes, *Trans-ciminii*. Romanis jam inde a Romuli temporibus cum Etruscis bellum fuit: magna clade ad Eretum victis pax a Tarquinio Prisco concessa est, suæ illis redditæ leges, nulla imposita tributa; at summum in singulis civitatibus imperium penes Romanos fuit. Iterum a Servio Tullio victi sunt, fœdusque cum illis renovatum. Aliquanto post Porfena Clusinarum Rex Tarquinii Superbi partes fovit, urbemque obsedit an. 306. Fabii ad Cremeram ab Etruscis deleti: at an. 318. Tolumnus Vejentium Rex a Cornelio Cossio cæsus; an. 349. Veji obsessi & decennio post a Camillo capti. Post victos in Urbis ruderibus Gallos, bis ad lacum Vadimonis fusi Etrusci; primum a Decio an. 444. deinde a P. Dolabella an. 470. fugatique sæpe ab aliis Ducibus Q. Fabricio, Q. Marcio, & T. Cuncano, in societatem tandem a Romanis recepti sunt: quibus legibus, incertum.

II.
Domitæ
a Romanis
Etrusci.

Latium duplex fuit, antiquum & novum: antiquum a Tiberi ad Circejos perductum; novum a

III.
Latini &
Cir-

Circejis ad amnem Lirim. Multa fœdera Romanos inter & Latinos sancita sunt; primum *Albanum* fuit, quod a Romulo ictum est: secundum a Tullo Hostilio post Horatii victoriam. Alba vero ob Suffetii perfidiam excisa, quod urbes, quæ prius suberant Albanis, parere Romanis recusarent, bellum exarsit, & quinto anno post tertium fœdus percussum. Mortuo Tullo, rursus ad arma ventum est; sed a Tarquinio Prisco Latini domiti, paxque his legibus data, ut Romanorum socii essent, suis uterentur legibus, sed ad Romani Regis mandata præsto essent. Haud multo post Tarquinius Superbus Latinas ferias instituit. Quare illius partibus dum student Latini, fœdus auctore Octavio Mamilio violatum est: sed Latini annis 14. post Reges exactos a Posthumio Dictatore ad lacum Regillum magna clade concisi sunt, & triennio post pax illis Sp. Cassio Consule concessa, a Tusculanis, Tiburtibus, & Prænestinis neglecta, quibuscum sæpe negotium fuit. An. 404. petierunt Latini, ut Consulum alter e Latinis fieret: unde orto bello primum ad Vesperim a T. Torquato & P. Decio; deinde alibi ab aliis ducibus devicti & agro multati, iisque vetitum, ne ad lacum Feren tinæ rerum communium causa convenirent; omnesque tandem in amicitiam recepti, sed aliis legibus.

IV.
Volsci &
Æqui.

Volscis bellum intulit primus vel Ancus Martius, ex Dionysio; vel Tarquinius Superbus, ex Livio. Pulsis Regibus repetitum sæpe, felici ut plurimum exitu, contra illos bellum est; donec a M. Coriolano incitati Romanos fuderunt, remque Romanam in maximum periculum adduxerunt. Antium gentis caput a T. Quintio Capitolino an. 284. expugnatum; Volsci an. 296. a Quintio Cincinnato sub jugum missi; deinde a M. Camillo an. 364. ad Lanuvium victi, tandemque an. 423. facta ab iis deditio est, iisque jus Latii datum, ut conjectura est. Volscorum enim nomen post hac nusquam legere est inter Italicos. Æquorum aut par aut deterior conditio fuit, qui perpetuo fœdere Volscis juncti erant contra Romanos: quare eadem, quæ Volscis, pacis ineundæ præscriptæ leges; sed cum rebellassent an. 44. bis magna strage cæsi sunt: semel a Sempronio

Sopho, iterum a C. Junio Dictatore; Æquorumque nomen fere deletum est.

Tarquinius Superbus cum Hernicis primus fœdus iniit, iisque feriarum Latinarum jura indulgit. Aliquanto post bis a Romanis defecerunt; primum domiti a Sp. Cassio; deinde a M. Fabio Ambusto; tandemque a Q. Maccio Tremulo in deditionem accepti, & inter Latinos, ut similis vero est, adsciti. Cum Osci nullum Romanis separatim bellum fuit; eadem illis, quæ cæteris Latinis, & illatæ clades & fœderis leges impositæ.

Descripta erat in tres partes Campania: prima a Liri ad Vulturum, altera a Vulturno ad Sarnum, tertia a Sarno ad Silarim pertingebat. In prima erant *Aufones*, *Aurunci*, *Sidicini* & *Capuani*; in secunda *Cumani* & *Opici*; in tertia *Nucerini*. *Capuani*, qui *Sidicinis* auxilio venerant, a Samnitibus victi se suæque Romanis permiserunt, ut ipsos adversus Samnites tuerentur; unde exortum est Samniticum bellum. Post hæc juncti Latinis Campani a Torquato victi sunt, & Capua agro multata. *Capuani* vero, quod a Romanis non desciverant, civitate donati, sine suffragii tamen latrone; aliquanto post, si Vellejo credimus, civitas Campanis data sine suffragio; non omnibus tamen iisdem legibus; nam *Aurunci* a Torquato in deditionem accepti, *Aufones* a M. Valerio armis domiti, unde illis deteriori jure concessa civitas. Multo post Capua defecit ad Annibalem; quare urbs capta est & diruta, Senatores cæsi, cives alio migrare jussi, uti dictum a nobis est supra.

A Silari fluvio, qui Campanorum limes erat, ad Laum amnem incolebant *Lucani*; inde ad mare Siculum *Brutii*, *Messapii* & *Salentini*; a Brundusio, quod Salentinorum caput erat, ad Fiternum flumen *Apuli*, sive *Peucetii*, sive *Dauuii*; a Fiterno ad amnem Aternum *Ferentani*; ab Aterno ad Æsim fluvium *Picentes*, *Lucani*, *Brutii*, *Messapii*, *Salentini*, & *Apuli*, quod cum Samnitibus arma junxissent, eodem tempore domiti, alii tamen ab aliis ducibus: *Messapii* & *Salentini* a D. Junio Pera, *Apuli* a L. Papyrio Cursore, *Brutii* a Fabricio, *Fabio*

V.
Hernici
& Osci.

VI.
Campani.

VII.
Lucani,
Brutii,
Salentini,
Apuli.

bio Gurgire, & aliis, quos appellare longum esset. Diversa etiam fuit belli illis inferendi causa: bellum enim illatum Lucanis, quod initum fœdus violassent; Tarentinis & Salentinis, ob direptam Romanorum classem Pyrrhumque in Italiam evocatum; Brutiis, quod Pyrrhum, quod Samnites juvissent auxiliis; idem Apulis crimitio fuit, quorum illi an. 434. in deditionem accepti Romanis contra Pyrrhum tulerunt auxilia; hi vero, cum an. 484. rupto fœdere arma sumissent, a P. Sempronio Consule devicti, agro multati, & in Campaniam migrare iussi.

VIII.
Samnites.

Inter Apulos, Ferentanos, Campanos, Lucanos, & Aufones Samnitum sedes fuit. Gens cæteris Italiæ populis multo ferocior, per annos fere 80. cum Romanis sexies rupto fœdere bellum gessit. Belli causa fuit a Romanis datum Campanis auxilium. Sæpe a Romanis victi cum Pyrrho, cum Gallis fœdus inierunt, bellumque vario præliorum exitu ad annum urbis 481. propagatum est: quo anno & a Papyrio Cursore debellati sunt, & pacis conditiones pro Romanorum arbitrio imperatæ: quæ clades ad *Vestinos*, *Marrucinos*, *Marfos*, & *Pelignos* etiam pertinuit: hi enim, quod Samnitibus faverant, bello appetiti; Vestini & Marrucini an. 445. a Bruto subacti; Marfi & Peligni a Q. Fabio.

IX.
Sabini & Umbri.

Cum *Sabinis*, qui inter Anienem & Narem habitabant, primum Romulo bellum fuit ob raptas virgines: cum Tatio eorum duce inita pax, parique Romam concessit, alii sub Tullo Hostilio arma sumserunt, bellaque & fœdera cum ipsis tum a Regibus tum a Consulibus sæpe renovata; donec anno 373. a Curio Dentato accisæ illorum vires, dataque illis sine suffragio civitas, & aliquanto post permissum etiam suffragium est. *Umbri* Sabinis contermini, qui ad Narem pertinebant, a Q. Fabio circa annum 450. devicti, se suaque Romanis permiserunt.

Hanc Italiæ partem, quæ inter Æsim & Vitimannes interjacet, alias incoluerunt Liburni & Siculi, qui ab Umbris ejecti sunt, Umbri ab Etruscis, Etru-

Etrusci a Gallis Senonibus: unde hæc regio *Senogallia* dici cœpit, in qua Sena & Ariminum: ita *Æfis* tum Italiæ terminus erat. A Gallis Senonibus victi ad Aliam an. 363. Romani, urbsque capta; unde a Camillo ejecti multisque fracti præliis, uti antea diximus, e suis sedibus pulsi sunt. Senas & Ariminum coloniæ a Romanis deductæ, ager Gallicus lege Flaminia inter Romanos Romanorumque socios divisus, a Censore Flaminio via Flaminia Ariminum usque perducta, & regio omnis *Gallia Togata* a Romanis appellari & intra Italiæ fines accenseri cœpit, qui ejectis Gallis ad Rubiconem producti sunt.

C A P U T II.

Gallia.

PRæter eam, de qua modo egimus, Galliam, Gallia, si Romanorum divisionem sequimur, multiplex fuit; *Citerior* sive *Cisalpina*, *Braccata* sive *Narbonensis*, *Comata*, & *Alpina*. *Citerior* hinc *Alpibus*, hinc *Rubicone* & *Arno* fluminibus definita; *Narbonensis* ab *Alpibus* ad *Hispaniæ* fines pertinebat, ubi quatuor postea provinciæ, *Occitania*, *Provincia*, *Delphinatus*, & *Sabaudia*; *Comata* cæteras Galliarum gentes ab *Alpibus* & *Pyrenæis* montibus ad Oceanum usque *Britannicum* complexa est, quam C. Cæsar in tres partes descripsit. *Aquitaniæ*, *Celticæ*, & *Belgicæ*, ut *Celtas* ab *Aquitanis* *Garumna*, a *Belgis* *Sequana* disjungeret. *Alpina Gallia* ex varia *Alpium* divisione varia sortita est nomina: fuerunt vero *Alpes maritimæ*, quæ a *Nicæa* ad vada *Sabatia* pertinebant, ubi *Ligures*, *Ingauni*; &c. *Penninæ*, ubi *Vagienni* & *Taurini*; *Cotticæ* a Rege *Cottio*, ubi *Salassi*, *Centrones*, &c. *Rheticæ*, ubi *Rheti*; & *Carnicæ*, ubi *Carni*. Non omnes hæ Galliarum partes simul in Romanorum ditionem venerunt; sed aliæ alio & bello & Tempore.

Erant in *Citeriori Gallia* *Ligures*, *Galli*, *Veneti*, *Carni*. *Ligures* ante Gallos eam Galliæ & Italiæ partem occuparunt, quæ a *Massilia* ad *Arnum* & *Piræas* extenditur. Ob vastatam Etruriam bellum Li-

I.
Gallia
multi-
plex.

II.
Liguria.

guribus an. 515. illatum est; cum a multis ducibus victi sunt, tum maxime a C. Flaminio, & M. Æmilio Lepido, quorum ille viam *Flaminiam* Bononia Arretium, hic *Æmiliam* Placentia Ariminum perduxit. Tandem an. 638. duce M. Æmilio Scauro cum iis debellatum est, tumque Liguria in provinciæ formulam redacta, Ligures Romano Prætori parere iussi, & Æmilius *Æmiliam* viam stravit, quam per Pyfas, & Lucam usque ad Sabata & Derthonem produxit.

III.
Insubria

Ante urbem conditam late patuit in Italia Etruscorum imperium; sed hi a Gallis partim cæsi sunt, partim suis pulsi sedibus: irruerunt enim in Italiam Galli Bituriges, Arverni, Santones, Ædui, Ambarri, Carnutes, Aulerci, Cenomani, Boji, Senones, qui trans Padum ad Æsim usque penetrarunt; sed de his superius actum est. E Gallis maxime memorantur *Cenomani*, *Boji*, & *Insubres*; hoc enim nomen his Gallis inditum, qui fufis Tuscis Insubriam regionem occupaverant: cæteri vel ad has gentes adjecti, vel ejecti ex Italia. A Gallis multæ urbes vel conditæ vel habitatæ, a Bojis Ravenna, Mutina, Parma, Bononia, &c. a Cenomanis Mantua, Tridentum, Verona, &c. ab Insubribus Mediolanum, Ticinum, Cremona, &c. A Bojis bellum geri contra Romanos cœptum est, qui cum Gallos Senones a Romanis pullos cernerent, seque injuriæ obnoxios, primum Etruscos, deinde Cenomanos & Insubres in belli societatem pellexerunt: victi omnes a Romanis, eorumque regio bis in provinciæ formam redacta, semel an. 533. post M. Marcelli de Viridomaro victoriam, iterum an. 566. a M. Æmilio Lepido, a quo Regium Lepidi conditum, viaque Æmilia per Bononiam & Placentiam Aquilejam usque perducta. Boji & Cenomani vel deleti vel pulsi in Germaniam: nulla certe postea illorum occurrit mentio, sed tantum Insubrium; tumque hæc Italiæ pars Italia Togata dici cœpit ab usu togæ, quæ primum Senonibus, tum Bojis, post Insubribus permixta erat, multæque his bellis coloniæ a Romanis deductæ sunt Bononiam, Placentiam, Mutinam, Parmam, Cremonam.

Veneti vel a Trojanis vel a Gallis oriundi inter
 Athesim, sinum Adriaticum, & Padum tenuerunt IV.
Venetia
& Car-
nia.
 Patavium, Vicentiam, aliaque oppida. Carni inter
 Natisonem & Formionem amnes, Tergeste & Aquile-
 jam. Certum est Carnos provinciae Galliae contri-
 butos; armis, an sponte, incertum: Caesari enim,
 Proconsuli suberant. Ante Annibalis in Italiam ad-
 ventum a Venetis inita cum Romanis societas; Car-
 nis foedus, an bellum cum Romanis fuerit, non li-
 quet. Antiquus Italiae limes fuit Tergeste, Carno-
 rum oppidum; deinde Pola Istrorum urbs, postquam
 Istria, quae prius Illyrico adjuncta erat, ab Augusto
 Italiae adscripta est: is enim cum Italiam in Regio-
 nes undecim tribueret, in undecima, ut tradit Pli-
 nius, Carnos recensuit.

In Transalpina Gallia socii Romanorum erant Mas-
 silienses & Aedui; illos Salyes, hos Arverni infesta-
 bant, utrosque ut tuerentur Romani, Allobrogas V.
Bracca-
ta, seu
Gallia
Narbon-
ensis.
 & Arvernos bello persequuntur an. 625. Salyes a M.
 Fulvio & C. Sextio perdomiti; Arverni a Domitio
 & Q. Fabio. Arvernus quidem parvum est, sed
 Allobroges in deditionem accepti. Biennio post in
 Teffosagas deducta a Q. Marcio Consule colonia est,
 quae *Marcus Narbo* dicta est, unde toti provinciae
 nomen inditum; quae cum *Braccata* Gallia prius di-
 ceretur, *Narbonensis* subinde appellata est.

C. Caesar utramque Galliam *Citeriorem* & *Narbo-*
nensem sortitus reliquam Galliam, cum alia ex aliis VI.
Gallia
Comata
 bella orirentur, novem annis subegit; omnes prope
 Galliae populi in provinciae formulam descripti;
 si qua tamen civitas de Romanis bene merita esset,
 sui juris esse permixta est: ita Vocontii sua jura,
 ut refert Strabo, relicta sunt; utrique tamen Gal-
 liae diversum vestigal impositum, agrarium Narbon-
 ensi, Comatae stipendiarium. Sub hac Caesar con-
 fecto bello civili Arelatem coloniam misit, Galliam-
 que Nabonensem cum Hispania M. Lepido permi-
 sit; Comatam vero primum D. Bruto, deinde L.
 Planco, a quo, Hirtio & Pansa Consulibus, & Rau-
 racum ad Rhenum, & ad Rhodani & Araris con-
 fluentem Lugdunum ex Senatus decreto conditum
 est.

VII.
Gallia
Alpina.

Alpina Gallia non omnis eodem tempore in Romanorum ditionem venit. Cum Alpinis gentibus anno 587. a M. Marcello bellum geri cœptum est, quod a multis Romanorum ducibus renovatum fuit, haud læto tamen semper exitu; nulla enim ex tot Alpinis nationibus ante Augusti tempora paruit Romanis. Sub Augusto Ingauni & Vagienni & Taurini an. 739. perdomiti, iisque datum jus Italicum. Salassi & a Meilala & a Terentio Varrone devicti, & omnes pene sub corona venditi. Rhæti, Lepontii, & Norici ejusdem belli contagione subacti. Alpes vero, quæ Cottio Regi suberant, nec ab Augusto devictæ; sed post Cottii obitum a Nerone in Provinciæ formam redactæ.

C A P U T III.

Sicilia, Sardinia, Corsica, Hispania, & adjacentes Insulæ.

I.
Sicilia.
Una illius pars
adjuncta
Impe-
rio.

ANNO urbis circiter 400. duas in partes descripta Sicilia erat; una Principibus Syracusanis parebat; Carthaginensibus altera. Sui juris erant Mamertini, qui Messanam per fraudem occuparant: hi ab Hierone victi, pars Pœnos, pars Romanos auxilio advocant an. urbis 488. unde bellum Punicum primum exarsit; quo feliciter confecto, pax iis legibus Pœnis data est, ut & Sicilia & iis, quæ ad Italiam sunt, insulis excederent. Ita Siciliæ pars, quæ prius Pœnis suberat, Romanis cessit; eoque missus quotannis cum Quæstore Prætor, qui hanc provinciam regeret.

II.
Deinde
altera.

Altera Siciliæ pars bello Punico secundo a Romanis subacta. In Italiæ visceribus dum hæret Annibal, Hiero Romanis amicus princeps Syracusis moritur; illi sufficitur ex filio nepos Hieronymus: is continuo a Romanis ad Pœnos deficit. Transmittit in Siciliam exercitum M. Marcellus, Pœnos Siculosque vincit, Syracusas obsidet, & triennio post capit. M. Valerius Lævinus belli reliquias persecutus Carthaginenses ex Sicilia ejicit, omnemque insulam in duas provincias describit, quæ & uni Præ-

Prætori parerent & duobus Quæstoribus, sed altera alteri.

Aliquanto post, duobus servilibus bellis vexata est Sicilia: primum ab Euno & Cleone conflatum est; secundum ab Athenione. Alterum an. 631. confecit P. Rupilius, & M. Aquilius an. 652. alterum: uterque & Siciliam ordinavit, & leges tum de vectigalibus tum de jure dicendo tulit. Siculi a C. Cæsare dictatore Latinitate, & post illius cædem civitate a M. Antonio donati sunt; quas leges postea rescissas vel inde suspicantur nonnulli, quod Plinius solos Mamertinos cives Romanos appellet.

Bello Punico primo Sardinia Punicæ ditionis erat; at Romani parta victoria an. 515. apud Carthaginienses queruntur direptas ab iis mercatorum suorum naves. Pœni, qui domestico bello laborabant, pacis impetrandæ causâ Romanis cesserunt Sardiniam; at Sardos quadriennio post rebellantes T. Manlius Torquatus perdomuit. Quænam belli Corts inferendi causâ fuerit, a nemine proditum est. An. 517. a C. Licinio Varo victi sunt, & quinquennio post a C. Papyrio Massone subacti. Corsica Sardinia attributa est, & ex utraque una provincia facta, cui Sardinia nomen inditum. Cum his tamen populis bellum post hæc Romanis fuisse docent & Cicereji & T. Gracchi victoriæ, quorum ille Corsos an. 581. hic Sardos an. 578. devicit. Utrique insulæ stipendium frumentumque imperatum est.

Invadendæ Hispaniæ eadem, quæ Siciliæ, causâ fuit, utriusque gentis Romanæ & Punicæ æmulatio. A Romanis cum Asdrubale Amilcaris genero iis legibus ictum fœdus erat, ut Iberus Punici in Hispania imperii limes esset; Saguntini cæterique trans Iberum populi essent sui juris. Post cædem Asdrubalis, Annibal Saguntum obsidet, capit, diruit, multas gentes ad Pyrenæos usque armis domat: quare missus a Romanis in Hispaniam Cn. Scipio. Is multos circa Iberum populos ad Romanorum & amicitiam & ditionem tum clementiæ tum fortitudinis fama allicit; deinde cum fratre Publio multas trans Iberum gentes bello subigit. Utroque cæso P. Scipio, cui postea *Africani* cognomen adhæsit, novam Chartaginem

III.
Utrique præscriptæ leges.

IV.
Sardinia & Corsica.

V.
Hispania duplex, Citerior & Ulterior.

capit, Asdrubalem & Magonem sæpius victos ex Hispania ejicit, omnisque ab eo domita Hispania est, præter Lusitaniam, Gallæciam, Cantabriam & Asturiam. Tum Romana ditio in duas provincias descripta est an. 522. una *Citerior* dicta est, *Uterior* altera; quod illa cis Iberum esset, hæc ultra Iberum. Fines tamen citerioris Hispaniæ haud multo post longius producti sunt; nam Celtiberi, qui trans Iberum erant, an. 556. in citeriori Hispania annu-merari cæpti sunt.

VI.
Lusita-
nia, Gal-
læcia,
Canta-
bria.

Secundum hæc, duo bella a Romanis in Hispania gesta sunt, Lusitanicum in ulteriore Hispania, in ci-teriore Celtibericum. Quæ utriusque causa fuerit, qui exitus, dictum est superius. Ex utroque alia duo exorta sunt; ex Celtiberico Numantinum, ex Lusitanico Viriathicum: illud perfecit, everfa Nu-mantia, Scipio Æmilianus; hoc sublato per frau-dem Viriatho, Q. Cæpio. D. Brutus Lusitanos la-trocinia exercentes persecutus, & qui Lusitanis au-xilia tulerant Gallecos, & Lusitaniam & Galleciam adjecit Hispaniis. De utriusque termino inter Cæsa-rem & Strabonem non convenit: ex Cæsare utrius-que limes *saltus Castulonis* fuit; ex Strabone neutri certi fines erant, sed in Prætorum gratiam altern-rius limites a Senatu vel contracti vel producti: utrique provinciæ vestigal, tum stipendiarium, tum frumentarium, impositum est. De Sertoriano bel-lo & Pompejano antea egimus. Cantabri & Astu-res ab Augusto Cæsare tandem perdomiti, Hispa-niaque omnis Romanis paruit. Multas in His-paniis urbes condiderunt Romani: Cn. & P. Sci-piones *Tarraconem*; *Italicam* Africanus major; M. Marcellus *Cordubam*; *Augustam Emeritam* Augu-stus Cæsar.

VII.
Insulæ
Gades,
Balear-
es,
Calisti-

Multæ Hispaniis adjacent insulæ: præcipuæ sunt Gades, Baleares, Cassiterides: aliæ alio tempore in Romanorum vel sædus vel potestatem venerunt. Gades, cæsis Scipionibus, cum L. Marcio sædus inierunt, quod multo post Q. Gatulo Consule reno-ratum est; præterea Gaditani a C. Cæsare, tum Prætor, tum Dictatore, multis honoribus ornatî & donati civitate, quod Senatus ratum fore jussit. Ba-leares,



teares, quod piraticam exercere dicerentur, & cum prædonibus conspirasse, Metellus invasit. Cassiteridas P. Crassus, jure an injuria, metallorum quæ ibi effodiebantur cupiditate, adjunxit Imperio.

C A P U T IV.

Illyricum .

IN Illyrico, quod a Formione amne incipit, variarum gentes erant, *Istri, Japydes, Liburni, Dalmatæ, Daorsei, Vardæi, Labæates*, & alii, quos appellare nihil attinet. Cum Illyriis multa Romani bella gesserunt: primum fuit cum maris Ionii accolis, ob spoliatos Romanos mercatores. Missi, qui de injuria expostularent, Coruncani duo; quorum alter Teutæ Reginæ superbe se gerenti cum ferocius respondisset, illius jussu occisus est. An. 534. L. Albinus & Cn. Fulvius Centumalus cum classe & exercitu Illyrios adorti, Corcyram, Apolloniam, Epidamnium & Issam liberæ civitates traducunt ad Romanorum amicitiam. Teuta viribus impar pacem per legatos petit, iisque conditionibus imperat, ut tributum quotannis solveret, & Illyrici parte excederet.

Cum Istri bellum a Romanis ter repetitum. Cæptum est an. 532. & annis duobus Istri, partim metu, partim vi in deditionem accepti; & usque ad Alpes a C. Lutatio penetratum est. An. 572. bello ob vastatam Italiæ littora renovato, Istri ad octo milia ab A. Manliocæsi, a C. Claudio tria eorum oppida capta & diruta; Rex Æpulo, ne in hostium manus veniret, sibi mortem conscivit; cæteris imperati obsides, paxque concessa: cum ipsis tamen an. 624. rursus bellatum est, regionemque omnem, quæ ab Aquileja ad Titium amnem extenditur, C. Sempromius Tuditanus tribus anni perdomuit.

Belli & Demetrio Phario & Gentio inferendi dispar causa fuit, at par exitus. Demetrius judicatus hostis, quod sociorum agros populatus esset; Gentius, quod magna illectus mercede cum Perseo adversus Romanos conspirasset. Demetrius & Dimalo utbe

I.
Teutæ
Reginæ
dio.

II.
Istria.

III.
Deme-
trii
Phari &
Gentii
regna.

urbe munitissima & Pharo captis ab L. Æmilio Paulo ad Philippum Macedoniæ Regem an. 537. profugit: Gentius an. 586. a L. Anicio Prætore expugnata Scodra in triumphum ductus est; præsidia ex omnibus arcibus deducta; Illyrii deinceps liberi effecti; illis tamen vestigal dimidium, quod Regi pendissent, impositum.

IV. Paulo post Dalmatæ ob vexatos Romanorum socios bello petiti an. 597. a C. Marcio Figulo ad Naronem fusi, & Delminio a P. Nasica incenso in potestatem adducti; postea tamen ab iis sæpius rebellatum est; alii a Metello, alii a C. Cosconio armis subacti, quorum ille & triumphum & *Dalmatici* cognomen retulit, quibus bellis Illyrici magna pars maxime maritima ad Provinciæ jus redacta. Orto Pompejum inter & Cæsarem civili bello, Dalmatæ Vatinius a Cæsare præfectum Illyrico vicerunt, quos tandem Octavius Cæsar multis incommodis ægre perdomuit. Vardæi, quod Romanam dittonem invasissent, repentino bello oppressi sunt; cumque imperatum stipendiumolvere recusarent, a Fulvio Flacco vel deleti, ex Livio, vel in Illyrici interiora translati, ex Strabone.

C A P U T V.

Macedonia & Achaja.

I. Varii Macedoniarum fines. **N**ON iidem fuerunt Macedoniæ, & regni Macedonici, & provinciæ Macedoniæ fines. Macedonia versus Thraciam Strymone fluvio terminata est; versus Thessaliam Peneo. Regnum Macedoniam cum multo longius excurrit; cui Thessalia, integra, Epiri, Thraciæ & Illyrici magna portio a Philippo adjuncta. Provincia Macedoniæ latius etiam patuit, quæ partem etiam Illyrici majorem complexa est.

II. Viso Philippo a Macedonia multæ urbes abactæ. Cum tribus Macedoniæ Regibus bellum Romanis fuit, Cum Philippo, Perseo, & Andrisco: ut diversæ belli causæ, ita diversæ victis præscriptæ leges. Bis contra Philippum bellatum est: primo, quod scædus junxisset cum Annibale; iterum, quod vexaret Athenienses; tumque ad Cynocephalas victus a T. Quintio Flaminio pacem petiit, quæ iis conditionibus

tionibus data est, ut captivos redderet, naves rectas traderet, bellum extra Macedoniae fines ne in iussu Senatus gereret, mille talenta penderet; præterea ademta ipsi Thessalia, cæterisque gentibus & urbibus, quæ in ditione ejus erant, libertas reddita.

Perseo Philippi filio, quod socios vexaret bellumque appararet, bellum indictum est: illum ad Pidnam vicit L. Æmilius Paulus, cepit in Samothracia Octavius. Macedonia ab Æmilio in quatuor partes divisa est, & libertate donata ita ut suis uteretur legibus, suos magistratus haberet; esset tamen vestigialis, partemque dimidiam tributum, quod Regibus pependisset, populo Romano penderet, necdum tamen inter provincias adscripta est.

Denique cum Andrisco negotium fuit, qui se Philippum Persei filium mentitus pro Rege se gerebat: an. 605. a Q. Metello Prætoris victus captusque est, tumque Macedonia & provincia facta est & Prætori parere crevit; cui adjuncta & Thessalia, quod forte auxiliis juvisset Andriscum, & Apollonia, Dyrrhachium, Taulantii, & post Ap. Claudii, Curionis, & Luculli victorias de Thracibus, Thraciæ pars. Thessalos C. Cæsar, quod ipsi contra Pompejum favissent, liberos esse iussit.

Ut Macedonia Macedonas & Thessalos, ita Achaja Epirotas & Græcos complexa est. Epirus fines habuit inde montes Acroceraunios, hinc sinum Ambracicum. Erant in Epiro Chaones, Molossi; Thesprotii, Amphiloichi & Athamanes; hoc excipit Græcia duplex, una extra Isthmum, intra Isthmum altera. Illa Achaja vulgo dicta est, hæc Peloponensius. Erant in Achaja Acarnanes, Ætoli. Diores, Locri, Phocenses, Megarenses, Attici, Bœotii, & Eubœenses; in Peloponneso Achæi, Elei, Messenii, Lacedæmones, Argivi, Sicyonii, & Arcades. Epirus Pyrrho Græcia prope omnis Philippo & Alexandro Magno olim paruerat, deinde in varios distracta est principatus: civitates enim aliæ propriis Tyrannis, aliæ Macedonibus serviebant, aliæ sui juris erant, sive suis uterentur legibus, sive commune cum aliis concilium inirent; e quibus præstabant Ætoli, & Achæi. His enim Arato duce, cujus ingens & fama erat & gloria,

III.
Victo
Perseo,
Macedonia in
quatuor
partes
descripta
& facta
vestigialis.

IV.
Victo
Andrisco, in
provincia
formam
reducta.

V.
Græciæ
seu Achajæ
populi.

ria, Peloponnesus fere omnis se adjunxerat, Sicyonii, Corinthii, Argivi, Elei, Messenii, Arcades, & aliquanto post Lacedæmonii.

VI. *Ætolia domita, & Epirus.* Ut auditum Romæ est initam a Philippo Macedonia, done cum Annibale societatem, a Romanis socius cum Ætolis percussum est, & devicto ad Cyncephalas Philippo libertas Græciæ omni a Flaminio reddita est, jussusque Philippus ex Chalcide, Corintho, & Demetriade præsidia deducere. Tum Ætoli cum ferrent ægrius nullis se præmiis a Romanis ornatos, cum Antiocho conspirant, sed a M. Fulvio Nobiliore victi duras, amissa Ambracia, pacis conditiones acceperunt, quas apud Livium legere est. Dum bellum contra Persen geritur, mansit in fide universa Græcia præter Epirotas; quare eorum præda a Senatu data militi; eorumque oppida 70. uno die L. Pauli jussu direpta, murique diruti.

VII. *Achaja.* Dum bellica laude soli in Græcia florent Achæi, Lacedæmonii Romæ queruntur apud Senatum fines suos ab ipsis vastari; quare missi a Senatu Corinthum legati, qui juberent, ut Lacedæmon, Argos, Heraclea, Corinthus &c. ab Achæorum concilio discederent. Continuo Lacedæmonii, qui tunc erant Corinthi, ab Achæis conjecti sunt in vincula; Romanorum legati verbis, ut a multis proditum est, violati. Achæi Critolao duce arma capiunt; bis pugnatum est. Victi a Q. Metello ad Scarphiam Achæi, ad Chæroneam Arcades; & iterum ad Leucopetram a L. Mummio Achæi, capta Corinthus & incensa. Ita an. 607. Græcia omnis cum Epiro vestigialis facta est, & in provinciæ formulam redacta, Romanisque & legibus uti & magistratibus parere cœpit; multis tamen civitatibus permissa libertas, maxime Athenis, quibus bis reddita est, semel a Sylla, iterum a Cæsare, cum in bello Mithridatico Mithridati, & in civili Pompejo favissent.

C A P U T VI.

*Asia, Bithynia, Pontus, Cilicia, Cyprus,
& Syria.*

HUJUS vocis *Asia* triplex acceptio est: *Asia* enim dicitur & pars orbis universi, quæ Africae aut Europæ respondet; & ea regio, quæ ab Iffico sinu ad Hellespontum porrigitur; & Attali Pergameni ditio, quam Romanis testamento reliquit, quæ Mysiam, Phrygiam, Ætoliā, Ioniam, Cariam, Doridem, Lydiam, Lycaoniam & Pisidiā complexa est: de Asia hac notione accepta hoc loco agimus.

I.
Asia acceptio multiplex.

Post Alexandri Magni obitum Philetærus Pergamo vicinisque regionibus a Lysimaco præfectus est; illum excepit ipse ex fratre nepos Eumenes, qui victo ad Sardes Antiocho Seleuci filio multis circumurbibus potitus est. Huic cui successit Attalus, fratris item filius, a Romanis, quos adversus Philip-pum Macedonem joverat, Rex appellatus est. Eumenis ipsius filii multum aucta fuit a Romanis ditio; victo enim a L. Scipione Antiocho, ipsi cesserunt Lycaonia, Mysia, Phrygia utraque, Ionia; domitis a Cn. Manlio Galatis, multæ etiam urbes ipsi attributæ. Tantorum beneficiorum memor filius Eumenis Attalus Philometor, cum prole mascula caret, Romanos testamento scripsit hæredes an. 620. ea tamen lege, ut Asiæ civitates essent liberæ; qua libertate haud multo post Asia excidit, cum ad Aristonicum, qui regiam stirpem mentitus erat, defecisset. Capto enim Aristonico, in provinciæ formam tum a Perpenna tum ab Aquilio ordinata est, legesque a Q. Mutio Scævola præscriptæ an. 631. Occupata aliquanto post a Mithridate Asia est; sed a Sylla, Lucullo, Pompejo recepta: erant tamen civitates liberæ, ut Magnesia, Ilien-ses, Chii, Rhodii, Lycii, &c.

II.
Asia proprie dicta.

Eadem ratione Bithynia Romani, quæ Asia, potiti sunt. Suos hæc provincia Reges habuit vel ante Alexandri Magni tempora, e quibus Nicomediam con-

III.
Bithynia.

condidit Nicomedes avus illius Prusæ, a quo inita primum est cum Romanis societas. Illius nepos Nicomedes a Senatu Rex appellatus, bis & a Mithridate regno pulsus est, & a Romanis restitutus, semel a M. Aquilio, iterum a Sylla: quare hujus filius Nicomedes Romanos moriens hæredes instituit an. 679. omnisque supellex regia ab A. Pompejo Bithynico Romam delata est.

IV.
Pontus

Pontus duplex provincia fuit: una inter Sanguarium flumen, qui Bithyniæ terminus erat, & Parthenium amnem; altera juxta maris Pontici littus. In prima incolebant Mariandeni, in secunda Pontici; utraque simul in Romanorum ditionem venit. Mariandeni interdum fuerunt liberi, sæpius Tyrannis servierunt, cum Æmilio Paulo, dum bellum gerit contra Persen, fœdus pepigerunt; multo post, si ve metu si ve sponte Mithridati Pontico paruerunt. Is regio, ut a multis proditum est, Persarum sanguine oriundus, moto adversus Romanos bello, omnem pene Asiam & Græciam subegit; sed mox a Sylla Græcia & Asia, a Lucullo Bithynia & Pontiparte maxima, a Pompejo omni ditione spoliatus est; & a Pompejo jussu Senatus Pontus utraque adjuncta Bithyniæ est, legesque ex decem Legatorum sententia impositæ. Orto Pompejum inter & Cæsarem bello civili, Pharnaces filius Mithridatis Pontum recepit, unde mox a Cæsare ejectus est.

V.
Lycia.

Ciliciæ nomine quatuor provincias, quæ ultra Taurum montem sunt, intelligimus, *Lyciam*, *Pamphiliam*, *Isauriam* & *Ciliciam*; quarum aliæ alio tempore ad Romanum Imperium accesserunt. Omnes Persarum olim Regibus, deinde Alexandro Magno, cum Regibus Syriæ paruerant; sed Lycia Antiocho Magno a Romanis post victoriam ademta est, & Rhodiis ex fœdere attributa, quibus etiam haud multo post erepta, quod in bello contra Persen dubia eorum fides esset. Ita Lyciæ libertas quidem reddita, sed vestigal imperatum.

VI.
Pamphilia, Isauria, Cilicia.

Pamphiliam, Isauriam, & Ciliciam piratæ occuparunt ex Tigranis, qui Syria tum potiebatur, vel jussu vel consensu: bellum contra ipsos a Romanis T. Antonio, P. Servilio, Cn. Pompejo ducibus gestum

sum est. M. Antonius an. 651. Cilicias vicit, & Pamphiliæ Ciliciæque partem in provinciam redegit. Hanc provinciam ex consulatu fortitus P. Sestilius amplificavit, cui victis predonibus adiecit Iauriam: unde *Isaurici* cognomen adeptus est, denique Cn. Pompejus, fugato Mithridate, Tigrani, qui supplex pacem petierat, reliquam Ciliciæ partem eripuit. Non statim hujus provinciæ fines erant, sed pro dignitate Proconsulum amplificati. Si Proprætor Aliam obtineret, Proconsul Ciliciam; tum Ciliciæ & Cyprus & ex Asia tres diœceses Cypriatica, Synnadenfis, & Apameensis additæ, quas Ap. Claudio & M. Ciceroni, dum Ciliciæ præerant, paruisse certum est.

Cyprus, maris mediterranei juxta Ciliciam insula, VII. Cyprus.
suis olim Tyrannis serviit, deinde Persis Regibus, & post Alexandri Magni obitum Ægyptiis. Illam obtinebat Ptolemæus Auletis Ægyptii frater, cum P. Clodius Tribunus plebis Rhodum nulla causa præconi publico subjecit. Intensus Regi Clodius erat, quod ipsum captum a piratis non redemisset. Cum classe in Cyprum ire jussus Cato; Ptolemæus impar viribus sibi mortem conscivit. Cato insulam constituit, regiamque supellectilem Romam detulit an. 697. Sæpe Ciliciæ, uti prius innumus, adjuncta Cyprus est, ita tamen, ut Proconsuli nefas esset Cyprios ex insula evocare; sæpius tamen proprio Prætori parere jussa. Sub hac Arsinoæ, quæ Cleopatraræ soror erat, vel a C. Cæsare, ut scribit Dio, vel a M. Antonio, ut Strabo auctor est, data, ad Romanos postea rediit.

Syria, quæ a monte Aman & fluvio Euphrate ad Ægyptum pertinet, regiones quinque complexa VIII. Syria.
est, Comagenen, Seleucidem, Phœniciam, Cœle-syriam, & Judæam. Comagene & Judæa Augusti tempore propriis suberant Regibus: quare nihil ad nos. Partes reliquæ tres primum Regibus Persarum paruerunt, post Alexandrum interdum Ægyptiis Regibus, sæpius Seleucidis, quorum sedes Antiochia ad Orontem fuit. Cum bellum adversus Mithridatem geri cœptum est, imperabat in Syria Antiochus. Eusebes Cyziceni filius, qui a Tigra-ne Armeniæ regno

regno ejectus est; at victo a Lucullo Tigraue, Antiochus Asiaticus Eusebii filius Syriam recepit, eamque ex Luculli consensu retinuit; suffectus vero Lucullo Pompejus id ratum esse vetuit, Syriamque ademit Antiocho, caussatus quæ in Syria Tigranidis fuerant, ea jure belli Romanæ ditionis esse; ita pulso Antiocho M. Scaurum Syriæ præfecit. Erant tamen, præter Comagenes & Judææ Reges, multi Reguli, ut Chalcidis, Emesæ, Traconitidis, Bata-næ & Abellinæ.

C A P U T VII.

*Africa, Numidia, Mauritania, Libya,
& Creta.*

I.
Africa
provin-
ciæ.

Africa, de qua hic agimus, a freto Herculeo ad Ægyptum porrigitur; illius quatuor partes erant, Mauritania, Numidia, Libya, & Cyrenaica. Mauritaniæ termini fuerunt hinc fretum Gaditanum, inde flumen Mulucha; Numidiæ Mulucha & Tusca amnes; Libyæ sive Africæ Tusca & aræ Philænorum; Cyrenaicæ, quæ Ægypto finitima erat, aræ Philænorum & Catabathmus. Cum victus est a Scipione in Africa Annibal, duas in partes divisa erat Numidia; unam infederant Masæfuli, Massyli alteram: illis Syphax præerat, his Massinissa. Mauritania Bocchi avo parebat: Carthaginensibus Libya, sive Africa; Cyrenaica Ptolemæis Ægypti Regibus vel ejusdem Gemmatidis Principibus.

II.
Africa.

Tria Romanis cum Carthaginensibus bella fuerunt, nomine pro sociis, re ipsa pro imperio. Primo bello nihil ex Libya ademptum Pœnis est; secundo permissa etiam illis Africa, sed abreptæ naves vel incensæ, vetitumque ne injussu populi Romani bellum gererent; tertio bello deleta Carthago est, solum consecratum; regioque omnis, quæ Carthaginensium fuerat, in provinciam relata, eoque Prætor mitti cœptus, & provinciæ impositum tum tributum in capita, tum vestigal in agros.

III.
Numi-
dia.

Masæfuli, capto a Scipione eorum Rege Syphace, Massinissæ Massylorum Regi parere jussi; ita ille primus

primus Numidiæ toti imperavit. Hunc Micipsa filius excepit, Micipsam Adherbal & Hiempsal filii, & Jugurtha ex fratre nepos. Jugurtha utrumque occidit, eorumque ditionem occupat; illum Romani, quod aliena invasisset, bello persequuntur. Vincitur a Metello, a Mario capitur proditione Bocchi Mauritanæ Regis, cui fraudis præmium Masæfulorum regio data fuit; Massylorum vero ditio Hiempsali, qui ex stirpe Massinissæ ortus erat, permessa. Is C. Marium juvit exulem, ejusque filius Hiarbas ejusdem factionis Cn. Domitium: quare a Cn. Pompejo victus captusque est, illiusque regnum Hiempsali ex Massinissæ genere oriundo delatum, cujus filius Jubæ, una cum P. Scipione in Africa fugatus a Cæsare, sibi mortem conscivit; tumque Numidia Romanis cecit, factaque provincia est, ac *nova Africa* dici cœpit; illa vero, quæ Carthaginiensium fuerat, *vetus* appellata. Numidiæ præfectus est a Cæsare is, qui historias scripsit, Sallustius.

Ut Africa, ita etiam Mauritania fuit *vetus & nova*. Illa a Gaditanis faucibus ad Mulucham amnem porrecta; hæc a Mulucha ad Ampsagam flumen. Nova primum Syphaci, tum Massinissæ, post, capto Jugurtha, Boccho paruit; tumque *nova Mauritania*, quæ Numidiæ pars erat, dici cœpta est, quod Boccho Mauritanæ Regi contributa esset. Utramque ille Mauritaniam primus obtinuit, veterem hæreditario jure; novam, tradito Jugurtha, Romani populi beneficio. Duos ille ex Boccho filio nepotes habuit, Bocchum & Bogud: novam Mauritaniam Bocchus, Bogud veterem sortitus; a Cæsare, pro quo contra Pompejanos pugnaverunt, ambo Reges appellati. Cæso Cæsare, Bogud quod Antonium adversus Octavium juvisset, a Boccho fratre regno pulsus est; Octavius utramque Mauritaniam & Boccho indulxit, & illo haud multo post mortuo Romanam deinceps provinciam fore jussit, an. 721.

Libya itidem duplex, *Cyrenaica & Arida*; utraque & ditionis Ægyptiæ fuit, & a duobus Regibus populo Romano data. Ambobus nomen *Ptolemæus*, cognomen diversum: qui Cyrenaicam dedit, *Ptolemæus antiquior* a Ruso dicitur; qui Aridam, *Ptolemæus*

IV.
Mauri-
tania.

v.
Libya.

maus Apion a Livio; uterque Libyæ Rex erat, & ex regio Ægyptiorum sanguine. Aridam dedit Apion an. 675. quo anno dederit alter Cyrenaicam, non liquet. Donationi hæc apposita conditio est, ut utraque vestigialis quidem esset, sed & libera & suis uteretur legibus: quare neutra tum Romana provincia fuit, sed aliquanto post, cum L. Lucullus Syllæ in bello Mithridatico Quæstor Tyrannos, qui urbes invaserant, oppressit, regionemque omnem descripsit in provinciæ formulam.

VI.
Creta.

Ideo Creta Libyæ subjecta a nobis est, quod altera alteri a Romanis adjuncta sit. Cretensibus crimini datum, quod piraticam exercerent; bello appetiti M. Antonium Triumviri patrem fuderunt. tandem post multa prælia a Q. Metello triennio domiti, tumque Cretæ juncta Cyrenaica, & utraque uni Prætori parere iussa.



DISSERTATIO QUINTA.

ROMANORUM JURA.

Jura, quæ a populo Romano olim data sunt, in quatuor veluti classes tribuimus: prima Romanorum jus continet, jus Latii altera, tertia Italicum, quarta Provinciale. Diversa singulorum ratio fuit: ut enim jus Romanorum jure Latii, ita jus Latii Italico, & Italicum Provinciali honestius fuit & commodius. De singulis singula erunt capita.

CAPUT PRIMUM.

Unde varia jura.

Diversa illa jura a varia seu victoriæ seu fœderis lege manarunt: ut enim quisque optime in populum Romanum se gessit, ita maxima fidei præmia inito fœdere adeptus est. Amicitia vero & societatis ineundæ triplex genus fuit, sponsio, pactio, & fœdus. Fœdus pactione, pactio sponsione firmior fuit. Sponsio & Magistratum & Imperatorum arbitrio fiebat: unde eorum per quos facta esset, deditione infirmari solita. Pactio ad inducias pertinet, quibus pax non in perpetuum, sed ad certum sive dierum, sive mensium numerum sancita est: fœdus vero erat pactio quædam & populi jussu & Senatus voluntate per faciem publicum firmata in perpetuum.

Tria vero fuerunt fœderis genera: unum, cum vitis pax data est; alterum, cum bello pares æquo fœdere in pacem venirent; tertium, cum qui hostes nunquam fuerant, amicitiam inter se sociali fœdere jungerent. Iniquissima fœderis conditione usi sunt dedititii, qui omnia sua templa, sacra, agros, &c. populo Romano permittebant: Cum igitur fœdera fuerint alia aliis æquiora, inde factum, ut alii deteriore, honestiore alii juris conditione usi sint. Inde

I.
Variarum
fœderum
genera.

II.
Ex variis
fœderibus
varia
jura.

varia jura orta sunt, Romanum, Latii, Italicum, Provinciale; inter quæ quid potissimum interfuerit, paucis explicare nobis propositum est.

C A P U T II.

Jus Romanorum.

I.
Jus Ro-
mano-
rum du-
plex,
priva-
tum &
publi-
cum.

JUS omne Romanorum vel privatum fuit, vel publicum: & utrumque multiplex. Ad privatam sem pertinet jus libertatis, gentilitatis, factorum, connubiorum, legitimi domini, tutelarum; ad publicam jus census, militiæ, tributorum & vectigalium, suffragiorum, honorum. Præcipua quæque hic delibare animus est; cetera, quæ a nostro abhorrent instituto, omittere. Iis vero juribus usi sunt (quod hoc loco admonere operæ pretium est) omnes Romani cives, sive in urbe Roma, sive in agro Romano habitarent. Agri Romani fuerunt alii aliis temporibus fines: cum patuit latissime, hæc fere oppida complexus est, Tibur, Gabios, Tusculum, Lanuvium, Ardeam, Ostiam, Fidenas, Collatiam, Ariciam, Cære, Antium, Crustumium; ubi enim hi populi aliis ab aliis sive Regibus sive ducibus devicti sunt, eorum oppida agro Romano addita.

II.
Quis ser-
vus, li-
ber, li-
bertus,
ingen-
uus.

Qui urbem agrumve Romanorum incolebant, aut servi erant, aut liberi: hi Romani cives, illi non item. Servus fuit, qui aut natus ex domini ancilla, aut jure factus, vel civili, si pretii causa vendi se passus est, vel gentium, si aut bello captus, aut sub hasta venditus. Is liber dictus est, cui quod luberet faciendi arbitrium erat: liberorum vero triplex genus, ingenuus, libertus, & libertini filius. Omnes cives erant, sed conditione dispari; ingenuus optima, libertus deteriore: is vero libertus erat, qui ex servitute a domino manumissus fuit. Ad libertatem etiam Romanorum nonnihil pertinebat nullis parere sive regibus sive Tyrannis, quæ libertas, dum summa rerum penes Reges erat, nulla fuit; & multo, post tum a L. Sylla, tum a C. Cæsare labefactata, tandem ab Augusto sublata est.

Roma-

Romanos cives duas in partes Romulus divisit; quarum una *patres*, altera *plebs* dicta est: tum soli patricii Magistratus obtinuerunt, plebei non item; sed aliquanto post, honores plebs adepta est, ambo tamen sanctissimo inter se vinculo devincti erant, quo patres erant plebejorum patroni, plebei patrum clientes, ut alii aliis & præsidio essent & subsidio. Hac potissimum prærogativa plebejo præstabat patricius, quod qui civitatem adeptus erat, esset continuo plebejus, non tamen patricius: fuit enim illud in more positum inter patricos adscribi neminem, nisi quem Rex lege ad populum lata juberet, vel Consul, vel dictator. Nunquam etiam legere est quemquam e plebe aut in Saliorum collegium cooptatum fuisse, aut creatum Interregem, aut Regem sacrificulum, aut Flaminem majorem, sive Dialis esset, sive Martialis, sive Quirinalis: quæ dignitates solis delatæ patriciis, negatæ plebejis.

Qui civitate donatus erat, is in sacrorum & cæremoniarum partem erat adscitus. Sacra vero & publica fuerunt & privata: publicum urbis focum servarunt Vestales, publicos curiarum focos triginta cum suis Curialibus Curiones, pagorum singulorum singuli Sacerdotes: privatos familiarum lares suos quisque domi paterfamilias coluit. Fuerunt etiam privata gentiscujusque sacra, ut *Æmilix*, *Claudix*, *Julix*, si Macrobio credimus: cautum tamen erat auctoritate publica, ne quis novos colendorum deorum ritus inveheret: unde factum, ut alia sacra Romani cives, alia alii populi habuerint. De patrum in liberos potestate pauca subjicere fatis erit: hæc potestas multiplex erat, in liberorum bona, libertatem, vitam; fas enim erat patribus liberorum bona distrahere, ipsos etiam vel vendere vel occidere, si quidpiam ab iis gravius peccatum esset.

Inter jura, quæ ad publicam rationem pertinent, jus census, unde manarunt cætera, principem locum obtinet. Censum Ser. Tullus instituit, quo cives omnes, in sua quisque tribu, classe, & centuria apud eum, penes quem jus censendi populi erat, nomina sua, uxorum, liberorum, libertorum,

III.
Qui plebeji, & patricii?

IV.
Jura sacrorum

V.
Census.

fervorum, pecudum numerum, fundorum instrumenta, pecuniæ summam, jurejurando dato sigillatim profiterentur, ut qui quotve cives, quæ cujusque opes, palam esset. Censendi munus primum Regum fuit, deinde Consulum, postremo Censorum, uti alias diximus: si quis vero incensus erat, & ipse a Consulibus sub hasta venditus, & ipsius bona a Censoribus fisco addicta.

VI.
Militiæ.

Ex jure census jura tum militiæ, tum tributorum profecta sunt. Jus militiæ ideam fuit cum jure legionis, in quam nullus adscriptus, nisi ingenuus, & ex ingenuis nisi junior, & ex junioribus nisi qui in quinque classibus censeretur, & artis ludicræ expertus esset. Unde servi, libertini, pueri, seniores, capite censi, histriones repudiati. Quando adhiberi cœpti sint, dicemus pluribus in Romana militia. Ætas vero militaris ab an. 17. ad annum 46. ex Servii instituto pertinuit.

VII.
Tribu-
torum.

Pecunia omnis, quæ a Romano cive publice pendebatur, vel tributum nomine data est, vel vectigalis. Si tributum singulis pro ratione census imperata fuit, *tributum* erat; si alio nomine aliave ratione, *vectigal*. Quanquam tributum tria fuerunt genera; sed aliud alio tempore solutum: unum, quod in capita impositum; alterum, quod ex censu collatum erat; tertium, quod extra ordinem imperatum; idque dictum vulgo *temerarium*. Ante Servium Regem in capita imponi tributum moris fuit: quare si Regi pecunia opus erat, pauper perinde ac dives pendebat: quod ne deinceps fieret, vetuit Servius. Post Reges ejectos, tributorum omnium pauperibus vacatio data est. Anno 349. Senatusconsulto sancitum est, ut plebi, quæ suis hactenus sumptibus meruerat stipendium quotannis daretur de publico: quare tributum pro ratione census civibus impositum, quod pro varia publicæ rei ratione vellevius fuit vel gravius. Anno tandem 386. illud tributum pensitari desitum est, cum L. Æmilius Paulus Perseo devicto infinitam prope pecuniæ vim in ærarium intulit. Temerarium vero tributum dictum est; cum omnes quidquid auri argenteive haberent, in ærarium deferre jussi sunt.

Vecti-

Vestigal omne vel *portorii* nomine, vel *decumarum*, VIII. vel *scripturae*, vel *salis*, vel *vicefima* imperatum est. *Vestigal*is. Portoria erant, quæ pendi solebant portitoribus, hoc est iis, qui ex mercibus in portum devehendis mercedem exigebant: quæ solvi desierunt anno urbis 692. quo Pompejus ex Mithridate victor opes Asiæ in urbem invexit. Decumæ impositæ Romanis civibus & nominis Latini fociis, qui agrum publicum, sive in Italia, sive extra Italiam arabant. Scriptura exacta ab iis, qui & sylvis & pascuis publicis fruebantur: vicefima a libertinis an. 398. Duo ex sale collecta vestigalia; unum anno secundo post Reges exactos, cum lege cautum est, ne quis privatus sal venderet, sed minoris e publico acciperetur: alterum bello Punico secundo, cum novum a Livio Salinatore vestigal ex annona salaria imperatum est.

Suffragia nusquam nisi in Comitibus populus tulit: comitia vero erant populi cœtus, ut quid suffragio suo vel juberet vel prohiberet. Eorum tria fuerunt genera, *Curiata*, *Centuriata*, *Tributa*. *Curiata* Romulus, *centuriata* Ser. Tullius, *tributa* populus ipse in Rempublicam invexit. Cum populus in curiis descriptus suffragium tulit, curiata fuerunt comitia; cum in centurias, *centuriata*; cum in tribus, *tributa*. In *Curiatis* vincebat pauperum multitudo: in *Centuriatis* divites & nobiles (ut enim quisque maximo censu fuit; ita primus in suffragia missus); in *tributis* una plebs erat, patricii nulli; in damnatione enim *Coriolani* primum usurpationi cœpta sunt. Hæc una Comitiorum omnium ratio fuit, ut qui plura in singulis vel curiis vel centuriis suffragia tulisset, is illam sive curiam sive centuriam tulisse diceretur. In *curiatis* initio creati Reges, Quæstores, Ædiles, Tribuni plebis; in *Centuriatis* Consules, Decemviri, Tribuni militum, Consulares, Censores, & Prætores. Sed de his postea pluribus.

Honores erant curationes publicæ civium suffragio cuiuspiam delatæ; alii ad res divinas, alii ad humanas pertinebant. Primi generis erant *Sacerdotia*, secundum *Magistratus* & *Imperia*. Sacerdotes res sacras

curabant, sed alii singulorum deorum, alii promiscue omnium, de quibus alias: id omnibus commune fuit, ut nec potestatem haberent nec imperium, utque essent perpetui; & ex plebe patriciisve nullo discrimine legerentur, præter Regem sacrorum, Regem sacrificulum, Flamines majores tres, & Salios Palatinos, qui ex patriciis semper adsciti.

XI. *Magistratus* erant ii, quibus permessa publica res, Eorum quatuor præcipue jura fuerunt, imperare, *Magi-* jus dicere, referre, auspicia habere. Imperium *stratū.* in tribus positum, in edicendo, in vocando, inprehendendo. Jurisdictio duas habuit partes; decretum, & judicii lationem. Jus referendi duplex itidem fuit, ad Senatum, & ad populum. Auspicia alia ut plurimum in Urbe usurpata, ut observatio de cælo; alia foris & militiæ, ut pullorum tripudium.

XII. *Imperium* facultas erat & habendi exercitus, & *Imperii.* belli gerendi: aliud domi fuit, aliud foris; illud civile, hoc militare, quod datum tantum Dictatoribus, Consulibus, Prætoribus, & iis præterea, quibus Imperatoris & appellatio permessa erat & dignitas.

C A P U T I I I.

Jus Latii.

I. *Qui Latini.* **L**atium duplex fuit, antiquum & novum. Antiquum a Tiberi Circejos usque, novum ad amnem Lirum perducitur. Vetus incolebant Albani, Rutuli, Gabini, Tiburtes, Prænestini, Tusculani, Laurentes, &c. novum Osci, Ausones, & Hernici. Volsci enim & Æqui, quamvis Latii incolæ, inter Latinos tamen appellatos nusquam legere est: quod nec ad commune Latinorum concilium in lucco Ferentinæ, nec ad ferias Latinas in monte Albano vocarentur. Latium Latinos secrevit ab Italicis, qui non erant in Latio: sedus a Romanis civibus, qui Romanum agrum colebant in Latio: jus Latii ab aliis Latinis, qui cum habitarent in Latio, Latii tamen jure non utebatur.

Jus Latii, quod jure Romano deterius erat, & Itali-

Italico commodius, duplex fuit: unum privatum, alterum publicum; privatum ad libertatem, gentilitatem &c. publicum ad censum, ad militiam &c. uti dictum est, pertinuit. Jus privatum Latinorum a Romano diversum fuisse certum est; quo vero jure privato tum Latini, tum alii Italiæ populi uti sint, incertum: Latinos Romæ censos a nemine, quod sciam, prodictum est. Ut coloniis, ita ipsis in suis civitatibus censeretur licuit: cum Romani cives tributa penderent, Latinos etiam pependisse par est credere. Cossiano fœdere cautum erat, ut copias tum pedestres tum equestres pro Romanorum arbitrio darent.

II.
Jus Latinorum
privatum &
publicum.

Jus quidem suffragii habuerunt, at non optimo jure, cum nec in tribus descripti essent, nec semper ferrent suffragia: interdum in aliquam Latii urbem vocati, suffragii causa, pro arbitrio Romani Magistratus; interdum sine suffragii latione dimissi. Sub bellum Punicum secundum, ne ad Annibalem deficerent, ad suffragia admissos esse perhibent; ad honores autem Romæ petendos nihil illis juris fuit. Duo vero sunt potissimum, in quibus positum erat Latii jus: alterum, quod qui in Latii oppido ædilitatem vel præturam gessisset, is esset continuo Romanus civis; alterum, quod Latini non Romanorum Magistratum, sed prætorum suorum edictis obtemperarent. Anno tandem urbis 662. post sociale bellum civitas omni Latio lege Julia data est.

III.
Illorum
Jus suffragii.

C A P U T I V.

Jus Italicum.

Italia duobus olim definita erat terminis, altero naturæ, altero juris. Natura fines dedit mare & Alpes, quibus continentur Ligures, Galli, Veneti, Carni, Etrusci, Romani, Latini, Campani, Lucani, Græci, Apuli, Ferentani, Pincenses, Umbri, Sabini, Vestini, Marfi, Marrucini, Peligni, & Samnites: populus vero Romanus regionem omnem, quæ a Rubicone & Arno fluviis ad mare usque Siculum pertinet, Italiam appellavit; eam vero, quæ

I.
Jus Italicum.

ab Arno & Rubicone ad Alpes pertingit, *Provinciam Gallia*, quod Ligures & Gallos armis devictos in provinciæ formam redegerat: cujus divisionis si ratio habeatur, erant tantum in Italia Romani, Latini & Italici; quo tamen nomine intelliguntur omnes, quos modo appellavi, populi, præter Romanos, Latinos, Ligures, Gallos, Venetos & Carnos.

II. Jus Italicum inde dictum est, quod Italis aliis quidem alio tempore concessum est. In eo Latii jure deterius erat, quod Italis post obitum in sua urbe Magistratum ad civitatem Romanam aditus non patuit, patuit autem Latinis; fuit vero jure provinciarum commodius, quod Italici Magistratibus suis non Prætoris Romano, ut Provinciales, parent: unde quivis intelligat jura omnia, quæ Latinis negata erant, negata itidem fuisse Italis; quæ onera imposita, imposita pariter Italis, ut milites dare, stipendia solvere, & alia id genus. Hoc jure usa est Italia ad annum 550. quo P. Sulpicius Galba dictator, quod multi ad Annibalem post cladem Cannensem defecissent, Italiam peragravit; & singulis pro suis in Rempublicam meritis jura vel auxit vel ademit. Jus omne sublatum Brutiis, Picentinis, & Lucanis. Brutii enim deinceps ut servi a Romanis habiti; alii ut viatores & tabellarii. Capua, quæ paulo ante capta erat, & testâ publica & agrum amisit, eoquemissus quotannis Prætor, qui jus diceret.

III. Italis civitas data. Denique Italis omnibus haud aliter ac Latinis lege Julia civitas an. 662. data est: aliquanto post, cum vestigalia provinciarum sustulit Augustus, & tributa ordinaria instituit, alia in agros, alia in caput; utriusque immunem voluit esse Italiam, unde nullum postea Romanis solvit sive vestigal sive tributum. Latini civitatem adepti a L. Julio Cæsare & P. Licinio Crasso Censoribus in octo novas tribus conjecti sunt, ut & possent minus, & de veterum tribuum jure nihil detraherent; quod cum ferrent ægrius, rem ad Sulpicium Tribunum plebis deferunt, a quo continuo lata lex est, ut in veteres tribus transferrentur: quæ lex & a Sylla rescissa est, &

& a L. Cinna restituta. Ita in 35. tribus adsciti Italia L. Marcio Philippo & M. Perpenna Censoribus.

C A P U T V.

Jus Provinciæ.

EA regio *provincia* a Romanis dicta est, cui ademptæ patriæ leges, libertas, & Magistratus, data Romana lex, impositique Romani cum Prætor tum Quæstor, ut ille jus diceret, hic procuraret vestigalia. Non eodem tamen jure usæ sunt omnes sive provinciæ sive unius provinciæ civitates, sed aliæ vel honestiorem vel duriorem pro suis in populum Romanum meritis. Aliæ enim erant vestigales, quibus vestigal impositum; aliæ liberæ, quibus nullum, aliæ servitute affectæ, quibus datus Prætor Romanus; aliæ liberæ, quibus præter morem suæ permissæ leges; aliæ fœderatæ, quæ ex fœdere aliquid vel pecuniæ debebant vel auxilii, præterea nihil: quæ varia jura post partam victoriam ex fœderis lege manarunt.

Sed longe alia provinciæ Galliæ, alia aliarum provinciarum ratio fuit. Provinciam Galliæ appellamus eam Italiæ partem, quæ mari Ligustico, Rubicone, & Arno fluviis, Adriatico sinu & Alpibus definita est, in qua erant Ligures, Galli Veneti & Carni. Iis quidem, ut aliis provinciis, & ademptæ leges propriæ, & Prætor impositus; sed imperati milites, qui pariter ac Itali inter socios censerentur: cæteris vero provinciis auxilia tantum præter ordinem imperata. Hæc provinciæ Galliæ conditio fuit usque ad bellum sociale, sive Italicum: tum enim, quod mansissent in officio, Cn. Pompejus Strabo anno 664. Consul legem tulit, qua Liguribus, Cispadanis & Venetis civitatem, Transpadanis Latinitatem communicavit: civitas subinde a Transpadanis sæpius petita est, quam C. Cæsar & Aedilis & Consul illis impertiri voluit, & tandem anno dictaturæ primo indulgit: inter provincias tamen etiam tum recensita est provincia Galliæ, quippe quæ Prætori itidem ac cæteræ pareret; donec an. 711. a Triumviris Octavio, Antonio, & Lepido civitas optimo jure data est, & provincia esse desit. Ante

C. Cæ-

C. Cæsarem nulli extra Italiam civitas data: ipse primus Siculis dedit, quam legem ab ipso conditam post ipsius cædem ratam esse iussit Antonius; aliis postea extra Italiam oppidis Augustus civitatem detulit, aliis Latinitatem, aliis jus Italicum: inde civitas gentibus exteris ab iis subinde Imperatoribus communicari cœpit.

CAPUT VI.

Jus coloniarum, municipii, præfecturæ, fœderatæ civitatis, & fori.

PRÆTER hæc quatuor, de quibus hætenus egimus, erant & alia coloniarum, alia municipiorum, alia præfecturarum jura; quæ alia aliis erant temperata, & cujusmodi fuerint, breviter perstringimus.

I.
Quid
colonia,
& illius
jura.

Coloniæ nomine intelligimus oppidum, quo populus Romanus suos ad incolendum cives miserat: coloniæ vero deducendæ consuetudo a Romulo Rege profecta perhibetur, qui quæ ceperat oppida, nec diruit, nec servitute multavit; sed colonos ab urbe, qui agrum colerent, deduci iussit: quod & a ceteris postea Regibus, iisque exactis, a Senatu populoque identidem fastigatum. Non eadem vero coloniarum omnium ratio fuit: aliæ enim Latine vulgo dictæ sunt, quæ jus Latii habuerunt; aliæ Romanæ, quæ Romanum, non integrum tamen, sed Quiritum sive privatum. Moris enim fuit, ut nunquam civitas optimo jure coloniis concederetur; nullaque quod sciam, ante civitatem datam Italis, jus census, suffragiorum, & Magistratuum adeptæ est.

II.
Varia
colonia-
rum ge-
nera.

Coloniarum leges vel a Triumviris ut plurimum latæ sunt, vel a propriis Magistratibus additæ: fuit enim in coloniis haud aliter ac Romæ Senatus & populus. Erant etiam Duumviri, qui Magistratus Consulatus aut Præturæ prope par erat; Censores, qui censum in coloniis agerent; Aediles, & Quæstores. Erant præterea Romæ coloniæ cujusque patroni, quorum opera in urbe, si quid opus esset, uterentur. Coloniarum vero, quod addere non abs re fuerit, aliæ civiles erant, aliæ militares; illæ e civibus,

civibus, istæ e militibus deductæ. Ante Syllam civiles deductæ plures memorantur, militaris nulla; post Syllam nulla civilis, militares quamplurimæ. Ante C. Gracchi tempora nulla extra Italiam missa est. Is omnium princeps coloniam Carthaginem deducendam jusserat; sed lex a Senatu rescissa. Sub hæc Q. Marcius an. 635. coloniam primus Narbonem misit in Galliam: deinde Marius & Sylla in Corsicam, tum in alias regiones alii.

Colonias inter & municipia hoc intererat, quod colonix, ut ait Gellius, ex civitate Romana quasi propagarentur; municipia in civitatem extrinsecus vocarentur. Quando enim universis oppidi cujuscumque incolis data civitas est, hi vel migrarunt Romam, vel ibi ubi prius erant, remanserunt: si venerunt Romam, *Romani cives* dicti sunt; sin minus, *Municipes*, quasi jus adepti cum Romano populo *municipa capiendi*: quod Cæritibus primum ob custodita bello Gallico Romana sacra Senatus indulgit.

Ut coloniarum, ita etiam municipiorum diversa conditio fuit. Data quidem omnibus Romana civitas, sed aliis alio jure; nonnullis optimo, pluribus non item: datum enim interdum jus legionis, ut in legione Romana pariter ac cives, non in auxiliis ut socii stipendia facerent, præterea nihil; negata enim cætera jura Quiritium, suffragii, honorum &c. unde suis uti legibus permitta: aliis vero omnia jura, una cum legione, data sunt, præter jus domicilii cæteraque, quæ ex ipso manabant, jura, ut curiæ, ut sacrorum, & ferendi in curiatis comitiis suffragii. Hujus generis erant Tusculani, Aricini, Lanuvini, &c. e quibus Coruncani, Catones, Murænæ, &c. summas in Republica dignitates adepti sunt: suum etiam quodque municipium & Senatum habuit & populum, suosque Magistratus, Dictatorem, Duumviros, Censores, Ædiles, Quæstores, Flamines.

Inter omnes civitates Italicas præfecturarum durissima conditio fuit ac fortuna. Si qua enim civitas quid peccasset adversus populum Romanum, si fidem datam aut semel aut iterum fefellisset, relata continuo est in præfecturæ formulam, quæ a formula

III.
Quid
municipium.

IV.
Municipiorum
jura.

V.
Quid
præfectura, &
illius jura.

provinciae non multum aberat: ut enim missi quotannis in provincias Prætores qui jus dicerent, ita in præfecturas Præfetti. Hujusmodi præfectura Colonia fuit, si Dionysio credimus, a L. Tarquinio Rege instituta. Iis nec Latii jus, nec Romanum datum est, sed privatum a Præfectorum edictis; publicum, hoc est census, vestigialium, militiæ, &c. a Senatus voluntate petatum fuit. Magistratus alii Roma missi, alii a præfectura creati, illi & quatuorviri & sexviri dicti sunt; hi Ædiles, qui urbis facta tecta tuerentur, & Quæstores, qui publicam præfecturæ pecuniam curarent. Eadem vero civitas & præfectura interdum fuit, & simul aut colonia aut municipium: erat quidem *præfectura*, quod eo juris dicendi causa Præfectus quotannis mitteretur; erat præterea *colonia*, si forma Reipublicæ colonicæ uteretur; si jure civitatis vel cum suffragio vel sine suffragio donata esset, *municipium*.

VI.

Quid
fœderarum
oppidum.

Fœderatum oppidum nec colonia fuit, nec municipium, nec præfectura. Populo Romano aliquid ex fœderis lege debuit; in cæteris sui juris erat, suoque habuit Magistratus, suas leges, suamque Rempublicam: quod ex Capua, antequam defecisset ad Annibalem, intelligere licet. Aliæ vero aliis leges fuerunt, alii Magistratus pro varia & locorum & temporum ratione, & cujusque Reipublicæ forma; hujusmodi oppidis negata ut plurimum Romana civitas, data interdum meritorum ergo.

VII.

Quid
forum &
conci-
liabulū.

Huic voci *Forum* duplex subest notio. Forum enim locus erat vel juris dicendi vel nundinarum: unde cum Prætor locum juris dicendi designabat, *forum indicere* dicebatur; cum vero conventum in provincia juris dicendi causa habebat, *forum agere*. Illa tamen jurisdictio ad causas tantum privatas pertinebat; nec de causis unquam publicis ibi discipatum est. Generis illius fuerunt fora Appii, Cassii, Livii, Cornelii, Julii, &c. quibus ab iis five Proconsulibus five Prætoribus, qui ea instituerunt, nomen inditum. Fuit etiam *forum* five *conciabulum* nundinarum locus, quo Romani cives, qui in agris versarentur, mercandi & vendendi causa convenire frequentes solebant. In his five foris, five concilia-

bu-

bulis & jus dictum est, & celebratæ nundinæ, vel conjunctim vel separatim pro Prætorum arbitrio: illa fora ad jura municipiorum quoquo modo pertinent. Sed de his hæcenus.

DISSERTATIO SEXTA.

ROMANORUM MILITIA.



UÆ ad Romanorum militiam pertinent, ad certa capita brevitatis causa revocamus: agemus enim primo de militum delectu; tum de exercitu ejusque partibus; post de variis ducum militumque ordinibus; postremo de militum armis, signis, stipendio, præmiis, & pœnis. Si quis plura requirat, e veteribus Polybium, Frontinum, & Vegetium, e recentioribus Lipsium, Sigonium, Rosinum, & Dempsterum consulat.

CAPUT PRIMUM.

De delectu & vocatione militum.

QUI milites, qua ætate, quave ratione & legentur, & dimitterentur, paucis accipe. Ubi Servius Tullius populum omnem tribuit in classes, cum multa, tum hæc duo illius lege præscripta sunt: unum, ut plebs infima, cujus census undecim æris millibus minor erat, militia esset immunis; alterum, ut in classibus singulis centuriarum pars una seniorum esset, juvenum altera, ut illi urbis mœnia, hi vero fines imperii foris tuerentur. Unde cuivis intelligere licet servos, libertinos, pueros, seniores, capite censos, histriones omnes, si Attelanos exceperis, in legionibus alleetos non esse; sed eos tantum, qui & ingenui essent, & juniores; *Ingenuus* fuit, qui in classibus præter sextam adscriptus erat; *Juvenis*, qui nec 16. annis minor, nec 46. major: his enim terminis juvenus a Tullio Rege definita, ita tamen, ut qui debita stipendia eques

I.
Primum
ad mili-
tiam ad-
missi
tantum
ingenui.

eques dena, pedes vicena, non confecisset; is ad ea explenda ad annum usque quinquagesimum cogi posset, postea non item.

II. In illis tamen legibus nonnihil aliquanto post immutatum est: cum enim ingens plebis multitudo munerum omnium expers esset, anno circiter ab urbe condita 500. e republica fore visum est, si sexta classis, quæ tenuiorum erat, tres in partes divideretur. Prima intra 1200. usque ad 400. drachmarum censum constituta; altera intra 400. ad 150. hoc minor census reliquam multitudinem habuit. Qui in secunda parte censabantur, vulgo *proletarii* dicti sunt; qui in tertia, *capite censi*: pars prima, itidem ut aliæ classes, in legionibus deinceps allesta fuit; secunda & tertia non item. Quare *proletarios, capite censos, libertinos* ante annum 646. ad nauticum usum, quæ militia vilior erat, fervari mos fuit; bella vero aut foris aut cum legionibus gerere nefas. Si quid tamen repentini tumultus oriretur, tum iis arma data, quibus urbis mœnia una cum seniorum centuriis tuerentur; donec anno 646. & *proletarii*, & *capite censi* a C. Mario ad bellum Jugurthinum; deinde *libertini* anno 663. & 664. tum a Prætoribus tum a Consulibus ad Maricum legi cæpti sunt.

III. Delectus habendi hæc ratio fuit. Designatis Consulibus, si bellum foris gerendum esset, in quatuor legiones, quæ tum scribi solebant, 24. Tribuni militum, partim a populo, partim a Consulibus legabantur, ex equitibus quatuordecim, decem ex peditibus. Illi, quod post quina stipendia Tribuni crearentur, *Juniores* vulgo dicti sunt; hi vero, quod post dena, *Seniores*: usus enim tum obtinuerat, ut in Tribunum assumeretur nemo, qui dimidiata non confecisset stipendia, quæ equiti dena præscripta erant, pediti vicena. Deinde Consules diem edicebant, quo omnes, qui ætate erant militari, vel in Capitolium convenirent, vel in Campum Martium, ne Tribunorum plebis intercessionem locus esset. Tum Tribuni omnes, tum *Juniores*, tum *Seniores*, eo ordine, quo vel a populo vel a Consulibus lecti erant, in quatuor legiones, sex in singulas, distribu-

buebantur: in primam *Juniores* quatuor, duo *Seniores*; in secundam tres *Juniores*, *Seniores* totidem; tertiæ legionis eadem ratio fuit, quæ primæ; quartæ, quæ secundæ.

Postea Tribuni tribus, si bellum esset grave, omnes, si leve, aliquot tantum in suas tum classes IV.
Pedites. tum centurias ire jubebant; & ex tabulis, ubi cujusque ætas, census, vires, genus scripta erant, centurias singulas evocabant, sæpe pro Consulum arbitrio; interdum etiam sorte, ne qua aut tribus aut centuria ad graviora bella injuste legeretur. Ex centuria, quæ sorte exierat, quatuor primum juniores, deinde ætate majores, & viribus & corporis habitu prope pares simul producebant; unum primæ legionis Tribuni, deinde secundæ, tum tertiæ, postremo quartæ, atque ita deinceps cooptabant in suas quisque legiones: ea tamen habita ratione, ut qui primus una vice legerat, altera ultimus eligeret, ne qua esset legio aliis viribus impar. Si spes aliqua lucri in bello affulgeret, tum multi ultro sese offerre: si vero laboris multum, utilitatis aut parum aut nihil, pauci; at eos, qui militiam detestabant, Consuli erat aut carcere aut flagris cogere; nonnullorum etiam, si quid egressent audacius, aut bona vendita, aut ipsi, quæ pœna gravior erat, veluti mancipia venundati.

Cum equites jam in certas classes essent a Censoribus descripti, eorum delectus multo quam peditum facilius fuit. Illorum duplex erat ordo, quibus præter nomen nihil commune: alii enim equo publico militabant, alii privato: qui publico, jam inde a primis Reipublicæ temporibus instituti; qui privato, multo post in bello Vejentino, si Livio credimus. His, dum mererent, haud aliter ac pediti stipendiâ dabantur, duplo quidem majora; illis vero ad emendum equum semel æris dena millia, bina in singulos annos ad alendum: quibus id solemne fuit, ubi debita confecerant stipendia, equum publicum ad Censores in forum reducere; & quibus in locis, quibus Imperatoribus, quotannis meruissent, adhibitis testibus probare.

Ut scribendi militis, sic etiam dimittendi diligens

V.
Equites.

VI.
Quibus
de causis
dis-
missi
milites.

gens observata ratio est. Missio vero duplex fuit, honesta una, caussaria altera: honesta eorum, quibus iusta militiæ vacatio esset; caussaria eorum, quibus necessaria. Iusta petitur vel ab ætate, cum quis major annis 50. vel ab emeritis stipendiis, si quis vel dena, si eques, vel vicena, si pedes fecerat stipendia; vel ab honore, si Magistratus esset, aut Sacerdos; vel a beneficio, si quis enim quid gessisset fortiter, ipsi aliquando ad tempus, aliquando in omne ævum, interdum etiam ipsius liberis, aut Senatus aut Consulis iussu, militiæ vacatio data est. Vacatio necessaria fuit: si cui aut manus abscissa, aut membrum debile, aut imbecilla valetudo: ne quid tamen fraudis subesset, Censorum fuit inquirere, quæ cuique causa vacationis esset, iusta, an secus. Si tumultus ex improvviso oriretur; nullus tum vacationis locus; si bellum Gallicum ingrueret, nulla sacerdotum senumque vacatio: adeo Romanis olim nomen Gallicum terrori fuit.

CAPUT II.

De exercitu, ejusque partibus.

I.
Tres Ro-
mani ex-
ercitus par-
tes. Le-
giones
Roma-
ne, Socii
Auxilia.

Romanorum exercitum tres in partes tribuimus, in Romanas legiones, Socios, & Auxilia. Legiones ex civibus, Socii ex Italis, Auxilia ex nationibus exteris constabant. Legiones a Romulo institutæ. Socii, dum res Romana angusta fuit, vel nulli, vel pauci; ubi adolevit, pro variis imperii finibus modo pauciores, modo plures: postquam perdomita Italia est, Romanis semper numero aut pares fuerunt, aut superiores. Auxilia ante bella Punica nulla memorantur: primo Punico bello Galli pecunia conducti, teste Zonara; secundo Celtiberi, ex Livio; aliis deinceps bellis equites ab amicis Regibus plerumque in auxilium missi. Socios inter & auxilia hæc duo maxime intererant: unum, quod focii, si frumentum excipias, gratis militarent, auxiliaribus vero copiis stipendia ut plurimum solveretur; alterum, quod focii & in legiones haud aliter ac Romani describerentur, & militare sacra-
men-

mentum emitterent , auxilia non item . Postquam anno 663. sub finem belli Marisci universæ Italix civitas lege Julia data est , tum & socii in Romanas legiones , & auxiliares in sociorum locum adscribi cœpti sunt . Quæ de militum Romanorum defectu paulo ante diximus , eadem de sociis dicito ; eadem enim fere ratione , qua a Tribunis militibus Romanis , a suis Magistratibus socii jussu Romani Consulibus legebantur .

Legio certa peditum equitumque manus fuit : pedites in decem cohortes , equites in totidem turmas distributi . Cohors tres manipulos complexa est , manipulus duas centurias , turma tres decurias : unde legio semper habuit peditum cohortes decem , triginta manipulos , centurias sexaginta ; equitum alam unam , turmas decem , triginta decurias . Peditibus sex Tribuni præerant . Centuriones sexaginta , singulis centuriis singuli : equitibus triginta Decuriones , quorum alii turmas singulas regebant , Præfectus alam integram .

Militum numerus , sive peditum sive equitum , alius aliis temporibus fuit . Legio jam inde a Romulo trium millium peditum & trecentorum equitum instituta est ; ex singulis enim tribubus conscripti sunt pedites mille & centeni equites : deinde sive a Romulo post victos Sabinos , ut vult Plutarchus , sive ut Lipsius , a Tullo Hostilio mille pedites additi . Exactis certe Regibus legio peditum quatuor millium fuit ; postea vero pro Senatus arbitrio bellicque magnitudine in militum numero variatum est : ita ut legio modo quatuor , modo quinque , modo sex millium peditum , itemque modo ducentorum , modo trecentorum equitum scriberetur . Volsco enim bello , ut tradit Livius , quatuor legiones scriptæ quatuor millium ; Gallico quatuor millium & ducentorum peditum ; Latino singulis legionibus peditum quina millia data , equites duceni ; Punico secundo & Macedonico , in gratiam Africani Majoris & Æmili Pauli , peditum sena millia , equites treceni ; aliquanto post , modo ad quatuor , modo ad quinque millia reductum est , teste Polybio : donec C. Marii non Senatus imperio , contra Jugurtham legio-

II.
Quid legio, cohortes, manipulus, &c.

III.
Quor in singulis legionibus milites.

nes sex millium & ducentorum peditum scribi jussæ; Caji tamen Cæsaris ætate legiones non Marianis modo, sed Polybianis etiam numero inferiores erant, maxime veteranæ, ut auctor est Hirtius.

IV.
Quot in
cohorti-
bus &
manipu-
lis.

Ex his, quæ modo diximus, cuivis colligere licet, nec certum; nec statum semper fuisse in singulis sive cohortibus sive manipulis peditum numerum, sed pro varia legionis ratione modo majorem, modo minorem. Dum legio 4200. peditum fuit, tum cohors 420. manipulus 140. centuria 70. erat; cum legio 5000. cohors 500. manipulus 167. centuria 83. si legio 6000. cohors 600. peditum fuit; manipulus 200. centuria 100.

V.
Quæ pri-
ma co-
hors, quæ
præto-
ria.

Prima cohors cæteris cum dignitate, tum militum numero præstabat, quod in ea Tribuni & nobilitate & fortitudine clarissimi legerentur; & interdum, ut scribit Vegetius, 1100. pedites haberet. Erat præterea cohors Prætoriana, quæ ducem semper sequeretur, ab ipso vel ex amicis vel ex fortissimis quibusque delecta. Hujusmodi cohortem Prætoriam A. Posthumius Dictator habuisse perhibetur a Livio, Africanus major a Festo, Scipio Æmilianus ab Appiano, Marius, & Petrejus a Sallustio, & ab aliis alii. Novem cohortes Prætorias Augustus ad corporis custodiam adhibuit, quæ primum quidem certum stabiliendi imperii firmamentum & decus extiterunt; postea vero & Imperatorum & Reipublicæ perniciēs.

VI.
Quot e-
quites in
legione.

Ut peditum, ita equitum varius in legione numerus fuit. Polybius tamen super hac re nec cum Livio, nec secum consentit: unde aliter Sigonio, aliter Lipsio visum est. Vult enim Sigonius ex Livio equites singulis legionibus, dum erant vel quatuor vel quinque millium, fuisse ducenos; dum sex millium, trecenos: Polybius vero, ut interpretatur Lipsius, jam inde a Romulo trecenos equites legionibus adjunctos; cum vero centum equites additi dicuntur, tum fuisse quadrigenos. Utri assentiri malis, tute ipse videris: id unum certi habeo, quod scribam, in decuria equites fuisse decem, in turma triginta, in ala modo ducenos, modo trecenos, ex Sigonio; vel modo trecenos, modo quadrigenos, ex Lipsio.

Dum

Dum summa rerum penes Consules multo ante bella Punica fuit, quatuor legiones in annos singulos scribi solebant, binæ singulis Consulibus: ubi vero multis tum urbibus tum provinciis auctum imperium est, socii ad quatuor Romanas legiones totidem addere iussi sunt: si bellum gravius esset, crecebat legionum numerus. In bello Punico secundo legiones plus minus 25. per Italiam, Siciliam & Hispaniam dispersas Romani habuerunt. In disensione Mariana L. Cinna 30. in bello civili Pompejus & Cæsar 40; in Mutinensi Antonius & Consules 50.; in Actiaco Octavius Cæsar 40; nec ipsi legionum aut virtute aut numero inferior erat Antonius. Non mirum quidem est tantas copias ab Romanorum ducibus contractas esse id temporis, cum eorum imperium ab ultimis Europæ finibus ad Euphratem usque pertineret. Unum est, quod magis mirere. Gallico tumultu anno Urbis 518, L. Æmilio Pappo & C. Atillio Regulo Consulibus, Romanos exercitum 800. millium militum ex sola Italia collegisse; quod ex Q. Fabio Pictore, qui tum vivebat, referunt Eutropius & Orosius: quibus ego vix assentiar, nisi idem & a Plinio & a Polybio memoriæ proditum esset. Plinius enim numerat Peditum 700. millia, equitum 80. Polybius vero eorum, qui tum Romanis parebant, peditum 500. millia, equitum 60; omnemque exercitum ex sola Italia fuisse peditum 700. millium, equitum 70.

Socii & in castris & in acie ita dispositi erant, ut Romanas legiones utrinque tegerent; unde *alares* vulgo dicti. Cum enim eorum pedites Romanos æquarent, & equites duplo superarent; multas in partes, ne quid novi molirentur, eos distrahi moris fuit, & ordinis causa, & securitatis. In iis vero distribuendis hæc habita ratio est, ut ex alaribus equitibus tertia pars: hoc est, ut ex sexcentis ducenti, ex peditibus quinta; id est (ut legio Polybiana nobis exemplo sit) ex quater mille ducentis, octingenti quadraginta in *Extraordinarios* secernerentur: tum ex *Extraordinariis* pars item quinta, hoc est, ex ducentis quadraginta in *Ablectos*, quorum erat Consulem in via, in castris, in pugna & comitari &

VII.
Quot le-
giones
Romani
habue-
runt.

VIII.
Quis so-
ciorum
ordo.

IX.
Quot
Extra-
ordina-
rii & Ab-
lecti.

tueri. Eadem ratione pro militum numero, modo pauciores, modo plures, & in *Extraordinarios* & in *Ablectos* subducti: ut plurimum tamen circa se Consul habuit ex utraque ala duas equitum turmas, alteram ex altera; & cohortes peditum quatuor cæteris aliquanto minores. Ex his quivis intelligat legiones sociorum Romanis equite superiores fuisse, pedites paulo inferiores: nam ex 600. equitibus & peditibus 4200. si 200. equites, pedites 840. in *Extraordinarios* detrahas, reliquerunt equites 400, pedites 3360. qui cohortes decem 336. militum efficiunt: an vero cohortes illæ in manipulos & centurias, itidem ac Romanæ, descriptæ essent, obscurum est.

X.
Quid
cornu,
quid
ala.

Non abs re fuerit duo hoc in loco annotare: unum, sociorum ducibus non *Tribuni* nomen, sed *Præfecti* inditum fuisse; alterum, quod interdum vel eruditis negotium facessere solet, in exercitu Romano non idem per *cornu* ac per *alam* intelligi. Vult quidem Polybius socios in cornu dextrum & sinistrum tribui; cornu tamen cum apud Livium, tum apud alios plerisque omnes de Romanis etiam legionibus dicitur. Unde, ut mihi quidem videtur, inter *cornu* & *alam* id fuit discriminis, quod *cornu* de legionibus Romanorum & sociorum sæpe dicatur, *ala* de Romanis perraro, sæpe de sociorum turmis & cohortibus. Fuit enim *ala* florente Republica, aliquando Romanorum, ut plurimum sociorum equitatus; sub Imperatoribus auxiliares copię *ala* & *alares* dicti sunt.

C A P U T III.

De variis militum ordinibus.

I.
Qui Velites,
Hastati,
Principes,
& Triarii.

Quatuor potissimum fuerunt militum genera, *Velites*, *Hastati*, *Principes*, & *Triarii*; ducum totidem, *Centuriones*, *Tribuni*, *Legati*, *Imperator*. Peditum ordinibus ut nomen, ita ætas, & arma plane diversa fuere. Juniores in *Velites* selecti, ætate proximi in *Hastatos*, his & robore & annis paulo majores in *Principes*, natu maximi in *Triarios*:
in



In iis tamen legendis non ætatis tantum ratio habitata est, sed etiam generis, ita ut opes prodesse multum, paupertas obesse nemini. Qui enim juvenis & dives, is *Hastatus* erat; qui pauper, at grandior ætate, *Triarius*. Illis vel ab ordine, quo pugnabant, nomen factum est. *Velites* a celeritate dicti, quasi volantes; *Hastati* ab hastis; *Principes* quod a principio gladii, *Triarii* quod tertio ordine scuto, hasta, & ense dimicarent.

Quot erant in legione *Principes*, tot erant & *Velites* & *Hastati*; *Triarii* semper numero impares. Illorum enim pro ratione legionis crescebat numerus; *Triariorum* non item, qui semper sexcenti, nec plures, nec pauciores, quod illis tum *Evocati* tum *Imperator* ipse in acie jungeretur. In singulis cohortibus tres erant manipuli, unus *Hastatorum*, alter *Principum*, tertius *Triariorum*: *Velitum* vero nullus. Illis enim, quod & juniores essent & levis armaturæ, nulli præcipui duces præerant; sed in omnes *Hastatorum*, *Principum*, & *Triariorum* manipulos pro numero æqualiter dispersi; Centurionibus manipulorum, quibus erant adscripti, parebant.

Levis armaturæ milites, quæ minimæ fiduciæ manus erat, alii aliis temporibus suere. Primum quidem *Ferentarii*, *Rorarii*, *Accensi*, eo nomine adjecti ad censum, ut supplendis legionibus præsto essent; deinde *Velites* in obsidione Capuana, ut auctor est Valerius, a Q. Nævio Centurione instituti; denique ubi Latinis data civitas est, in eorum locum selecti *Antesignani*, *Veloces*, tum *Sagittarii* & *Funditores*. Eorum fuit, cum & cursu leves essent, nec armis impediti, ante congressum telis, lapidibus, sagittis pugnae præludere.

At cæteris militibus cum dignitate, tum fortitudine longe præstabant *Evocati*. Miles erat spectata virtutis, manu strenuus, & peritus militiæ, qui emeritis stipendiis, e civibus, e sociis, ex pedite, ex equite, modo literis, modo precibus, interdum etiam nuntiis ab Imperatore ad bellum evocabatur. Multa illis, quæ aliis negata, jura delata sunt, & honoris ergo & virtutis; nec in legiones, nec in cohortes nisi illis præessent, adscribi; nullis ducibus,

II.
Velitum
nullus
erat ma-
nipulus.

III.
Qui mi-
lites le-
vis ar-
maturæ.

IV.
Qui E-
vocati.

sive Tribunis, sive Centurionibus subesse, sed uni Prefecto; ab excubiis, ab operibus tum valli tum castrorum immunes esse; & in castris manere propter prætorium, & in acie unacum Imperatore inter triarios dimicare.

CAPUT IV.

De Ducibus.

DUcum tres veluti classes erant: alii enim solis peditibus præerant, alii solis equitibus, alii omnibus. Qui peditibus, *Centuriones & Tribuni* dicti sunt; qui equitibus, *Decuriones & Præfecti*, qui omnibus, *Legati & Imperator*.

Centuriones a Tribunis, Imperatoris jussu, ex singulis militum generibus præter Velites legi moris fuit, ita ut hastati hastatis, principes principibus, & triariis triarii præessent. Cum vero in singulis legionibus essent 60, sex in cohorte, in manipulo duo, quo facilius constaret uter alteri præstaret, non simul omnes, sed alii post alios legebantur: primum triginta, ex singulis aciebus deni; paulo post totidem: Qui primum lecti, manipulorum dextra cornua regebant; qui deinde, sinistra. Suus quidem singulis honos fuit, sed alius alii pro genere militum, cohortis numero, & centuriæ situ, vel major vel minor. Qui manipuli dextrum cornu ducebat, is altero honestior fuit; qui primæ cohortis primum manipulum, aliis omnibus sive ejusdem, sive diversi generis. Primæ cohortis hæc præcipua dignitas fuit, ut qui in ea hastatorum Centurio esset, *primus hastatus*; qui principum, *primus princeps*; qui triariorum, *primipilus* vulgo diceretur, cui hoc plane singulare fuit, aliis Centurionibus imperare, consilio cum Tribunis adesse, tueri aquilam, eamque & figere humi, & humo vellere.

II.
Quis no-
nus, de-
cimus
&c. ha-
statis,
princeps
&c.

Apud auctores noni decimæ & hastati & principis &c. frequens occurrit mentio: quare non erit, opinor, alienum, qui voces illæ accipiendæ sint, annotare paucis. In legione, uti diximus, cohortes erant decem, in cohortibus sex Centuriones: his a co-
hor-

hortium numero ita nomen inditum ; ut qui in decima erant cohorte omnes *decimi*, qui in nona *noni*, qui in octava *octavi*, & sic deinceps *septimi*, *sexti* &c. dicerentur ; eo tamen discrimine, ut qui in legione decima (hæc nobis exemplo sit) triarii præerat, *decimus pilus*, qui principibus, *decimus princeps* ; qui hastatis, *decimus hastatus* vocaretur.

Quo vero fortissimi quique ad gloriam militarem vehementius excitarentur, singulis virtutis ergo superior gradus patebat ; militibus Centuriatus, Centurionibus & Centuriatus honestior & etiam Tribunatus. Quis quid egerit fortiter, ilque tum fuerit in decima cohorte hastatorum secundus Centurio ; (hoc enim exemplo conjectura facile fieri potest de cæteris) primum quidem hastatorum primus erit Centurio, hoc est, *decimus hastatus*, deinde *decimus princeps*, tum *decimus pilus*, idque in eadem cohorte ; qua expleta, ex *decimo pilo nonus* erit, tum *octavus*, post *septimus* : donec, si & fortuna & virtusnaverit, aut *primum pilum*, aut *Tribunatum* assequatur. Promovendi militis hæc ut plurimum servata ratio est ; a duce tamen aliquando aut immutata, aut neglecta.

Ut peditum, ita Tribunorum militarium numerus in legione alius aliis temporibus fuit. Dum legio trium erat millium, Tribuni lecti sunt in singulas terni, ex tribubus singulis singuli, unde illis nomen ; dum quatuor millium, quaterni ; ubi vero aut quinque, aut sex millium, seni. In Tribunorum lectione perinde ac in numero variatum est : primum omnes a Regibus & Consulibus creati sunt, tum anno 393. sex populi suffragiis legi cæpti sunt, anno 444. sexdecim, & aliquanto post bellum Persicum Senatus decreto sancitum est, ut a populo duodecim, totidem a Consulibus crearentur : illi a populi comitiis *Comitiati*, hi a Rutilio Rufo, qui de eorum juribus legem tulit, *Rutili* & *Rusuli* dicti sunt. Pompeji Cæsarisque temporibus, cum legiones non jam ut antea temporaneæ essent, sed perpetuæ, Tribuni a Proconsulibus in provinciis ut plurimum creati. Eorum insigne fuit florente Republica annulus aureus ; sub Imperatoribus (si Dioni

III.
Qua ratione
decimus
hastatus
fieret
decimus
princeps

IV.
Qui &
quot
Tribuni
militares.

credimus) præterea clavus, latus quidem si Senatorio essent flemmate, angustus si equestri. Tribunorum hæ partes fuerunt, jus dicere militibus, signum dare excubiis, vigiliis, exercitia, munitiones, & alia id genus curare, legionisque pedites ita regere, ut nullus aliis plus posset, nec unus uni parti præficeret, & alter alteri, sed integræ legioni singuli, non simul tamen, sed per statas vices bini.

V. Equitum duces alii Præfecti, alii Decuriones vocabantur. Illi peditum Tribunis, hi Centurionibus responderunt: ut enim Tribuni legionem, Centuriones cohortes manipulosque ducebant; ita Præfecti equitum alam, & Decuriones turmas & decurias. Ala, ut diximus, 300. equitum fuit, turma triginta, decuria decem.

VI. Legati aut a Senatu Imperatoribus ipsis asciti, aut certe lege aliqua extra ordinem delecti; viri ut plurimum prudentia insignes, & militiæ periti, quorum consilio & opera in rebus tum belli tum pacis Proconsul uteretur. Numerus nec certus fuit, nec ulla lege definitus; tres interdum fuerunt, plerumque quatuor, raro plures: ratio enim habebatur & prætorix & consularis dignitatis, & provincix & belli. Imperator, cum ipsi quos vellet eligere per Senatum licuit, eos maxime, qui jam provinciis cum imperio præfuerunt, sibi legavit, Consul Consulares, Prætor Prætorios, amicum amicis frater fratrem, patremque filius. Legati hæc jura fuere, de causis privatis cognoscere, imperare toti exercitui, Proconsulem juvare consilio, fide, opera & cum imperii esset particeps, lictoribus & securibus uti. Duo Legatorum genera Augustus induxit, quorum alii *Consulares* essent, alii *Prætorii*, ut illi universo præficerent exercitui, hi vero legionibus singulis: quod eo consilio instituisse fertur, ut cum Legati ipsius tum nomine tum auspiciis rem gererent, jus omne triumphii ipsi tribueretur, præterea nemini.

VII. Quis Imperator. Triplex apud Romanos hujus vocis *Imperator* acceptio fuit: una, qua is intelligitur, cui jus datum propriis auspiciis belli gerendi; altera, qua quis profligatis magno prælio hostibus *Imperator* a militibus

eibus appellabatur: tertia Augusto & Cæsaribus singularis, penes quos everfa Republica imperii summa fuit: sed hæc nihil ad nos; de aliis breviter. Illi tantum propriis auspiciis bellum gerere fas erat, qui aut Consul esset, aut Prætor, aut Dictator, aut Proconsul, aut Proprætor; cui, si tum erat Magistratus, imperium deferebatur lege Curiata; si privatus, Plebiscito. Ubi imperium inierat, continuo in Capitolio votis nuncupatis factoque sacrificio, cum paludatis liſtoribus paludatus & ipse ex Urbe egrediebatur. Cum nihil aut domi aut militiæ inauspicato fieret, auspicia in exercitu unius fuerunt Imperatoris; quare alii alienis, ille suis auspiciis pugnare dicebatur. Unde nec Imperatoris nomen, nec supplicatio, nec triumphus aut Legato aut Quæſtori delatus unquam est. Duo vero auspiciorum genera adhiberi mos fuit: unum coactum, hoc est tripudium; alterum ex acuminibus. Cum vero magno prælio vel per se, vel per legatos hostes vicisset, tum Imperatoris nomen primum a militibus, deinde a Senatu illi dari solebat, & ante reditum decerni supplicatio, & aliquanto post, si ingens esset victoria, triumphus.

C A P U T V.

Quæ aciei forma fuerit.

NON abs re fuerit, si hoc in loco, quo ordine aciem ad pugnam instruxerint Romani, paucis descriperim: id enim cognoscere habet & voluntatis nonnihil, & etiam utilitatis. Apud Romanos acies aut duplex fere fuit, aut triplex: duplex, cum tota acies in duo cornua divisa est, dextrum & sinistrum; triplex, cum inter duo cornua tertia acies media fuit. Quod usurpatum sæpe, cum aut duæ tantum essent, aut plures legiones; tum enim Romani in medio positi, socii ad utrumque cornu. At duplicis triplicisve aciei alia ratio est, cum præter simplicem illam divisionem a tergo etiam sectio sit: ut si quis quatuor habeat legiones, duas in fronte cum sociis collocet totidem a tergo, velut in subsidiis,

[1.
Apud
Romanos
acies
vel duplex
fuit, vel
triplex.

diis, seponat. Idem in duabus etiam legionibus factum est, cum aut cornu utrumque sociorum subjunctis legionibus præpositum, aut subductis sociis legiones præmissæ. Fuerunt etiam aliæ formæ cum a C. Cæsare, tum ab aliis inductæ ducibus; sed satis erit aciei vulgatæ, quam tradiderunt Polybius & Livius, formam breviter explicare, ut de cæteris conjectura fieri possit.

II. *In acie quomodo collocatæ legiones.* Exemplo nobis sit exercitus quatuor legionum, quarum duæ Romanorum sint, totidem sociorum. Sic instructa acies est: legiones Romanæ in medio collocatæ, & quæ aut virtute illustrior erat, aut ordine prior, ad dextram; duæ sociorum in cornibus, una in dextro, in sinistro altera: equites in turmas descripti ad latera ita dispositi, ut socii cornu sinistrum tegerent, dextrum Romani, quibus quod pauciores sociis essent, extraordinarii ad dextram adjuncti.


III. *Quomodo cohortes.* Legionis vero singulæ triplex ordo fuit: unus hastatorum, alter principum, tertius triariorum. Prima frons hastatorum manipulos omnes, ex legionibus singulis decem, ex omnibus quadraginta habebat; hastatos interjecto spatio excipiebant principum totidem manipuli; triarii vero, in quibus maxima spes victoriæ, in extremam aciem reiecti. His in mediis inter secundam aciem & utrumque cornu extraordinarii erant pedites, duas in partes distincti; in una sex manipuli, sex item in altera. Ut legiones a legionibus, ita ab ordinibus ordines, & a manipulis manipuli disjuncti, sive viis sive intervallis inter manipulos angustis, inter legiones & ordines latioribus, in quibus nullo certo ordine dispersi velites.

IV. *Evocati, Centuriones, Tribuni.* Evocati vel cum Imperatore, vel in manipulis pugnabant, ut aliis animos adderent; Centuriones in suis singuli centuriis; Tribuni alii alia in parte, prout res poscebat. Legati duo mediam aciem regabant, duo utrumque cornu, alter alterum. Imperator omnem exercitum, & sæpe triarios inter & principes paulo ante aquilas cum allectis & cohorte prætoriam consistebat.

V. *Quæ forma totius aciei.* Manipuli ita in quadrum dispositi erant, ut inde quadrata totius legionis forma existeret; in singulis enim

ICONISMUS ACIES VULGATAE

pag. 186.





enim erant lineæ duodecim, in singulis lineis deni milites, hoc est, legionis Polybianæ 4200. prima fronte centum: triariorum enim erant tantum lineæ decem, & in singulis milites seni.

Ante velites institutos, cum rorarii & accensi in tertio essent agmine cum triariis, inire pugnam hastatorum fuit, postea velitum: si nec ipsi, nec hastati sustinendis hostibus pares essent, continuo pede pressio per intervalla pone principes se recipere solebant. Tum principum pugna erat, apud quos, si ne satis prospere certatum esset, a prima acie ad triarios sensim referebantur. Inde *rem ad triarios* redisse, cum laborabatur, proverbio usurpatum est. Ubi hastati & principes in intervalla ordinum recepti continuo triarii compressis ordinibus vias claudere, unoque continente agmine in hostem ferri; tumque certa erat clades aut victoria.

VI.
Qui pug-
nabant
primi,
qui ulti-
mi.

C A P U T VI.

De signis, armis, stipendiis, panis, & premiis.

Signa alia peditum fuerunt, alia equitum, alia legionis, alia manipulorum. Primum quidem *Aquila*, *Lupus*, *Minotaurus* ex Vegetio, *Equus* & *Aper* ex Plinio; tum præ cæteris principatum obtinuit *Aquila*, ut, aliis in castris relictis sola in acie ordines anteiret: quam denique C. Marius secundum Consul, tanquam felix victoriarum omen, repudiatis aliis, legionibus Romanis consecravit. Fuit *Aquila* aureum aquilæ simulacrum, hastæ præpilatæ suffixum: signum legionis erat Romanæ, una unius inter triarios primæ cohortis semper collocata; nec enim sociorum fuit, nec manipulorum, quibus alia quædam signorum genera fuisse perhibetur. Primum fœni manipuli e perticis suspensi; deinde in summa parte hastæ, transversum ligneolum cruci hand absimile; tum ex ligneolo & orbiculi & clypeoli appensi, supra quos manus eminebat; denique in orbiculis positæ tum Deorum tum Imperatorum imagines. An suum singulis Romanorum cohortibus signum fuerit, an singulis sociorum manipulis, an

I.
Quæ si-
gna Ro-
manorū
florete
Repu-
blica.

cohor-




cohortibus tantum, non liquet.


II. Tria signorum genera posterioribus temporibus usurpata sunt, *Elephas*, *Sphinx*, & *Draco*. *Elephas* a C. Cæsare, quod quinta legio elephantos vicisset. *Sphinges* unde, incertum est; *Draconibus* & Daci & Persæ usi sunt, unde illis a Trajano, his ab Aureliano una cum Zenobia victis, dracones ad terrorem adhiberi cœpti sunt. Ea enim draconum signa in columna Trajani etiam nunc videre licet, unde post Trajanum apud scriptores Latinos draconum frequens est mentio, ante illius ætatem nulla. Equitum vexilla, quæ flammulas vocat Vegetius, vela quædam erant modica, quæ in quadrum efformata ad hastam appendebatur: in iis Imperatorum nomina aureis literis inscribi moris fuit.

III. Armorum singula genera, & qua quæque aut forma aut figura fuerint, sigillatim persequi infinitum sit: quibus quisque miles usus sit, paucis accipe. Veliti datus gladius Hispaniensis, hastula trium pedum, spiculum, parma, sive scutum tripedale, & cassis seu galea, aut e pelle aut e corio. Hastatis, Principibus, & Triariis scutum latum pedes duos & semis, longum quatuor, gladius Hispaniensis, galea ærea cum christis, ocreæ, lorica vele lamina ærea vel ex catenis aut squamis compacta, pila duo, alterum altero majus: quæ etsi per se gravia, pediti tamen oneri non fuerunt; scutum enim, gladium, &c. in onere non plus numerabant, quam humeros, lacertos, & manus, cum arma militis esse membra dicerent. Præter arma, alia his multo graviora sæpe ferebant, secures, ferram, corbem, lorum, falcem, molam, catenam, ollam, verru, ternos aut quaternos vallos, & nonnunquam frumentum dierum triginta. Ætate Polybii gladius ad latus dextrum appensus est, ne movendo scuto obstarêt. Sub Vespasiano (si Josepho credimus) pediti duo erant gladii, longior ad sinistrum latus, ad dextrum brevior. Equitum arma scutum, lorica, galea, gladius, hasta.

IV. Jam inde a primis Romæ nascentis temporibus militi datum frumentum est, pecuniæ vero nihil ante annum 348. paulo ante Urbem a Gallis incen-

sam.





fam. Tum enim pediti in dies singulos dati duo oboli seu tres asses, quibus fere florente Republica nihil aut subtractum aut additum est: donec C. Cæsar peditibus singulis sex asses tribui voluit, decem Augustus, alii deinceps quindecim, alii viginti, Vespasianus 25. quibus in menses singulos singulos aureos Domitianus addidit. Centurionibus, Signiferis, Optionibus datum stipendium duplex, equiti triplex, Tribunis & equitum Præfectis duplum, quam Centurionibus. An equitum itidem ac peditum duplicata sint stipendia, non constat.

Frumentum certo die in mensem distributum. Pediti, siue Romanus esset siue socius, medimni Attici duæ partes, hoc est, quatuor modii; equiti Romano frumenti medimni duo, quibus & se & servos, hordei septem, quibus equos aleret. Sociorum equitibus medimni quarta pars ideo detracta est, quod & dignitate Romanis essent aliquanto inferiores, & pauciores servos haberent; præter frumentum etiam dabatur sal, legumina, & caro suilla. E stipendio nonnihil a Quæstore ad vestes & arma diminutum.

Non eadem apud Romanos militaris disciplina fuit, quæ urbana, aliisque in castris militi, alius in urbe civi terror propositus. Civem aut cedere virgis, aut securi ferire, magistratibus vetitum; at Imperatori aut mortis, aut alterius ut libebeat supplicii metu militem in officio continere fas erat. Animadversiones vero aliæ aliis graviores erant. Quæ ignominiam tantum inurerent, leviores; ut stipendio legitimo privari, hastam dare, ab exercitu removeri, tentorii locum mutare, hibernare extra oppidum, cibum stantem capere, fossam fodere, discinctum destitui, hordeo pasci, sanguinem mitti. Graviores erant, quæ detrimentum inferrent; ut virgis cædi, venire, fuisse & securi percuti, decimari, in crucem tolli.

Præmia vocamus munera militaria, cohortis prætoris communionem, stipendium, prædam, & dona imperatoria. Munera militaria fuere aut centuriatus, aut præfectura virtutis ergo militi data, de quo paulo ante diximus; cohors prætoria, quæ nisi civi

V.
Quantum frumenti datum.

VI.
Quæ poenæ.

VII.
Quæ munera militaria.

civi Romano, patuit nemini, strenuo vero militi permissa, ex qua qui erat, in beneficiis ab Imperatore ad ærarium deferrebat. Stipendium, si quis quid egisset fortiter, datum vel duplex vel triplex. Præda etiam interdum capta de hostibus post pugnam militi concessa. Dona militaria erant, quæ militibus ab Imperatore vel post Victoriâ, vel ante triumphum dari solebant; ut torques, phaleræ, armillæ, hastæ puræ, coronæ, & alia id genus: de quibus singulis breviter agemus.

VII.
Quid
hastâ
purâ,
phaleræ,
coronâ,
& quod-
tuplex.

Parta victoriâ, moris fuit Imperatorem pro tribunali sedere, vocatoque exercitu laudare milites, quid a quoque fortiter gestum prædicare, nominatim appellare singulos illisque dona militaria largiri. Hastâ purâ sive graminea erat, sine ferro: phalarum nomine intelligitur, quidquid equorum fronti, maxillis, & pectori ad ornamentum additur. Armillæ brachiis, torques collo, coronæ capiti decori erant; at sicut coronæ aliæ aliis præstabant, ita aliæ aliis de causis dabantur. Qui victoriâ suis virtute militari peperisset, donabatur laurea coronâ; qui subiisset primus murum hostilem, murali; qui obsidione liberasset aut cives aut socios, obsidionalis; qui primus in hostium castra vi irrupisset, castrensis; qui in navem, navali; qui hoste cæso civem servasset, civica. Castrensis, muralis, navalis plerumque aureæ, sed obsidionalis graminea. Civica primum ilignea, deinde æsculea, denique querneâ. Qui civicam retulerat, id habuit præ cæteris singulare, ut & ipsi, & patri & avo vacatio omnium munerum daretur, locusque ad ludos spectandos Senatui proximus.

C A P U T VII.

De triumpho.

I.
Impera-
toris ap-
pellatio
& sup-
plicatio.

UT militibus, ita sua quoque Imperatoribus præmia fuerunt. Absenti Imperatori appellatio & supplicatio publica; præsentis triumphus. Imperatoris appellatio, re bene gesta, bis data singulis. Duplicatio, semel in castris a militibus, iterum in urbe

be a Senatu. Supplicatio duplex fuit: una, quæ Prætoris edicto extra ordinem fiebat; altera, cum provinciarum seu Proconsules seu Proprætores a militibus ob victoriam *Imperatores* appellati, *laureatas* literas ad Senatum mitterent, quibus & Imperatoris nomen & supplicationem deposcerent. Tum solebat Senatus adire Deorum templa, gratias agere, offerre sacrificia, vota facere, dare epulum, dies festos celebrare, modo plures, modo pauciores, pro dignitate & victoris & victoriæ.

Triumphus nomen a voce Græca *Θεραπεία* (Liberi patris cognomen fuit.) Eo deducitur, quod & ille in Græcia primus hanc pompam adhibuerit, ut placet Plinio & Diodoro, & milites per urbem sæpius acclamarent, *Ιοτρίυμψε*, *Ιο τρίυμψε*, ut docet Varro. Triumphus primus auctor apud Romanos Romulus fuit, qui cæso Acrone Cæninensium Rege; ipsi cum factis vir magnificus, cum factorum ostentator haud minor, illius spolia vel e ferculo ad id apte fabricato, ut vult Livius, vel e ramo arboris, ut Plutarchus, instar tropæi suspensa gerens, laureaue coronatus in Capitolium ascendit. Addidit aliquot post Tarquinius Priscus, & currum, & alia triumphantium ornamenta, quæ, quo magis res Romana crevit, eo magis & ipsa creverunt.

Triumphus alius alio illustrior. Minor, ovatio; major, proprie triumphus; isque, si terra res feliciter gesta, terrestris; si mari, navalis: vel in urbe vel in monte Albano actus est. Triumphum terrestrem Acrone cæso an. Urb. 4. invexit Romulus, ut dictum est; navalem, Pœnis maritima pugna victis an. 93., C. Duillius. Triumphum in monte Albano, negato sibi in urbe triumpho, Papyrius Maso an. 522. re quidem contra Corsos bene gesta, sed magna suorum strage; ovationem fugatis Sabinis an. 250. P. Posthumius Tubertus.

Leges etiam aliæ aliis temporibus de jure triumphandi sancitæ sunt: ne quis nisi Dictator, aut Consul, aut Prætor triumpharet; nec is de servis, fugitivis, piratis, civibus, sed de externis tantum hostibus, quos iusto prælio magna eorum strage viceret,

II.
Triumphus unde nomen, quis auctor.

III.
Triumphus multiplex.


IV.
Quando triumphus concessus.

cisset, eaque victoria auxisset imperium: nam si recuperata tantum, quæ fuerant prius amissa, triumpho negatus honos.

V. Quid ovatio. Ovatio dicitur vel a clamore militum, qui ob victoriam lætantes iterabant litteram O! (ita Dionysius & Festus) vel ab ove quæ in ovatione, uti in triumpho taurus, immolari consueverat (ita Plutarchus.) Ovationis & triumphi, ut causa dispar, ita & gloria & pompa: qui nec Dictator, nec Consul, nec Prætor nec iustum hostem, sed servum, piratam, fugitivum vicisset, huic ovatio concessa, negatus triumphus; tumque ipsi indui veste triumphali, laurea coronari, curruque in urbem invehi vetitum. Hæc fere Dionysius. Qui ovabat, non lauro, sed myrto coronatus, non concinentibus tubis, sed tibiis modulantibus urbem ingressus est; pedibus an equo vestus, incertum est. Equo vectum scribit Dio; pedibus urbem ingressum Dionysius. Utri assentiri malis, tu ipse videris.

VI. Triumph. Triumphi hæc pompa fuit. Imperatoris currum præcedebant tubicines; vel triumphales modos, vel classicum canentes; post mactandi boves, vittis ferisque redimiti; deinde rapta ex hoste spolia, signa, tabulæ, vasa, pocula, arma, aurum, argentum, domitarum gentium tituli, victarumque urbium imagines; tum capti hostium Duces, Principes, Reges, vincti catenis; inde Imperator currum sublimis, veste triumphali insignis, coronatus lauro, laurique ramum manu protendens, interdum cervis, nonnunquam vel leonibus vel elephantis, sæpius quadrigis albis vehebatur; post currum ipsius liberi, cognati, affines; tum demum victor exercitus, equites turmatim & pedites, suis quisque ordinibus, laureati omnes accinentesque triumphalia carmina; alii armillas, hastas alii, pars coronas, nonnulli phaleras, galeas multi, relata quisque fortitudinis præmia insigniaque virtutis ostentabat. Hac pompa ductus in Capitolium Imperator Diis sacrificare, epulumque Senatus sumtibus publicis dare consueverat. Hæc habui de Romanorum militia quæ dicerem.

I C O N I S M U S T R I U M P H I



DE RE CIVILI ROMANORUM.

DISSERTATIO PRIMA.

ROMANORUM NOMINA, ORDINES, ET COMITIA.

DE Romanorum nominibus quaerimus. 1. An Romani omnium primi pluribus uti nominibus coeperint. 2. Quæ fuerint illa nomina, prænomena, cognomina; & unde sumta sint. 3. Quæ lex fuerit in fœminis, filiis adoptivis, libertinis servis. 4. An eadem fuerit nominum ratio, stante everſaque Republica. Quæ quatuor, quam brevissime fieri poterit, perstringemus.

CAPUT PRIMUM.

An Romani omnium primi pluribus uti nominibus coeperint.

DUplex est scriptorum super hac re sententia: altera Varronis, altera illius, quisquis est qui decimum Valerii Max. librum scripsit. Hunc morem Romanorum proprium Varro; ab aliis acceptum docet ignarus ille scriptor. Cum multa Varronem, tum illud præcipue movit, quod *Romulus*, *Remus*, *Faustulus* unum nomen habuerint. Varronem secutus Priscianus, cur alterum tertiumque nomen adhibuerint, duas affert rationes: unam, ut homines ejusdem tum gentis tum familiæ inter se distinguerentur; alteram, ut Sabinorum sibi conciliarent benevolentiam, dum & ipsorum sibi assumerent nomina, & sua ipsi communicarent. Quibus & Eutropius in Romulo, & Appianus in præmio historiæ assentiri videntur.

I.
An Ro-
mani
multis
nomini-
bus pri-
mi uti
sint.

N

Eorum

II. Eorum tamen, qui aliter senserunt, opinionem illa ab multo probabiliorem non temere dixerim; cum be- aliis po- ne multi, tum apud Albanos vel ante Romam con- pulis ditam, tum etiam apud Sabinos aliquanto post, plu- mutuati ra habuerint nomina. Quis enim vel leviter doctus sunt. nesciat Romuli matrem *Rheam Sylviam*, avum *Nu- mitorem Sylvium*, fratremque ipsius *Amulium Syl- vium*, Sabinorumque duces huic ætati prope suppa- res *T. Tatium & Metium Suffetium* appellatos? Nec quemquam movere debet, quod *Romulus & Remus* uno nomine dicti sint: id enim illis singulare fuit, cum essent spurii; vel quod similis vero videtur, ex gente *Sylvia* cum essent, *Romulus & Remus* non nomina, sed prænomena fuerunt. Hunc morem a Græcis acceptum tradit *Arruntius Claudius* apud *Diomedem*: ab Albanis & Sabinis decimi hujus li- bri ignotus auctor, quod verius putem. Maneat er- go Albanos anteq̃ Urbem conditam plura adhibuisse nomina, illamque ab iis ad Romanos manasse con- suetudinem.

CAPUT II.

Quid sit nomen, cognomen, prænomen.

I. Quid **G**Entem inter & familiam hoc intererat, quod interfit inter nomen, ex una gente multæ familiæ, quasi ex uno fonte cognomen, & multi rivuli, derivarentur. Quod videre est, ut prænomen. gentis unius exemplo de ceteris conjectura fiat, in gente *Cornelia*, unde familiæ nobilissimæ, *Scipiones*, *Lentuli*, *Cethegi*, *Dolabellæ*, *Cinnæ*, *Syllæ* &c. tan- quam ex uno trunco multi rami, propagatæ sunt. Quare ne gens cum gente, ne familiæ ejusdem gen- tis, ne homines ejusdem tum gentis tum familiæ nominum similitudine inter se confunderentur, ad- hiberi cœpta sunt Nomina quæ gentem, cognomina quæ familiam, Prænomena quæ personam designarent. Ut rem paucis concludam, Nomine gens a gente, Cognomine familia a familia, Prænominis frater a fratre distinguebatur: quod proposito exemplo cla- rius patebit. Sint igitur *Publius Cornelius Scipio*, &
Lu-

Lucius Cornelius Scipio, ambo fratres, ex *Cornelia* gente & *Scipionum* familia; quare utrique commune & nomen & cognomen: utrumque fratrem nomen *Cornelius* a gente tum *Fabia* tum *Claudia*; cognomen *Scipio* ab aliis *Corneliae* gentis familiis, ut *Lentulis*, *Cethegis*; & prænomen *Publius* & *Lucius* alterum ab altero discernit.

Tria hoc in loco annotare libitum est: unum; nomini gentilitio prænomen præponi, postponi cognomen; alterum, prænomen a Plutarcho appellari *prima*, nomina *secunda*, cognomina *tertia*. Hæc forte leviora; tertium paulo gravius esse nonnullos, qui agnomen a cognomine plane diversum esse velint: utque in eo, quod jam attulimus, exemplo hæreamus, *P. Cornelius Scipio Africanus*, & *L. Cornelius Scipio Asiaticus*; *Africanus* & *Asiaticus* vocant agnomina; quod cum ab actione aliqua eventusque petatur, sicut prænomen fratrem alterum ab altero, ita victoriam unius a victoria alterius distinguant. Sic quidem illis placet, sed quam opinione sua falsi sint, vel ex uno Cicerone intelligi potest, cujus duo testimonia hic adscribere non pigebit, quorum in altero de *Scipionibus Africano & Asiatico*, in altero de duobus *Africanis Majore & Minore* loquitur. Sic igitur ille pro *Muræna*: *quam laudem ille, Africa oppressa, cognomine ipso præ se ferebat, eandem hic sibi ex Asia cognomine desumpsit.* Et in *Somnio Scipionis*: *eritque cognomen id tibi per te partum, quod nunc habes a me hæreditarium.* Quibus cum *Africanus* & *Asiaticus* non agnomen, sed cognomen esse ab eo dicantur, nihil opus est in his diutius immorari.

Studiofis, opinor, non erit ingratum, si quot fuerint prænomena, quot litteris notarentur, & unde singula deducta sint, ex primæ classis auctoribus breviter hic exposuerim. Triginta, si Varroni credimus, prænomena fuerunt; alia tamen aliis rarius usurpata. Frequentiora erant octodecim, quorum alia singulis, alia binis, alia ternis litteris scribebantur: singulis hæc undecim.

A. Aulus, qui Diis volentibus natus est. Ignotus auctor.

II.
Agnos-
men a
cogno-
mine
non di-
versum.

III.
Præno-
mina
quomo-
do scri-
pta &
unde
deducta.

- C. Cajus*, a gaudio parentum dictus. Idem.
D. Decimus, qui decimus natus est. Varro.
K. Cæso, qui ex matris utero exfectus est. Festus, Plinius, &c.
L. Lucius, vel a Lucumonibus Etruscis, ut ignotus auctor; vel qui lucis initio natus est, ut Varro & Festus.
M. Marcus, qui mense Martio ortus est. Ignotus auctor.
M. Manius, qui mane natus, vel omnis causa, quasi bonus. Varro, Festus, Macrobius.
N. Numerius, a numero dictus. Festus.
P. Publius, vel a pube, vel a populo, quasi popularis, vel quasi pupillus. Ita ignotus auctor.
Q. Quintius, qui quinto loco natus. Varro.
T. Titus, a Sabino quodam dicitur, ex ignoto auctore; vel a titulo, ex Festo, quasi *Titulus*, qui patriam tueretur.
 Quatuor notantur binis literis.
Ap. Appius, ab Appio Sabino, Claudiae gentis principe. Ignotus auctor.
Cn. Cneus, ob nævum insignem.
Sp. Spurius, qui sine patre. Antiqui enim iisdem literis *Sp. Spurium* & *Sine patre* scribebant. Plutarchus.
T. Tiberius, qui ad Tiberim natus est. Ignotus auctor.
 Tria scribuntur tribus literis.
Mam. Mamercus, a Mamercio Pythagoræ filio.
Ser. Servius, quem serva mater peperit; Plutarchus: vel qui mortua matre in utero servatus est.
Sex. Sextus, qui sexto loco natus est.
 Rarius usurpata prænomena.
Fausus, a favore dictus.
Hofus, qui peregre apud hospitem natus est. Ignotus auctor.
Opiter, quasi post obitum patris genitus. Festus.
Posthumus, qui post humatum patrem natus est.
Proculus, qui patre vel sene, ut vult ignotus auctor, vel peregrinante procul a patria natus est, ut placet Plutarcho.
Tullus, omnis causa, quasi tollendus. Ignotus auctor.

Volero, quasi volens nasci.

Vopiscus, qui ex duobus conceptis, uno abortu excluso, ad partum legitimum deduceretur. Festus, Plutarchus, & Plinius.

Sabinorum prænomena propria fuerunt *Ancus*, *Numa*, *Pompo*, *Tullus*, *Volusus*; Etruscorum *Ancus*, *Lar*, *Lucumo*; Albanorum *Metius*; Latinorum *Turinus*.

Prænomena quædam in cognomina versa sunt, ut *Agrippa*, *Gracchus*, *Proculus*, *Vopiscus*; & nonnulla cognomina in prænomena, ut *Cossus*, *Drusus*, *Julius*, *Nero*, *Paulus*, &c.

Infinitus ego sim, si unde singula singularum gentium nomina petantur, sigillatim persequar; quare satius visum est summa tantum capita breviter indicare, ut earum rerum intelligens lector ex iis, quas appellabo, paucis de aliis conicere possit. Alia igitur gentium nomina a Trojanis & Aboriginibus ducuntur, ut *Fabii* a Fabio, *Julii* ab Iulo; quorum alter *Herculis*, alter *Æneæ* filius fuit. Alia ab Italis, ut *Calphurnii* a Calpo Numæ filio; a prænominibus, *Lucilii* a Lucio, a Manio *Manilii*; a nominibus, *Sextilii* a Sextiis; a cognominibus, *Rutilii* a Rutilo, a Fulvo *Fulvii*; ab oppidis, *Tarquini* a Tarquinis; a quadrupedibus, ut a porcis *Porcii*, ab asinis *Asinii*; a ministerio, ut *Flaminii*; a voce aliqua, ut *Octavii* ob Octavo. Non alienum erit hic annotare, omnia fere hæc nomina in *ius* desinere, ut *Cornelius*, *Julius*; si quinque exceperis, *Cæcinna*, *Norbanus*, *Peduceus*, *Perpenna*, & *Popæus*; quæ etiam, ut nonnullis placet, non nomina, sed cognomina fuerunt.

IV.
Nomina
unde
petita.

Cognomina familiarum alii aliunde repetunt, quæ tamen, ut rem paucis expediam, ad tria quasi capita revocari possunt; ita ut alia ab animo, alia a corpore, alia a fortuna ducantur. Ad animum vero pertinent virtutes, mores, oratio, artes, studia, res gestæ &c. Ad corpus partes corporis, color, vestitus, habitus, cum altero similitudo, & alia ejusdem generis. Ad fortunam & casum cætera. A sapientia *Cato* & *Sophus*; a virtute & moribus *Fruigi*, *Gurges*, *Nepos*: ab oratione *Lepidus*, *Atticus*;

V.
Cognomina
unde
deducta.

ab arte & studio *Pictor*, *Metellus*; a regione vel urbe devicta, *Africanus*, *Coriolanus*; ab amore in populum & in patrem *Publicola*, *Pius*; a corporis partibus *Cincinnatus*, *Calvus*; a corporis habitu *Crassus*, *Macer*; a similitudine cum alio *Serapio*; a fortuna, *Felix*, *Fausus*.

CAPUT III.

Quæ lex fuerit nominum in fœminis, filiis adoptivis, libertinis, & servis.

I.
Nomina
mulie-
rum.

UT viri, sic mulieres prænominibus uti consueverant; sed eorum alia aliis temporibus ratio fuit. Primum enim prænomina illis fuerunt, ut ignoto auctori placet, *Caja*, *Lucia*, *Publia*, *Numeria*, *Rutilia*, *Cesella*, *Rodocella*, *Mutrulla*, *Burra*; & ut auctor est *Festus*, *Cæcilia* & *Terratia*, quæ inversis litteris scribi moris erat D. T. W. deinde vero nomen gentis illis inditum est, ita ut si unica esset filia, *Cornelia* v. g. vel *Tullia* diceretur si duæ, una *Cornelia Major*, altera *Cornelia Minor*; si plures, *Prima*, *Secunda*, *Tertia*, *Quarta*, &c. vel ut nomina sonarent lenius, *Secundilla*, *Quartil-la*, *Quintilla*. Imponendi vero tum nominis tum prænominis aliud fœminis, aliud maribus tempus fuit. Nomen enim fœminis octavo die, maribus nono imponi solebat; prænomina vero pueris, cum virilem togam fumerent, puellis cum nuberent, data sunt.

II.
Filio-
rum
adopti-
vorum.

De filiis adoptivis unum tantum habeo, quod moneam, ipsos aliquando nomen gentis, aliquando cognomen familiæ ita retinuisse, ut nomen inflecterent, cognomen vero servarent integrum. Exemplo nobis erunt *P. Cornelius Scipio Æmilianus*, & *C. Julius Cæsar Octavianus*, quorum alter ex gente *Æmilia* in *Corneliam* a filio *Africani Majoris*, alter ex gente *Octavia* in *Juliam* a *C. Cæsare* adoptatus est. Cum vero *P. Cornelius Scipio* a *Q. Metello Pio*, & *M. Junius Brutus* a *Q. Servilio Cæpione* adoptati essent; ille *Q. Metellus Pius Scipio*, hic *Q. Servilius Cæpio Brutus* dictus est.

Inter

Inter servos & libertos id discriminis esse plerique volunt, quod servi domini prænomen tantum, liberti vero & prænomen & nomen assumerent, cognomen non item; quare servus vulgo vocatur *Lucipor*, *Marcipor*, quod idem sonat ac *Lucii puer*, *Marci puer*. Si libertorum exemplum requiras, indicio tibi erunt duo M. Tullii Ciceronis liberti, quorum alter M. Tullius Tiro: alter M. Tullius Laurea appellatus est.

III.
Servorum.

C A P U T IV.

*An eadem fuerit nominum ratio, stante eversa-
que Republica.*

DUO hic potissimum quærimus, quorum alterum ad prænomen, alterum ad nomen cognomenque pertinet; primum, an posterior ætas sicuti prior, proprium cuiusque nomen cæteris nominibus præposuerit. Deinde, an nomen cognomenque a patre, avo, proavo, ut olim, certa lege repetierit.

Stante Republica, hic mos semper obtinuit, ut nomen proprium (prænomen, ut diximus, erat) ante cætera nomina collocaretur; post eversam vero Rempublicam, & Romæ & in provinciis non primum, ut olim, sed ultimum nomen cuique proprium fuit, ita ut fratres, cum cætera nomina communia haberent, non primis, ut antea, sed ultimis nominibus inter se dignoscerentur; ut *Flavius Vespasianus*, & *Flavius Sabinus* fratres, apud Suetonium. Atque a multis exemplis ut abstinemus, unum *Senecarum* addere satis superque erit. Pater fuit M. *Annaeus Seneca*, qui Rhetor: illi tres fuerunt filii M. *Annaeus Novatus*, L. *Annaeus Seneca*, qui Philosophus, & L. *Annaeus Mela*, qui Lucani pater. Quis non videt tres illos fratres, nec primo nec secundo nomine, quæ vel tribus vel duobus communia erant, sed ultimo, quod unicuique proprium, inter se distingui?

I.
Stante Republica nomen proprium præpositum, postea postpositum.

Florente Republica, prænominis imponendi hic mos fuit, ut filius natus maximus plerumque præno-

II.
Nomina gentium florente

Rep. sta- men a patre; secundus tertiusve a patruis, cognatis,
 ra erant. aut proavis mutuarentur: nomina vero gentium, &
 familiarum cognomina ita certa erant & stata, ut
 fratribus essent communia, & ad posteros transfirent.
 Quare *Cornelii* aut *Julii* dicebantur ii omnes, qui
 e gente *Cornelia* aut *Julia* nati erant; & *Scipiones*

III. item aut *Cæsares*, qui e familia *Scipionum* aut *Cæ-*
 Sub Im- *sarum*. Sed paulo post occasum Reipublicæ ita labi
 peratori- sensim ac mutari cœperunt, ut nullum familiæ, nul-
 bus in- lum gentis certum nomen fuerit, filiique a patribus,
 certa & & a fratribus fratres, semper pluribus, interdum
 varia. nominibus omnibus discreparent: cum id temporis,
 nec proprium cuiusque nomen, nec adjuncta seu
 prænomina seu cognomina semper a parentibus, ut
 prius, sed aliunde ut plurimum pro arbitrio deducta
 assumerent; quod vel ex iis duobus, quæ proferam,
 exemplis intelligere licet. *Q. Clodius Hermogenia-*
nus Olybrius, & *Faltonius Probus Alypius Theo-*
dosii ævo fratres erant; & aliquanto post *Flavii*
Aviti Mariniani, qui *Asclepiodoti* fuit in Consu-
 latu collega, filius erat *Rufus Prætextatus Postumia-*
nus & ipse Consul.

Utque rem paucis concludam; posterior ætas a
 veterum Romanorum consuetudine in his duobus
 deflexit, quod & proprium cuique nomen fuerit
 stante Republica, quod primum; ea vero everfa,
 quod ultimum: & stata fuerint hisce primis tem-
 poribus tum familiarum nomina, posterioribus ve-
 ro non item.

C A P U T V.

Populi Romani Ordines.

I. **V**ARIAS variis temporibus institutas populi Roma-
 ni divisiones ab auctoribus memoriæ proditum
 Variæpo- est: de quinque, quæ ad id, de quo agimus, ma-
 puli Ro- xime pertinent, nunc dicemus; de aliis alias. Pri-
 mani di- ma fuit in Tribus, altera in Curias, tertia in Claf-
 visiones. ses, quarta in Centurias, quinta in Senatores, Equi-
 tes, & Plebem: quæ licet temporum ordine tertia,
 ultimum tamen in locum a nobis de industria reje-
 cta

ita est. De singulis quærendum breviter, a quo, quando, qua ratione facta sit, quidque fuerit in his deinceps immutatum.

Ubi Romulus, ab exigua convenarum manu Rex salutatus, imperii assumpsit insignia, populum omnem in tres tribus, tribus singulas in curias decem, curiasque in decem decurias tribuit: singulis singulos præfecit Duces, tribubus Tribunos, curiis Curiones, Decuriones decuriis. Quæ fuerint tribuum nomina, inter omnes convenit; quæ curiarum, non item: prima enim tribus *Ramnensium* a Romulo, altera *Tatiensium* a Tatio Sabinorum Rege, tertia *Lucerum* a Lucumone Etrusco, vel a Lucerio Ardeate, quod verius putem, a Luco Asyli nuncupata est. De curiarum nominibus, cum & pleraque perierunt, & alia ab aliis prodantur, affirmare nihil ausim, nisi quod ea nomina vel ab uxoribus Sabinis, ut auctor est Livius vel, a locis in quibus habitabant, ut volunt Plutarchus & Dio, vel ut placet Varroni & Dionysio, ab iis qui ipsis præerant Ducibus petita sint. In prima tribu pastores Albani fuerunt, qui una cum Romulo urbem condiderant, in secunda Sabini, in tertia Etrusci, Ardeates, Latini, & perfugæ omnes qui ad asylum venerant.

Crescente civium multitudine, crevit etiam tribuum numerus. Tarquinius Priscus tres addidisse fertur, quas ex veterum nominibus *Secundos Ramnenses*, *Tatienses*, & *Luceres* appellari voluit. Servius vero Tullius, ut urbem agrumque Romanum in partes novemdecim, ita populum omnem in totidem tribus descripsit; quatuor *urbanas* quæ urbem, *rusticas* quindecim quæ agros incolerent: hæc enim verior est sententia, si Sigonio credimus, quamvis aliter olim Catoni & Dionysio visum est. Tribubus singulis, vel a locis vel a collibus quos incolebant, nomen inditum: *rusticæ* tamen aliquanto post nobilium familiarum nomina sibi adsciverunt. Aliæ deinceps tribus a Censoribus additæ, earumque numerus crevit ad 35. quæ ad extrema usque Reipublicæ tempora mansisse perhibentur. Tribubus *urbanis* iidem semper termini fuerunt,

II.
Tres a
Romulo
tribus
instituta.

III.
Auctus
tribuum
numerus.

qui

qui urbi; *Rusticis* vero non iidem, qui agris: nascente enim & florente Republica, earum tribuum longe dispar fuit seu fortuna, seu gloria. *Urbanæ* quidem initio primas tulerunt, iisque maximus habitus honos; at ubi *Q. Fabius* forensem turbam, qua *Ap. Claudius* forum campumque corruerat, in quatuor tribus *urbanas* an. urbis 449. coniecit, tum tribubus *urbanis* adscribi, probro, inter *rusticas* censeretur, laudi datum est: nec enim deinceps tribus aut urbis aut agri, sed civitatis partes habitæ sunt.

IV.
Curia a
Romulo
instituta.

Ut tribuum, ita curiarum (sicut diximus) auctor Romulus extitit; urbe enim in triginta partes divisa singulas singulis curiis attribuit. Curiam inter & tribum cum multa fuerunt discrimina, tum hæc tria maxime: unum, quod tribuum sæpe creverit numerus, curiarum non item; alterum, quod tribus tum ad urbem tum ad agros, curiæ vero ad urbem tantum pertinerent; tertium denique, quod tribus communia sacra haberent, curiæ vero sibi propria, quibus aliæ ab aliis discernerentur. Unde lege cautum fuit, ut qui in curia describi vellet, is & maneret in urbe, & sacra illius Curia suis relictis fusciperet.

C A P U T VI.

Classes & Centuriæ.

I.
Servius
Tullius
instituit
classes.

UT belli pacisque munia non viritim, sicut ante, sed pro habitu pecuniarum fierent, iussit Servius Tullius anno Urbis 186. dum censum instituit, & populum omnem in sex classes, classesque singulas in multas centurias distribuit. Qui centum millium æris aut majorem censum haberent, in prima classe descripti sunt; qui septuaginta millium in secunda; qui quinquaginta millium, in tertia; qui quinque & viginti millium, in quarta; qui undecim millium, in quinta; hoc minorem censum sextæ classis esse voluit. Hic quidem classium numerus fuit, at centuriarum multo major & longe dispar ratio.

In

In singulis quidem classibus multæ centuriæ constitutæ fuerunt, sed pro numero civium vel plures, vel pauciores: in prima 80 centuriæ, in secunda 20, totidem tum in tertia tum in quarta, in quinta vero 30, sexta autem quæ tenuiorum fuit, habuit reliquam multitudinem. Deinde quatuor centuriæ additæ tum opificum, tum tibicinum, quæ inermes castra sequerentur: arma enim omnibus imperata, alia tamen aliis. In classibus singulis centuriarum pars una seniorum fuit, altera juvenum, ut illi ad urbis custodiam præsto essent, hi vero foris bella gererent. Ita pedestri exercitu ornato, octodecim centurias equitum legit ex primoribus civitatis; denique singulis honos additus: jus enim suffragii in comitiis *centuriatis* datum omnibus, non promiscue tamen, ut antea, sed ut vis omnis penes principes civitatis esset; equites primum vocati tum primæ classis centuriæ; deinde si dissentirent, secunda classis; aliæ vel raro, vel nunquam: nemo enim nescit, in comitiis omnibus sive *tributis*, sive *curiatis*, sive *centuriatis*, eam legem fuisse, ut quod plures sive tribus, sive curiæ, sive centuriæ jussissent, id ratum haberetur.

C A P U T VII.

Senatores, Equites, & Plebs.

Postquam Romulus populum duas in partes distribuit, unam divitum qui patricii, alteram tenuiorum qui plebei dicerentur; e patriciis centum senes, ex nobilibus familiis trecentos juvenes selegit, ut illis ad Reipublicæ administrationem, his vero ad corporis custodiam uteretur. Senes & *Patres & Senatores*, seu ob ætatem, seu ob auctoritatem; juvenes vero *Celeres*, vel a celeritate, vel ab eorum Duce, cui *Celer* nomen erat, appellari voluit. Hæc prima fuit tum senatorum, tum equitum, tum plebis origo; cum vero fuerit alia aliis temporibus eorum ordinum ratio, de his quærendum breviter, quis eorum numerus, quæ dignitas, quæ munia.

I.
Quænam Sena-
torum Equi-
tum, &
Plebis
origo.

Ducenti

II.
Senato-
res.

Ducenti senatores a Romulo lecti perhibentur, centum anno urbis 2. totidem anno 5. inito cum Sabinis fœdere. Centum etiam aliquanto post anno 138. a Tarquinio Prisco additi; qui trecentorum senatorum numerus ad Syllæ usque Dictatoris tempora permansit. Multi quidem exactis Regibus a L. Bruto in Senatum allesti; at ii non auxerunt numerum, sed cædibus a Tarquinio Superbo imminutum suppleverunt. Lex vero C. Gracchi, qua trecentos equites in Senatum adscribi jusserat, paulo post Philippo Consule referente, cum a Senatu, tum a populo etiam antiquata fuit. At Sylla Dictator & ipsius & Marii crudelitate exhaustum hunc ordinem trecentis equitum principibus anno 672. explevit: auctus deinde ad nongentos anno 708. numerus a C. Cæsare Dictatore: paulo post ad mille a Triumviris anno 711. donec ab Augusto, ubi ille rerum potitus est, ad pristinum & modum & splendorem anno 724. revocatus est. Senatores legere primo Regum fuit, post Consulum, tum Censorum. In iis vero legendis habita ratio est census, ætatis; magistratus, generis, ordinis. Census fuit sestertium 800. millia, florente Republica; ætas 22. annorum; magistratus saltem Quæstura; genus patricium ad annum 303. quo penes Decemviros summa rerum erat, deinde etiam plebejura; ordo equester: e plebe enim perraro legebantur. E senatoribus qui *patricii*, sive *majorum* sive *minorum gentium* fuerint, quique Patres conscripti, supra diximus in Familiis Romanorum; qui vero *pedarii* dicti sint, triplex est sententia, una Festi, altera C. Bassi apud Gellium, tertia Varronis apud eundem. *Pedarius* senator is est, inquit Festus, qui transeundo ad eum, cujus sententiam probat, quid sentiat, indicet; vel si C. Basso credimus, is qui cum magistratum curulem nullum gesserit, in curiam pedes eat; vel is, ut placet Varroni, qui necdum a Censoribus in Senatum adscriptus; jus tamen habebat sententiæ, sententiam tamen non rogatus, in eas quas principes dixerint, discesserit. Qui peracto censu a Censore primo loco appellabatur, is *Princeps Senatus* fuit, qui ut plurimum & Consularis & Censorius

rius erat; & hunc honorem, quoad viveret, apud alios etiam Censores retinuit. Penes Senatum adeo totius Reipublicæ summa innexa est, ut ne Reges quidem, Consules, aut Dictatores inconsulto Senatu quippiam molirentur.

Equester ordo cum opibus, tum honore a Senatu proximus fuit; ad quem nihil pertinuerunt equites ii, qui equis stipendia meruerunt, sed ii, qui a Romulo lecti *Celeres* vulgo dicebantur. Equitibus a Censoribus & equus publicus, & annulus aureus datus est: iis census equestris esse debuit, qui sestertium quadringentorum millium erat. Insigne fuit tum annulus aureus, quo a plebe, tum angustus clavus, quo a senatoribus discernentur. Unum hic addere libet senatorum filios, qui nondum in Senatum lecti essent, fuisse inter equites cooptatos.

Annulorum usus ex Ægyptiis & Judæis ad Græcos, a Græcis ad Romanos venisse videtur: nam Thamar *Gen.* 38. annulum a Juda poposcit; annulum Iosepho Pharaon tradidit, *Gen.* 44. Nulla quidem apud Homerum annulorum mentio; at annuli Polycratis Samii meminit Plinius. Romæ primis temporibus vel nemo vel pauci annulis usi sunt; postea Senatus omnis, at ferreis; aureis vero ii soli, qui vel triumpharent, vel legationem obirent. Deinde equestri ordini insigne annulus fuit; plebi enim stante Republica prohibitus. Denique eo devenit annulorum libido, ut singuli digitorum articuli iis graves essent, annulique crederentur leviores & graviores, æstivi & hyemales.

Tertius ordo popularis fuit, in quo omnes ii, qui neque senatores essent, neque equites, sive patricii stemmatis, sive plebei; multo enim latius patuit patriciorum numerus, quam senatorum. Unde patricii, si censum senatorium haberent, senatores erant; si equestrem tantum, equites; si neutrum, plebei. Singulis vero ordinibus, si quis quid gravius deliquisset, aut consumsisset patrimonium, statutum fuit pœnæ genus; senatori Senatu dimoveri, equiti tum equo publico tum annulo aureo privari, homini vero plebejo ærarium fieri.

III.
Equites,

IV.
Unde
annulo-
rum u-
sus.

V.
Plebs.

C A P U T VIII.

Comitia Romanorum, Curiata, Centuriata, Tributa.

I.
Triplex
Comi-
tiorum
genus.

Comitia, quibus a coeundo nomen factum est, nihil erant aliud, quam Populi Romani conventus ad ferendum de aliqua re suffragium: quod vero populus modo in curias, modo in centurias, modo in tribus divisus suffragium ferret; ideo triplicis generis fuerunt comitia, curiata, centuriata, & tributa: in quibus omnibus ea fuit populi auctoritas, ut quod plures sive tribus, sive curiæ, sive centuriæ iussissent, id ratum haberetur. Omnia initio Calata dicta sunt, a verbo *calo*, quod idem tum sonabat, quod nunc *voco*. Ubi vero hoc vocabulum in usum esse desit, *Calati* nomen iis tantum adhæsit comitiis, quæ vel ad condenda testamenta, vel ad creandos Pontifices haberentur.

II.
Comitia
alia alio
tempore
instituta

Curiata comitia jam inde a Romuli temporibus, centuriata sub Servio Tullio, tributa aliquando post haberi cœpta sunt: unde quivis intelliget, quamdiu Romæ summa potestas penes Reges fuit, quæ ad publicam rem pertinerent, in curiatis comitiis peracta fuisse. In iis electi Reges, creati magistratus, leges promulgatæ: ubi vero & centuriata inducta sunt & tributa, suum cuique velut munus attributum, aliaque aliis de causis convocata. Triplex vero, cur haberentur, causa fuit; si creandus magistratus, si ferenda lex, si iudicium peragendum.

III.
In iis
creati
magi-
stratus.

In comitiis omnibus creati magistratus, sed in aliis alii; in centuriatis majores, ut Consules, Prætores, Censores, Tribuni militares Consulari potestate, & Decemviri scribendis legibus; minores in tributis, tum urbani, tum provinciales, sive ordinarii essent ut Tribuni plebis, Ædiles tum curules tum plebis, Quæstores, Triumviri capitales, &c. sive extraordinarii ut Præfecti annonæ, Duumviri navales, &c. E provincialibus Proprætores interdum & Proconsules, quos vel ex senatusconsulto vel plebiscito mitti in provincias moris fuit: initio quidem

Tribu-

Tribunos plebis in curiatis comitiis legi solemnē erat; sed Voleronis lege in tributis creari in posterum iussi sunt, eaque lege factum, ut nullus postea magistratus in curiatis comitiis legeretur.

Ut magistratus, ita etiam sacerdotis subrogandi ^{Sacerdo-} causa comitia habita sunt. In curiatis creati & ^{tes.} Flamines & Curiones; in centuriatis appellatus est Rex sacrorum; in tributis unus ante legem Dominus summus Pontifex, postea vero & cæteri Pontifices, Augures, Decem viri Epulonum & Quindecimviri sacris faciundis: alii sacerdotes vel a summo Pontifice cooptabantur, ut Vestales; alii a suis collegiis, ut Salii, Luperci, fratres Arvales.

Ufus etiam fuit, ut in comitiis leges sancirentur; ^{V.} non omnes tamen in omnibus. Quæ in curiatis ^{Lata le-} ^{ges.} latae sunt, erant ut plurimum ejusmodi, de confirmatione aliquorum magistratuum, qui in aliis comitiis designati erant, quod tamen observari desitum est; de imperio sive Proconsulibus sive Proprætoribus dando, quod senatus etiam consulto sæpe factum; de adoptionibus, de testamentis, de sacrorum detestationibus. Si vero feriendum cum hostibus foedus, si cui aut permittendus triumphus, aut danda civitas, si publicæ quæstiones constituendæ, tum tributa haberi comitia moris fuit: in comitiis centuriatis una de bello hostibus inferendo lata lex, nisi quid gravioris esset momenti decernendum, quod ad publicam rem vehementer pertineret. Id vero omnibus commune legibus fuit, ut a suis quæque comitiis nomina sortirentur; unde aliæ curiatæ, aliæ centuriatæ, aliæ tributæ dictæ sunt: id vero & centuriatis & tributis proprium fuit, quod illæ & a majoribus magistratibus ferrentur, & Senatus auctoritate; hæc vero *plebiscita* vulgo dicerentur.

Judiciorum etiam causa vocata sæpe comitia sunt, ^{VI.} tum centuriata, tum tributa: in curiatis enim ^{Habita} ^{judicia.} habita post Reges exactos judicia nullibi, quod sciam, legere est; sed alia judicia comitiis centuriatis, alia tributis permissa sunt. Judicium enim de perduellione, hoc est, de capite, ad centuriata; de multa vero alicui indicenda ad tributa pertinuit.

Curiata

VII.
Aquibus
vocata
comitia.

Curiata comitia primo vocarunt Reges, deinde Consules, Prætores, Censores, Dictatores, Interreges, & interdum etiam, ad Flamines ordinandos, Pontifices. Centuriata vero majores omnes magistratus, ut Consules, Prætores, Censores, Interreges, Tribuni militares Consulari potestate, & Decemviri legum ferendarum; alii tamen alia de causa. Ad creandos enim Consules, Prætores, Censores, ab alio quam a Consule haberi comitia nefas erat, quod majus imperium a minori rogari non esset jus. Nec etiam aut Prætoris aut Censoris fuit, sed Consulibus ea vocare comitia, in quibus aut Prætor eligendus, aut Censor. Legum vero comitia & judiciorum celebrare licuit Dictatoribus, Consulibus, Duumviris, Prætoribus, Censoribus non item; sed census tantum habendi causa.

VIII.
Vocata a
diversis
Magi-
strati-
bus.

In tributis comitiis si creandi erant aut Tribuni aut Ædiles plebis ea vocare fuit Tribuni plebis; si Quæstores, Ædiles curules, aut Sacerdotes, Consulibus; si extraordinarii magistratus, si lex in iis sancienda, si ferendum judicium, fuit & Consulibus & Prætoribus & Tribunibus, quibus cum populo agere licebat. Comitiis vero omnibus a Magistratibus, qui in illis creati erant, nomen ita inditum, ut si Consulibus eligendi causa vocarentur, consularia; si Prætoribus, prætoribus; si censoribus, censoria dicerentur. Idem de aliis magistratibus intelligo; fuerunt enim comitia ædilitia, tribunitia, & quæstoria.

LX.
Uter
Consu-
lum vo-
caret co-
mitia.

In iis vero comitiis indicendis, quæ vocari a Consulibus solemne erat, hæc fere servata ratio est: si ambo Consules essent in urbe, inter se aut comparabant aut fortiebantur, uter præesset comitiis; si uterque abesset, ducta sorte alter redibat; si vero aut neuter posset redire, aut uterque abdicasset, Dictatorem comitiorum causa senatusconsulto creari opus fuit; si denique vel Magistratum vel candidatorum contentione inter annum non habita comitia, tum a patriciis ex ipsorum ordine Interrex appellatus, qui in urbe per quinque dies imperaret, diende alium Interregem ipse diceret, & ille alium, donec comitia haberentur: primo enim Interregi habere comitia nefas erat, fas aliis.

Comi-

Comitiis aderant Romani cives, non omnes tamen in omnibus: curiatis ii tantum, qui in urbe habitarent, & in curias essent descripti: in centuriatis & tributis omnes tum urbis, tum municipiorum, tum coloniarum &c. incolæ quibus data cum jure suffragii civitas erat: si quid tamen gravius ab hujusmodi civibus peccatum esset, ii ignominiae causa vel in Ceritum tabulas relati, vel etiam ærarii facti, quorum utrisque ademptum erat jus suffragii, hi præterea vestigal pro capite pendere jussi, quare utrique a comitiis prohibiti. In comitiis magistratum, præter cives, quorum erat ferre suffragium, aderant candidati, qui petebant magistratus; diribitores, qui tabulas darent populo; rogatores, qui quæ cujusque sententia esset, exquirerent; custodes, qui propter magistratus assiderent, nequid in colligendis suffragiis fraudis fieret; & præcones, qui, quæ singularum esset sive centuriarum sive tribuum sententia, quique ex candidatis suffragiorum numero vincerent, palam renunciarent. In comitiis vero judiciorum aderat accusator, qui crimen objiceret; patroni, qui diluerent; reus cum amicorum turba, qui sordida veste, promissa barba, impexo capillo, & squalido totius corporis habitu, populi animum ad clementiam inflecteret.

X.
Qui aderant in comitiis.

Comitiis tum curiatis tum centuriatis habendis status fuit certusque locus; tributis non item. Quare curiata semper in foro, sive potius in comitio, quæ pars fori fuit, habita sunt; centuriata in campo Martio, qui extra Fluetanam portam; tributa vero vel in foro, vel in campo Martio, vel in Capitolio, vel in Circo Flaminio. Curinata enim extra urbis mœnia, centuriata intra pomærium haberi aëfas erat; tributa autem vel extra vel intra pomærium indicare, religioni non fuit. Cur vero centuriata extra urbem haberentur, hæc princeps causa perhibetur, quod nisi imperato exercitu illa vocari vetitum esset; exercitum vero intra urbem imperari jus non erat.

XI.
Ubi habita comitia.

Comitiis omnibus id commune fuit, ut comitiis tantum diebus haberentur, nunquam aliis. Curinata & tributa, si aut legum essent aut judiciorum,

XII.
Quando habita.

nec certa lege, nec statis temporibus coacta; sed prout res tempusque poscebat. Centuriata singulis quidem annis vocata; sed non iisdem semper sive mensibus sive diebus: initio mense Junio, deinde Martio vel Aprili, post Februario vel Januario, denique sub Julii finem vel initium Augusti. Quod vel inde intelligere est, quod Consules alii alio tempore Consulatum inierint: post Reges exactos Kalendis Sextilibus; post Decemviros Idibus Majis; sub bella Punica Idibus Martiis; post annum 601. Kalendis Januariis: ita ut inter electionem & initum magistratum, maxime post annum 601. tres quatuorque menses intercederent, ut competitorum inquirerent diligentius, numquid a quoquam electorum vel pecunia vel ambitu contra leges peccatum esset. Inter comitia vero hic fere ordo fuit; primo tribunitia & ædilitia, quæ tributa erant, habitata sunt; deinde consularia, tum prætoria, post censoria, deinde ædilitia ad Ædiles curules eligendos, post quæstoria, denique tribunitia ad creandos Tribunos militum. Id vero Censoribus singulare fuit, quod, ubi designati erant, continuo magistratus inirent; cæteri non item.

XIII.
Quæ re-
quieba-
tur, ut
iusta es-
sent co-
mitia.

Ut comitia iusta essent, multa prius observari opus fuit; primum, ut trinundino ante ab eo magistratu, penes quem id jus erat, indicerentur; unde edictum scriptum in tabella proponi moris fuit, ut ad quam diem populus conveniret, multo antea coloniarum tum municipiorum incolæ intelligerent; quare si abessent Consules, edictum illud ab iis præmitti solebat, vel indicebantur a Prætoribus comitia, si tamen aut res urgeret, aut esset Interrex; ex eo tempore detractum nonnihil. Deinde adhibenda erant auspicia, ad omnia observatio de cælo: avium præterea inspectio ad curiata & centuriata; quare & aderant tres Augures, qui magistratibus adessent in auspicio, & si de cælo servatum esset, obnuntiationi parendum erat. Ad tributa vero nec captata auspicia, nec sacra facta, nec pulchritudine auguresve adhibiti.

XIV.
Quæ
præterea
ad cen-
turiata.

Ad comitia centuriata, nonnulla præter hæc præmitti necesse fuit: primum patres illorum auctores erant,

erant, hoc est, magistratus ex senatusconsulto comitia indicabat; deinde captata a magistratu vel in arce vel intra pomerium auspicia; tum facta intra urbem sacra legitima; post, captum in campo Martio tabernaculum, quod tum vitio capi dicebatur, si magistratus non fuisset intra pomerium auspicatus. Initio populus sub signis in suas descriprus centurias magistratum armatus sequebatur; postea omissa quidem arma, sed erecto vexillo exercitus præsidii causa in Janiculo constitutus, ne hostes, qui tum non procul aberant, urbem invaderent.

Ubi populus vel in forum vel in campum Martium convenerat, solemne fuit ut magistratus concionem haberet ad populum, qua rogaretur ut id, de quo agebatur, vel probaret vel vetaret, sive lex esset, sive iudicium: tum lex & proposita est & descripta, ut illius & habendæ & legendæ cuique copia esset. Aderat etiam interdum civis qui & gratia & auctoritate apud populum valeret, ut legem ipsi persuaderet, auctorque legis existeret. In curiatis comitiis hac ut plurimum formula magistratus utebatur; *Si ita vobis videtur, Quirites, discedite in curias, & suffragium inite*. Si rogatio non esset e re Populi, e Tribunis plebis vel unus vel plures intercedebant hoc solemni verbo: *Veto*, vel *vetamus*; tum dimitti comitia usus fuit, ferre enim suffragium nefas erat; si vero nullus intercederet, populus de rogatione consultabat.

In comitis magistratuum, qui præerat comitiis, habita concione monebat populum, ut Consules, Prætores, Ædiles, &c. e candidatis, quos lubitum erat, eligeret. Quanquam alia alio tempore ratio fuit; dum enim populus voce tulit suffragium, illi integrum erat e civibus, quos vellet, eligere, sive candidati essent sive secus: ubi vero tabellæ dari cœptæ sunt, in quibus scripta erant candidatorum nomina, tum e solis candidatis creati magistratus, nunquam ex aliis. Pro singulis magistratibus bina habita sunt comitia; altera ut designarentur, vel centuriata vel tributa; ut confirmarentur altera; pro Censoribus centuriata, tributa pro aliis. In

XV.
Qua ratione
cœpta
comitia.

XVI.
Bona
pro singulis
magistratibus
habita
comitia.

prioribus comitiis ubi designandi erant, mos fuit populum ita rogari, *quos vultis Consules, Prætores &c. fieri*: in posterioribus, in quibus rata electio habenda erat, *vultis jubetisne ut M. Cicero & C. Antonius v. g. quos Consules populus designavit, Consulatum habeant?* De confirmatione cujusque magistratus lex semper ad populum lata est; de designatione non item, ut esset reprehendendi potestas, si populum beneficii sui pœniteret: quæ tamen comitiorum ratio post expletas tribus 35. nonnihil immutata est.

XVII.
Ferendi
suffragii
duplex
ratio.

Alia alio tempore fuit ferendi suffragii ratio: primum voce illud ferri mos fuit, deinde tabula. Anno enim 614. Gabinius Tribunus plebis legem tulit, ne voce ut antea, sed tabella darentur deinceps suffragia in comitiis magistratuum; quod aliquanto post in comitiis tum legum tum judiciorum, legibus Cassia, Papyria, Cælia, observari cœptum est. Dum suffragium voce latum est, in comitiis magistratuum cuique, quem luberet, appellandi jus erat; in comitiis autem sive legum sive judiciorum, legem si quis probaret, hoc verbo utebatur, *uti rogas*; si repudiaret, *antiquo*: ubi vero lex de pœna reo infligenda antiquata erat, tum reus criminis absolutus fuit, sin minus, damnatus. Postquam inductæ sunt tabulæ, tot cuique datæ sunt, quot erant candidati. In singulas singula illorum nomina scripta erant, non integra illa quidem sed tantum appicta cujusque nominis prima litera; in comitiis vero & legum & judiciorum duas tantum tabulas cuique dari usus erat, quarum in altera scriptum erat, *uti rogas*, his primis elementis *V. R.* in altera *antiquo* per *A.*

XVIII.
Quot
suffra-
giis opus
erat, ut
quis alios vin-
ceret.

In omnibus comitiis solemne fuit; ut quæ sententia in eadem sive curia sive centuria sive tribu plurium fuerat, hæc totius aut curiæ aut centuriæ aut tribus esse censeretur; quod vero plures curiæ, centuriæ, tribus jusserant, id ratum haberetur. Quare si in comitiis curiatis curiæ sexdecim, in centuriatis centuriæ primæ classis, in tributis tribus septemdecim consentirent, hæc sententia vicit: nec aliæ curiæ, centuriæ, tribus vocatæ sunt ad suffragium, sed soluta comitia. Si vero dissentirent tum aliæ curiæ, centuriæ, tribus tulerunt suffragium,

giūm, donec major comitiorum pars idem aut ju-
beret aut vetaret. Ne quis vero miretur, quod cen-
turiz primæ classis alias aliarum centurias suffragio
superarent; erant enim in omnibus classibus centur-
riz 192. in prima classe 18. equitum, 80. peditum
quæ ut numero ita & suffragio vincebant cæteras :
si tamen centuriz omnes; quod raro contigit, pa-
ri utrinque numero in duas irent sententias, tum
vocata ultima, quæ inopum erat centuria, quæ
utri parti accederet, ea potior erat. Id vero fuit
in comitiis sacerdotum singulare, quod in iis tri-
bus tantum septemdecim sorte ductæ suffragium fer-
rent: quare si quis novem tribuum suffragia tulif-
set, is continuo sacerdos erat.

Ferendi vero suffragii non idem in omnibus co-
mitiis ordo fuit. In curiatis & tributis nulla digni-
tatis habita ratio est, sed sortis ad finem usque co-
mitiorum, ita ut quæque & curia & tribus eo or-
dine ferret suffragium, quo sorte vocabatur; in co-
mitiis autem centuriatis major dignitati habitus est
honos. Initio quidem pro ratione census data suffra-
gia, ita ut prima classis primum iniret suffragium;
deinde secunda, tum tertia, &c. post expletas tri-
bus 35. centuriz omnes sorti permixtæ sunt, quæ-
nam prima ferret suffragium. Unde duplex facta
sortitio est, una inter tribus, altera inter centurias:
quæ tribus primo exhibat, *prærogativa tribus*; quæ
centuria, *prærogativa centuria*; reliquæ & tribus &
centuriz *sorte vocatæ* dicebantur, quamvis non sor-
te, sed suo quæque ordine ad dandum suffragium
procederet.

Nec admonere hoc loco omiserim, in comitiis
tributis duplicem etiam factam esse sortitionem an-
te legem Juliam: primam in qua tribu a Latinis,
alteram quo ordine a singulis tribubus daretur suf-
fragium. Sancito enim cum Latinis fœdere an. 261.
iis suffragii potestas in comitiis tum legum tum ju-
dicioꝝ, dum essent in urbe, data est; cum ta-
men nulla in tribu descripti essent, sortiendum e-
rat, qua in tribu ad ferendum suffragium conseren-
tur. In eadem tribu non eadem semper ratione la-
ta suffragia: nam initio patricii, plebeji, ingenui,

XIX.
Suffragia
quomo-
do sorte
lata.

XX.
Inferen-
do suf-
fragio
habita
etiam
dignita-
tis ratio.

libertini, senatores, equites, &c. ejusdem tribus promiscue dabant suffragia. Sed a M. Æmilio Lepido & M. Fulvio Nobiliore singulæ tribus, generibus hominum, causis, quæstibus descriptæ sunt, ita ut patricii & plebei, senatores & equites, agricolæ & qui artes exercebant, ut lictores, fabri, præcones, tibicines, seorsim in eadem tribu inirent suffragia.

XXI.
Quomodo data
suffragia.

In comitiis, quæ in campo Martio habebantur, sive centuriata essent, sive tributa, hac fere ratione lata sunt suffragia. Primum, cujusque sive centuriæ sive tribus nomina in cistam conjecta; deinde sorte educta; tum populus in suas aut centurias aut tribus discedere jussus; post vel centuria vel tribus *prærogativa* a magistratu, qui in tribunali sedebat, per præconem vocata; deinde aliæ & centuriæ pro ordinis dignitate, & tribus, prout fors tulerat. Vocata ad suffragium centuria aut tribus ex eo loco, ubi consliterat, in septum sive ovile discedebat (locus erat juxta tribunal cancellis conclusus) quo interim ingredi aliis non licuit; in ovile per pontes iter erat; in pontibus stabant diribitores, qui tabulas darent singulis, ut quisque in ovile venerat proposita a rogatoribus cista, in quam singuli eam, quam vellent, conjicerent tabulam: ubi collectæ erant centuriæ unius vel tribus tabulæ, tum ad illas educendas custodes adhibiti, quorum erat suffragia describere, hoc est, tot puncta notare in tabella, quot similes erant in quaque centuria tabellæ, ita ut hæc centuriæ sententia renunciaretur, qua ex punctorum numero plures habere similes tabellas perspiceretur; ubi *prærogativa* centuria tulerat suffragium, ex ovili dimissa est, & prima equitum centuria, deinde aliæ primæ classis centuriæ suo quæque ordine evocatæ. Idem de tribubus dicito, quas tamen non dignitatis ratione, sed sorte vocari moris fuit.

XXII.
Si pars
suffragiorum
utrinque
numerus,
quid
actum.

Si in utramque partem pares essent numero tabellæ unius vel centuriæ vel tribus, nulla illius sententia renunciata est, nisi in perduellionis judicio; hæc enim & tribus & centuria favere reo dicebatur, a qua damnatus non erat. In electione Tribuno-

bunorum plebis, Quæstorum, & extraordinariorum magistratuum, si duo parem suffragiorum numerum tulissent, ita revocatæ ad suffragium aut centuriæ aut tribus, donec alter vinceret alterum: si in electione Ædilium idem contingeret, res sorti permixta, utri cederet magistratus. Si quid accidisset de cælo, aut avulsum esset a majori magistratu e Janiculo vexillum, deductusve exercitus, hac die agi præterea quidquam nefas erat. Illorum vero qui prius electi erant, diversa conditio fuit. Si quis enim creatus erat aut Consul aut Prætor, rata illius electio fuit; si Censor, nulla: ubi quis vero suffragiorum numero vicerat, continuo a magistratu appellatus est, a quo precatio sollemnis habita, & qui designatus erat, a populo, a nobilibus, ab amicis domum summo cum honore deductus.

Cum frequens a nobis Capitoli mentio facta sit, non abs re fuerit pauca de illo subjicere. Templum fuit in monte Tarpejo Jovi sacrum, cui id nomen inditum est, quod dum illius fundamenta jacerentur, hominis caput repertum sit, ut volunt Livius & Plutarchus, vel ut mavult Scaliger, quod supra totam urbem eminent; quod enim Græcis ἀρχα, verbum e verbo Latinis Capitolum est. Illud bello Sabino vovit Tarquinius Priscus, jecitque illius fundamenta; ex hostium spoliis Servius Tullius altius exstruxit, perfecit Tarquinius Superbus, Horatius Pulvillus Consul dedicavit. Post hæc tempora ter seu incendio seu ruina eversum est: semel in dissensione civili Marium inter & Syllam, L. Scipione & C. Norbano Coss. iterum sub Vitellio, tertium sub Tito: ter etiam restitutum, primum a L. Sylla Dictatore, tum ab Imperatore Vespasiano, denique a Domitiano, cujus ea fuit hoc in opere munificentia, ut in deauratione duodecim talentorum millia, hoc est, septem milliones impenderit. Erant in hoc templo tres ædes; una Junonis, altera Minervæ, tertia quæ & media & maxima fuit, Jovis. Illius limina ænea, inaurata laquearia, vasa argentea, ambitus duodecim jugerum, &c. Si quis plura requirat, Dionysium consulat.

libertini, senatores, equites, &c. ejusdem tribus promiscue dabant suffragia. Sed a M. Æmilio Lepido & M. Fulvio Nobiliore singulæ tribus, generibus hominum, causis, quæstibus descriptæ sunt, ita ut patricii & plebei, senatores & equites, agricolæ & qui artes exercebant, ut lictores, fabri, præcones, tibicines, seorsim in eadem tribu inirent suffragia.

XXI.
Quomodo data
suffragia.

In comitiis, quæ in campo Martio habebantur, siue centuriata essent, siue tributa, hac fere ratione lata sunt suffragia. Primum, cujusque siue centuriæ siue tribus nomina in cistam conjecta; deinde sorte educta; tum populus in suas aut centurias aut tribus discedere jussus; post vel centuria vel tribus *prærogativa* a magistratu, qui in tribunali sedebat, per præconem vocata; deinde aliæ & centuriæ pro ordinis dignitate, & tribus, prout fors tulerat. Vocata ad suffragium centuria aut tribus ex eo loco, ubi consisterat, in septum siue ovile discedebat (locus erat juxta tribunal cancellis conclusus) quo interim ingredi aliis non licuit; in ovile per pontes iter erat; in pontibus stabant diribitores, qui tabulas darent singulis, ut quisque in ovile venerat proposita a rogatoribus cista, in quam singuli eam, quam vellent, conjicerent tabulam: ubi collectæ erant centuriæ unius vel tribus tabulæ, tum ad illas educendas custodes adhibiti, quorum erat suffragia describere, hoc est, tot puncta notare in tabella, quot similes erant in quaque centuria tabellæ, ita ut hæc centuriæ sententia renunciaretur, qua ex punctorum numero plures habere similes tabellas perspiceretur; ubi *prærogativa* centuria tulerat suffragium, ex ovili dimissa est, & prima equitum centuria, deinde aliæ primæ classis centuriæ suo quæque ordine evocatæ. Idem de tribubus dicito, quas tamen non dignitatis ratione, sed sorte vocari moris fuit.

XXII.
Si pars
suffragiorum
utrinque
numerus,
quid
actum.

Si in utramque partem pares essent numero tabellæ unius vel centuriæ vel tribus, nulla illius sententia renunciata est, nisi in perduellionis judicio; hæc enim & tribus & centuria favere reo dicebatur, a qua damnatus non erat. In electione Tribuno-

bonorum plebis, Quæstorum, & extraordinariorum magistratum, si duo parem suffragiorum numerum tulissent, ita revocatæ ad suffragium aut centuriæ aut tribus, donec alter vinceret alterum: si in electione Ædilium idem contingeret, res sortipermis-
sa, utri cederet magistratus. Si quid accidisset de cœlo, aut avulsum esset a majori magistratu e Janiculo vexillum, deductusve exercitus, hac die agi præterea quidquam nefas erat. Illorum vero qui prius electi erant, diversa conditio fuit. Si quis enim creatus erat aut Prætor, rata illius electio fuit; si Censor, nulla: ubi quis vero suffragiorum numero vicerat, continuo a magistratu appellatus est, a quo precatio sollemnis habita, & qui designatus erat, a populo, a nobilibus, ab amicis domum summo cum honore deductus.

Cum frequens a nobis Capitoli mentio facta sit, non abs re fuerit pauca de illo subicere. Templum fuit in monte Tarpejo Jovi sacrum, cui id nomen inditum est, quod dum illius fundamenta jacerentur, hominis caput repertum sit, ut volunt Livius & Plutarchus, vel ut mavult Scaliger, quod supra totam urbem eminent; quod enim Græcis *ἀνὰ*, verbum e verbo Latinis Capitolium est. Illud bello Sabino vovit Tarquinius Priscus, jecitque illius fundamenta; ex hostium spoliis Servius Tullius altius extruxit, perfecit Tarquinius Superbus, Horatius Pulvillus Consul dedicavit. Post hæc tempora ter seu incendio seu ruina eversum est: semel in dissensione civili Marium inter & Syllam, L. Scipione & C. Norbano Coss. iterum sub Vitellio, tertium sub Tito: ter etiam restitutum, primum a L. Sylla Dictatore, tum ab Imperatore Vespasiano, denique a Domitiano, cujus ea fuit hoc in opere munificentia, ut in deauratione duodecim talentorum milia, hoc est, septem milliones impenderit. Erant in hoc templo tres ædes; una Junonis, altera Minervæ, tertia quæ & media & maxima fuit, Jovis. Illius limina ænea, inaurata laquearia, vasa argentea, ambitus duodecim jugerum, &c. Si quis plura requirat, Dionysium consulat.

DISSERTATIO SECUNDA.

MAGISTRATUS

ROMANORUM.

NEC iidem semper, nec eodem numero apud Romanos magistratus fuerunt; sed alii alio tempore, & pro numero tum civium tum provinciarum, vel pauciores vel plures. Cum enim res angusta domi, erant præter Reges aut Consules admodum pauci; cum civibus, agris, provinciis aucta, domi, foris, militiæ plurimi, quorum alii statis locis & temporibus ex more legebantur, alii præter morem & ordinem, prout tempus resque poscebat. Non omnes hic explicamus dignitates, sed præcipuas tantum, *Consulatum*, *Præturam*, *Censuram*, *Ædilitatem*, *Tribunatum*, *Quæsturam*, *Proconsulatum*, & *Dictaturam*: de quibus si quis plura avet scire, præter veteres legat Sigonium, Gruchium, Pighium, & Rosinum; nam Pomponius Lætus & Fenestella, sive potius Dominicus Floccus, ea brevius, quam par esset, perstrinxerunt.

CAPUT PRIMUM.

Consul.

I.
Consul-
um in-
stitutio,
insignia,
& jura.

EXactis Regibus anno Urbis 244. magistratus, auctore Junio Bruto, creari placuit, qui & bini essent & annui, ut & alter alterum, & imperii brevitatis utrumque in officio retineret. Hi quod civibus præessent, primum *Prætores*; deinde a iudicando *Judices*; denique a consulendo *Consules* dicti sunt, quibus omnia fere Regum tum jura tum insignia concessa, prætexta, sella curulis eburnea, fascis securibus armati initio 24. paulo post consilio

Po-

Poplicolæ 12. qui non erant penes utrumque Consulera, sed alternis mensibus penes alterum: nam primo mense præferri solebant Consuli, aut qui natus major erat ex lege Valeria, aut cui plures essent liberi ex Julia. Consulum hæc munia fuere; sacra facere, jus secundum leges dicere, habere comitia, senatum cogere, rogare sententias, senatusconsulta & plebiscita exequi, haberi delectus, populi jussu bella gerere, administrare provincias, socios tueri, & quod ipsis singulare fuit, suo tum nomine tum magistratu annorum signare numerum; hoc uno inferiores Regibus, quod in caput civis Romani injussu populi animadvertere vetitum, & cuivisliceret ab eis ad populum provocare.

Legibus cautum erat, ne quis Consul crearetur, nisi & præsens esset, & 43. annos natus, & patricii generis; sed earum legum aliæ aliæ de causa interdum neglectæ fuerunt, aliæ infirmatæ: nam ante ætatem legitimam Consulatus honos & virtutis ergo *M. Valerio Corvino*, duobus *Africanis majori & minori*, huic etiam absenti, *Pompejoque Magno* delatus est; & per vim tum a *C. Mario Juniore* tum ab *Octavio Cæsare* usurpatus. Per annos quidem 142. nullus nisi patricius Consul fuisse perhibetur; sed tandem populi querelis a patribus datum est anno urbis 387. ut Consulum alter, & aliquanto post ut uterque etiam e plebe legeretur, quod deinceps factitatum.

Ab anno urbis 244. quo ejecti Tarquinii ad annum 302. summa rerum penes Consules fuit; deinde per triennium plus minus penes Consules ad annum 316. Tum enim pro populi libidine modo Consules, modo Tribuni militares creati sunt ad annum 387. deinde summa potestas, sive *L. Sylla* tum brevem tum injustam dominationem demas, per annos probe quadringentos in Consulibus fuit ad annum 706, cum *C. Cæsar*, paulo post *Triumviri*, denique *Imperatores* rerum potiti sunt. Sub his tamen ex more creati Consules, sed quorum nec eadem quæ prius auctoritas erat, nec idem numerus. Potestas enim vel parva vel nulla; numerus pro arbitrio Principis modo minor, modo major:

II.
Condi-
tiones, &
quis es-
set Con-
sul.

III.
Consules
abjecti &
restituti.

major: nec enim bini erant, ut antea, nec annui, sed sæpe trimestres, interdum mensuri, nonnunquam diurni, & sub Commodo Consules 25. uno anno fuisse a Lampridio memoriæ proditum est.

IV.
Sublati.

Unde hæc dignitas sensim vilescere cœpit, donec anno Christi 541. Urbis vero 1292. quo *Basilii junior* sine collega Consul ponitur sub Justiniano, Consulum nomina in fastis norari desita sunt, licet nonnulli etiam postea Consules memorentur. Hujus rei invidia penes *Justinianum* Imperatorem fuit, & legum conditorem *Tribonianum*, quorum ille præpostera gloriæ cupidine Imperatorum & annis & nomine tempora signari jussit; hic vero (ut tum fama fuit) honorem illum, quem, quod paganus esset, assequi non poterat, aliis invidisse perhibetur.

C A P U T I I.

Censor.

I.
Censorum origo.

Censu, uti diximus, anno Urbis 186. instituto, Regum fuit, tum Consulum, illum quinto quoque anno peragere. Cum tamen aliquanto post ob varia, quæ alia ex aliis oriebantur bella, id præstare Consulibus non liceret, anno 310. duo Censores creati sunt; quæ dignitas a parvis profecta initiis, tantum cepit incrementum, ut morum disciplinæque Romanæ regimen, Senatus equitumque centuriæ, decoris dedecorisque discrimen in ipsius ditione essent.

II.
Quæ requisita ut quis Censor esset.

Primis quidem temporibus mos fuit, ut Censor legeretur nemo, nisi qui & gesto Consulatu & patricio stemmate clarus esset: postea tamen & nonnulli Censuram ante Consulatum adepti sunt, & populus pervicit anno 402, ut semper Censorum alter e plebe, anno vero 622, ut uterque interdum crearetur. Mortuo e Censoribus altero, alterum suffici religio fuit: sed alterum abdicare se, ut duo de integro legerentur, institutum est; & uni hanc dignitatem bis deferri, post *Marcum Censorinum*, nefas.

Qui-

Quinquennalis primum Censura fuit, paulo post *Æmilii Mamertini* Dictatoris lege an. 319. annua & semestris facta, a *C. Cæsare* anno 707. sublata, vetusque tum census agendi, tum lustris condendi ratio ab *Augusto* anno 731. revocata; terque ipse sive Censor sive Magister morum censum egisse, bisque lustrum condidisse fertur.

III.
Censura
sublata
& resti-
tuta.

Censorum fuit civium omnium sobolem, familiam, facultates describere, urbis templa, vias, aquas, ærarium, vectigalia tueri, populum in tribus partiri, in omnium mores inquirere, leges tum Senatus, tum equestris ordinis principem, cives improbos notare ignominia. Si quis enim quid in se gravioris criminis admisisset, pro delicti vel levitate vel gravitate varium fuit pœnæ genus: si Senator quid deliquisset, Senatu moveri; si eques, equestri ordine, interdum etiam tribu, nonnunquam ærarium fieri, & in Cæritum tabulas referri.

IV.
Censo-
rum
jura &
potestas.

Non abs re fuerit, qua ratione transvectio facta sit, hoc loco paucis explicare. De transvectione multi scripserunt, sed aliter aliis placet. Eo institutam putat Sigonius, ut equites de stipendiis legitime confectis Censori rationem redderent. Testatur *Aurelius Victor*, equites ab æde Honoris olea coronatos ad Capitolium in equis transisse. Ab utroque *Dionysius* dissentit; cui tamen libentius assenserim, cum in honorem *Castoris* & *Pollicis*, quod victoriam de Latinis ann. 257. relatam nunciassent, hanc pompam celebratam velit; & ab æde *Martis*, per Forum in Capitolium tetendisse equites, qui per tribus & curias ad quinque millia distincti, quasi redirent e pugna, fronde oleagina coronati, togisque palmatis insignes essent, quorum alii coronas, alii torques, pars phaleras, hastas, armillas, singuli singula & præmia virtutis & bellicæ laudis insignia magnifice ostentarent. Dignum sane majestate imperii spectaculum.

V.
Quid
transve-
ctio.

ROMANORUM

C A P U T III.

Prætor.

I.
Prætores
primum
duo illo-
rumque
jura.

Variis districti bellis ab Urbe sæpius cum abes-
sent Consules, nec esset qui in civitate jus
redderet, Prætor unus anno Urbis 387. creatus est;
ob peregrinorum multitudinem anno Urbis 510.
alter additus. Ille quod civibus jus diceret, *urba-*
nus vulgo dictus est; hic quod peregrinis, *pere-*
grinus. Eadem fere utrique quæ Consulibus insi-
gnia, sella curulis, trabea, prætexta, duo lictores,
tribunal, præterea hasta & gladius. *Urbani* longe
major in urbe & dignitas fuit & auctoritas; illius
enim erat viduas pupillosque defendere, ludos sole-
mnes & sacra quædam facere, Senatui absentibus
Consulibus cogere, rogare sententias, comitia habere,
interdum etiam ducere exercitum. *Peregrini*
vero fuit de peregrinorum causis cognoscere, mo-
do exercitui, modo classi præesse; & ad hunc hono-
rem primum patriciis tantum, deinde plebejis etiam
an. 417. aditus patuit.

II.
Plures
additi.

Quandiu iisdem, quibus Italia, finibus clausum
est Romanorum imperium, tandiu hic mansit
Prætorum numerus; at ubi victi Carthaginenses
Romanis cesserunt, in bello Punico primo Siciliam
& Sardiniam, in secundo vero utramque Hispaniam
citeriorem & ulteriorem; tum quatuor adjuncti
Prætores, duo anno 526. qui Siciliam & Sardiniam,
anno vero 556. totidem qui Hispanias regerent.
Mutatis haud multo post civium moribus, hæc mu-
tata ratio est. Deleta enim Carthagine, deleta Nu-
mantia, Philippo, Antiocho, Perseo devictis, si-
mul cum opibus libido, luxus ambitio, avaritia
crevere; unde admissa tum in urbe tum in pro-
vinciis multa & a privatis & a magistratibus sce-
lera, homicidia, veneficia, rapinæ, &c. quare quæ-
stiones publicæ, quæ prius vel Consulibus vel lectis
Senatoribus extra ordinem, prout res poscebat,
committi solebant, perpetuæ factæ sunt, de *repe-*
tundis; de *ambitu*, de *majestate*, de *peculatu*, *par-*
ricidio,

ricidio, incestu, &c. eæque anno 609. demandatæ Prætoribus, ita ut penes illos omnia essent judicia; penes *urbanum & peregrinum* privata, penes alios publica. Quo munere ut fungerentur, lege sancitum est, ut Prætores omnes annum magistratum in urbe transigerent, tum inter se provincias sortirentur, quas cum imperio vel proconsulari vel pro prætorio administrarent.

In provinciis ad Prætores pertinuit jus secundum leges dicere, tutari socios, perduelles reprimere, ducere exercitum, bellum (si opus foret) gerere, exigere vectigalia, castra, vias, & opera publica munire. A L. Sylla Dictatore anno Urbis 673. duo adjecti Prætores, quorum alter de *ficariis*, alter de *falso* cognosceret. Totidem a C. Cæsare anno 707. additi, qui quod frumento præessent, *cereales* vulgo nuncupati; tum anno 708. quatuor, denique anno 709. duo. Cæso tamen paulo post Cæsare, Prætores tantum octo uti prius creati, donec Augustus sub finem bellorum civilium anno 725. quatuor, & aliquanto post Claudius duos adjecit, ita ut singulis annis deinceps Prætores 14. legerentur.

III.
Illorum
in pro-
vinciis
potestas:
alii adje-
cti & su-
blati.

CAPUT IV.

Ædilis.

ÆDiles Romæ sex omnino fuisse perhibentur, I. duo *plebis*, *curules* duo, totidem *cereales*: *Ædiles plebis* alia aliis origo, dignitas, munera. *Ædiles plebis* a populo, ubi e monte Sacro in urbem rediit, eodem an. quo Tribuni plebis 260. consensu patrum institui sunt: *curules* vero anno 387. creati a patribus, quod *Ædiles plebis* ludos, quos Senatus voverat, acturos se negarent: *cereales* a C. Cæsare anno 709. *Ædiles plebis* plebeji semper generis fuisse; *cereales* patricii; *curules* utriusque. *Curules* cæteris dignitate præstabant; ipsis enim præmia ob laborem data, antiquior in Senatu sententiæ dicendæ locus, toga prætexta, sella curulis, jus imaginum, quæ aliis negata.

I.
Ædiles
plebis,
curules.
& cerea-
les.

Ædi-

II.
Singulo-
rum of-
ficia .

Ædiliū plebis officia fuerunt Tribunis inservi-
re , matronas infimulare probri , fœneratores coer-
cere , inhibere popinas ; ut aquæductus , cloacæ ,
ædificia , sive privata sive publica , munda essent
& integra , curare ; providere , ne annonæ penu-
ria urbs laboraret , senatusconsulta & plebiscita cu-
stodire : *curuliū* vero fuit , ludos sacros & solemnes
instituire ; templa , basilicas , theatra , porticus , sta-
dia , fora , curias , mœnia & reficere & exornare .
Ad *cereales* pertinuit frumento publico præesse , præ-
terea nihil .

C A P U T VI.

Tribunus plebis .

I.
Tribu-
natus
quando
institu-
tus .

Tribunis plebis creandis causam dedit secessio
plebis a patribus , anno post Urbem conditam
259. Plebs enim nexu gravata & delusa sæpius in mon-
tem , qui inde Sacer dictus est , trans Anienem dis-
cessit . Missus ad eam placandam *Menenius Agrip-
pa* , vir populo ac patribus juxta carus ; cujus ora-
tione delinita plebs in Urbem rediit , ea tamen lege ,
ut plebejos haberet magistratus , qui ideo *Tribuni*
dicti sunt , quod e Tribunis militum lecti essent ,
teste Varrone ; vel quod populus tres in partes tum
divisus esset , ut auctor est Pomponius ; vel potius
a tribuum suffragio , ut volunt alii . Duos ergo Tri-
bunos anno Urbis 260. plebs habere cœpit , ut ve-
rior est sententia ; aliter enim placet Dionysio : tres
aliquanto post an. 284. lege *Publilia* additi , & præ-
terea quinque anno 269. modo ne quis reficeretur
eorum , qui anno proximo eundem magistratum ges-
sissent . Decem hi Tribuni pestis Reipublicæ fuere ,
& inde manavit omne civile nefas .

II.
Quando
sublatus

Omnis fere auctoritas a *Sylla Dictatore* an. 672.
Tribunis adempta ; sed paulo post partim a *M. Cot-
ta* an. 679. partim a *Cn. Pompejo* an. 683. eis re-
stituta : donec an. 730. consensu patrum in *Augu-
stum Cæsarem* , deinde in alios Imperatores transla-
ta est . Nomen tamen & umbra illius magistra-
tus penes plebem mansisse dicitur ad *Constantini Ma-
gni* imperium .

Hæc

Hæc plane singularia *Tribunis* concessa sunt, eos cum religione tum lege sacrosanctos esse; ut qui eis nocuisset, ejus caput Jovi sacrum esset; ab Urbe diem integrum, nisi Latinis feriis, abesse nefas; eorum domum interdiu noctuque patere omnibus, quippe qui publicæ libertatis custodes essent; vel unius intercessionem aliorum decreta esse irrita; eorum potestatem extra urbem nullam, in urbe maximam; repudiare Senatus decreta, quæ plebi fraudi esse possent; & solus e magistratibus non parere Consuli. *Tribunum* vel e patriciis, vel e Senatoribus legi, aut in curiam venire diu vetitum; sed postea & patriciis, si a plebejis adoptati essent, *Tribunatus*, & *Tribunis Atinia* lege curia patuit. Hæc *Tribunatus* & jura fuerunt & onera: sed longe plura deinceps, jure an injuria, a *Tribunis* usurpata. Senatus edicta, leges, consulta, acta magistratuum ab iis sæpe rescissa; promulgatæ novæ leges; comitia tum Plebis tum Senatus pro arbitrio & coacta & soluta; tributorum collationes, militumque dilectus prohiberi; ducti etiam interdum eorum jussu in carcerem Consules; agri denique, vectigalia, pecuniæ publicæ magistratibus, provinciæ civibus seu probis sive improbis pro libidine & datæ & ereptæ.

III.
Tribunorum potestas & jura.

CAPUT VI.

Quæstor.

TRia *Quæstorum* apud Romanos genera fuerunt: alii enim *capitales*, alii *urbani* seu *ævarii*, alii *provinciales*. Omnia *capitalibus* & aliis erant præter nomen plane diversa; *ævariis* & *provincialibus* omnia præter insignia, plane eadem. *Capitales* vel a Romulo, vel a Numa, vel certe a Tullo (a quo enim, obscurum est) instituti sunt. Eorum fuit in maleficia, parricidia, perduellionem, & alia crimina inquirere, donec anno 465. id muneris Triumviris *capitalibus* demandatum; & quæstiones publicæ anno 609. uti diximus, constitutæ sunt. Sunt etiam qui eos sub Regibus pecuniæ & colligendæ & servandæ præfuisse veint.

I.
Quæstiones capitales.

II.
Urbani & militares.

Quæstorum tum *ævariorum* tum *militarium*, numerus

merus alius alio tempore, pro vestigalium ratione vel minor vel major fuit. Primum quidem an. 244. duo creati a *P. Poplicola*; tum an. 333. duo additi, qui Consules apud exercitum sequerentur. Ubi vero perdomita Italia est, adjecti quatuor anno 488. qui quatuor Italiæ provincias una cum Prætoribus regerent; deinde a *Sylla* auctus ad 20. eorum numerus an. 672. Sub Imperatoribus vero diversus fuit pro provinciarum numero. Ad Quæsturam, qui primus ad alios honores gradus erat, mos obtinuit, ut legeretur nemo, nisi qui & 28. plus minus annos natus esset, & decem annos stipendia fecisset, & patricia esset familia genitus: admissi tamen anno 333. plebeji.

III.
Illorum
jura.

Quæstoribus *urbanis* nullum imperium fuit; non vocatio, non prehensio, nec sella curulis, nec lictores; *militaribus* vero & scribæ erant & lictores, & juris dicendi potestas. *Urbanorum* munus fuit, ærario Saturni præesse, curare vestigalia, in tabulas tum accepti tum expensi rationem referre, signa militaria ex ærario depromere, vendere prædam captam ex hostibus, civium qui in præliis ceciderant numerum inire, exterarum gentium legatos excipere hospitio, eisque munera Reipublicæ exhibere. *Militarium* vero fuit legatis, cohorti prætoris, & exercitui suppeditare & annonam & stipendia, privatam militum pecuniam apud signa depositam custodire, manubias recipere, &c. Ad Quæstores denique, qui provinciis Italiæ præerant, pertinuit vestigalia tributa, portoria, pecuniam, & frumentum colligere, in rationum tabulas referre, pro majestate populi Romani rem gerere, subigere hostes, & sociostueri.

IV.
Provinciarum
quæstoriarum.

Si quis vero avert scire, quænam fuerint illæ quatuor in Italia quæstoriarum provinciæ; hæ fuerunt, ut conjicit Pighius in Annalibus Romanis, ad annum Urbis 488. Prima *Ostiensis*, in qua Latini, Sabini, Marfi, Etrusci, & alii circa Romam populi; altera *Calena*, in qua Campania, Samnium, & Lucania, &c. tertia *Ariminenfis* seu *Gallica*, in qua Umbria & Gallia ad Rubiconem usque & *Pidenum*; & quarta *Lucerina* sive *Apuliæ* & *Calabriæ*, qua

qua Apuli Hirpini, Salentini, &c. ad finum usque Tarentium.

CAPUT VII.

Proconsul & Proprætor.

CUM par prope fuerit Proprætoris ac Proconsulis dignitas, eademque fuerint utrique & insignia & munera, hic de utraque brevitatis causa agemus. Inter scriptores non convenit, *Proconsul*, an *Pro Consule*; *Proprætor*, an *Pro Prætor* legendum sit. *Proprætor* & *Proconsul*, ut pronepos proneptis, Aldo Manutio probatur; Pighius vero, cum Cicerone tum fastis Capitolinis auctoribus, *Pro Consule* & *Pro Prætor* legendum putat. Ego, utroquis modo legeret, peccaturum non crediderim.

Alia florente ac eversa Republica Proconsulorum ratio fuit. Antequam enim Cæsares rerum potirentur, Proconsules erant ii, qui vel e Consulatu, vel prorogato imperio, vel e privatis extra ordinem in provincias, ut iis præessent, mitti solebant. Iis erant Legati, Tribuni militum, Centuriones, Præfecti, Scribæ, Lictores duodecim, Haruspices, Medici, & Contubernales, quæ Cohors prætoria vulgo dicebatur: his omnibus stipendia, vestes, vasa, vehicula, tabernacula, & alia id genus dari impensa publica moris erat.

Proconsules semper cum potestate fuerunt, sæpe cum imperio, semper sine magistratu & auspiciis; unde honos triumphi, dum vigerent leges, Proconsulibus, ut *Africano Majori*, re etiam bene gesta negatus est: postea tamen nonnullis, ut *Pompejo Magno*, concessus; primis enim temporibus solemne fuit, eorum, qui sine magistratu & auspiciis vicissent, triumphare neminem.

Non erit, opinor, alienum, quid potestatem inter & imperium, Magistratum & Proconsulatum interfuerit, admonere paucis. Potestas ad jus dicendum, ad exigenda vestigalia, ad ordinandam sive Urbem sive provinciam; imperium vero ad socios tutandos armis, pellendos hostes, bellumque gerendum

I.
An dicendum proconsul, an proconsule.

II.
Proconsulum insignia & comitatus.

III.
Proconsules sine auspiciis erant.

IV.
Quid interfuit inter potestatem & imperium.

pertinuit. Magistratus alii majores, alii minores: majores *Dictator*, *Consul*, *Censor*, *Prætor*; minores *Quæstor urbanus*, *Tribunus plebis*, *Ædiles*, tum *plebis*, tum *curulis*, tum *cerealis*. Sua singulis auspicia fuere, sed alia aliis, majoribus majora, minoribus minoribus. Omnibus item semper data potestas, imperium non item; sed *Dictatori* tantum, *Consuli*, & *Prætori*: iisque nec semper, nec iisdem quibus magistratus dabatur comitiis, sed & cum res posceret, comitiis sæpe curiatis, interdum tributis, nonnunquam etiam *senatusconsulto*.

V.
Quænam
consula-
res pro-
vinciæ.

Quænam vero *consulares* provinciæ fuerint, paucis accipe. Lege C. Gracchi sancitum erat, ut antequam novi sive *Consules* sive *Prætores* designarentur, alter *Consulum* ad *Senatum* referret, quæ provinciæ *consulares* essent, quæ *prætoriae*: quod ubi constitutum erat, mos fuit, ut designatum *Consules* tum *Prætores* eas vel sortirentur, vel inter se comparerent: tum si bellum gerendum, imperium; sin minus, sola potestas dabatur: deinde quæ latitudo provinciæ, quot legiones, quod stipendium militibus, quis comitatus, & alia id genus, vel pro gravitate belli gerendi, vel pro dignitate sive *Proconsulis* sive *Proprætoris*, modo majora modo minora decernebantur. Eadem enim *Proprætoris* ac *Proconsulis* ornamenta: tamen *proconsulis* comitatus nobilior, robustior exercitus, provincia clarior, bellum gravius, lictores duodecim; sex tantum *Proprætori*.

VI.
Provin-
ciarum
divisio
ab Au-
gusto fa-
cta.

Augustus Cæsar, devictis *Antonii* partibus, orbem Romanum duas in partes an. 726. tribuit, quarum alteram *Senatui* populoque regendam permisit, alteram sibi retinuit. Quo vero penes ipsum legiones essent & totius Imperii robur, provincias quæ paterent hosti, sibi; quæ vero procul essent a bellico tumultu, *Senatui* attribuit. Qui provinciis præerant *Senatus* nomine *Proconsules*; qui suo, & *Proprætores* & *Præfectos* appellari voluit: sed illis gladium, habitum militarem, jusque milites capite plectendi ademittit; his hæc omnia concessit. Exinde quæ provinciæ parebant *Senatui*, *consulares* fuere; quæ *Cæsari*, *prætoriae*. Quarum laterculum hic ap-
ponere

ponere libuit, quo facilius quivis intelligat, quantalate id temporis patuerit Romanum Imperium: Italia, Africa, Numidia, Asia, Epirus, Macedonia, Græcia, Sicilia, Creta, Cyrene, Bithynia, Pontus, Sardinia, Hispania, Bætica Senatui permiffæ; Cæfariis vero Præfectis fuberant Gallia Narbonenfis, Lugdunenfis, Aquitania & Celtica, Hispania Tarraconenfis, Lufitania, Cælefyria, Phænice, Cilicia, Cyprus, Ægyptus.

CAPUT VIII

Dictator.

ANNO post Reges exactos nono, post Urbem conditam 252. cum omne Latinum nomen auctore Mamilio Tarquinii genero in Romanos conjurasset, plebsque ære alieno oppreffa detrearet militiam, nihil e re publica magis fore patribus visum est, quam si magistratus crearetur, penes quem summa belli pacisque potestas esset: qui, quod populo præesset, *Magister populi*, quod a Consule diceretur, *Dictator* vulgo nuncupatus est.


Huic delata sunt omnia Regum tum insignia, tum jura; purpura, sella curulis, equi phalerati, lictores cum securibus 24. summumque imperium domi forisque in militum, civium, magistratuum fortunas & vitam. Nulla tum Consuli, nulla Prætori, nulla aliis, si Tribunos plebis excipias, magistratibus auctoritas fuit, nec ab eo ulla provocatio fuit ad annum 304. quo lege *Duilia* cautum est, ne ullus deinceps magistratus sine provocatione ad populum crearetur.

Alia legendi *Dictatoris* ac cæterorum magistratuum causa fuit & ratio: nec enim annis singulis, uti Consules, sed tum, cum periculum ingens vel ab hostibus, vel a civibus, vel a diis Reipublicæ imminere putaretur. Nullus enim *Dictator* dictus est, nisi rei gerundæ causa, sedandæ seditionis, comitiorum habendorum, legendi Senatus, aut religionis ergo; si vel clavus figendus esset, vel, ob prodigia, aut ludi Romani celebrandi, aut feriæ Latine.

næ instaurandæ: jubente Senatu, Consulum alter, penes quem tum fasces erant, de media nocte captatis auspiciis, ex consularibus quem vellet, jubebat Dictatorem.

IV.
Seme-
stris il-
lius po-
testas.

Hæc dignitas Romanæ rei sæpe saluti fuit: quamvis enim regiæ prope par esset, nec invisa tamen erat populo, nec perpetua, sed semestris tantum, perraro in annum prorogata. Nec enim *L. Syllæ*, nec *C. Cæsari* sponte delata fuit, sed ab iis oppressa libertate contra jus fasque & usurpata & retenta diutius; vetitum etiam, ne extra Italiam cum imperio esset, ne veheretur equo, donec *Q. Fabio Dictatori*, ut equo uti liceret, a Senatu honoris causa concessum est.



DISSERTATIO TERTIA.

ROMANORUM SACERDOTIA.

I.
Varia apud Romanos sacerdotia.



Acerdotum apud Romanos infinita prope fuit & multitudo & varietas, quorum plane diversa erant tum nomina tum munera. Nomina vel a diis quibus inserviebant, vel a rebus quas curabant, ut plurimum petita; munera jam inde a primis Urbis temporibus singula singulis præscripta, sed aut pro Numæ arbitrio, aut pro varia five deorum five sacrorum indole, alia aliis. Erant enim qui deorum omnium, erant qui singulorum sacris præessent: deorum omnium curabant sacra *Pontifices*; singulorum alii omnes, *Luperci Panis*, *Potitii Herculis*, *Sodales Titii Sabinorum deorum*, *Salii Martis*, *Vestales Vestæ*: *Flaminum* vero alii Jovis, alii Martis, alii Quirini. Erant præterea *Augures* qui auspiciorum, *Haruspices* qui extorum, *Feciales* qui belli & pacis disciplinam tenerent, *Epulones* qui librorum Sibyllinorum sacra, *Rex sacrificulus* qui regia sacra adornaret. Erant denique *Fratres Arvales* & *Curiones*, quorum illi pro agrorum frugibus, isti pro curiis sacri-

fica-

ficarent. Non est animus sacerdotum omnium singula munera hic persequi, sed eorum tantum, quorum sæpe apud scriptores occurrit mentio, & qui dignitate præstabant cæteris.

CAPUT PRIMUM.

Pontifices.

Pontifices, quibus (ut volebat Q. Mutius) a posse & facere, vel (ut Varroni placuit & Dionysio) a ponte & facere nomen inditum est, primum a Numa Pompilio quatuor e patriciis creati sunt; deinde ab Ogulniis Tribunis anno 454. quatuor e plebe additi; tum a L. Sylla Dictatore anno 671. septem. Unde duplex ordo Pontificum deinceps fuisse dicitur; alter veterum qui *maiores*, alter recentiorum qui *minores* fuerunt vulgo nuncupati.

Cooptari Pontificem a Numæ temporibus ad annum usque 649. penes Pontificum collegium fuit; deinde lege Domitia penes populum: quam haud multo post a L. Sylla anno 671. abrogatam restituit Ti. Labienus Tribunus plebis an. 690. donec sub Imperatoribus nec collegii, nec populi, sed unius Principis arbitrio Pontifices legi cæpti sunt.

Pontifices inter & magistratus hæc maxime tria intererant: unum, quod magistratus annui essent, Pontifices perpetui; alterum, quod magistratus ad reddendam rationem sive Senatui sive populo tenerentur, Pontifices non item; tertium denique, quod magistratus semper vel potestatem vel imperium, Pontifices eorum neutrum haberent. Pontificum hæc munera fuere; de causis omnibus quæ ad sacra pertinerent judicare; in sacerdotum omnium mores, officia, cæremonias inquirere; pro delicti gravitate animadvertere in reos; novasque leges de sacris pro arbitrio condere, ita ut (si Cicero credimus) omnis Reipublicæ dignitas, omnium salus, libertas, aræ, foci, dii penates, fortunæ, domicilia illorum sapientiæ & fidei credita viderentur.

I.
Pontificum unum de nobilibus; & duplex ordo.

II.
A quibus lecti Pontifices.

III.
Illorum jura.

IV.
Pontifi-
cismaxi-
mi di-
gnitas

Pontificum collegio præfuit Pontifex maximus a Numa eo constitutus, ut esset quo de rebus sacris consultum plebs veniret; illius enim erat, quibus hostiis, quibus diebus, ad quæ templa, sacra tum publica tum privata fierent, præscribere; quibus ritibus iusta funebria peragenda, placandive manes edocere; quæque prodigia fulminibus aliove viso missa curarentur. Illum & ex collegio Pontificum, & tributis populi comitiis legi semper mos fuit; primum quidem e solis patriciis, deinde etiam e plebe.

V.
Assumpta
ab Imper-
ratori-
bus &
sublata.

Hanc dignitatem, mortuo Lepido, cum Augustus ipse tum cæteri, deinceps post illum Imperatores & Pagani & Christiani una cum imperio assumerunt; ita tamen, ut Christiani, cum ab hisce muneribus abhorrent, solum Pontificis maximi nomen inter elogia sua adscribi paterentur. Ubi vero Gratianus Pontificem Maximum appellari se vetuit, haud multo post anno Christi 389. Theodosius senior, sacerdotum redditibus fisco additis, perfecit ut Pontifices, Augures, aliive sacerdotes creati desierint.

C A P U T II.

Augures.

I.
Augu-
rum nu-
merus alio
tempo-
re.

ARtem augurandi a Chaldæis ad Græcos, a Græcis ad Etruscos, ab his vero ad Latinos & Romanos manasse memoriæ traditum est: cætera quæ de illius origine vulgo traduntur, meræ sunt fabulæ. Tres Augures a Romulo, qui & ipse Augur fuit, singuli ex singulis tribubus creati sunt, quibus a Servio Tullio, ut multi suspicantur, quartus adjunctus est, itidem ut tres alii, patricius: deinde ab Ogulniis fratribus an. 454. quinque e plebe additi, quorum numerus uti Pontificum a L. Sylla an. 671. ad quindecim auctus. Qui ætate senior erat, is præerat cæteris, Magister collegii vulgo nuncupatus.

II.
A qui-
bus le-
cti.

Ut Pontificum, ita Augurum legendorum alia aliis temporibus ratio fuit: jus enim illud ab Augurum

rum collegio ad populum a Domitio an. 649. translatum est; a L. Sylla an. 671. Auguribus restitutum, & a Ti. Labieno iterum an. 690. datum populo; ab Augusto tandem cæterisque Imperatoribus, licet ipsi Augures non essent, usurpatum.

Ad Augures pertinuit ex cantu volatue avium, aut ex pullorum tripudiis, somniis, portentis, oraculis responsa dare, quidque per ea Reipublicæ aut boni aut mali portenderetur, vaticinari. Auguriorum enim quinque potissimum genera recensentur, unum e cœlo, alterum ex avibus, tertium ex pullis, quartum ex quadrupedibus, quintum ex diris peti solebat. Quæ, ne longior sim (de his enim nonnihil dicam paulo post) breviter indicasse satis erit.

III.
Illorum
jura.

CAPUT III.

Flamines.

FLAMINIBUS vel pileus quo utebantur, ut vult Plutarchus, vel filum quo caput redimiti erant, ut auctor est Varro, nomen fecit. Illos non Romulus (quod scripsit Plutarchus) sed Numa (testibus Dionysio & Livio) instituit: cum enim videret Reges ab urbe belli gerendi causa sæpius abuturos, ne sacra regis vicis desererentur, Flaminem Jovi aspidum sacerdotem creavit. Huic duos adjecit, Marti unum, alterum Quirino; deinde duodecim in multorum deorum honorem, alii aliis temporibus additi sunt, ejusdem quidem nominis, sed non ejusdem dignitatis: unde illi *maiores*, hi vero *minores* vulgo dicti sunt, quod illi & antiquiores essent & patricii, hi vero & recentiores & plebei.

I.
Flamines
a
quibus
creati,
illorum-
que nu-
merus.

At cæteris omnibus, cum auctoritate tum insignibus, longe *Dialis* præstitit; cui cum aliis commune fuit, in comitiis tributis creari, inaugurari a Pontifice Maximo, & si quid admisisset sceleris, abire flaminio. Hæc vero illi plane singularia, lictore, sella curuli regia, & veste insigni uti; vinctum, si ejus ædes introierit, solvere; reum, si ad ejus pedes procubuerit, verberibus eo die prohibere; illi

II.
Flaminis
Dialis
dignitas.

exercitum armatum conspiceret, jurare, annulo uti, magistratum ullum aut petere aut gerere nefas fuit. Multo plura refert Gellius lib. 16. cap. 15. quem, si quis hæc cupit scire, consulat.

III.
Quando
sublata.

Flamen Dialis a Numæ temporibus summo semper in honore fuit ad bella usque civilia Marii & Syllæ; tum enim pulso C. Cæsare, qui sacerdotium illud etiam tum juvenis Cinnæ gener adeptus fuerat, a Sylla sublatus est, post annos plus minus centum ab Augusto restitutus. Theodosii tandem ætate una cum aliis sacerdotibus desit.

C A P U T IV.

Vestales.

I.
Unde
Vestæ &
Vestalis
nomen.

SEU a vi stando, seu a vestiando Vesta dicitur. Ovidio terra est, quod & vi sua stet, & floribus herbisque vestietur. Ciceroni vero ignis; voce a Græcis deducta, ἑστία enim ad focos pertinet. Quænam autem fuerit Vesta, docet vel historia, vel fabula potius. Diodorus Saturni filiam, Fabius Pictor Jani uxorem facit, quæ ignis æterni custodiam puellis mandaverit.

II.
Vestales
a quo in-
stitutæ.

Sacra Vestæ in Italiam fuisse a Trojanis adducta, templumque primum Lanuvii ab Ænea, tum ab Ascanio in Albano monte ipsi dicatum, auctores plerique omnes consentiunt; uter vero Romæ Vestales instituerit, Romulus an Numa, inter illos non convenit: ego Dionysio quam aliis assenserim libentius, qui a Numa creatas quatuor, & aliquanto post duas a Tarquinio Prisco additas affirmat.

Vestalis enim legendæ primum penes Reges jus erat, deinde penes Pontificem Maximum; quibus tamen non quam liberet capere integrum fuit. Lege enim cautum erat, ne qua patre aut servo aut liberto nata, aut quavis corporis labe deformis, aut annis vel sex minor vel major decem legeretur; cui vero aut soror jam Vestalis, aut pater Augur, Flamen, Salus, Septemvir Epulonum erat, illi oblatum sacerdotium repudiare fas erat.

III.
Vestalis
munera.

Simul ut in atrium Vestæ deducta Vestalis, illi cum

tum a Senatu, tum a populo etiam universo & summa jura tribui, & honores eximii deferri solebant; ea tamen lege, ut & ignem sacrum & virginis florem illibatam conservaret. Cavebant enim diligenter, ne sacer ille ignis restingeretur; ut ad simulacrum cœlestium siderum, inquit Florus, custos imperii flamma vigilaret. Si quando tamen seu Vestalis culpa, seu quovis alio casu extinctus esset, alio igne quam cœlesti illum accendi nefas; puram enim & sinceram e solis radiis flammam elicere noverant, qua sopitus ille ignis excitaretur. Hæc vero singulis flata certaue lex fuit, triginta annis deæ sacratio inservire; primo decennio ceremonias, ritus, rationemque sacrorum discere, sequenti exerce-re, postremo docere alias: quo tempore fas erat positis sacerdotii insignibus, cui vellent, nubere; quod a perpauca, nec læto vitæ exitu factum, memorix proditum est.

Si verò sacer extinctus ignis esset, aut violatus pudor, Vestalem certum supplicii genus manebat; aliud tamen, pro genere delicti, alio gravius. Si sacer restinctus ignis, virgis cædi; si damnata incestus crimine, suffodi viva jubebatur. Erat ad portam Collinam caverna altius humi depressa & inculta tenebris, in qua stratus lectulus, ardens lucerna, ac ne rea continuo fame periret, panis, lac, oleum. Hunc in locum postquam demissa erat Vestalis, clausumque ostium, altum fuit illo die per totam Urbem silentium, ingensque mœror. Ita Dionysius & Plutarchus.

IV.
Pœnæ,
si ignis,
extinctus.

CAPUT V.

Potitii & Pinarii.

DE Potitiorum & Pinariorum origine cum a Dionysio, tum a Livio aliisque Historicis hujusmodi texitur seu historia, seu potius fabula. Simul ut Cacum ob amotas per fraudem boves clava occidit Hercules, Evander qui tum ea loca regabat, pastorum clamoribus excitus accurrit, & formam habitumque viri aliquanto augustiorem huma-

1.
Potitii
& Pinarii
quando in-
stituti.

no in-

no intuens, ab eo quænam facinoris causa rogat, quis esset, unde genus? Ubi vero nomen, patrem, patriamque accepit, continuo aram extrui jubet, & bove eximio sacrum fieri, adhibitis ad ministerium dapemque Potitiis & Pinariis, quæ tum familiaræ maxime inclytæ ea loca incolebant. Forte ita evenit, ut Potitii ad tempus præsto essent, Pinarii non item; inde institutum mansit, donec Pinarium genus fuit, ne extis solennibus vescerentur.

Potitii ab Evandro edocti hujus sacri antistites per multas ætates fuerunt, donec anno ab Urbe condita 461. Potitia gens, cum auctore Appio Claudio Censore servos publicos ministerii delegandi causa solennia ejus sacri docuisset, intra annum, licet duodecim familias complecteretur, omni cum stirpe interiiit, & Censor ipse Appius haud multo post luminibus captus est. Hæc fere Livius l. 1. & 9.

C A P U T VI.

Luperci.

I.
Luperci
a quo
instituti

Alia alii de *Lupercalibus* tradunt auctores: ab Evandro ex Arcadia in Italiam translata volunt Dionysius, Livius, & Plutarchus; a Romulo & Remo instituta propter factam sibi ab avo Numitore Urbis in montem Palatino, ubi educati fuerunt, condendæ potestatem, tradit Valerius Maximus; a Romanis celebrata refert Ovidius ob beneficium a lupa Romanis præstitum in educandis pueris Romulo & Remo, templumque ad vicum Ruminalem ab iis extructum testatur, quod *Lupercal* vocatum est. Quod *Lupercal* Romanis dictum est, *Lycæum* Græcis fuit; idem enim apud Græcos *λῆκος* sonat, quod apud Romanos *lupus*, sive a lupis arcendis ne pecori nocerent vox illa deducta sit, sive a Lycæo Arcadiæ monte, ubi Pan præcipuo honore colebatur.

II.
Illorum
sacrificia & festa.

Luperci canem immolabant vel in gratiam lupæ, a qua nutritus Romulus, vel in Panis honorem, cui canis ob fidelem armentorum curam gratus esset. Si tamen Servio credimus, *Lupercal* spelunca fuit sub monte Palatino, in qua capro litabatur. Mos fuit,
ut

ut *Luperci* xv. Kalendas Martias (is enim dies *Lupercalibus* sacer erat) rem divinam nudi agerent, & per vicos urbis cursitantes scuticis e caprina pelle, cum obvios quosque, tum præcipue mulieres ferirent ut sæcundæ magis redderentur.

Lupercorum vero tres sodalitates fuisse perhibentur, una *Fabiorum*, altera *Quintiliorum*, tertia *Iuliorum*; illa jam inde ab Urbis primordiis instituta, hæc multo post in honorem Julii Cæsaris. Illis nomen a suis ducibus inditum est *Fabio* & *Quintilio*, quorum alter a Romuli, alter a Remi partibus steterat. Hæc sacra, post cædem C. Cæsaris neglecta, ab Augusto restituta sunt, teste Suetonio; & ad Anastasii Imperatoris tempora, ut auctor est Onuphrius, Romæ permanferunt.

II.
In tres
sodali-
tates di-
visi;
quando
sublati.

CAPUT VII.

Libri Sibyllini, & Duumviri sacris faciundis.

Sibyllæ apud Ethnicos deorum sacerdotes ut plurimum fuisse perhibentur, quas virginитatis honos, & maxime prædictio futurorum posteris commendavit. Afflatus divinus illis nomen fecit; *Σιδῆς* enim, vox Æolica, idem plane valet quod *Θεὸς* Deus, & *βουλή* idem quod consilium: unde *Sibylla* quasi *Θεοβουλή*, hoc est, divini particeps consilii, dicta est. Sibyllarum numerus alius ab aliis proditur. Unam agnovit Diodorus Siculus, cui nonnulli sancti Patres subscripsere; at de nomine non consentiunt: ab aliis enim *Daphne* dicitur, ab aliis *Manto* Tiresiæ filia, quæ 27. annis ante Trojæ excidium direptis Thebis, ubi hætenus manserat, Delphos ab Epigonis missa est. Duas inducit Martianus Capella, *Cumanam* & *Erythræam*; tres & Plinius & Solinus, *Delphicam*, *Erythræam* & *Cumanam*: at Lactantius, D. Augustinus, & alii plerique omnes, auctore M. Varrone, decem numerant: *Perficam*, *Libycam*, *Delphicam*, *Cumæam*, *Erythræam*, *Samiam*, *Cumanam*, *Hellespontiacam*, *Phrygiam*, *Tiburtinam*.

I.
Quæ &
quot Si-
byllæ
fuerunt.

Quænam harum Sibyllarum Cumæa, an Erythræa, II.
Libri Si-
byllini

cui & a
qua Si-
bylla o-
blati.

thræa, an Cumana potius libros Sibyllinos Romani detulerit; utri Tarquiniorum, Prisco an Superbo, illos vendiderit, incertum est. Prisco oblato volunt Lactantius & Servius, Superbo Dionysius & Gellius. In re igitur perobscura, quod similis vero mihi visum est, paucis accipe. Sibylla Cumana in qua plerique consentiunt, cui nomen vel *Amalthea* vel *Demophile* fuit, regnante Tarquinio Prisco (tempora enim magis congruunt) Romam appulit, Regique libros novem ex multarum Sibyllarum carminibus contextos obtulit, dummodo trecentos numeros ipsi solveret: despecta a Rege tres libros in ignem abjicit, deinde pro aliis idem iterum pretium poscit, iterumque Rex ridere mulieris insaniam; at illa continuo combussit librorum partem alteram & tantundem pro reliquis petit. Tum mulieris pertinaciam Rex admiratus, ex Augurum consilio & pretium persolvi, & libros servari iussit. A nobis Plinius in eo dissentit, quod tres tantum libros oblato Tarquinio, & duos a Sibylla exustos, & unum flammis ereptum velit.

III.
Duumvi-
ri crea-
ti, illo-
rumque
munera.

Hos libros inter sacra Romani Imperii Tarquinii haberi, & in Capitolini Jovis sacrario sub terram in area lapidea deponi voluit. Qui eos servarent, creavit e patriciis *Duumviros*, quorum numerus anno Urbis 388. a C. Licinio & L. Sextio Tribunis ad decem eo auctus est, ut eorum pars una e plebe, e patribus altera legeretur; quibus a L. Sylla anno 671. quinque additi: unde *quindecimviros sacris faciundis* apud auctores passim legere est. Ad illorum munus pertinuit libros Sibyllinos custodire, eosque ex senatusconsulto, si tumultu, si peste Urbs laboraret, si ingens accepta elades, aut quid mali Imperio portenderetur, consulere; tum quæ legissent, referre Senatui; ludos sæculares, caeremonias, supplicationes, sacrificia, & alia id genus, quæ libri Sibyllini præscriberent, procurare.

IV.
Libri
Sibyl-
lini
combusti.

Quo casu libri Sibyllini perierint, affirmare non ausim; quid certi ab Historicis memoriæ proditum sit, proteram: tuum esto, lector, iudicium. Anno Urbis 670. L. Scipione & C. Norbano Coss. cum Capitolium sive oblato, sive fortuito incendio de-

flagras-

flagraſſet, una cum aliis donariis hos etiam libros flammis abſumptos affirmat Dionyſius, alii non mementur.

Reſtituto haud multo poſt a L. Sylla Capitolio, bis in varia loca miſſi ſunt, qui carmina Sibyllina undique colligerent. Primum anno 677. Erythras ex ſenatuſconſulto, Cn. Octavio & C. Curione Conſulibus, *P. Gabinus*, *M. Otacilius*, & *L. Valerius*, qui (ut auctor eſt apud Lactantium Feſteſtella) deſcriptos a privatis verſus circiter mille Romam reſtulerunt; deinde ab Auguſto miſſi legati Ilium, Erythras, Samum, & in Africam, & per colonias Italiæ, ut tradit Tacitus. Cum enim permulta Sibillarum nomine ferrentur, quidquid erat fatidicorum librorum Græci Latinique generis, ſupra duo millia contracta undique cremari, ac ſolos Sibyllinos, hoſque delectu per *Quindecimviroſ* habito (teſte Suetonio) duobus forulis auratis ſub Palatini Apollinis baſi ſervari voluit: tum alios e Capitolio in idem templum a Pontificibus deſcriptos, quia characteres exoleſcebant, deſerri; cumque multo poſt ſub Aureliano templum Apollinis ariſſet, a flammis illæſi ablati ſunt, ut referunt Flavius Voſpiſcus & Ammianus Marcellinus. Anno tandem Chriſti, 389. cum Theodoſius ſenior omnia deorum idola everti juiſſet, Stilicon, qui tum Italiæ præerat, carmina Sibyllina combuſſit.

V.
Verſus
Sibylli-
ni undi-
que
quæſiti.

C A P U T VIII.

De Auguriis, Auspiciis, & Haruſpicina.

Augurium quaſi *avigerium*, ut ait Feſtus, ab avium garritu dictum, quodvis omen fuit, quod vel ſubito & ex improvifo ſive domi ſive foris objiceretur, vel ritu aliquo ſolemni prænotatum, ex cantu volatuque avium aut pullorum tripudiis futura præſagiret. Auguriorum alia erant proſpera, alia adverſa & infauſta. Utrorumque alia *oblative* dicta, quæ non poſcebantur; alia *impetrative*, quæ optata accidebant: hæc aliis certiora habita ſunt; quod fulcitari divinitus putarentur.

I.
Quid
Auguri-
um.

Captan-

II.
Augurii
captandi
ratio.

Captandi vero augurii hæc fere ratio fuit. Augur in saxo Tarpejo sedebat, & sereno puroque aere, lituo (inflexus in summo baculus erat) conversa in ortum facie, quatuor in cœlo designabat spatia, quæ *templa* dicta sunt; ita ut antica ortum, occasum postica, dextra meridiem; boream sinistra respiceret. Deinde ea concipiebat animo, quæ signa mitti vellet, vultures, aut aquilas, aut columbas; post cæsæ victimæ, fusæque ad deos preces. Tum Augur velato capite & duplici amictus toga, defixis in cœlum oculis circumspicere, numquid alicunde prodiret, si avis objiceretur, annotare, huc an illuc tenderet; prono an supino motu corporis ferretur; qua in parte se occultaret, a dextra an a sinistra canerent oscines: nec satis fuit augurium unum vidisse, nisi altero ratum haberetur. Si vero dissimilia duo visa, prius posteriori solutum est.

III.
Varia
Augu-
riorum
genera.

Quinque fuerunt auguriorum genera, alia aliunde petita: primum e cœlo nascebatur, secundum aves dabant, tertium pulli, quartum quadrupedes, quintum diræ movebant. E cœlo tonitrua & fulmina augurium dedere: quæ vero aut fausta aut infasta portenderent, sigillatim persequi infinitum fit. Avium aliæ *oscines* dictæ, quæ ore canentes facerent auspicia, ut corvus, cornix, noctua; aliæ *præpetes*, quæ volatu, cujus generis fuerunt aquilæ, vultures, buteones.

IV.
Auspici-
cia ex
pullis.

Hoc fere ritu captum de re gerenda per pullos augurium est. Summo mane imperatoque de more silentio, aut puls aut ossa, reclusa cavea, objiciebatur pullis: qui si ad oblatam escam continuo non proflirent, si illam dissiparent alis, si illa relicta vel occinerent vel avolarent; tum omen infaustum & timoris plenum. Si vero cum impetu involarent in escam & avidè depalcerentur, ita ut vescentibus aliquid dilaberetur in terram, inde magna spes rei bene gerendæ.

V.
Ex qua-
drupe-
dibus
&c.

Quæsitæ etiam ex quadrupedibus, ut lupis, vulpibus, capris, asinis, arietibus, leporibus, mustellis, muribus auspicia. Dirarum vero ea intellige, quæ præter morem in domibus, agris, corporibus &c. eveniunt: v. g. si lepus iter transverso saltu dirimeret,

rimeret, si mustella conspecta, aut serpens, si salitum, si poculum eversum, si mel a muribus corrosum, si cibus inter epulas prolapsus, si vinum effusum, si voces ex occulto missæ vel responsi instar redditæ, & ejusdem generis alia.

Haruspices a victimis in ara inspicendis dicti sunt. Illorum fuit & victimas, antequam jugularentur, considerare, & ubi dissectæ erant, earum exta: præterea flammam quæ ex incensis evolabat victimis, farinas quibus liba pinsebantur, denique thus, vina, & aquas. Si victima ductorem non sponte sequeretur, si profugisset, si elapsa ictum fessellisset, si jecur obsitum ulceribus pustulisve vel livore deforme vel duritie contractum, si cor palpitaret aut exiliret aut coivisset in rugas, si flamma vix multo flatu excitaretur vel in hiatu dehisceret nec recto ductu sursum niteretur, si thus sædum odorem mitteret &c. hæc vel offensi vel alienati numinis indicia erant. Si vero victima ad aram sponte accederet, si confossa copiosum effunderet cruorem, si jecur nativa ruberet purpura nec ulla labe scædaretur, si cor solito grandius esset & pinguedine vestitum, si flamma pura ac nitida nullaque infecta fuligine, si thus suffitum gratum cieret &c. læti ominis & faventis dei signa erant.

VI.
Haru-
spices.



DISSERTATIO QUARTA.

ROMANORUM FAMILIÆ.



UT Historiæ Romanæ studiosis adolescentibus opera nostra gratior sit, & etiam utilior, non gentes omnes Romanas, quod infinitum sit, hic persequimur; sed eas tantum, sive patriciæ sint sive plebejæ, quæ vel militari gloria vel gestis honoribus præ cæteris maxime floruerunt. Cum vero ante bella Punica Romana res aut angustis, aut iisdem, quibus Italia, finibus clauderetur; & bellorum & ducum fama primum obscurior fuit, postea illustrior. Quare familias, quæ ante illa tempora aut domi aut militiæ nobiles extiterunt, quam brevissime fieri potuit, explicuimus, quæ aliquanto post orbis imperium patriæ suæ virtute bellica pepererunt, paulo uberius. Ac ne quid etiam illud haberet fastidii, cum familiæ aliæ multos & pacis & belli artibus insignes viros protulerint, aliæ unum alterumve tantum; illarum stemma integrum appositum est, harum vero non item, sed clarissimi quique, suo quisque loco, appellati. Ne cui vero nominum similitudo errorem objiciat, & annus, quo quique Consul fuit, annotatus est, & præfixi numeri, qui continuam familiarum seriem indicent. In signandis Consulibus annis Fastos consulares, ut extant tum apud Sigonium tum apud Pighium, secuti sumus. Quare nemo sit, qui miretur, si a Glandorpio aliisque nonnullis sæpius dissentiamus.

CAPUT PRIMUM

Qui apud Romanos patricii, qui nobiles.

Romanorum omnes tum gentes tum familiæ in quatuor classes tribui haud incommode possunt: aliæ enim, si genus spectemus, patriciæ fuerunt, aliæ plebejæ; si honores, aliæ nobiles, aliæ novæ. Primum de patriciis, deinde de nobilibus dicemus, de quibus tantum hic agimus.

Urbe condita, populum omnem duas in partes Romulus divisit; unam divitum, qui *Patres*, eorumque posterì *patricii* dicerentur; alteram tenuiorum, qui *plebeji*, ut illi pauperibus patroni, isti optimatum clientes essent. Penes *patricos* sacra, iudicia, magistratus erant, totiusque Reipublicæ summa: plebis vero fuit agrum colere, alere pecus, quæstuosis artibus operam dare, & alia id genus exercere opificia. Hæc prima, ut memoriæ proditum est, *patriciorum* origo.

At cum Romulus, Tarquinius Priscus, & L. Brutus, alius alio tempore patricos allegerunt, qui *majorum gentium* dicendi sunt, qui *minorum*, Livium inter & Tacitum non convenit: Nam Livius quos Romulus adscripsit, *majorum gentium*, quos Tarquinius, *minorum*, quos L. Brutus, *Patres conscriptos* appellat: Tacitus vero vult omnes, tum a Romulo tum a Tarquinio allectos, *majorum gentium* fuisse; adscitos vero a Bruto *minorum gentium* nuncupatos. Utri horum assentiri debeas, tute ipse videris; ego certe affirmare non ausim.

Ex his facile quivis intelligat, multum inter civem Romanum & patricium interfuisse. Is enim civis erat, qui civitate donaretur; at non continuo patricius, nisi ab eo qui tum rerum potiretur, in hunc ordinem cooptatus esset. Nam Principis fuit patriciorum numerum pro arbitrio vel explorare vel augere: quod factitatum legimus primum a Tarquinio Prisco, tum a L. Bruto Consule, multo post ab Augusto, denique a Claudio, ut tradunt Livius, Suetonius, & Tacitus.

I.
Patriciorum
origo.

II.
Qui patricii
majorum &
minorum
gentium.

III.
Quid inter civem Romanum & patricium interfuit.

IV. Quæ ratione ex duabus unius gentis familiis una plebeja fuerit, altera patricia.

Unum est, quod vel eruditissimum aliquando negotium facessere solet, cur ex duabus familiis ejusdem & nominis & gentis sæpe altera *patricia*, *plebeja* altera fuerit; immo una eademque interdum familia modo *patricia*, modo *plebeja* dicatur? Qui id factum sit, multi multas causas afferunt, ex quibus tres potissimum apud Sigonium mihi probantur. Una est, quod ex *patricia* gente alii ad plebem se contulerint, alii in pristina dignitate remanserint. Contra vero e *plebeja* alii transferint ad *patricios*, alii non item; quod de gente Octavia prodidit Suetonius, quæ a Servio Tullio inter *patricios* allecta, se ad plebem aliquanto post contulit, & C. Cæsaris opera ad *patricios* rediit. Altera, quod cum *plebejus* a *patricio*, tum *patricius* a *plebejo* adoptatus, illius qui ipsum adoptabat, conditionem sequeretur. Verbi gratia M. Brutus plebejus a Q. Cæpione patricio, & P. Scipio patricius a Q. Metello plebejo adoptatus est: uti jam diximus: quare ille *Brutorum* familiam ex *plebeja patricia*, hic vero *Scipionum* familiam ex *patricia plebeja* reddidit. Tertia, quod si quis vel libertate vel civitate a patricio quopiam donaretur, is illius sive domini sive patroni nomen ferret gentilium, patricium tamen honorem non obtineret: unde duæ propagabantur familiæ ejusdem quidem nominis, at non ejusdem dignitatis.

V. Qui nobiles.

Dum solis patriciis aditus ab honoribus patuit, iidem *nobiles* erant qui *patricii*; at ubi Romana res adolevit, plebi simul cum opibus animi spiritusque creverunt: tum enim ambire honores, magistratus petere, facere secessionem a Patribus, tumultus seditionesque in urbe excitare, donec illius pervicacia fracta Patrum constantia est, plebsque ad honores ea lege admissa, ut e Consulibus alter e plebe, alter e patribus legeretur. Tunc tandem e populo bene multi assecuti Consulatum, imperia, triumphos; *nobiles* haud aliter ac *patricii* haberi cœpti sunt. Nobilitas enim nec genere nec omnibus honoribus, sed iis tantum, qui curules essent, Consulatu, Censura, & aliquot annis post *Ædilitate* majore parabatur. His muneribus qui defuncti erant, jus

jus habebant imaginum; alii non item: nam qui magistratus curules gesserant, illis sui imaginem habere domi, posterisque relinquere fas erat; vetitum aliis. Unde colligere licet, eos fuisse *nobiles*, qui multas majorum suorum ostentarent imagines; eos vero *homines novos*, qui cum nullas haberent, magistratus tamen curules vel e gente vel e familia sua primi assequerentur.

C A P U T II.

Gens Æmilia.

Sive a Mamercio Pythagoræ filio, sive ab *Æmilio* I
 Æneæ nepote, sive ab *Æmilio* Albanorum rege *Familia*
 gens *Æmilia* genus suum repetat (aliter enim aliis *gentis*
 patet) a singulari certe aut oris venustate, aut *Æmilia*.
 sermonis lepore *Æmilii* nomen invenit. Ea sane
 patricia majorum gentium fuit; & summis semper
 perfuncta honoribus, septemque potissimum fami-
 lias complectitur; *Mamercos*, *Barbularum*, *Pappos*, *Re-*
gillos, *Paulos*, *Scauros*, *Lepidos*. Aliæ enim, quas
 addit Onuphrius, obscuriores sunt. De quatuor,
 quas *primas* appellavi, familiis, quia vetustior earum
 memoria est, dicemus paucis; de aliis paulo
 uberius.

Æmilii Mamerci ab anno Urbis 260. ad annum
 circiter 450. summos in Republica magistratus ade- II.
 pti sunt. Multi Consules, multi Tribuni militares *Æmilii*
 consulari potestate, nonnulli etiam Dictatores, & *Mamerci*
 triumpho honore insignes, quorum virtus in bellis
 adversus Volscos, Æquos, Fidenates, Sabinos, &
 Veientes enituit. Aliis omnibus rerum gestarum
 gloria longe præstitit *Mam. Æmilius Mamercinus*,
 qui Tribunus militaris anno 325. deinde ter Di-
 ctator fuit; & semel atque iterum de Fidenati-
 bus triumphavit. *Mamercorum* familia ab anno
 450. per annos amplius ducentos jacuit, donec
Mam. Æmilius Livianus anno 674. Consul creatus
 est: illum enim ex *Mamercorum* familia multi
 fuisse suspicantur.

Barbularum nomen ab anno Urbis 430. ad an. III.
Barbulæ.

530. Horuit. Quatuor potissimum memorantur, *Quintus Aemilius Barbula* Consulatu duplici anno 436. & 442. triumphoque de Etruscis clarus: cujus duo filii *Marcus* & *Lucius*, uterque Consul; ille anno 468. hic 472. *Marcus* etiam Dictator fuit, *Lucius* de Tarentinis & Samnitibus triumphum egit. *Lucii* filius *Marcus* Consul ponitur anno 523.

IV.
Pappiz.

Papporum domus ab anno 430. ad 580. celebris admodum fuit, cujus princeps *Marcus* Dictator dictus est anno 432. filio tamen & nepoti virtute multo inferior: illi *Quintus*, huic *Lucius* nomen fuit; uterque Censor. Sed *Quintus*, bis cum *Fabrio* Consul anno 471. & 475. *Pyrrhi* retudit impetus: *Lucius* vero Consul anno 528. quadraginta Gallorum millia cecidit, de iisque triumphavit. *Lucii* filius *Marcus* Curio fuit Maximus. Nepos *Lucius* Prætor Siciliam obtinuit.

V.
Regilli.

E Regillis unus perhibetur *Lucius* bellica laude insignis, qui, victa ad Myonesum Antiochi magni classe, Prætor triumphum navalem assecutus est. Illius quidem pater, *Marcus Regillus* bello Punico secundo Consul relatus est; sed a *Q. Fabio* Cunctatore repudiatus, cum diceret alio Consule contra *An nibalem* opus esse.

VI.
Pauli.

Aemilios omnes gloria militari *Pauli* longe superarunt. Quatuor omnino fuerunt, duo *Marci*, totidem *Lucii*; Consulatu omnes, *Lucii* triumphis etiam clarissimi. *Marcus* Consul cum esset anno 451. Magister equitum a *Q. Fabio Rulliano* dictus est; cujus filius *Marcus* Consul anno 498. multas naves & Carthaginensibus ademitt, & naufragio amisit. *Lucius* ex eo genitus duplicem Consulatum gessit, pari fortitudine, sed fortuna longe dispari; nam in primo Consulatu an. 534. triumphavit de Illyriis, in secundo an. 537. ad Cannas cecidit. Filiam habuit *Aemiliam*, quæ *Africani* majoris uxor; & filium *Lucium*, qui *Aemilius* ille *Paulus* duplici Consulatu triumphis celeberrimus. Nam Prætor anno 564. de Hispania ulteriore, primum Consul an. 571. de Liguribus, Consul iterum an. 585. de Perse triumphavit. Duas habuit uxores: ex prima, quæ *Papyria* fuit, duos suscepit filios, totidemque filias. E filiis

FAMILIÆ.

149

filiis nati major in gentem *Fabiam*, minor in *Corneliam* adoptatus est: quare ille *Q. Fabius Maximus Æmilianus*, hic vero *P. Cornelius Scipio Æmilianus* dictus est. Filiarum altera *Q. Aelio Tuberoni* nupsit, altera *M. Catoni* Censoris filio. Ex secunda uxore, quam senex duxerat, duos etiam genuerat filios; sed eorum alter paulo ante patris de *Perse* triumphum, alter paucis diebus post obiit.

Scaurorum familia obscura admodum fuit, ab anno Urbis 563. quo *L. Æmilius Scaurus* sub *Æmilio* Regillo contra *Antiochum* militasse fertur, ad annum 638. quo *M. Æmilius Scaurus* Consulatum adeptus est, & aliquantò post Proconsul de *Liguriis* triumphum egit, & Censor stravit viam *Æmiliam*, diuque Senatus princeps in Urbe, si quis unquam civis, potuit plurimum. Ex *Cæcilia Metelli Pii* filia, quæ postea *L. Syllæ* nupsit, *Æmiliam* primum *Acilii Glabrioris*, tum *Pompeji Magni* uxorem suscepit, duosque filios: quorum alter, quod stationem *Cimbrorum* metu deseruisset, objurgatus a patre paulo durius, mortem sibi conscivit; alter *Marcus* ille *Scaurus* *Ædilitate*, ludorum apparatu, & theatri magnificentia notissimus, qui ex Prætura *Sardiniam* sortitus, *Sardorum* accusatione spe Consulatus dejectus est. Illi ex *Mutia* a *Pompejo Magno* repudiata natus est *M. Scaurus*, qui post *C. Cæsaris* mortem primum ad *Brutum*, deinde ad *Sextum Pompejum*, post ad *Antonium* fugit; eoque victo vitam ab *Octavio* obtinuit *Mutia* matris precibus. Illius filius fuit *Mam. Scaurus*, qui sub *Tiberio* eloquentiæ & ingenii laude cum floreret adulterii cum *Livia* infimulatus, hortante *Sextia* conjugē sibi cruentas manus intulit. *M. Scauri*, qui Senatus princeps fuit, indolem breviter descripsit *Sallustius* in bello *Jugurthino*, his verbis. *Æmilius Scaurus homo nobilis, impiger, factiosus, avidus potentiæ, honorum, divitiarum; cæterum vitia sua callide occultans.*

Lepidorum domum ad summos honores eveherunt *Lepidi* duo, quorum alter alterius nepos fuit. Uterque *Marcus* dictus, & bis Consul, avus anno 621. & 533. nepos 566. & 578. Hic præterea de

VII.
Æmilii
Scauri

VIII.
Æmilii
Lepidi
stirps
prima.

Liguribus triumpho nobilis, Pontifex Maximus, Censor, princeps Senatus, missusque in Ægyptum, ut tutorio nomine pupilli regnum administraret. Ab eo propagatæ sunt duæ *Lepidorum* familiæ, quorum ex altera fuerunt *M. Lepidus Porcina* a Vaccæis victus, & *Lepidus Livianus*, alique aliis temporibus Consules, quorum continua series ex Historicis colligi vix potest.

IX. Stirpis alterius princeps fuit *Marcus* ille *Lepidus*,
 Altera, ex qua
 Trium-
 viri, qui Tribunus militum Romanis de Antiocho victo-
 riam virtute sua peperit. Illius filius *M. Lepidus*
 cum *L. Oreste* Consul anno 627. quartos ludos sæ-
 culares celebravit. Ex eo natus est *M. Lepidus*,
 qui *Pompeii* ope adeptus Consulatum, acta *Syllæ*
 cum rescindere vellet, anno 675. a Collega *Q. Catulo* Urbe pulsus, in Sardinia, quo fugerat, deces-
 sit. Ambo illius filii *Lucius* & *Marcus* C. Cæsaris
 partes secuti sunt; hic prætorius, ille jam consula-
 ris: at *Marcus* a Cæsare primum Magister equitum,
 deinde Consul anno 707. factus, post illius cædem
 & Pontifex Maximus fuit, & Triumvir cum *O-*
ctavio & *Antonio*; copiis tamen aliquanto post
 spoliatus ab *Octavio*, *Circejos* relegatus est. Mul-
 to etiam tristior *M. Lepidi*, quem *Junia* *M. Bruti*
 soror illi pepererat, exitus fuit; nam infensus
Augusto cum novis rebus studeret, a *Mæcenate*
 oppressus est.

XV. *L. Aemilius Paulus*, *Marci* Triumviri frater, va-
 L. Lepi- ria etiam fortuna usus est; gesto enim Consulatu
 di, qui anno 703. proscriptus a fratre Triumviro, quem
 Trium- hostem patriæ dixerat, fugit ad Brutum, deinde
 viri fra- Miletum secessit, unde aliquot annis post ab Augu-
 ter, fuit sto revocatus, Censor lectus est. Ex *Cornelia* *P.*
 familia. Scipionis *Nasicæ* & *Scriboniæ*, quæ postea *Augusto*
 nupsit, filia *M. Lepidum* & *L. Paulum* suscepit.
 Ambo Consules fuerunt, ille anno 758. hic 753.
 Neutri filius natus est, sed utrique filia. *Aemilia* *Le-*
pida, quæ *Marci* fuit, *Druso* Germanici filio; quæ
 vero *Lucii*, *Ap. Junio Syllano* nupsit.

CAPUT III.

Gens Antonia.

Antoniorum familia duplex, altera patricia, plebeja altera, Patriciæ Merenda cognomen fuit; plebejæ nullum. Plebeja recentior quidem, sed generis honoribus multo illustrior. Nam e patricia duo tantum memorantur, quorum alter *T. Antonius Merenda*, qui Decemvir cum Ap. Claudio anno 303. ob affectatam tyrannidem cum collegis Urbe pulsus est; alter *Q. Antonius Merenda* Tribunus militaris anno 331. An tum hæc familia defierit, an se contulerit ad plebem, obscurum est.

E plebeja tres quatuorve ante Antonii oratoris ætatem produntur a Livio. *M. Antonius* Magister equitum a P. Cornelio Rufino dictus anno 419. & multo post *Quintus* & *Aulus Antonii*: quorum ille L. Æmilii Regilli Prætoris contra Antiochum; hic L. Æmilii Pauli Consulis contra Persen legatus fuit. Ætate etiam suppar illis fuit *M. Antonius* Prætor. Ab iis prognatusne sit *Antonius* orator, an secus, incertum est. Cum tamen a nemine, quod sciam, novus homo dicatur ab iis *Antonius* traxisse originem, non temere dixerim: in re enim dubia conjectura uti licet.

M. Antonius, orator ille a Cicerone tantopere laudatus, fuit prudentia & eloquentia singulari, nec militaris etiam scientiæ rudis. Nam ex Consulatu anno 654. Ciliciam fortitus tam feliciter rem gessit, ut cum triumpho redierit. Censor haud multo post factus est, & in bello civili jussu Marii cæsus, duos reliquit filios *M. Antonium* & *C. Antonium*, qui famosi quidem rebus gestis fuere, virtute tamen parenti longe inferiores. *Marcus* enim, curationem nactus rei frumentariæ, maris imperium obtinuit; sed bello Cretensibus illato victus est, cujus dedecoris impatiens mœrore obiit: unde *Cretici* cognomen illi, non honoris, sed ludibrii causa, inditum est. *Cajus* vero nihilo fratre felicior, Syllæ partes secutus post victoriam, cum A-


chajam spoliasset, a Censoribus Senatu motus est; restitutus tamen aliquanto post cum Cicerone & Prætor & Consul fuit anno 690. oppressoque per Petrejum legatum Catilina, Macedoniam Proconsul fortitus est; sed victus a Dardanis, amisso exercitu, provinciaque temere habita, accusante M. Cælio damnatus, apud Cephalenes 13. annis exulavit; donec occiso Cæsare, a M. Antonio Consule fratris filio revocatus paulo post obiit. Filiam ejus *Antoniam* M. Antonius uxorem duxerat; sed quasi a Dolabella corruptam, patre etiam tum superstitite, dimisit.

IV.
Antonii
Trium-
viri fra-
tres &
gesta.

M. Antonio Cretico oratoris filio duæ uxores fuerunt, *Numitoria*, & *Julia* L. Cæsaris, qui Consul in bello sociali Samnites vicit, filia; quæ deinde post mariti mortem nupsit P. Cornelio Lentulo, qui ob Catilinæ conjurationem in carcere necatus est. *Antonius* ex *Numitoria* nullos liberos sustulit; ex *Julia* filios tres, *Marcum*, *Cajum*, & *Lucium Antonios*. M. *Antonius* & in Syria sub Gabinio meruit, & in Gallia sub C. Cæsare, a quo in dissensione civili primum Magister equitum, deinde Consul anno 709. creatus est; cujus cædem ulturus, Triumviratum cum Octavio & Lepido assumpsit. Sex bella vario eventu gessit; tria civilia, *Mutinense* contra Rempublicam, *Philippense* contra Brutum & Cassium, *Asiacum* contra Octavium: tria item externa, *Armeniacum* contra Armeniæ Regem, *Syriacum* & *Parthicum* adversus Parthos. In *Philippensi*, *Syriaco* & *Armeniaco* victor, in *Mutinensi*, *Parthico* & *Asiaco* victus, Alexandriæ victoris Octavii metu se gladio transfixit. Fratrum *Catii* & *Lucii* aut tristior ut obscurior exitus fuit; quorum ille missus in Macedoniam Bruti jussu cæsus est, hic vero post triumphum de Alpinis gentibus, & bellum Perusinum cujus auctor fuerat, incerto mortis genere periit.

V.
Uxores
& liberi.

M. *Antonius* Triumvir habuit uxores quinque, *Fadiam*, *Antoniam* C. Antonii avunculi filiam, *Canninii Galli* antea uxorem, *Fulviam* quæ prius & P. Clodio & C. Curioni nupserrat, *Octaviam* Octavii Cæsaris sororem, quæ jam ex C. Marcello Marcellum



cellum & duas *Marcellas* pepererat, & *Cleopatram* *Ptolemæi* *Auletis* filiam, Reginam *Ægypti*. Ex *Fadia* nullos, quod sciam, suscepit liberos; nullos etiam ex *Antonia*. Ex *Fulvia* duos filios, *M. Antonium* qui *Octavii* iussu *Alexandriæ* necatus est, & *M. Julium Antonium*. Ex *Octavia* duas *Antonias*, quarum major nupsit *Druso* *Liviæ* filio, privigno *Augusti*; minor *L. Domitio* *Ænobarbo*. Major ex *Druso Germanicum*, minor ex *Domitio Cn. Domitium* *Neronis* Imperatoris patrem genuit. Ex *Cleopatra* mares duos, *Alexandrum* & *Ptolemæum*, scæminam unam *Cleopatram* sustulit, quæ ab *Octavio* *Jubæ* juniore *Mauritanix* Regi uxor data est. Quid de *Alexandro* & *Ptolemæo* post *Octavii* triumphum factum sit, memoriæ non est proditum.

M. Julius Antonius, *Triumviri* & *Fulviæ* filius, ab *Augusto* non vita solum & libertate, sed *Sacerdotio* etiam, *Prætura*, & *Consulatu* an. 743. donatus, admissi cum *Julia* adulterii pœnas voluntaria morte luit, cum jam ex *Marcella* *Augusti* nepte suscepisset *L. Julium Antonium*, qui paulo post ab *Augusto* studiorum causa, ut tum ferebatur, sed re ipsa in exilium missus est *Massiliam*, ubi sub *Tiberio* anno 776. interiit, & cum eo tota *Antoniorum* familia.

VI.
Quando
interiit
ipsum
familia.

CAPUT IV.

Gens Aurelia.

Gens *Aurelia* plebeja quidem, at nobilis, tribus cognominibus distincta fuit; *Cottarum*, *Orestarum*, & *Scaurorum*. E *Scauris* unus *M. Aurelius Scaurus* *Consulatum* adeptus est anno 654. & paulo post in *Gassii* *Consulis* exercitu legatus a *Cimbris* cæsus est. Ex *Orestarum* familia tres in *Fastis* *Consules* numerantur, quibus omnibus *Lucii* prænomen fuit. Unus anno 596; alter is, qui anno 627. ludos sæculares quartum celebravit; tertius anno 650. in *Consulatu* mortuus.

Cottarum domus, quæ a *Sabinis*, ut *Aurelii* cæteri, originem, ἀπὸ τῆς ἰρᾶς ab ira *Cottæ* nomen invenit,

I.
Gentis
Aureliæ
tres fa-
milix,
Cottæ,
Scauri,
& Ores-
tæ.

II.
Cotta-
rum
tres

familiæ,
prima &
secunda.

nit, ab anno 500. ad Neronis usque tempora cum ingenii laude, tum summis floruit honoribus. Mihi quidem si conjicere licet, triplex *Cottarum* familia fuisse videtur, affirmare tamen non ausim; quarum uni *Cajus*, alteri *Lucius*, tertiæ *Marcus* prænomen ut plurimum adhæserit. Ex prima Consules duo, totidem ex secunda, ex tertia quinque recensentur. Ex prima *C. Cotta* duplici Consulatu anno 501. & 505. Censura & triumpho de Pœnis & Siculis nobilis; illiusque nepos *C. Cotta* Consul 553. Ex secunda duo *Lucii Cotta*, pater & filius, ille anno 609. hic 634. Ille ne Hispaniam Proconsul obtineret, a Scipione Æmiliano prohibitus; hic Galliam sortitus, quod gesserit, incertum.

III.
Tertia.

Tertiæ familiæ, ut opinor, princeps fuit *I. Marcus* ille *Cotta*, qui a *C. Carbone* in exilium pulsus est, cujus filius tum pietate in patrem, tum liberorum amplitudine clarus extitit; nam eodie, quo togam virilem sumsit, *Carbonem* accusasse dicitur: ex *Rutila* genuit *Aureliam* *C. Cæsar*is matrem, tresque filios *Cajum*, *Marcum*, & *Lucium*, ingenio & eloquentia pacisque artibus prope pares, bellica vero laude non item. Nam *Cajo* ob res in Gallia fortiter gestas post Consulatum anno 679. honor triumphphi delatus erat; sed morte repentina paulo ante triumphum obiit. *Marcus* *L. Luculli* anno 679. in Consulatu collega a *Mithridate* ad *Chalcedonem* turpiter victus fugatusque est. *Lucius* vero Prætor judiciorum Senatui, equitibus, & Tribunis ærarii communicavit; haud multo post Consul ann. 688. & continuo Censor, ad bellum usque *Mutinense* vixit. *C. Cottam*, qui cum ætate, tum militari & forensi gloria fratribus paulo superior fuit in libris de Oratore & de Natura Deorum loquentem inducit *Cicero*. A filio *Lucii*, ut est conjectura, id enim obscurum est, in gentem *Aureliam* adoptatus est. *L. Aurelius Cotta Messalinus*, *M. Messalæ* oratoris filius, qui Consul anno 756. fuisse, & sævissimæ cujusque sententiæ auctor dicitur. Illius tum filio tum nepoti *Marcus* nomen fuit. Illi Consulatum anno 772. *Tiberius*; huic bonis dissipatis annuam pensionem *Nero* dedit.

CA-

CAPUT V.

Gens Cæcilia .

Cæcilius alii a Cæculo Vulcani filio , qui Prene-
ste condidit ; alii a Cæcade Æneæ comite pro-
gnatos volunt . Ut ut est , illi Cæcilii nomen (quæ
sententia verior est) ab oculorum parvitate ; Metelli
vero a voce militari , quæ mercenarium significat ,
inditum est . Haud scio an ulla gens , si Corneliam
exceperis , Cæciliæ par fuerit rerum gestarum splen-
dore . Nullam certe reperias tot cognominibus devi-
ctarum a se gentium nobilitatam : fuerunt enim Cæ-
cilii Macedonicus , Numidicus , Dalmaticus , Baleari-
cus , & Creticus ; hoc tamen pluribus inferior , quod
non patricia , sed plebeja fuerit .

Consulatum ex hac gente primus obtinuit an.
469. Lucius Cæcilius Metellus , cujus filius L. Metel-
lus duplici Consulatu an. 502. & 506. Magisterio
equitum , Dictatura , Pontificatu Maximo , trium-
pho de Pœnis , in deos pietate clarissimus exitit .
Nam 13. hostium duces ante curram victos , &
120. elephantos in triumpho duxisse fertur , oculos-
que , dum sacra Vestæ medios per ignes auferret ,
amisisse : quare illi concessum , ut quoties iret in
Senatum , curru veheretur . Tres habuit filios , *Quin-*
tum , *Lucium* , & *Marcum* , gloria inter se longe di-
spares . *Lucio* enim , quod post cladem Cannensem
deferendæ Italiæ auctor fuisset , infamiæ nota inusta
est . *Marcus* non ultra Præturam ascendit . *Quintus*
vero dignitate patri prope par . Consul fuit anno
547. Magister equitum , Dictator & Pontifex Maxi-
mus , in eoque patre superior , quod ex duobus quos
susceperat filiis , *Q. Macedonico* & *L. Calvo* , duæ
Metellorum familiæ propagatæ sint .

Q. Metellus , qui Prætor ex domita Macedonia ,
victoque Pseudophilippo *Macedonici* cognomen &
triumphum retulit , & Achæos prælio fudit , Con-
sul anno 610. Celtiberos etiam domuit ; aliquanto
post Censor a Scipione Æmiliano dissensit sæpius :
idque illi singulare fuit , ut mortuus efferretur a qua-

I.
Cæciliæ
gentis
decora .

II.
Familia
L. Me-
telli quæ
Pœnos
vicit .

III.
Q. Me-
telli Ma-
cedoni-
ci .

tuor filii, ex quibus unus jam triumphalis, tres consulares erant. Sex enim liberos genuit, mares quatuor, duas foeminas; quarum altera P. Servilii Isaurici, altera P. Scipionis qui in exilio periit, mater extitit. Filii fuerunt *Q. Metellus Balearicus*, *Lucius Metellus Dalmaticus*, *M. Metellus*, & *C. Caprarius* ob ingenii tarditatem *Metellus* dictus, Consules omnes alii alio tempore: *Marco* & *Cajo* vel nulli vel non admodum illustres liberi nati sunt; quare de illis nihil dicemus. Sed primum de *Quinto*, tum de *Lucio*, denique de *L. Calvo Macedonici* fratre eorumque posteris agemus breviter. Unum est tamen, quod te monitum velim, *Marcum* & *Cajum* non Consules tantum fuisse, sed etiam triumphales. Eodem enim die uterque cum Consulatum gessisset anno 638. de Sardis; hic etiam tum Consul anno 640. de Thracibus triumphavit.

IV.
Q. Metelli Balearici.

Q. Metellus, Consulatu anno 630. Censura, de Balearibus triumpho, & Balearici nomine insignis, duos filios genuit. Uterque *Quintus* dictus est; sed alteri ob celeritatem, qua munus gladiatorium paucis post patris obitum diebus dedit, *Celeris*, alteri ob dissipatam rem familiarem *Nepotis* cognomen adhæsit: hic tamen Consul fuit anno 655. ille non item. Utrique filius natus; alter *Q. Metellus Nepos*, alter *Q. Metellus Celer* a patris prænomine & cognomine vulgo nuncupatus: ille Consul 686. Ciceronem exulem Romam revocari curavit, hic Prætor Ciceronem Consulem ad opprimendum Catilinam enixe jovit; biennio post Consul 693. ab uxore Clodia ut fama fuit veneno sublatus interiit.

V.
L. Metelli Dalmatici.

L. Metellus Dalmaticus, itidem ut frater *Balearicus*, Consulatu anno 634. Censura, triumpho, gentisque devictæ cognomine enituit. Illius filii *Quintus* & *Lucius* Consules etiam fuerunt: ille anno 684. hic 685. Sed *Lucius* in Consulatu mortuus; *Quintus* vero in bello Piratico tam feliciter contra Cretenses bellum gessit, etiam si ipsi Pompejus adversaretur, ut iis domitis & triumphum & *Cretici* cognomen reportarit. *Cæcilia* ejus filia M. Crasso diviti nupsit. Ab ejus filio, qui Tribunus plebis fuit, Crasso secundum Consule adoptatus est, nisi falsus

falsus sum. *Quintus* ille *Metellus Creticus Silanus*, qui sub Augusto Consul anno 759. ponitur.

L. Metelli Calvi, qui *Macedonici* frater erat, familia summis etiam effulsit honoribus; nam & ipse Consul fuit anno 611. & filiam habuit *Cæciliam L. Luculli* matrem, & duos filios *Lucium* & *Quintum*, ambos Consules, illum anno 634. hunc anno 644. *Lucius* etiam summo Pontificatu; *Quintus* vero *vi-*
storiis & triumpho de *Jugurtha*, *C. Marini* & *Saturnini* odio, exilio, reditu, Censura celeberrimus extitit. Nec minor gloria illius filii, *Q. Metelli*, qui a pietate in patrem, quem precibus & lacrymis ab exilio revocavit, *Pius* dictus est. Nam Prætor *Q. Poppedium* Mariorum ducem interfecit. Proconsul *Sertorium* vicit, Consul una cum *Sylla* Dictatore anno 673. fuit, Censor, Pontifex Maximus, opibus, magnificentia, affinitatibus civis clarissimus: illius enim filia *Cæcilia* duobus viris, qui tum poterant plurimum, primum *M. Scauro* Senatus principi, deinde *L. Syllæ* paulo post Dictatori nupsit, ipseque cum prole mascula careret, adoptavit *P. Scipionem Nasicam*, qui *Pompeji Magni* focer in Africa periit, & vulgo *Q. Metellus Pius Scipio* appellatur.

VI.
Q. Metelli Numidici.

C A P U T VI.

Gens Calpurnia.

Calpurnii sive Calpurnii, licet plebei; a *Calpo*
Numæ Pompilii filio originem repetebant. Eo-
rum alii *Pisones*, alii *Bibuli*, alii *Flammæ* dicti
sunt. E *Pisonibus* Consules multi numerantur, unus
e *Bibulis*, e *Flammis* nullus. Illi *Bibulo Marcus*
prænomen fuit, qui anno 694. *C. Cæsaris* in Con-
sulatu collega adeo nihil poterat, ut per jocum di-
ceretur *Cajo & Cæsare Consulibus*. Censor tamen
aliquanto post creatus est fidelemque Pompejo con-
tra Cæsarem navavit operam.

Ut *Calpurniorum*, ita *Pisonum* diversa fuerunt
cognomina; allis enim *Cæsonini*, aliis *Frugi*, aliis
Bestæ, aliis vero *Pisonis* tantum cognomen adhæ-
sit.

I.
Calpurnii,
Flammæ, &
Bibuli.

II.
Pisones,
Cæsoni-
ni.

fit, Familia omnium nobilissima *Cæsoninorum* fuit, ex quibus *Besteæ*, & ut suspicor, *Frugi* etiam propagati sunt. *C. Piso* Consul anno 573. duos filios habuit, *L. Cæsonium*, & *Q. Pisonem*, quorum alter Consul fuit anno 605. alter 618. Ex *Quinto* nulli liberi; ex *L. Cæsonino* duo filii nati sunt, *L. Piso Cæsoninus* Consul anno 641. & *L. Piso Besteæ* Consul anno 642. Ille post Consulatum cum *L. Cassio*, cujus legatus erat, a Tigurinis cæsus est; hic in Jugurtham bellum acriter aggressus, multas urbes pugnando cepit: sed paulo post pecunia (ut tum fama fuit) corruptus, cum hoste pacem iniit. *Lucii Pisonis* ex filio nepos fuit *Lucius* ille *Piso Cæsoninus*, qui una cum *Gabino* Consul anno 695. Ciceronem a Clodio Urbe pelli non ægre passus est; quare in eum etiam nunc extat elegans illa Ciceronis oratio, quæ in *Pisonem* inscribitur. Ejus liberi multum in Urbe potuerunt: nam filia *Calpurnia* *C. Cæsari* paulo post Dictatori nupsit; filius *L. Piso* & Consul anno 739. & Pontifex, & Præfectus urbis per annos viginti, ad cujus filios *Horatius* aureum de *Arte Poetica* libellum inscripsit nisi malis assentiri aliis, qui Præfectum illum urbis, non ex *Cæsonini*, sed ex *Frugi* familia oriundum volunt. Ut ut est, illius seu filius seu nepos, Consul etiam anno 809.

III.
Cal-
phur-
nii, Fru-
gi, &
Piso-
nes.

E stirpe *Frugi* Consul unus anno 620. perhibetur *L. Piso*, qui & *Frugi* cognomen ex singulari continentia invenit, & bellum servorum confecit in Sicilia. Ex illa verò *Pisonum* familia, quæ nulum aliud cognomen adscivit, erant tum *Cn. Piso* Consul anno 614. illiusque, ut opinor, nepotes *C. Piso*, qui anno 686. legem de ambitu tulit; & *M. Pupius Piso* Consul 692. tum *Cn. Piso*, qui Pompejanas partes in Africa secutus, ab Augusto tamen Consul an. 730. dictus est, cujus ambo filii Consules fuerunt, *Lucius*, anno 752. *Cn. Piso* 746. *Tiberii* in Consulatu collega, & aliquanto post *Syriæ* ab eo præfectus Germanicum, ut perhibent, veneno sustulit. Illius tamen filius, mutato *Cneji* nomine in *Lucium*, ann. 779. assecutus est Consulatum. Duorum *Pisonum Besteæ*, & Præfecti urbis mores descripserunt *Sallustius* & *Vellejus*, alter alterius:

terius: ille *Besſeæ*, hic Præfecti urbis, uterque breviter. Sallustii de *Besſeæ* hæc verba sunt. In Consule nostro multæ bonæque artes animi & corporis erant quas omnes avaritia præpediebat. Patiens laborum, acri ingenio, satis providens, belli haud ignarus, firmissimus contra pericula & insidias. De L. vero Pisonæ urbis Præfecto ita Vellejus l. 2. De quo viro hoc omnibus sentiendum ac prædicandum est, esse mores ejus vigore ac lenitate mixtissimos: & vix quemquam reperiri posse, qui otium aut validius diligit; aut facilius sufficiat negotio, & magis quæ agenda sunt, curet, sine ulla ostentatione agendi.

CAPUT VII.

Gens Claudia patricia.

Claudiorum duæ gentes Romæ fuerunt, quibus I. Clau-
dispar quidem genus, sed par gloria: nam al-
tera patricia fuit; plebeja altera; utraque viris
domi militiæque inclytis admodum fecunda. Pri-
mum de patricia, tum de plebeja paucis dicemus.

Accius Clausus Sabinus, cui postea *Ap. Claudio* II.
nomen fuit, sex circiter annos post exactos Reges
Regillis Romam cum profugisset, & inter patricios
allectus est, & multis cum ipse decoratus honori-
bus, tum ipsius posteris 28. Consulatus, Dictaturis
5, Censuris 7, triumphis 6, ovationibus 2. clari-
fisse dicuntur. Primum *Regillenses*, deinde *Crassi*,
denique (ubi gentis in tres familias ab *Ap. Cæci*
liberis divortium factum est,) alii *Claudii pulchri*,
alii *Nerones*, alii *Centhones* vulgo nuncupati sunt.

Ap. Claudio gentis principi, qui Consul fuerat
anno 258. duo filii nati sunt, *Appius* & *Cajus*, III.
uterque Consul, ille anno 292. hic 293. *Appius*,
plebi itidem ut pater infestus, exercitum quod pu-
gnare detrectasset, cæsis Centurionibus, sorte deci-
mavit; filiumque habuit *Appium* illum, qui anno
302. Decemvir, cum & principatum affectaret, &
Virginiam virginem a patre abducere conaretur,
confectus in carcerem sibi mortem conscivit. Illius
filius Tribunus militaris anno 329; nepos Dictator
Herni-

I.
Clau-
diorum
gens.

II.
Patriciæ
origo &
familiz.

III.
Appii.
Claudii.

Hernicos vicit : pronepos Consul , omnes *Appii* : abnepos vero *C. Claudius* Dictator 416. qui tres suscepit liberos, *Claudium Vestalem* & duos *Appios*. Natu majori *Crassi* & *Cæci*, natu minori *Caudicis* cognomen fuit, quod Consul anno 489. Mamertinis auxilio missus parvis naviculis exercitum in Siciliam traduxerit. De Pœnis & Hierone tum victoria tum triumpho, postea Censura clarus extitit.

IV.
Claudii
Crassi.

Major tamen gloria fuit fratris *Ap. Crassive* sive *Cæci*, qui bis Consul an. 447. & 457., semel Dictator, Sabinos, Samnites, & Etruscos sæpe vicit : per quinquennium Censor ad Brundisium usque viam Appiam stravit, & senex & cæcus turpissimas pacis cum Pyrrho condiciones discussit, quatuorque filios genuit, *Ap. Claudium Crassum*, *P. Pulchrum*, *C. Centhonem*, & *Tib. Neronem*. An *Ap. Crassus* Consul anno 485. prolem masculam reliquerit, obscurum est : alii certe cognomina sua in tres nobilissimas familias propagarunt, cum e *Centhonibus* duo tantum hujus nepos & pronepos *Cajus* & *Appius*, ille Consulatu anno 513. Censura & Dictatura insignis, hic Prætura & ovatione de Celtiberis. De his addemus nihil ; nunc de *Pulchris* ; post de *Neronibus* agemus.

V.
Claudii
Pulchri.

P. Claudius Pulcher Ap. Cæci filius Consul anno 504. cum contra auspicia pugnasset, a Pœnis victus est. Natus ex eo *Ap. Pulcher* Consul anno 541. tres filios habuit *Appium*, *Publium*, & *Cajum*. Omnes Consules fuerunt, primus anno 568. alter anno 569. tertius anno 576. qui post Consulatum de Liguribus triumphum & Censuram obtinuit. Primum *Appii* tum *Caji* posteros persequemur, *Publio* enim nulla proles fuit.

Appii filius item *Ap. Pulcher* Consulatu 610. triumpho de Salassis (gens erat Alpissa) Censura & Senatus principatu enituit. Illius quidem filia *Tib. Graccho* viro clarissimo nupsit ; at ex ejus nepotibus nullus Consulatum adeptus est. Ejus pronepos *Livius Drusus Claudianus* per adoptionem insertus *Liviorum* familiæ avus fuit *Liviæ*, quæ primum *Tib. Neronis*, diende *Augusti* uxor extitit.

C. Cla-

C. Claudii filio & nepoti *Cajus* prænomen fuit, Clodii
uterque Consul, alter anno 623. alter anno 661. Tribuni
Hic duos habuit filios *Appium* & *Cajum*, qui Præ- plebis
tor a Spartaco victus est. *Appius* Consul anno 674. familia.
tres mares totidemque scæminas sustulit, *Appium*,
Cajum, & *Publium*. *Appius* ex Consulatu anno
699. Ciliciam anno ante Ciceronem sortitus est, Cen-
suramque gessit cum L. *Pisone*. *Publius* seditiosus
ille Tribunus Ciceronem urbe expulit, & a *Milone*
cæsus est. Duæ ex iis *Clodiæ* natæ sunt: quarum
altera, quæ *Appii* filia erat, Cn. *Pompejo* Magni
filio nupserat; altera, quæ *Publii*, C. *Cæsari* *Octa-*
viano desponsata fuit. *Cajus* eorum frater præter
Tribunatum nullos honores gessisse legitur. Sed fi-
liorum alter *Sextus*, cum a partibus *Antonii* ste-
tisset, Consul anno 715. fuisse perhibetur. De *P.*
Clodio Tribuno plebis hæc breviter *Vellejus* l. 2.
P. Clodius homo nobilis, disertus, audax, qui neque
dicendi neque faciendi ullum, nisi quem vellet, nosset
modum, malorum propositorum executor acerrimus.

Tib. Claudius Nero Ap. Caci filius duos suscepit
liberos, *Tiberium* & *Publium*. Hujus filius Consul
an. 515. nepos & pronepos Prætores; omnes *Tiberii*
dicti. Ex *Tiberio Ap. Caci* nepote natus est *Cajus*, VII.
ille *Nero*, qui Consul anno 546, cum *Livio Salina-* Claudii
tore *Asdrubalem* fratrem *Annibalis* ad *Metaurum* flu- Nerones
men cum exercitu cecidit, copiasque *Annibalis* se-
mel atque iterum fudit, Censuramque aliquanto post
gessit cum eodem *Livio*. Ex illius nepotibus nullus
Consul fuit, Prætorii duo. Abnepos *Tib. Nero*,
Quæstor C. *Cæsaris* in bello *Alexandrino*, ex *Livia*
procreavit *Tiberium* postea Imperatorem & *Drusum*
Germanicum, de quibus in gente *Julia*.

CAPUT VIII.

Gens Claudia plebeja.

HUic genti haud immerito *Marcelli* cognomen I.
quasi *Marcii* inditum est: laude enim belli Marcel-
ca maxime floruit. *M. Claudius Marcellus* Consul li quin-
anno 422. & aliquanto post Dictator, pater fuit *M.* Consu-
R Mar- lisgenas

Marcelli Consulis anno 466., cujus ex filio *Marco* *Ædili* nepos fuit *Marcus* ille *Marcellus*, qui Consulatus quinque anno 531. 538. 539. 543. & 545. cæso *Virdumaro* Gallorum Rege, optimis spoliis *Jovi Feretrio* consecratis, de Gallis, *Insubribus*, & Germanis triumpho, fuso semel atque iterum ad *Nolam* *Annibalem*, captis post triennalem obsidionem *Syraculis*, & majorum & nepotum gloriam longe superavit. *Annibalem* enim primus vinci posse docuit, eamque laudem assecutus est, ut populi *Romani* gladius vulgo diceretur. *Annibalis* tandem insidiis deceptus occubuit. Ipsi duo filii nati sunt, *M.* & *C. Marcelli*. Tertium addunt nonnulli *M. Marcellum* Consulē an. 570. Ex *Cajo* propagati sunt *Marcelli Æsernini*, e quibus duo tantum Consules humerantur, *P. Lentulus Marcellinus* an. 735. & *M. Æserninus* 731.

II.
Pesceri.

M. Marcellus, *Marcelli* quinquies Consulis filius natus major, & ipse Consulatu ann. 557. de Gallis *Insubribus* triumpho, Pontificatu, & Censura nobilis, filium abuit *Marcum* ter Consulē an. 587. 598. & 601. duplicique clarum triumpho, qui sibi, patri, avo statuas posuit, quibus inscripsisse fertur: *Hi Marcelli novies Consules*. Ejus filio *Marco* Prætorio duo fuerunt liberi, *Marcus* & *Cnejus*; qui prætorius ex *Junia* pater fuit *Caii Marcelli* Consulis ann. 703. ad quem *Epistolæ* *Ciceronis* lib. 15. *Marcus* *Ædilitius* genuit *Marcum* & *Cajum*, quorum uterque Consul, ille an. 702. hic 712. *Marcus* de provinciis *C. Cæsari* tollendis cum ad Senatum primus retulisset, veniam tamen vitamque Senatus precibus obtinuit: quare *Cæsari* cum suo tum *Reipublicæ* nomine gratias egit *Cicero* eleganti illa oratione, quæ pro *Marcello* inscribitur. *Cajus* vero ex *Octavia* minore *Augusti* sorore duas *Marcellas* reliquit, illumque *Marcellum*, qui jam *Ædilitius* in spem Imperii adolefcebat, cum immatura morte sublatus est. *Marcellarum* major primum *M. Agrippæ*, deinde *M. Julio Antonio*; minor *M. Valerio Messallæ Barbato*, ut est conjectura, nupsit.

C A P U T IX.

Gens Cornelia.

INfinitus ego sum, si Cornelios omnes persequi velim. *Corneliorum* enim vel duæ gentes, vel etiam plures, ex quibus vel una patricia adeo late patuit, ut duodecim prope familias complexa sit, *Maluginenses*, *Cossos*, *Arvinas*, *Scipiones*, *Lentulos*, *Cethegos*, *Rufos*, *Syllas*, *Cinnas*, *Dolabellas*. An *Sisennæ*, *Mammulæ*, *Merendæ*, *Merulæ*, *Scapulæ* ex eadem gente fuerint, obscurum est. E *Sisennis* & *Mammulis* Consul nullus, e *Merendis* unus anno 479. unus etiam e *Scapulis* an. 425. e *Merulis* duo uterque *Lucius*; alter anno 560. alter 666. Fuit illud *Corneliis* singulare (illud enim annotare non abs re fuerit) non cremare, sed terræ mandare mortuos. Primus ex hac gente Sylla Dictator cremari voluit.

Ser. Cornelius Maluginensis Consul anno 268. duos suscepit filios, *Lucium* & *Marcum*. Ille Consul anno 294. contra Volscos rem bene gessit; hic Decemvir in exilium pulsus est. Hujus filius *Marcus* Consul ann. 317. Illius vero *Sergius* pater *Publii*, qui bis Tribunus militaris an. 349. & 356. duos filios habuit, *Sergium* & *Marcum*; utrumque Tribunum militarem, illum octies, hunc semel atque iterum, an. 383. & 386.

Cornelio Maluginensi, *Marci* Decemviri ex filio nepoti, ex facie rugosa *Cossi* cognomen adhæsit; ipse cæso Larte Tolumnio Vejentium Rege, alter a Romulo opima spolia Jovi Feretrio tulit: Consul anno 325. & Magister equitum paulo post sub Dictatore Mamercio. Ex eo nati *Aulus*, *Publius*, & *Cneus* omnes Tribuni militares, alius alio tempore. *Publius* præterea Dictator Volscos cecidit. *Cneus* Consul an. 344. *Aulus Auli* filius fugatis Volscis Dictator M. Manlium Capitolinum in carcerem conjici jussit; duos, ut est conjectura, filios reliquit, *Aulum* bis Magistrum equitum; & *Publium A. Cossi Arvinæ* patrem.

I.
Gentis
Cornelii
familia

II.
Cornelii
Maluginenses.

III.
Cossi.

IV.
Arvinz.

A. Cossus Arvina Magisterio equitum sub Camillo, Consulatu duplici 410. & 421. Dictatura & triumpho de Samnitibus nobilis.

V.
Scipiones.

Scipionibus pietas nomen fecit. *Publio* enim *Cornelio*, quod cæcum patrem regeret, *Scipionis* cognomen inditum est. An ex *Maluginensium Cossorumve* familia fuerit, incertum est. Illius enim nec patris nec avi nomen proditur, *Maluginensem* tamen fuisse suspicor. Ut *Corneliorum*, ita *Scipionum* varia cognomina diversæque familiæ: fuerunt enim *Scipiones*, *Asinæ*, *Hispalli*, *Africani*, *Asiatici*, & *Nasica*.

VI.
Scipiones
Asinæ &
Metelli.

Scipionum stemma hætenus perobscurum ex fastis commode sic explicari potest. *P. Cornelio*, qui & Magister equitum fuit sub Camillo anno 357. & interrex an. 361. tres filii nati sunt, *Lucius*, *Cneus*, & *Publius Scipiones*, omnes dicti patris cognomine. *Lucius* Consul ponitur an. 403. *Publius* Magister equitum eodem anno. *Cnei* in fastis nulla mentio. *Lucius* liberis caruit: ex *Cneo Asinæ*, & *Hispalli*; ex *Publio Africani*, *Asiatici*, & *Nasica* propagati sunt. *Cneus* enim *Scipio* ex *Lucio* filios duos nepotes habuit, *Cn. Asinam* & *L. Scipionem*. Uterque Consul fuit; ille bis an. 493. & 499. hic semel an. 494. Uterque triumpho de Pœnis clarus. *Cnei* filius *Asinæ P. Asina* Consul fuit an. 532. ac de Isthis triumphavit. *Lucii* vero pronepos *Cn. Scipio Hispallus* Consul anno 577. ex eoque natus *Cn. Scipio Hispallus* an. 614. Prætor peregrinus Chaldæos Urbe expulit.

VII.
Scipiones
Africani
genus.

Publius, primi *Scipionis* filius, pater fuit *L. Scipionis* Consulis an. 455. cujus ex *Lucio* filio nepotes fuerunt *Cn.* & *P. Scipiones*. Uterque Consul; *Cneus*, *Calvus* vulgo dictus an. 531. *Publius* 535. qui ab Annibale ad Ticinum fusus, Hispaniam cum fratre legato obtinuit. Ab iis ad Illiturgum *Amilcar*, Mago & *Asdrubal* victi, deinde Anno ad Incibile superatus; iterum Mago & *Asdrubal* primum ad Illiturgum, tum ad Mundam, denique ad Auringen fugati; sed tandem *Publius* ad Incibile victus & occisus est, & paulo post *Cneus* etiam victus in prælio occidit. *Cneus* filium habuit *Scipionem*

hæm Nasicam; *Publius* vero *P. & L. Scipiones*, quorum ille *Africani*, hic *Asiatici* cognomen victoriis sibi peperit.

P. Scipio Africanus major, servato in pugna *Ti-* victor
P. Scia
pionis
Africa-
ni ma-
joris.
einenli patre, decemque Romanorum millibus ex clade Cannensi Canusium perductis, etiam tum adoleſcens in Hispaniam missus est; novam Carthaginem cepit, Asdrubalem & Magonem semel atque iterum victos Hispania expulit; tum in Africa pri- mum Syphacem & Asdrubalem, deinde ipsum An- nibalem, denique Verminam Syphacis filium vicit; leges pacis & Carthaginensibus imperator, & ali- quanto post Antiocho fratris legatus præscripsit: sed tandem post tot in patriam merita vir ille duplici Consulatu annis 548. & 559. Censura, Senatus prin- cipatu, victoriis & triumpho, ætatis suæ longe clarissimus Linterni exul obiit. Ex *Æmilia L. Pau-* li, qui ad Cannas cecidit, filia genuit duas *Corne-* lias, quarum major *Scipioni Nasicæ* viri optimi fi- lio, altera *Tib. Graccho*, nupsit, & *P. Scipionem*, qui captus ab Antiocho patrii gratis remissus est.

Cum infirma esset valetudine, liberisque careret, IX.
Africanus
minoris
victorie.
Prætorius cognatum suum adoptavit *L. Pauli*, qui *Perſen* vicit; filium, qui *P. Scipio Æmilianus* di- ctus est; vir patri avoque bellica laude par, lite- rarum vero humaniorum scientiâ longe superior, duo maxima bella confecit, Punicum tertium & *Numan-* tinum. Duplex triumphus, alter de Carthagine de- lecta *Africani*, alter de *Numantia* everſa *Numantini* cognomen illi dedit; quamvis Consulatum nunquam petierit, bis tamen Consul factus est, semel ante ætatem an. 606. iterum absens etiam præter leges an. 619. & ante secundum Consulatum Censor. Tri- stior illius, quam *Africani majoris* exitus fuit: cum enim *C. Gracchi* conatibus obſisteret, sive *C. Car-* bonis, sive *M. Fulvii Flacci*, sive uxoris suæ *Sem-* proniæ, quæ Gracchorum soror erat, crimine (ut tum creditum est) noctu domi necatus est.

L. Scipio, *Africani majoris* frater natu minor, X.
Scipio
nesAsia-
tici.
Consul anno 563. de Antiocho victoriam, trium- phum, & *Asiatici* cognomen retulit; & aliquanto post reperundarum injuria, ut putatur, damnatus

est. Hujus filius *Lucius* Prætorius Senatu motus dicitur; abnepos *Lucius* Consul anno 670. in bello civili cum Marii partes sequeretur, a Sylla spoliatus exercitu, incolumis dimissus est: cujus etiam forte abnepos *P. Scipio Asiaticus* sub Nerone anno 820, Consulatum gessit.

XI.
Scipio-
nes Na-
ficæ.

Scipio Nasica Cn. Scipionis, qui cum fratre *Publio* in Hispania periit, filius, a Senatu *vir optimus* cum judicatus esset, Matrem deum hospitio excepit; deinde & Pontifex, & Consul anno 522. de Bojis triumphavit. Eo major fuit illius filii *Publii*, qui *Corculum* vulgo dictus est, gloria, semel atque iterum Consul annis 568. & 591. Delminio (urbs Dalmatarum erat) expugnato, & Imperatoris nomen a militibus, & honorem triumphi a Senatu oblatum repudiavit; vir alioqui eloquentia primus, juris scientia consultissimus, ingenio sapientissimus, & paulo post Censoria dignitate insignis. Nec laus minor fuit filii *P. Scipionis*, cui *Serapionis* cognomen datum est: nam & Consul anno 615. fuit, & Pontifex Maximus, & T. Gracchum, licet affinem, quod rebus novis studeret, privatus per suos occidit. Ex eo natus *P. Nasica* Consul anno 642. in magistratu obiit; qui ex *Cæcilia* Metelli Macedonici filia habuit *P. Nasicam*, cui *Licinia* Crassi oratoris filia tres filios peperit, *Publium*, *Licinium Crassum Scipionem*, qui avo materno in adoptionem datus est, & *Q. Metellum Pium Scipionem* a Metello adoptatum, cujus filia *Cornelia* in uxorem data primum Crasso juniore, deinde Pompejo Magno: ipse Consul factus est an. 701. & in bello civili dux partium Pompejanorum a Cæsare in Africa victus periit. Illius frater natus maximus *Publius*, in Mariana dissensione Urbe pulsus, filium reliquit *Publium* illum *Scipionem*, qui ex *Scribonia*, quæ postea Octavio Cæsari nupsit, *Corneliam* Æmilii Pauli uxorem suscepit, & *P. Scipionem* Consulem an. 737. cujus etiam nepos *Publius* Consul ponitur an. 808.

XII.
Cornelii
Lentuli.

Ita obscurum est *Lentulorum* stemma, ut illud qui voluerit in ordinem digerere, operam luserit: quare satius mihi visum est, servata temporum ratione, illos tantum appellare, qui ex hac familia Consula-

tum

tum adepti sunt; ita tamen, ut primum proferamus eos, qui ad *Lentuli* cognomen nullum aliud adsciverunt, deinde alios, qui varia adhibuerunt cognomina. Fuerunt enim *Lentulus Caudinus*, *Clodianus*, *Crus*, *Esquilinus*, *Getulicus*, *Lupus*, *Marcellinus*, *Scipio*, *Spinther*, *Sura*. E *Lentulis* Consules fuisse perhibentur: *Lucius* anno 436. *Servius* anno 450. *Lucius* 545. *Cneus* 552. *Publius* 591. *Cneus* 607. *Cneus* 656. *Cneus* 697. *Cneus* 735. *Cneus* 739. & *Lucius* 750. Ex aliis *Cajus Lentulus Esquilinus* anno 275. E *Caudinis* tres; pater *Lucius* an. 478. & filii duo, *Lucius* 516. & *Publius* 517. *Lucius Lupus* 597. *Cneus Clodianus* 681. *P. Sura* 682. ob *Capitolinæ* conjurationem in carcere necatus, *P. Spinther* anno 696. qui *Ciceronem* exilio revocavit, *L. Lentulus Cruscellus* an. 704. *P. Marcellinus* 735. *P. Scipio* 739. E *Getulicis* quatuor; pater *Cossus Getulicus* an. 752. & duo filii, *Cossus* & *Cneus*. Ille anno 777. hic 778. qui cum res novas moliretur, a *Caligula* cæsus est. *Cossus* filius collega *Neronis* an. 812. fuit.

E *Dolabellis* quinque potissimum memorantur, quorum princeps *P. Dolabella* Consul anno 470. de *Gallis* triumphavit; *Cneus* illius forte pronepos Consul 594. cujus ex filio nepos an. 672. e *Macedonia* triumphum retulit, repetundarum tamen a *C. Cæsare* accusatus, nepotem habuit, ut est conjectura; fratris *Publii* filium *Publium Dolabellam*. *M. Ciceronis* generum, qui in locum occisi *Cæsaris* Consul anno 709. suffectus, *Syriam* quidem interfecit, *Trebonio* occupavit; sed ipse paulo post a servo *Laodiceæ* necatus est: natus ex eo *Publius* ab *Augusto* an. 762. Consulatum obtinuit.

Cethegis omnibus longe præstitit *Marcus* ille *Cethegus*, qui etiam tum adolescens Pontifex factus est, & aliquanto post Censor ante Consulatum, deinde Consulari anno 549. *Etruriam* in fide continuit. Illius ex fratre nepos fuit *Cajus* Consulatu anno 556. Censura & triumpho de *Insubribus* nobilis; duo quidem alii Consules, *Publius* an. 572. & *Marcus* 593. sed rebus gestis non admodum clari. Illustrius aliquanto fuit *P. Cethegi* nomen, qui in dissensione *Mariana* Urbe pulsus, tempore *Luculli* civitatis princeps fuisse dicitur.

XIII.
Corneli
Dolabella.

XIV.
Cornelii
Cethegi.

XV. *L. Cornelius Cinna* Consul anno 626. filium habuit *Lucium* quater Consulem annis 666. 667. 668. & 669. qui cum in cives una cum *Mario* multis caedibus grassatus esset, tandem a suis ipse militibus caesus est. Illius filia *Cornelia C.* *Cæsari* nupsit; filius vero *Lucius* primum *Lepido*, deinde *Sertorio* adhæsit: denique *C. Cæsaris* opera restitutus, ex *Pompeji Magni* filia suscepit *Cn. Cinnam Magnum*, qui bis ab *Augusto* veniam obtinuit; semel, quod hostis in ipsum arma tulisset, iterum, quod ipsi parasset insidias: amicus tandem ipsi factus Consulatum an. 756. adeptus est.

XVI. *E. Rufi* duo tantum summos honores affecuti sunt quibus *Plinii* prænomen fuit, pater & filius, uterque Dictator; hic præterea duos Consulatus anno 463. & 476. Illius nepoti *Publio*, quod ludos *Apolinæ* ex libris *Sybillinis* celebrari iussisset, primum *Silyllæ*, tum *Syllæ* cognomen inditum est: ejus abnepos fuisse dicitur *L. Sylla* Dictator.

L. Sylla primum Quæstor *C. Matii* in *Africa* *Jugurtham* a *Boccho* accipit; deinde legatus in bello *Cimbrico*, *Teutonico* & *sociali* multa cum fortiter gessisset, *Cluencium*, *Samnites*, & *Hirpinos* fudisset; post Præturam Consulatum an. 665. omnium pene civium suffragiis, & bellum *Mithridaticum* obtinuit: sed cum *Sulpitius*, *Tribunus plebis* provinciam & bellum in *Marium* transferret, in urbem unde fugerat, cum exercitu rediit; occiso *Sulpitio*, *Marium*, fugat transit in *Græciam*, captisque *Athenis*, *Archelaum* *Mithridatis* ducem semel atque iterum ad *Orchomenum* & *Chæronæam* superat, *Fimbriam* in *Asia* opprimit, & pace *Mithridati* concessa in *Italiam* reversus, *Norbanum* ad *Canusium*, *Marium juniorem* ad *Sacriportum*, ad *Clusium* *Carbonem* *Telesinum*, & *Samnites* ad portam *Collinam* vicit; Dictaturam occupat, quam tertio anno post deponit: in his omnibus laudandus, nisi cruentissima proscriptione in cives sæviisset. Quatuor uxores habuit, *Æliam*, *Cæliam*, *Cæciliam* *Metelli Pii* filiam, & *Valeriam*. Ex *Cæcilia* *Faustum* *Syllam* suscepit, & *Faustam*, quæ primum *Q. Pompejo* *Ruso*, tum *C. Mummi*o, denique *T. Miloni* nupsit. *Fausto*
Syl-

Syllæ Pompeja Pompeji Magni filia peperit *Faustam* *Æmilii* uxorem. *Syllæ* Dictatori, si *Dioni* credimus, frater fuit *Ser. Sylla*, cujus filius *Publius C. Cæsar* in bello civili legatus a *Cicerone* hac oratione, quæ etiam nunc extat, defensus est. Ejus filius, & nepos *Lucii*, & pronepos *Cn. Faustus* Consulatum adepti sunt; primus sub *Augusto* an. 748. alter sub *Tiberio* anno 785. tertius sub *Claudio* anno 804.

CAPUT X.

Gens Domitia.

UT *Claudiorum*, ita *Domitiorum* gens duplex fuit; sed utraque plebeja. Altera *Ænobarbi*, altera *Calvini* cognomen habuit. De *Ænobarborum* familia, quæ multo illustrior fuit, hic agimus.

Cn. Domitius Consul anno 561. pater fuit *Cnei* Consulis an. 591. cujus filius *Cneus* Consulatu an. 631. Censura, Pontificatu Maximo, de *Allobrogibus* & *Arvern*is tum victoria tum triumpho clarus extitit. Filios habuit *Cneum* & *Lucium*: ille Consul an. 657. a *L. Crasso* ipsius in Censura collega dissensit sæpius; hic etiam Consul fuit an. 559. uterque in bello civili *Syllæ* & *Marii* cæsus est. *Cneo* duo erant filii, *Cneus* *Cinnæ* gener in flore ætatis a *Pompejo* in *Africa* occisus, & *Lucius* qui Consul an. 699. in acie *Pharsalica* fortiter dimicans cecidit. Ex *Porcia* suscepit *Cn. Domitium*, qui ob cædem *C. Cæsar*is primum damnatus, & aliquanto post restitutus, Consul creatus est anno 721. *Hosilia* illi peperit *Lucium* Consulem an. 737. qui ex *Antonia minore* genuit *Cneum* Consulem anno 784. *Neronis* Imperatoris patrem.

I.
Domitiorum
gens
duplex.

II.
Domitia
Ænobarbi.

CAPUT XI.

Gens Fabia.

F*abiae* gentis alii originem referunt ad *Herculem*, qui ex *Evandri* filia *Fabium* genuerit: alii non

I.
Fabii
tres fratres, unde cate-

men ab agrorum fossione deducunt, quasi primum *Fodii*, deinde *Fabii* dicti sint. *Fabiorum* omnium hic nomina prodere res esset & operosa & multi fastidii: satis erit illos proferre, qui adolescente, jam Republica victoriis suis Romanorum rem multum auxerunt. Duo tamen monitum velim; unum est, tres *Fabios M. Vibulani* filios, *Quintum*, *Cæsonem*, & *Marcum*, septem annis continuis munus Consulare obtinuisse, ex iisque *Cæsonem* cum 315. *Fabiiis* ad Cremeram a Vejentibus cæsum fuisse; alterum est, *Fabios* omnes, qui postea multis perfundi sunt honoribus, a *Quinto Marci* filio, qui unus gentis cladi superstes fuit, ut multis placet, propagatos esse.

II.
Maximi
& Pisto-
res.

Marcus Fabius Ambustus Quinti filius, gemino Tribunatu militari, Consulatu triplici an. 393. 397. 399. ovatione de Hernicis, de Tiburtibus triumpho, Magisterio equitum, Dictatura, & Senatus principatu insignis, tres mares *Quintum*, *Marcum*, & *Cæsonem* ausulit, duasque fæminas, quarum altera *Sulpitio* patricio, altera *Licinio Stolori* plebejo cum nupsisset, hæc marito Tribuno plebis persuasit, ut legem ferret de Consulari dignitate plebi communicanda. Ut a *Quinto Maximorum*, ita a *Marco Pistorum* familia profluxit, e quibus tres Consules memorantur, *Cajus* anno 448. qui ædem Salutis pinxit, ejusque duo filii, *Cajus* anno 484. *Numerius* anno 407. sed Consulibus illustrior *Q. ille Fabius Prætor*: qui post cladem Cannensem Delphos legatus missus est, & scripsit Romanam Historiam, quæ cum a multis, tum a *Livio* sæpissime laudatur.

III.
Fabius
Rullia-
nus.

Q. Fabius Rullianus, *Ambusto* patre rebus gestis clarior, Magister equitum a *Papirio* Dictatore ob victoriam de Samnitibus securi pæne percussus, quinque Consul fuit, annis 431. 443. 445. 456. 458. ter Dictator, semel Censor, princeps Senatus; terque triumphavit, semel de Apulis, iterum de Gallis & Tuscis, tertio de Samnitibus: cumque turbam forenses in quatuor tribus urbanas coniecisset, primus e *Fabia* gente *Maximi* cognomen adeptus est. Ejus filius *Quintus*, cui ob devoratum patrimonium *Gurgitis* cognomen fuit, contra Samnites cum male pugnas-

pugnasset, patre legato victoriam retulit, princeps Senatus, duplici Consulatu annis 461. & 477. totidem da Samnitibus triumphis, Censura & in Ægyptum legatione enituit.

Q. Fabius Gurgitis ex filio nepos, *Cunctator* a belligerendi ratione, *Verrucosus* a verruca in labiis, & a mansuetudine *Ovicula* vulgo dictus, laudem avitam superavit; quinque Consulatus annis 520. 525. 538. 539. 544. ut proavus, gessit; duos triumphos, ut avus, retulit, ut uterque princeps Senatus fuit; sed utrique in eo superior, quod Dictator exultantem victoriis Annibalem fregerit. Duos ille filios habuit; *Quintum* & *Marcum*: primum *Quinti*, tum *Marci* posteriores persequemur.

Q. Fabius Cunctatoris filius Consul anno 540. & in locum patris Augur, filium habuit *Quintum* item Augurem, & *Quintum Labeonem*, qui Prætor navalem triumphum abecutus est, & Consul anno 560. ponitur, eruditionis & ingenii laude illustris. A *Quinto* Augure adoptatus *Quintus Fabius Æmilianus L. Pauli*, qui Persen vicit, filius, Consul anno 608. ex quo natus est *Q. Fabius Allobrogicus*, qui Consul anno 632. victo ad Ilaram flumen Betulto, & cæsis tum Allobrogum, tum Arvernorum 130. millibus nobilissimum egit triumphum: paulo post Censor reliquit filium ab avitis paternisque laudibus degenerem; cui Pompejus Prætor bonis interdixit. *Allobrogico* frater erat *Quintus*, ob candorem *Eburnus* cognominatus, Consul anno 637.

Marcus Fabius Cunctatoris filius, vivo etiam tum patre mortuus nepotem adoptione filii habuit *Quintum Fabium Servilianum*, qui Consul anno 611. rebus in Hispania prospere gestis ideo male audit, quod pacem cum Viriatho æquis conditionibus iniisset; postea tamen Censor factus est. *Fabii* vel *Serviliani* vel *Eburni* (aliter enim aliis videtur) nepotes fuerunt tres illi *Fabii* sub Cæsaribus Consules, *Quintus* anno 708. illiusque filii *Paulus* an. 742. & *Quintus* 743. Qua vero ex Fabiorum stirpe prognati sint *Fabii Butrones* Consules an. 506. & 508. & *Licinii* anno 507. obscurum est.

IV.
Cunctator.

V.
Filii natu majoris familia.

VI.
Natu minoris familia.

Gens Fulvia .

I.
Fulvii
Centu-
mali.

GENS *Fulvia* Tusculo oriunda, tribus potissimum cognominibus distincta fuit *Centumali*, *Flacci*, & *Nobilioris*. E *Centumalis* tres Consulatus, duo triumphis nobiles extiterunt, quibus omnibus *Cneus* nomen proprio fuit: unus Consul anno 455. de Samnitibus, alter illius nepos ann. 525. de Illyriis triumphavit, cujus etiam filius Consulatum anno 542. obtinuit.

II.
Fulvii
Flacci.

M. Fulvius Patinus Consul anno 454. duos filios suscepit, *Quintum* & *Marcum*; ille *Flaccorum*, hic *Nobiliorum* princeps fuit. Primum de *Flaccis*, tum de *Nobilioribus* dicemus breviter. *Quinti* filius fuit *Marcus* ille *Flaccus*, quo Consule an. 489. bellum Punicum primum coeptum est: ex eo nati *Quintus*, *Cneus*, & *Cajus*, quorum longe dispar gloria. *Cajus Quinti* apud Capuam legatus fuit. *Cneus* Prætor *Quinto* tertium Consule Apuliam sortitus, apud Herdoniam amisso exercitu turpiter fugatus est. *Quintus* vero rebus gestis clarissimus, quater Consul annis 516. 529. 541. 544. Magister equitum, Pontifex, Censor, & comitiorum causa Dictator, apud Beneventum Annonis castra cepit, Annibalem ab Urbe depulit, Capuam recepit, illiusque Senatū securi percussit. Quatuor filios suscepit, *Quintum*, *L. Manlium Acidinum* in gentem *Manliam* adoptatum, *Marcum* de cujus posteris paulo post, & *Cneum* qui a *Quinto* fratre Censore Senatu motus est, cujus nepos *Servius Flaccus* Consul anno 618. Vardæos in Illyrico domuit. *Quintus*, patre nihilo inferior, Prætor Celtiberos bis insigni pugna vicit: Contrebian ad deditionem coegit, deinde semel anno 573. & iterum anno 574. cum fratre *Acidino* Consul Ligures domuit; triumphum duplicem, unum de Celtiberis, alterum de Liguribus retulit; Censor Fortunæ equestri templum dicavit, denique in amenitiam versus, laqueo vitam finisse dicitur. *Cajo* ejus filio anno 619. Consuli bellum fugitivorum confici-

ficiendum delatum est. *Marco Quinti* fratri natus est *Marcus* ille *Flaccus*, qui Consul an. 628. cum rem feliciter in Transalpinos Ligures gessisset, & de Liguribus Vocontiisque triumphasset, Italos ad petendam civitatem primus excitavit, & C. Graccho leges agrarias ferenti adhæsit; quare ab Opimianis una cum duobus filiis cæsus est. Filiarum altera *Len- tuli Suræ*, qui ob conjurationem Catilinæ necatus est; altera *L. Cæsaris*, qui Consul fuit anno 689. mater extitit.

M. Pælini an. 454. Consulis filius alter fuit, uti diximus, *Marcus* pater *Ser. Nobilioris*, qui Consul anno 498. triumphum navalem egit de Pœnis, nepotemque habuit *M. Nobiliorem*, ovatione ex Hispania ulteriore, ex capta Ambracia domitisque Ætolis triumpho, Consulatu an. 554. & Censura, & Ennii poetæ versibus clarissimum. Duo illi filii fuerunt, *Marcus* & *Quintus*, uterque Consul, illé an. 594. hic anno 600. sed alter altero aut fortior bello fuit, aut felicior; nam *Marcus* de Liguribus victoriam & triumphum retulit, *Quintus* a Celtiberis semel atque iterum turpiter victus est.

III.
Fulvii
Nobilio-
res.

Furiorum stemma ne hic subjicerem, unum me deterruit, quod eorum memoria sit aliquanto vetustior. Satis erit monuisse gentem *Furiam* & patriciam fuisse, & in quatuor familias divisam: fuerunt enim *Furii Metellini*, *Pacilli*, *Camilli*, *Phili*, quibus omnibus longe præstitit *M. Camillus* alter a Romulo Pater patriæ appellatus, sexies Tribunus militaris, Dictator quinquies, quatuor triumphis nobilis de Vejentibus, de Gallis, de Æquis, Volscis, Etruscis, &c.

IV.
Gens
Furia.

CAPUT XIII.

Gens Julia.

Gentem *Juliam*, quæ Alba a Tullo Hostilio diruta Romam migravit, & patriciam fuisse, & ab *Julo* Æneæ filio traxisse originem, plerique produnt auctores. Duo fuerunt præcipue illius cognomina,

gnomen
Cæsaris.

mina, *Julus & Cæsar*, non duæ tamen (nisi mea me fallit opinio) familiæ. Cum enim in fastis ante bella Punica *Cæsarum* nulla, *Julorum* frequens, & post bella Punica *Julorum* nulla, *Cæsarum* vero frequens fiat mentio, non temere dixerim *Cæsaris* cognomen inditum *Julorum* cuipiam, a quo *Cæsarum* genus propagatum sit, quod aliquanto post duas in familias divisum est. Ex una fuerunt *Cæsares* illi, qui cum ingenii laude florerent, in dissensione Marii & Syllæ perierunt; ex altera *C. Cæsar* Dictator. Primum de illorum, tum de Dictatoris familia agemus. Unde vero *Cæsaris* cognomen desumptum sit, aliter aliis placet; sunt enim qui vel a *cæsarie*, vel a *cæsis* oculis, vel a *cæso* in Africa elephante deductum scripserint: libentius ego assenserim iis, qui a *cæso* matris utero petitum volunt.

II.
Prima
Cæsari-
um fa-
milias.

Sex. Cæsares duo anno Urbis 545. memorantur, quorum alter Siciliam cum exercitu Prætor obtinuit, alter cæso M. Marcello ad Crispinum Consulem comitiorum causâ missus est. Hujus filius *Sextus* L. Pauli contra Ligures legatus fuisse perhibetur. Ex eo natus *Sex. Cæsar* Consul cum L. Oreste an. 596. tres filios habuit, *Sextum* Prætorium, *Cajum*, & *Lucium*. *Cajo*, & *Lucio* liberi nati sunt, *Sexto* nulli. Primum de *Cajo*, tum de *Lucii* posteris dicemus. *Cajus* pater fuit *Sex. Cæsaris* Consulis an. 662. anno proximo ante bellum sociale, cujus filius *Sextus*, Flamen Quirinalis cum pro domo sua Cicero diceret, genuit *Sex. Cæsarem*, qui a *Cajo* Dictatore Syriæ Præfectus, a militibus fraude Q. Cæcili Bassi interemptus est. *Lucius* duos filios suscepit, *Lucium* & *Cajum*, quorum ingens Romæ gloria fuit: sed alia alii, nam *Lucius* tum gestis honoribus, Consulatu anno 663. & Censura, tum bellica laude in bello sociali floruit; *Cajus* vero ingenio & eloquentia: ipse enim est poeta ille & orator urbanitate & lepore conditus, de quo multa Cicero in Bruto. Uterque Marii jussu cæsus, *Cajus* hospitis Etruscæ proditione, *Lucius* ad tumulum Varii Sucronensis. Ejus filia *Julia* nupsit primum M. Antonio Cretico, deinde *Lentulo Suræ*, qui in carcere necatus est: *Cretico Antonium* Triumvirum, ejusque fratres reperit. *Julie* frater erat

Lucius

Lucius ille Cæsar Consul anno 689. qui cum stetitset a Pompeji partibus, post victos tum ad Pharsalum Pompejum, tum in Africa Scipionem, Uticensibus auctor fuit, ut victorem reciperent, ipseque Cæsari obviam profectus, cum sibi tum multis vitam impetravit: proscriptus aliquanto post ab Antonio, quem occiso Cæsare hostem dixerat, a sorore *Julia* servatus est. *Lucii* ejus filii tristior exitus fuit; in bello enim Africano cum libertos servosque C. Cæsaris ferro & igne necari jussisset, paulo post a Cæsaris militibus & ipse interfectus est.

C. Cæsaris Dictatoris & proavo & avo *Cajus* prænomen fuit. Avus ex *Martia* genuit *Cajum* & *Lucium*; & *Juliam* uxorem C. *Marii* septies Consulis. *Cajus* & *Lucius*, ambo prætorii, immatura morte sublati sunt, ille Pisus, hic Romæ. *Cajo* ex *Aurelia* natus est C. *Julius Cæsar* Dictator, & duæ *Julia*, quarum una ex primo marito, Q. *Pedium*, ex secundo P. *Pinarium*; altera ex M. *Accio Balbo* *Acciam* Augusti matrem peperit. *Cajus Julius Cæsar* quater Consul an. 694. 705. 707. 708. & Dictator perpetuus, vir omnium, qui unquam extiterint, gloria militari clarissimus, Hispaniam ulteriorem ad Oceanum usque perdomuit, Helvetios & Ariovistum Germanorum Regem in Gallia vicit, Aquitanos, Gallos, Belgas, Britannos subegit, Germanos magnis attrivit cladibus; deinde orto bello civili, ab eo Petrejus & Afranius in Hispania exercitu spoliati, victus ad Pharsalum Pompejus, ad Alexandriam Ptolemæus, Pharnaces in Ponto, in Africa Juba & Scipio, ad Mundam in Hispania Cneus & Sextus Pompeji: quare uno tempore ex Gallia, ex Ægypto, Ponto, Africa quatuor triumphos egit, dumque majora cogitat, ab amicis, in Curia 23. vulneribus confossus est. Quatuor uxores habuit; *Cossutiam* familiæ equestris, *Corneliam* Cinnæ quater Consulis, *Pompejam* Q. Pompeji Ruffi, & *Calpurniam* L. Pilonis filiam. *Cossutiam* & *Pompejam* repudiavit, ex *Cornelia Julia* Pompeji Magni uxorem, ex aliis nullos liberos suscepit.

Accia, quam *Julia* C. Cæsaris soror *Accio Balbo* pepererat nupsit *Octavio*, qui ex Prætura Macedoniam

III.
Secunda
Cæsar-
rum fa-
milia,
quæ Cæ-
saris Di-
tatoria
fuit.

IV.
C. Cæsar
Dictator

V.
Cæstavi
Cæsaris
genus.

niam fortitus, pulsus hostibus provinciam summa cum laude administravit; sed haud multo post immatura morte obiit, cum ex duabus uxoribus tres genuisset liberos, *Ostaviam* majorem ex *Ancharia*, *Ostavius* & *Ostaviam* minorem ex *Accia*, quæ post illius mortem *L. Martio Philippo* iterum nupsit. Cujus uxor fuerit *Ostavia* major, incertum est: minor certe fuit *C. Marcelli*, tum *M. Antonii* Triumviri. Ex Marcello *Marcellum* duasque *Marcellas*, ex Antonio duas *Antonias* peperit. *Marcellus* ædilitius, hæres Augusto destinatus, in flore ætatis decessit. *Marcella* major primum *M. Agrippæ*, deinde *M. Julio Antonio* nupsit: *Antonia* minor *Druso* Augusti privigno, major *L. Domitio*. At de his superius egimus, tum in gente *Antonia*, tum in *Claudia Marcellorum*, tum in *Domitia*.

VI.
Augustus.

Ostavius Cæsar, *C. Cæsar*is ex *Accia* sororis filia nepos, hæres ab eo scriptus; post illius cædem Thesalonica, quo studiorum causa missus fuerat, Romam, redit; & continuo cum *Hirtio* & *Pansa* Consulibus *M. Antonium* ad *Mutinam* vicit: sed paulo post Triumvir cum Antonio & Lepido, prodita patria, bellum Philippense cæsis Bruto & Cassio, *Perusinum* victo *L. Antonio*, *Siculum* fugato *Sex. Pompejo*, denique *Actiacum* devictis *M. Antonii* partibus feliciter confecit; Jani templum tertio clausit, pace terra marique parta; *Dalmatiam*, *Pannoniam* *Illyricum*, *Rhætiam*, *Vindeliciam*, *Cantabriam* per *Drusum* & *Tiberium* privignos, aliosque duces imperio adjunxit; *Armeniam* a *Parthis*, & *Crassi* signa recepit; *Scythas* & *Indos* ad suam populique Romani amicitiam petendam allexit; semel ac vicies Imperatoris nomen adeptus tres triumphos curules egit, *Dalmaticum*, *Actiacum*, & *Alexandrinum*; Pontifex Maximus, 13. Consul, Tribunus plebis perpetuus, morum legumque moderator. Augustus a Senatu primus appellatus; orbis imperium summa tum prudentiæ tum clementiæ laude per 44. annos administravit; tandemque Nolæ obiit anno ætatis 76. Tres duxit uxores, *Clodiam* *P. Clodii* & *Fulviæ* filiam; *Scriboniam* *L. Libonis* sororem, & *Liviam* ex *Tiberio Nerone* gravidam: ex Scri-

Scribonia Juliam, ex aliis nullos liberos sustulit. Quis Augusto fuerit corporis habitus, memoriæ prodidit Suetonius his verbis. Forma fuit eximia, & per omnes ætatis gradus venustissima; quamquam & omnis lenocinii negligens: & in capite comendo tam incuriosus, ut raptim compluribus simul tonsoribus operam daret; ac modo tonderet, modo raderet barbam, eoque ipso tempore aut legeret aliquid, aut etiam scriberet. Vultu erat ... tranquillo serenoque; ... oculos habebat claros ac nitidos, quibus etiam existimari volebat inesse aliquid divini vigoris; ... dentes raros & exiguos & scabros, capillum leniter inflexum & subflavum. Supercilia conjuncta, mediocres aures, nasum & a summo eminentiorem & ab imo deductiorem, colorem inter aquilum candidumque, staturam brevem, ... sed quæ & commoditate & æquitate membrorum occuleretur, &c. Ea, quibus ejus mores persequitur, quia longiora sunt, hic adscribere non libuit.

Julia Augusti & Scriboniæ filia, probris & flagitiis infamis, bis nupsit, primum M. Agrippæ, a quo ideo dimissa Marcella, deinde Tiberio Neroni haud paulo post Imperatori. Tiberio nullos, Agrippæ quinque peperit liberos; filiæ fuerunt Julia L. Æmilii Pauli, & Agrippina Germanici uxor; mares Cajus, Lucius, & Agrippa: Cajus & Lucius ab Augusto scripti hæredes in ætatis flore perierunt; ille in Lycia, dum ex Oriente Romam redit, incertum ex vulnere, an morbo, an novercæ dolo; hic Massiliæ, dum Hispaniam petit. Agrippæ posthumi & Juliæ ipsius matris par prope exitus fuit: ambo enim ab Augusto relegati; ille ob ferox & sordidum ingenium in insulam Planasiam, hæc ob libidines in Pandatariam; ambosque aliquanto post Tiberius, illum gladio, hanc inopia & tæbe sustulisse dicitur.

Tiberius Nero Livia ex Tiberio Claudio filius, Drusique frater, dum vixit Augustus, egregii nominis fuit famæque integræ: tria bella gessit, Rhæticum, Pannonicum, & Germanicum, de quibus tum ovationem tum triumphum retulit. Institutus hæres ab Augusto, Germanici metu, vitia sua mira arte dissimulavit; eo vero sublato beneficiis,

VII.
Augusti
familia.

VIII.
Tiberius.

metu solutus, cum in affines, tum in civitatis principes sæviit, quorum alios ferro, alios fame, alios alio genere mortis occidit, dum ipse in Caprea insula oblitus imperii, infami luxu delitescit, ubi tandem deliciis confectus moritur. Ex *Vipsania M. Agrippæ & Pomponiæ* filia illi natus est *Drusus*, qui sedato Pannonico tumultu ovans urbem ingressus est, Consulque anno 766. sed orto ipsum inter & Sejanum dissidio, veneno sublatus est, conscia uxore *Livilla*, ex qua filiam genuerat *Juliam*, primum *Neroni* Germanici filio, tum *C. Rubellio* nuptam, duosque filios quorum alter paulo post obiit, alter *Tiberius* nomine etiam tum puer Caligulæ jussu cæsus est. *Tiberii* formam *Suetonius* descripsit, indolem *Tacitus*. Hæc *Suetonius*: Corpore fuit amplo atque robusto; statura, quæ justam excederet; latus ab humeris & pectore, cæteris quoque membris usque ad imos pedes æqualis & congruens: sinistra manû agiliore ac validiore Colore erat candido, capillo pene occipitium submissiore, ut cervicem etiam obtegeret Facie honesta, in qua tamen crebri & subiti tumores cum prægrandibus oculis: & qui, quod mirum esset, noctu etiam & in tenebris viderent sed ad breve Incedebat cervice rigida & obstipa, adducto fere vultu, plerumque tacitus, nullo aut rarissimo etiam cum proximis sermone, eoquetardissimo nec sine molli quadam digitorum gesticatione. Ita *Tacitus* l. 5. *Annalium* cap. 10. morum quoque tempora illi diversa; egregius vita famaque, quoad privatus, vel in imperiis sub *Augusto* fuit; occultus ac subdolus fingendis virtutibus, donec *Germanicus* ac *Drusus* supersuere. Idem inter bona malaque mixtus, incolumi matre: intestabilis sævitia; sed obtectis libidinibus, dum *Sejanum* dilexit, timuitve. Postremo in scelera simul ac dedecora prorupit, postquam remoto pudore & metu, suo tantum ingenio utebatur.

IX.
Drusus
Tiberii
frater.

Drusus iisdem quibus *Tiberius* parentibus *Ti. Nerone* & *Livia* genitus, privignus *Augusti*, multos *Germaniæ* populos subegit, omnia longe lateque usque ad *Albim* populatus; sed anno ætatis 30. designatus Consul, sive morbo, sive equo super crus collapsus in *Germania* interiit, princeps virtutibus

Ti-

Tiberio longe superior. Ex liberis, quos ex *Antonia Antonii* Triumviri & *Octaviæ* filia genuerat, tres illi superstites fuerunt, *Germanicus*, *Livia* seu *Livilla* quæ *Druso* *Tiberii* filio nupsit, & *Claudius* postea Imperator, de quo paulo post.

Germanicus, duplici Consulatu anno 766. & 770. triumpho de *Cheruscis* clarus, sed eximiis virtutibus multo clarior, e *Germania* ubi maxima bella feliciter confecerat, a *Tiberio* in Orientem missus, Cn. *Pisonis* (ut tum vulgo creditum est) scelere *Antiochiæ* *Syriæ* extinguitur. Ex *Agrippina* M. *Agrippæ* & *Julia* filia tres feminas, totidemque mares sustulit. Filia fuerunt *Agrippina* *Neronis* Imperatoris ex *Domitio* mater, *Drusilla* *Cassio* *Longino*, & *Livilla* M. *Vinicio* nupta; filii vero *Nero*, *Drusus*, & *Cajus*, vulgo *Caligula* dictus. *Nero* *Juliam* *Tiberii* ex *Druso* filio neptem, *Drusus* *Æmiliam* *Leptidam* uxorem duxit; sed uterque sine liberis a *Tiberio* alius alio tempore fame necatus est. Singulares *Germanici* virtutes persequitur *Tacitus* l. 2. *Annalium* cap. 11. Indolere exteræ nationes regesque, tanta illi comitas in socios, mansuetudo in hostes; visuque & auditu juxta venerabilis, cum magnitudinem & gravitatem summæ fortunæ retineret, invidiam & arrogantiam effugerat. . . Et erant qui formam, ætatem, genus mortis, ob propinquitatem etiam locorum, in quibus interit, Magni *Alexandri* satis adæquarent. Nam utrumque corpore decoro, genere insigni, baud multum triginta annos egressum, suorum insidiis externas inter gentes occidisse; sed hunc mitem erga amicos, modicum voluptatum, uno matrimonio certis liberis egisse: neque minus præliatorem, etiamsi temeritas absuerit, præpeditusque sit percussas tot victoriis *Germanias* servitio premere. Quod si solus arbiter rerum, si jure & nomine regio fuisset, tanto promptius assecuturum gloriam militarem, quantum clementia, temperantia, cæteris bonis artibus præstitisset.

Cajus *Cæsar*, a militari calceamento *Caligula* dictus, *Germanico* & *Agrippina* genitus, *Tiberio* successit. Princeps crudelitate, libidine, & multis vitiis infamis, post exhaustas immensas opes, cum grassaretur per ordinum omnium cædes, & pro deo

X.
Germanicus
Drusi
filius.

XI.
Caius
Caligula.

coli se toto orbe terrarum juberet, a Chærea aliisque interfectus est.

XII.
Claudius.

Claudius Nero, *Caji* patruus & *Germanici* frater, post *Cajum* Imperio præfuit; homo natura minime malus sed vecors ac stolidus, qui omnia pro libertorum & servorum libidine gessit. Britanniam domuit, *Messalinam* uxorem ob stupra necari jussit, ductaque *Agrippina* nepte, illius ex *Domitio* filium *Neronem*, præterito filio *Britannico*, sibi successorem destinavit; & paulo post veneno sublatus est, cum *Britannicum* & *Octaviam ex Messalina* liberos haberet.

XIII.
Nero.

Domitius Nero, a *Claudio* adoptatus, initio sic gessit Imperium, ut inter bonos Principes haberi potuerit; post ætatis licentia corruptus in omnia probra ac dedecora ruit. Matrem *Agrippinam*, uxores *Octaviam* & *Poppæam*, *Senecam* præceptorem, aliosque cognatione proximos necavit: tum invisus omnibus cum ad necem quæreretur, ipsemet carnificis officium occupavit.

Quamvis *Cajus*, *Claudius*, & *Nero* post *Ætiacam* victoriam nati sunt, cum tamen & Romæ rerum potiti sint, & ad gentem *Juliam* pertineant, non alienum fore putavi, si de aliis hæc pauca adderem, quorum etiam effigiem a *Suetonio* expressam hic subjicere libitum est; primum *Caji*, deinde *Claudii*, tum *Neronis*. *Cajus* statura fuit eminenti, pallido colore, corpore enormi, gracilitate maxima cervicis & crurum, & oculis & temporibus concavis, fronte lata & torva, capillo raro ac circa verticem nullo, hirsutus cætera. . . vultum vero natura horridum ac tetrum, etiam ex industria efferebat, componens ad speculum in omnem terrorem ac formidinem. *Claudio* auctoritas dignitasque formæ non defuit vel stanti vel sedenti, ac præcipue quiescenti. Nam & prolixo nec exili corpore erat; specie canitieque pulchra, opimis cervicibus. Cæterum & ingredientem destituebant poplites minus firmi, & remisse quid vel serio agentem multa debonestabant. Risus indecens, ira turpior, spumante ritu, humentibus naribus; præterea linguæ titubantia, caputque cum semper, tum in quantulocunque actu vel maxime tremulum. *Nero* statura fuit pene justa, corpore maculoso & sædo, substarvo capillo, vultu pul-

cro

ero magis quam venusto, oculis caesis & hebetioribus;
cervice obesa, ventre projecto, gracillimis cruribus, va-
letudine prospera.

CAPUT XIV.

Gens Junia.

DE Junia gente, cui *Bruti* cognomen adhæsit. Possidonium inter & Dionysium non convenit. Vult enim ille apud Plutarchum *L. Bruto*, qui Reges exegit, filium fuisse superstitem; hic negat: cui cum assentiantur plerique omnes, non temere dixerim duplicem fuisse *Juniorum* gentem, unam patriciam, plebejam alteram, utramque nobilem; illam expulsi Regibus, hanc occiso C. Cæsare. Patricia desit in *L. Bruto* primo Consule, qui filios, quod faverent Tarquiniiis, securi percussit an. Urbis 244. Plebejæ multa fuerunt cognomina, *Bruti*, *Bubulci*, *Callaici*, *Norbani*, *Penni*, *Peræ*, *Pulli*, *Scævæ*, & *Sillani*, quorum clarissimos quosque breviter indicasse satis erit.

E *Juniiis Peris* duo illustres fuerunt, alter *Decimus* Consulatu an. 487. & de Messapiis triumpho; alter *Marcus* Consulatu anno 523. Censura & Dictatura clarus. E *Pennis* unus *Marcus* Consul an. 576. e *Pullis* *Lucius* an. 504. qui ob neglecta auspicia classem amisit: e *Norbanis* *Cajus* an. 670. qui a Sylla victus est; e *Bubulcis* duo *Caji* pater & filius, ille tribus Consulatus anno 436. 440. 442. duabus Dictaturis, totidem triumphis de Samnitibus & Æquis, Censuraque clarissimus; hic duplici Consulatu an. 472. & 467. & de Lucanis triumpho insignis.

Ita confusum *Juniorum* stemma, ut *Decimi* & *Marii* *Brutorum*, qui in C. Cæsarem conspirarunt, parentes ex factis vix assignari possint. *Decimi* avus fuit, ut est conjectura, *Decimus* ille *Brutus*, qui Consul an. 615. & Proconsul Lusitanos & Gallæcos ad Oceanum usque ita perdomuit, ut inde & triumphum decus & *Callaici* cognomen retulerit. Pater *Decimus* Consul an. 677. vir literis Græcis juxta & Latinis

I.
Gentis
Junia
familia.

II.
Junii,
Peræ;
Penni,
Pulli.

I.
Junii,
Peræ;
Penni,
Pulli.
II.
Junii,
Peræ;
Penni,
Pulli.

Latinis eruditus. Ipse *Decimus* a *Posthumio Albino* adoptatus a *Cæsaris* partibus stetit, cujus legatus in *Gallia* fuerat; post illius cædem diu *Mutinæ* ab *Antonio* obsessus, ab *Octavio* quidem liberatus est, sed paulo post desertus a suis ad *Aquilejam* iussu *Antonii* interficitur.

IV. *Marci* vero pater fuit *Marcus*, *Decimi* ann. 676. *Consulis* (nisi falsus sum) trater, qui *Prætor Galliam Cisalpinam* nomine *Lepidi Consulis* cum occupasset, *Mutinæ* a *Cn. Pompejo* obsessus, metu ne a se deficerent milites, se suaque illi permisit, cujus tamen imperio continuo post cæsus est. Ex *Servilia M. Catonis* sorores *M. Brutum* susceperat, duasque *Junias*, quarum altera *M. Lepido* *Triumviro*, altera *C. Cassio* nupsit. *M. Brutus* morum integritate, elegantia ingenii, & literarum studio cum *Ciceroni*, tum optimo cuique charissimus, in dissensione civili *Pompeji* partes secutus est; illum tamen *Cæsar* non modo servavit, sed evexit ad honores, illique inter amicos primas detulit. Quorum beneficiorum *Brutus* immemor amore patriæ in eum conjuravit, eoque cæso, occupata *Macedonia*, vicit quidem ad *Philippos Octavium*, sed iterato post unum circiter mensem prælio, victus mortem sibi conscivit. Uxor illi fuit *Porcia M. Catonis* filia.

CAPUT XV.

Gens Licinia.

I. *Gentis Liciniae*, quæ plebeja fuit, tres tantum familias, quæ aliis longe præstiterunt, persequemur; *Crassos*, *Lucullos*, & *Murænas*.

II. *Hujus* familiæ princeps fuit *P. Crassus*, qui etiam tum juvenis creatus est *Pontifex Maximus*; aliquanto post *Consul* anno 548. cum *Annibale* bellum gessit; denique *Censor*: vir omnibus naturæ fortunæque donis instructus, nobilis, dives, forma corporis excellens, facundus, duobusque auctus filiis *Cajo* & *Marco*, a quibus duæ *Crassorum* familiæ propagatæ sunt. Primum *Caji*, tum *Marci* nepotes explicabimus.

Cajus itidem ut pater duos filios genuit, *Publium* & *Cajum*, utrumque Consulem, illum anno 582. hunc 585. *Cajus* ex Consulatu sortitus Macedoniam vario Marte bellum cum *Perse* gessit; nam primo prælio victus, secundo victor multas in Græcia urbes expugnavit. Ab ejus filio *Publio* ex gente *Mutia* in *Liciniam* adoptatus est *P. Crassus Mutianus*, qui & Pontifex Maximus & Consul anno 622. contra *Aristonicum* in Asia cum bellum gereret, victus occubuit. Ejus filiarum altera *C. Sulpicio Galba*, altera *C. Graccho* nupsit.

L. Crassus, orator ille quem in libris de Oratore loquentem inducit Cicero, cum *Q. Mutio* Consul anno 658. Galliam obtinuit; cum *Cn. Domitio* Centor. In *Philippum* Consulem cum paulo acrius inventus esset, latus dicenti condoluit, & febris correptus septimo die lateris dolore consumptus est. Ex *Mutia* duas filias suscepit, unam *C. Marii*, alteram *Scipionis Nasicae* uxorem; quæ cum duos mares peperisset, *Crassus* eorum alterum *L. Licinium Crassum* *Scipionem* adoptavit. Quo patre natus sit *Crassus* orator, nemo, quod in tanto viro mirum est, memoriæ prodidit. In fastis Capitolinis diversum prænomen illius patri affingitur, apud *Sigonium* *Lucius*, apud *Pighium* *Publius*. Quid certis super hac re dicam, nihil habeo: si tamen conjectura utilicet, illum *Publii Crassi* anno 582. Consulis, de quo paulo ante, ex filio nepotem fuisse suspicor. In avo enim *Publio* omnes consentiunt, in patre non item; quia ille vel juvenis decessit, vel nullo, quod verius putem, magistratu functus est, ideoque illius prænomen ignotum. Illius eloquentiam & dicendi genus his verbis expressit Cicero in *Bruto*: *Erat summa gravitas, erat cum gravitate junctus facetiarum & urbanitatis oratorius, non scurrilis lepos; latine loquendo accurata & sine molestia diligens eloquentia, in disserendo mira explicatio; cum de jure civili, cum de æquo & bono disputaretur, argumentorum & similitudinum copia.... Non multa jactatio corporis, non inclinatio vocis, nulla inambulatio, non crebra supplotio pedis: vehemens & interdum irata & plena justidoloris oratio; multæ & cum gravitate facetiæ, quod-*

V. *que difficile est, idem & perornatus & perbrevis.*
 M. Crassus Publio hujus familiæ principe genitus
 pronepotem habuit *Marcum*, qui, quod nunquam
 ridere visus sit, ἀγέλασος vulgo dictus est; cujus fi-
 lius *P. Crassus* cognomento *Sapiens*, Consul anno
 656. de Lusitanis triumpho, & Censura nobilis in
 bello civili Marii & Syllæ, ne in hostium veniret
 potestatem, sibi mortem conscivit. Duo illi fue-
 runt filii, *Publius*, qui una cum ipso periit, & *M.*
Crassus Romanorum omnium ditissimus, qui post
 duplicem & ovationem & Consulatum an. 683. &
 698. inita cum C. Cæsare & Cn. Pompejo societa-
 te, bellum Parthicum sortitus est, in quo cum ma-
 le pugnasset, exercitum cum filio *Publio* amisit: de-
 mum ipse per speciem colloquii ab hoste circumven-
 tus occiditur.

VI. *Marci* divitis filius alter in bello civili Galliæ Ci-
 salpinæ nomine Cæsaris præfuit. Nepos sub Augusto
 Consul anno 723. de Thracibus & Getis triumphavit;
 pronepos etiam Consul anno 739. abnepos ve-
 ro, cui prænomen *Marcus* ut aliis, cognomen ve-
 ro *Frugi*, sub Tiberio Consul an. 779. quatuor ex
 Scribonia filios suscepit, Cn. *Pompejum Crassum* Clau-
 dii generum, *M. Crassum Scribonianum*. *Frugi* Con-
 sulem anno 816. *L. Crassum Scribonianum* & *Pisonem*
Licinianum adoptatum a Galba. *Cneus* a Claudio,
Marcus a Nerone, *Piso* ab Othonis militibus cæsus
 est, *Lucius* oblatum ab Antonio duce in Vitelliana
 VII. dissensione imperium repudiavit.
 Licinii
 Lucelli.

E *Lucellis* tres & honoribus & victoriis clari per-
 hibentur. *Lucius* Consul an. 602. Vaccæos Canta-
 brosq; domuit, cujus ex filio nepotes fuerunt *Lu-*
cius & *Marcus*, uterque bello tum Mithridatico
 tum civili Syllæ legatus; uterque Consul, ille anno
 679. hic 680. uterque triumphalis, ille ex Asia, hic
 ex Macedonia. *Lucii* tamen major fuit & virtus &
 gloria; sæpe enim Mithridatem & Tigranem exigua
 manu vicit, villarum magnificentia, conviviorum
 sumptu, & vestium numero Romanos omnes longe
 superavit. Ex *Servilia* Catonis sorore illi natus est
Marcus, qui Antonii jussu post Philippensem victo-
 riam interfectus est.

L. Murenæ duo tantum illustres memorantur, alter triumpho, alter Consulatu insignis. *Lucius*, cuius pater avusque prætorii, & ipse prætorius, missus a Sylla Mithridatem repressit; eoque nomine triumphavit. Duo illi filii fuerunt, *Lucius* & *Marcus*. Bis in Mithridatem arma gessit *Lucius*, semel sub patre, iterum Luculli legatus; deinde designatus Consul an. 691. a Catone aliisque ambitus crimine postulatus, a Cicerone tum Consule ea oratione, quam etiam nunc præ manibus habemus, ita defensus est, ut honestissime absolutus sit. Galliam paulo post sortitus *Marcum* fratrem legatum habuit.

VIII.
Licinii
Murenæ.

CAPUT XVI.

Gens Livia.

Livia gentis tres familiæ & cognomina fuerunt. *Denter*, *Salinator*, *Drusus*. E *Denteribus* Consul fuit *Cajus* an. 451. e *Salinatoribus* duo *Marcus* & *Cajus*. Ille duplici Consulatu anno 534. & 546. totidem triumphis & Censura nobilis. Illyricos enim domuit & Asdrubalem Annibalis fratrem cum exercitu ad Metaurum cecidit. Ejus filius Consulatum anno 565. adeptus est.

I.
Liviana-
linato-
res.

Drusi tum Consulatus honore tum Tribunatu plebis celebres extitere. *M. Livius*, cæso hostium duce *Drauso*, *Drusi* cognomen sibi suisque invenit; cuius filius *Cajus*, cum Scipione Æmiliano Consul anno 606. cæcus ille forte fuit, quo Valerius l. 8. c. 7. Duos filios habuit *Marcum* & *Cajum*, alterum altero longe illustriorem. *Cajus* quidem non indifertus fuit; sed *Marcus* ingenio, eloquentia, divitiis pollens, Tribunus plebis cum Senatus partes contra C. Gracchum tueretur, Senatus patronus appellatus est: unde ad summos honores evehctus, aliquanto post Consulatu an. 641. de Scordicis triumpho, & Censura enituit. Tribunatus, quem *Marcus* ejus filius gessit, læta quidem initia, sed cum ipsi, tum universæ Italiæ funestus exitus fuit. Illud enim pro auctoritate Senatus cum suscep-

II.
Livii
Drusi.

fer

set contra equestrem ordinem, videretque sibi non meritam a Patribus gratiam rependi, Latinis civitatem pollicitus est; unde & sociale bellum exarsit, & ipse in atrio domus cultro percussus intra paucas horas exspiravit. Cædis invidia penes Cæpionem & Philippum Consulem fuit. Illius forte nepos fuit *Marcus* ille *Drusus Libo* Consul sub Augusto anno 738.

CAPUT XVII.

Gens Lutatia.

I.
Lutatii.

GENS *Lutatia*, plebeja quidem, sed victoriis clara fuit. Quatuor enim *Lutatii* maxima bella confecerunt; unus Punicum primum, alter Phaliscum, tertius Cimbricum, quartus civile Marium inter & Syllam. Bello Punico primo duo *Lutatii* floruerunt, *Cajus* & *Quintus*, cognomento ille *Catulus*, hic *Certo*; ambo fratres, ambo Consulatu, victoria, & triumpho prope pares. Ille enim Consul anno 511. & anno sequenti Proconsul tanta clade Pœnos navali prælio affecit, ut ad duriores pacis conditiones adegerit; hic Consul anno 512. Phaliscos domuit: quare uterque triumphum, ille navalem de Pœnis, hic de Phaliscis terrestrem egit. *C. Catuli* abnepos *Q. Catulus* una cum *C. Mario* & Consul fuit an. 651. & Proconsul Cimbro ad interuersionem deleuit, & in dissensione civili candentium Carbonum vapore extinctus est. *Quintus* ex eo genitus *M. Lepidum* anno 675. in Consulatu Collegam aëta Syllæ rescindere conantem, & vicit ad Urbem, & victum Italia expulit, & aliquanto post Censor Capitolium dedicavit.

CAPUT XVIII.

Gens Manlia.

I.
Gentis
Manliæ
familie.

GENS *Manlia*, quæ jam inde ab Urbis incunabulis illustris fuit, in tres familias, *Cincinnatos*, *Acidinos*, & *Vulsiones* tribui potest. *Cincinnati* quod

quod in Capitolio habitarent, *Capitolini*, deinde *Imperiosi*, tum *Torquati* dicti sunt. Ex *Acidinis* Consul unus *L. Acidinus* anno 574. ex gente *Fulvia* adoptatus; e *Vulsonibus*, qui quod e *Cincinnatis* traxerint originem, *Capitolini* etiam vocantur, quatuor Consulatu, unus ovatione, duo triumpho insignes fuerunt. *Aulus* Consul anno 279. de Vejentibus ovationem, *Lucius* bis Consul anno 497. & 503. de Pœnis triumphum navalem, Cneus illius nepos Consul an. 564. de Gallo-græcis terrestrem retulit: minor *Auli* fratris gloria, qui in Consulatu anno 575. contra Istros bellum gerens, castra, quæ sua temeritate amiserat, virtute militum recuperavit.

Manliorum tum *Capitolinorum* tum *Torquatorum* stemma sic commode ex fastis aliisque primæ classis auctoribus explicari potest. *Cn. Manlio Cincinnato* ann. 273. Consuli filius fuit *Aulus Capitolinus Vulso*, de quo paulo ante diximus, a cujus liberis *Manlii* tum *Vulsones* tum *Capitolini* propagati sunt. *Aulus* tres liberos genuit rebus gestis clarissimos, *Aulum* quater Tribunum militarem, *Titum* Tribunum militarem, & *Marcum* Consulem an. 361. & triumpho de *Æquis* nobilem, qui cum novis rebus studere diceretur, e saxo *Tarpejo*, quod contra Gallos fortiter defenderat, in præceps actus est.

Aulus filium habuit *Lucium* Dictatorem, cui gemina soboles contigit, *Cn. Imperiosus* & *Ti. Torquatus*. Ille bis Consul fuit anno 394. & 396. hic ter an. 406. 409. & 413. ter etiam Dictator, qui cum Gallum singulari certamine vicisset, ab illius torque *Torquati* cognomen sibi suisque posteris peperit, *Titumque* filium, quod præter mandatum pugnasset, securi percuti iussit. Ex eo tamen nepotem habuit *Titum* an. 454. in Consulatu mortuum, & abnepotes *A. Manlium Avicum*, & *Titum*, utrumque duplici Consulatu, Censura, & triumpho clarissimos. *Aulus* Consul anno 509. & 512. *Titus* an. 518. & 529. ille de Phaliscis, hic de Sardis triumphavit; *Titus* præterea Dictator comitiorum creatus est. *Tito* duo etiam nepotes ex *Aulus* filio fuerunt, ambo Consules, *Aulo* an. 589. & *Titus* an. 588. qui filium a *D. Silano* adoptatum cum a

II.
Manlii
Capitolini.

III.
Manlii
Torquati.

Ma-

Macedonibus accusaretur, damnavit. *Lucius* ejus filius tres nepotes habuit, *Titum*, *Lucium*, & *Aulum*, Ciceronis amicos; *Lucio* enim referente, Imperator a Senatu appellatus est. Consul ille fuit anno 688. paterque *L. Manlii*, qui Syllam conjurationis Catilinæ postulavit, & aliquanto post in bello Africano contra Cæsarem periit.

C A P U T XIX.

*Gens Maria.*I.
Marci.

C*Marius*, Arpini humili loco natus, virtute militari summos honores adeptus est: vir, si quis unquam, bellicis operibus illustis, duo maxima bella confecit, Jugurthinum & Cimbricum; septem gessit Consulatus anno 646. 649. &c. bis triumphavit, semel de Jugurtha, iterum de Cimbris, Teutonibus, & Ambronibus. Jugurtham enim sæpius victum a Boccho, ad quem fugerat, proditum in triumpho duxit; Teutones & Ambrones ad Aquas Sextias solus, Cimbro ad Vercellas cum Catulo occisione delevit: at dum bellum Mithridaticum *L. Syllæ* per *Sulpicium* eripere conatur, Urbe pulsus, post errores varios in Africam appulit; unde a *Cinna* revocatus septimum Consulatum an. 667. invadit, in quo nimia crudelitate incives grassatus obiit. Ex *Julia C. Cæsaris* amita duos suscepisse filios dicitur, *C. Marium* & *Telesnum*; id tamen non liquet: sunt enim qui ipsius non filios, sed ex sorore nepotes esse velint. Ut ut est, *C. Marius* junior Consul an. 671. ad Sacriportum a *Sylla* victus Prænestæ refugit: unde per cuniculos dum tentat erumpere, una cum fratre *Telesno* cæsus est. Fuerunt etiam *Marci Gratidiani* Ciceronis & amici & affines.

C A P U T XX.

*Gens Marcia.*I.
Gentis
Marcia
familia,

M*Archorum* alii patricii, alii plebei fuerunt. Patriciorum cognomen nullum, nisi forte

Cor-

Coriolani; plebejorum multipex, *Rutili*, *Censorini*, *Reges*, *Figuli*, *Philippi*, &c. Patricii a *Numa* & *Anco Marcio* Regibus traxisse originem dicuntur, e quibus præstitit *Marcus* ille *Coriolanus*, primum fortitudine, tum suo & in patriam odio & in matrem amore notissimus.

C. Rutilo cum multi honores delati sunt, quatuor Consulatus an. Urbis 393. 401. 409. 411. & duo triumphi, alter de Privernatibus, alter de Tuscis: tum honos ille plane singularis, quod primus e plebe & Dictator & Censor creatus sit. Minor quidem *Caii* illius filii gloria, sed modestia major. Consulatu enim anno 443. & paulo post Censura perfunctus, cum Censor iterum crearetur, hanc dignitatem non respuit modo, sed legem tulit, ne cui hunc magistratum bis ambire liceret: unde *Censorini* cognomen tum ipsi, tum ipsius posteris inditum est. Illius abnepos *Lucius* an. 604. cum *Manilio* Consul, initio belli Punici tertii Carthaginem oppugnavit. Duo etiam sub Imperatoribus *Caii Censorini* Consules produntur; alter ann. 714. alter 745. ille præterea ex Macedonibus triumpho nobilis.

E *Marcii* Regibus duo Consules, totidem e *Figulis* memorantur. Regibus *Quintus*, *Figulis* *Cajus* prænomen fuit. Regum alter ann. 635. alter 683. Consulatum gessit; & ille de Stœnis (gens erat Alpina) triumphavit. *Figulorum* alter alterius avus fuit; avus duplici Consulatu ann. 591 & 597. & de Dalmatis victoria, nepos uno tantum Consulatu anno 689. illustris.

Philipporum ut plures Consulatus, ita major gloria fuit. Quatuor Consulatus adepti sunt, quorum duo primi *Quinti*, alii *Lucii* dicti sunt. Primus est *Quintus* ille Consul an. 472. qui de Etruscis triumphavit; cujus nepos duplici Consulatu an. 567. & 584. & Censura clarus extitit, clarior aliquanto futurus, nisi in primo Consulatu contra Ligures male pugnasset. *Lucii* ejus ex filio nepotes an. 666. Consulibus nomen longe illustrius, non militari quidem scientia, sed eloquentiæ laude, qua M. Antonio & L. Crasso haud multo inferior fuit. Censor aquæ

II.
Marcii
Rutili &
Censori-
ni.

III.
Marcii
Reges.

IV.
Marcii
Philippi.

Marcie

Marcia ductum restituit; ejus filius Consul an. 697. ex *Marcia* & *M. Catonis*, & *Hortensii* oratoris socer; ex *Accia* conjuge vitricus *Augusti Cæsaris*, uti diximus in gente *Julia*. De *L. Philippo* oratore ita *Cicero* in *Bruto*: *Erat in Philippo summa libertas in oratione, multæ facetiæ, satis creber in reperiendis, solutus in explicandis sententiis: erat etiam imprimis, ut temporibus illis, Græcis doctrinis institutus, in altercando cum aliquo aculeo & maledictio facetus.*

C A P U T XXI.

Gens *Mucia*.

I.
Mucio-
rum o-
rigo.

Muciorum gens quæ plebeja, una fuit, familiæ duæ, quibus & *Scævola* cognomen datum est & duo singularia fuerunt; alterum, jus civile profiteri; alterum, Censuram nunquam petiisse. Gentis princeps *Q. Mucius Scævola* Prætor an. 538. duos habuit filios, *Quintum* & *Publium*, a quibus facta sunt gentis duas in familias divortia.

II.
Mucio-
rum pri-
ma fami-
lia.

Quinto, qui Consul ann. 579. contra *Ligures* rem male gessit, ex filio *Quinto* nepos fuit *Q. ille Mucius*, cognomento *Augur*, Consul an. 636. *C. Lælii Sapiensis* gener, & *L. Crassi* oratoris socer, quem tum in lib. 1. de *Oratore*, tum in lib. de *Amicitia* loquentem inducit *Cicero*. Ejus filius *Quintus*, & ipse dictus *Augur*, peritissimus juris & percomis est habitus.

III.
Secunda.

Publius Quinti, de quo paulo ante, frater natus major Consul an. 578. duos suscepit filios, *P. Mucium* & *P. Crassum Mucianum*, qui in gente *Licina* adoptatus contra *Aristonicum* periit, uti diximus. *P. Mucius* an. 620. quo *Tib. Gracchus* cæsus est, Consul, & aliquanto post *Pontifex Maximus*, pater fuit *Q. illius Scævola*, cognomento *Pontificis*, qui *L. Crassi* oratoris fuit tum in Prætura tum in Consulatu collega, *Asiamque* Prætor tam sancte administravit, ut & aliis tanquam forma & exemplum justii imperii proponeretur, & in illius honorem festum, cui nomen *Mucia*, ab *Asianis* institutum sit. In civili bello a *L. Damasippo* cæsus est. Primum *Q. Augurem*, deinde eo mortuo *P. Pontificem* audivit *Cicero*, ut ipse testatur.

C A P U T XXII.

Gens Octavia.

Octavioꝝ familia Velitris olim præcipua inter patricias a Servio Tullio allecta quidem est, sed aliquot annis post ad plebem se contulit. *C. Octavius Rufus* quaestorius *Cneum* & *Cajum* procreavit, a quibus duplex Octavioꝝ familia defluxit, conditione diversa: siquidem *Cneus* & deinceps ab eo reliqui omnes summis functi sunt honoribus; at *Cajus* ejusque posterum in equestri ordine constitere, usque ad *Augusti* patrem, qui ex Prætura Macedoniam fortitus illam non minore justitiæ, quam fortitudinis laude administravit, ut diximus in gente *Julia*.

Cneus, *Cajo* genitus, cum Sardiniam Prætor obtinere, dum *Africanus* major in Africa bellum gerit, maris littora fortiter tutatus est. *Cneus* ejus filius Consulatu ann. 589. & triumpho de Perse multo illustrior. Persem enim a L. Paulo jam victum Prætor ceperat; & aliquanto post Legatus ad Antiochum Laodiceæ Syriæ occisus est. Ex duobus illius filiis *Cneus* Consul fuit ann. 625. *Marcus* non item; sed utrique filii Consules fuerunt, *Marco* *Cneus* an. 677. *Cneo* vero *Cneus* & *Lucius*, ille an. 666. hic 678. *Cneus* cum L. Cinnam in Consulatu collegam Urbe expulisset, paulo post illius jussu interfectus est.

I.
Octavii
plebeji.II.
Octavii
Patricii.

C A P U T XXIII.

Gens Pompeja.

Pompejoꝝ, si Vellejo credimus, tres familiae fuerunt; una *Nepotum*, altera *Ruforum*, tertia *Pompeji Magni*: omne plebejæ quidem, sed gestis honoribus nobiles.

Q. Pompejus cognomento *Nepos*, qui tibicinis, ut tum ferebatur, filius erat, ex hoc stemmate primus Consulatum an. Urbis 612. adeptus est; Hispaniam-que

I.
Pompejæ
gentis fa-
milias.II.
Pompeji
Nepotis.

que sortitus turpe cum Numantinis, a quibus victus fuerat, fœdus pepigit: populi tamen favore non absolutus modo est, sed creatus etiam aliquanto post Censor cum Q. Metello Macedonico, qui & ipse plebejus; quod nondum contigerat: Quot liberos habuerit obscurum est; certum tamen illius nepotes fuisse Sextos illos Pompejos, qui sub Augusto Consules memorantur, alter an. 712. alter 766. quo Augustus obiit; ille Ovidio, hic Valerio Maximo amicissimus. An eadem ex stirpe fuerit Cn. ille Pompejus, qui an. 722. Consulatum gessit, incertum est: nec enim ipsius cognomen, nec patris nec avi prænomen apponitur.

III. Pompeji Rufi. Q. Pompejus Rufus, Syllæ in Consulatu anno 665. collega, una cum filio in dissensione civili perit, ipse Pompeji Strabonis fraude, Sulpicii vero Trib. plebis insidiis filius, qui jam ex Cornelia Syllæ filia tres liberos genuerat, Pompejam a C. Cæsare ob adulterii cum Clodio suspicionem repudiatam, & duos Quintos; quorum alter Prætor fuit Cicerone Consule, alter Trib. plebis eo anno, quo Clodius, cui favebat, a Milone cæsus est. Q. Rufus habuit etiam ex Aulo fratre nepotem Q. Pompejum Bithynicum, Ciceroni amicitia conjunctum, qui in Ægypto, dum Classis Pompeji Magni diripitur, interfectus est.

IV. Pompeji Magni. Sex. Pompejo duo filii fuerunt, Sextus & Cneus. Ille Juris civilis, Geometriæ, & Stoicæ disciplinæ studio totus incubuit; hic a perversis oculis Strabo vulgo dictus, orto bello sociali, primum Legatus, deinde Consul an. 664. præcipuum contra Latinos victoriæ decus meruit, at paulo post de cælo tactus periit. Vir suis quidem clarus victoriis, sed filii gloria longe clarius; pater enim fuit Cn. Pompeji, qui ob res præclare gestas a Sylla Magnus appellatus est. Marium ille vicit, Carinatem & Carbonem in Italia, Hieram Numidarum Regem & Domitium in Africa. Sertorium & Perpennam in Hispania; Piratas Ciliciæ in mari Mediterraneo, in Asia minori Mithridatem, in Syria Antiochum Comagenum & Aristobulum. Unde tres egit triumphos, unum ex Africa, alterum ex Hispania etiam tum

tum eques, tertium ex Asia jam consularis, tres etiam gessit Consulatus an. 683. 691. & 701. primum & secundum cum M. Crasso divite, tertium solus; sed post tot trophæa vir Romanorum longe clarissimus, cum nec ipse parem, nec superiorem Cæsar ferre posset, orto bello civili ad Pharsalam victus, jussu Ptolemæi Regis, ad quem confugerat, interficitur. Ex quinque, quas duxerat, uxoribus, *Antistia*, *Aemilia* privigna Syllæ, *Mutia*, *Julia* Cæsaris, & *Cornelia* Scipionis filia; una *Mutia* liberos peperit, duos mares, *Cneum*, & *Sextum*, sceminam *Pompejam*, quæ primum *Faussto* Syllæ, deinde *Q. Servilio Cæpioni* nupsit. *Cneus* & *Sextus* ut virtute, ita rebus gestis patri longe impares, ad Mundam Hispaniæ oppidum a Cæsare victi sunt, & *Cneus* in fuga cæsus; *Sextus* vero fratri superstes, occupata Sicilia, Octavii Cæsaris duces navalibus præliis sæpe vicit, sed tandem desertus a suis a Titio in Asia necatus est, cum ex *Scribonia Pompejam* M. Marcello desponsatam suscepisset.

C A P U T XXIV.

Gens Portia.

Portia gentis princeps fuit, *M. Portius* cognomento *Priscus*, Tusculo (Latii oppidum erat) oriundus; qui & a sapientia *Cato*, & a Censura *Censorius* vulgo dictus est. Invitatus in Urbem a Valerio Flacco, aliquanto post cum ipso & Consulatum an. Urbis 558. & Censuram gessit. Proconsul ex Hispania triumphum, legatus victoriæ de Antiocho ad Thermopylas præcipuam laudem retulit. Duas duxit uxores, *Liciniam* juvenis, jam senex *Saloniam*, ex quibus duos filios procreavit; alterum ex altera. Utrique *M. Cato* proprium nomen fuit; sed natu majori a matre *Licina Liciniani*, minori a *Salonia Saloniani* cognomen adhæsit: ab his duæ *Catonum Licinianorum* & *Salonianorum* familiæ propagatæ sunt.

M. Cato Licinianus, qui Prætor designatus ante patrem decessit, & ex *Aemilia L. Pauli*, qui Persen-

I.
Cato
Cen-
sorius.

II.
Porcii
Catones
Licinia-
ni.

T

vicit,

III.
Salonian

vicit, filia suscepit *Marcum* & *Cajum Catones* utrumque Consulem; Illum an. 635. hunc anno 639. sed utriusque Consulatus infelix. *Marcus* enim in Africa periit; *Cajus* vero adversus Scordiscos cum male pugnasset, Tarracinam in exilium pulsus est; *Marci* filius *M. ille Cato*, qui obiit in Gallia prætorius. *M. Catoni Saloniano*, qui Imperator mortuus est, duo filii nati sunt, *Marcus* & *Lucius*, qui Consul an. 666. dum contra Italos ad lacum Fuccinum pugnat, *Marii junioris* fraude, ut est conjectura, occubuit. *Marcus* tribunitius cum Præturam peteret, mortuus, ex *Livia* *Livii Drusi* Tribuni plebis filia *M. Catonem* & *Porciam L. Domitii* conjugem reliquit. *M. Cato* fuit *Uticensis* ille, eximium *Porciæ* gentis decus, vita morumque integritate clarissimus, qui post Præturam Pompejum contra Cæsarem secutus, victis partibus, *Uticæ* sibi mortem conscivit. Ex *Marcia*, quam post *Atiliam* duxerat, duos liberos habuit, *M. Catonem*, qui in acie Philippeni cecidit, & *Portiam*, quæ primum *Bibulo* nupsit, deinde *M. Bruto*.

C A P U T XXV.

Gens Quinctia.

I.
Quin-
ctiæ
gentis
familia.

Quinctia gens, Alba diruta, a Tullo Rege inter patricias cooptata (hic enim de plebeja non agimus) quatuor potissimum familias complexa est, *Capitolinos*, *Cincinnatos*, *Flaminios*, & *Crispinos*; e quibus, brevitatis causa rebus gestis clarissimos quosque tantum proferemus.

II.
Quinctii
Capito-
lini.

E *Capitolinis* duo maxime insignes; quorum alter *T. Barbatus Capitolinus* sexies Consul an. 285. de Volscis, Antiatibus, & Æquis victor triumphavit; alter *Titus* & Consul an. 332. & aliquanto post Tribunus militaris.

III.
Cincin-
nati.

E *Cincinnatis* *Lucius* ad Consulatum ab aratro vocatus an. 283. duas Dictaturas postea gessit; quarum in prima *Minucium* Consulem liberavit, & de Æquis sub jugum missis triumphavit; in altera vero Sp. Melium dixit a *Servilio Ahala* jure cæsum. E
qua-

quatuor, quos susceperat, filiis *Lucius* ter Tribunus militaris fuit, semel Magister equitum; *Titus* vero bis Consul contra *Veios* male pugnavit. Illustrius *Titi* illius filii nomen duplici Tribunatu militari, Dictatura, de Prænestinis & victoria & triumpho. Duos ille *Titos* genuit, quorum alter Consul an. 402.

Alter *T. Pennus Crispinus* Consul an. 398. de Gallis triumpho clarus *Crispinorum* familiæ princeps exstitit. Illius abnepos *T. Crispinus* M. Marcelli an. 545. in Consulatu collega infidiis Annibalis unum cum Marcello deprehensus ex vulneribus paulo post obiit. *Lucius* ex eo genitus de Lusitanis & Celtiberis triumpho Proprætor enituit. Duo præterea *T. Crispini* Consulatum sub Augusto adepti sunt, alter an. 744. an. 759. alter.

E *Flamininis* quatuor Consules fuisse perhibentur, quorum primi duo fratres *Titus* & *Lucius*, ambo quidem Consules, ille an. 555. hic 561. sed longe dispari gloria. *Lucius* enim ob libidinem a M. Catone Censore Senatu motus est; *Titus* vero ex Quæstura, quod ipsi singulare fuit; Consul Philip-pum Macedoniæ Regem semel atque iterum vicit, Nabin Tyrannum subegit, pacem & libertatem Græciæ reddidit, & per triduum de Philippo triumphavit: deinde Censura perfunctus ad Prusiam contra Annibalem missus est. Ex *Tito* filio Consules habuit, nepotem an. 603. & pronepotem an. 630.

C A P U T XXVI.

Gens Sempronia.

GENS *Sempronia* patricia quidem primum fuit, sed deinde ad plebem transiit. *Atratinii* enim patricii fuisse dicuntur; *Tuditi* vero, *Blæsi*, *Sophi*, *Longi*, *Gracchi*, plebeji.

Ex *Atratinis* Tribuni militares bene multi, Consules quatuor memorantur, *Aulus* bis an. 256. & 262. illiusque filii vel nepotes *Lucius* & *Cajus*, ille ann. 319. hic 330. Floruit multo post *Cajus Atratinus*, qui an. 719. Consul ponitur.

III. E *Blæfis* unus *Cajus Blæsus* duplici Consulatu an.
Blæsi. 500. & 519. & triumpho de Pœnis clarus fuit.

IV. E *Sophis* duo *Publii*, pater & filius, Consulatu,
Sophi. triumpho & Censura illustres fuerunt, primus Con-
sul an. 449. de *Æquis*, alter an. 485. de *Picentibus*
triumphavit.

V. E *Tuditani* quatuor Consulatum assecuti sunt;
Tudi- *Marcus* anno 513. *Publius* 546. *Marcus* 668. *Cajus*
tani. 624. Eo major *Publii* & *Caji* gloria, quod ille con-
tra Annibalem rem bene gesserit & Censor fuerit;
hic vero de *Istris* triumpharit.

VI. E *Longis* duo *Tiberii* Scipionum in Consulatu
Longi. collegæ fuerunt, alter an. 535. P. Scipionis, qui in
Hispania periit; alter an. 559. *Africani* majoris; il-
le una cum collega *fufis* ad *Lilybæum* hostibus *Me-*
titam eis eripuit, sed paulo post ad *Trebian* ab *An-*
nibale victus est.

VII. E *Sempronis* omnibus rerum gestarum gloria *Grac-*
Grac- *chi* longe præstiterunt. Eorum princeps *Tiberius* Con-
chi. sul an. 515. filium habuit *Tiberium* bis Consulem;
semel an. 538. iterum 540. qui contra Annibalem,
dum rem gerit feliciter, fraude *Lucani* hospitis ab
hostibus cæsus est, cujus filius *Tiberius* duos Con-
sulatus an. 556. & 571. Censuramque gessit, duos
egit triumphos, primum de *Celtiberis* Prætor, al-
terum Consul de *Sardis*: vir tum victoriis tum vir-
tutibus ætatis suæ clarissimus. Ex *Cornelia* *Africani*
majoris filia duos mares, *Tiberium* & *Cajum*, susce-
pit, totidemque scæminas: quarum altera P. *Sci-*
pioni *Aemiliano* nupsit. *Tiberio* & *Cajo* *Gracchis*
par prope ingenium, par eloquentia; alia tamen a-
lii: iidem honores delati, eadem utriusque consilia,
idemque exitus fuit. Nam uterque Quæstor Consu-
lum, *Tiberius* *Mancini* in *Hispania*, *Cajus* *Aurelii*
Orestis in *Sardinia*; uterque *Tribunus* plebis leges
agrarias contra Senatus voluntatem promulgavit:
quare uterque a Patribus, *Tiberius* a *Scipione* *Na-*
sica in *Capitolio* an. 620. *Cajus* ab *Opimio* Consule
in *Aventino* an. 632. oppressus est.

CAPUT VIII.

Gens Servilia.

Serviliorum alii plebei, alii patricii, variis distincti cognominibus: *Priscus*, *Fidenas*, *Abala*, *Structus*, *Geminus*, *Cæpio*, & *Vacia*. E *Priscis* & *Fidenatibus* multi Consules numerantur. Tribuni militares multo plures; ex *Abalis* duo tresve Consules; ex *Structis* unus & alter: de quibus, quod nascente Republica ab an. 250. ad 400. floruerunt, nihil dicemus; de aliis breviter.

I.
Serviliæ
gentis
familie.

Publius Geminus bis Consul, semel anno 501. iterum anno 505. pater fuit *Cn. Gemini*, qui Consul an. 536. Annibalem Fabianis artibus ad summam inopiam redegit, cujus, opinor, filii *Cajus* & *Marcius*, ille Consul an. 550. hic non tam Consulatu quem ann. 551. gessit, quam eximia animi corporisque fortitudine clarus extitit; singulari enim certamine vices & tricies vicisse dicitur. Sunt tamen qui fratres illos plebejos fuisse velint.

II.
Servilii
Gemini.

Geminis tamen præstitit *Cæpionum* familia. *Cn. Cæpioni* ann. 500. Consuli filius fuit *Cneus* item Consul ann. 500. ex quo genitus *Cn. ille Cæpio* Consulatu quidem ann. 584. insignis; sed trium filiorum gloria illustrior; qui omnes Consulatum adepti sunt: *Q. Fabius Servilianus* in gentem Fabiam adoptatus ann. 611. *Cneus* 612. & *Quintus* 613. qui ex Consulatu sortitus Hispaniam, fœdus ab ipso fratre *Q. Fabio Serviliano* cum *Viriatho* initum rescidit; illumque cum armis non posset, insidiis ac fraude per illius amicos sustulit. Natus ex eo *Q. Cæpio*, qui post Præturam & triumphus decus ex Hispania ulteriore, an. 647. Consulatum assecutus est; at paulo post, dum Proconsul Galliam regeret; ob aurum Tolosanum, ut tum creditum est victus a Cimbris in carcere misere periit: *vir acer & fortis*, inquit Cicero, *cui fortuna belli crimini, invidia populi calamitati fuit.*

III.
Cæpio-
nes

P. Servilius Vacia, *Cajo* prætorio natus, Consulatum obtinuit ann. 674. & expugnatis Isaurorum oppidis,

IV.
Vacie.

Oppidis, ex Asia & triumphî honorem & *Isaurici* cognomen retulit. Ejus filius *P. Isauricus* bis Consul fuit, semel an. 705. cum C. Cæsare, cujus nomine Asiæ præfuit, iterum cum L. Antonio an. 712.

CAPUT XXVIII.

Gens Sulpicia.

I.
Sulpic.
gentis
familiz.

Sulpicios omnes alii patricios fuisse volunt; alii nonnullos quidem patricios, alios vero plebejos quod verius putem: *Galbas* enim patricios, *Rufos* vero plebejos ex antiquis denariis constat. Gens illa oriunda *Camerio* oppido, unde *Camerini* cognomen desumpsit, in multas familias divisa est; fuerunt enim *Camerini*, *Longi*, *Saverriones*, *Petici*, *Rufi*, *Galli*, *Paterculi*, *Galbæ*, &c.

Cameri-
ni, Pe-
tici, Ga-
li, Qui-
rini.

E *Camerinis* multi quidem Consulatum adepti sunt; at cum ante annum Urbis 450. floruerint, de his nihil dicemus. E *Longis* C. *Longus* triplici Consulatu an. 416. 430. 439. Dictatura, de Samnitibus triumpho clarus fuit. E *Peticis* C. *Peticus* quinque Consulatibus an. 389. 392. &c. Censura, victoria de Gallis, & de Hernicis triumpho. E *Saverriionibus* duo *Publii* Consulatu an. 449. 474. E *Galbis* *Cajus* summa eruditione, Consulatu an. 587. & de Liguribus triumpho. E *Paterculis* *Quintus* Consulatu an. 405. & triumpho de Pœnis illustris. E *Quirinis* duo *Publii* Consulatu an. 717. & 741. quo anno, ut multis placet, Christus natus est.

III.
Rufi.

E *Rufis* duo maxime celebres fuerunt, *Publius* & *Servius*, ille ingenii & eloquentiæ laude, hic juris civilis scientia floruit; ille in Tribunatu jussu Syllæ, cui bellum Mithridaticum ademerat, an. 665. necatus est; hic Consul an. 702. a Cæsare contra Pompejum in bello civili stetit. Cicero *Publium* in libris de Oratore loquentem inducit, & ad *Servium* multas scripsit epistolas.

IV.
Galbæ.

P. Sulpicius Galba Maximus, etiam si nullo curuli honore perfunctus esset, Consulatum an. 542. affectus est; & aliquanto post Dictaturam & alterum Consulatum anno 553. Ex *Servio* filio præto-
rio

rio nepotes habuit *Cajum* prætorium & *Servium* patrem *Ser. Galbæ* oratoris, qui vocatus in iudicium, quod victus a Lusitanis eorum multa millia insigni perfidia trucidasset, populi animum precibus & lacrimis flexit, & Consulatus honorem haud multo post ann. 609. adeptus est. Ex duobus filiis alter *Cajus* primus e sacerdotum collegio iudicio publico damnatus est, alter *Servius* anno 645. Consul genuit *Servium* C. Cæsaris in bello Gallico legatum ex quo natus *Ser. ille Galba*, qui multiplicem scripsit historiam, cujus ex filio nepotes fuerunt, *Cajus* Consul an. 774. *Servius* duplici Consulatu ann. 785. & 821. & imperatoria dignitate clarissimus. *Galbæ* Imperatoris tum virtutes tum vitia retulit Tacitus l. 1. Hist. c. 12. *Vetus in familia nobilitas, magnæ opes; ipsi medium ingenium magis extra vitia quam cum virtutibus. Famæ nec incuriosus, nec venditor; pecuniæ alienæ non appetens, suæ parcus, publicæ avarus. Amicorum libertorumque, ubi in bonos incidisset, sine reprehensione patiens: si mali forent, usque ad culpam ignarus: sed claritas natalium & metus temporum obtinuit, ut quod segnitia erat, sapientia vocaretur. Dum vigeat ætas, militari laude apud Germanias floruit. Proconsul Africam moderate, jam senior citeriorem Hispaniam pari iustitia continuit: maior privato visus, cum privatus fuit; & omnium consensu capax imperii, nisi imperasset.*

C A P U T XXIX.

Gens Tullia Ciceronum.

M Tullio Ciceroni, qui Arpini equestri loco natus erat, (hic enim de Tullia gente, quæ patricia fuit, non agimus) *Marcia Gratidia* tres liberos peperit, *Marcum* & *Lucium* Cicerones, & *Tulliam* C. Aculeonis uxorem. *Lucius* filium habuit sibi cognominem; *Marcus* duos *Marcum* & *Quintum*, quorum ille oratorum facile princeps ingenio, eruditione, eloquentia, non Tulliæ modo gentis, sed totius Reipublicæ decus extitit. Primus ex sua familia curules honores, & Consulatum an. 690.

T 4

adeptus

I.
M. Cice-
ro ora-
tor.

adeptus est, in quo Catilinæ conjurationem oppressit. A Clodio aliquanto post pulsus in exilium, Senatus decreto summo cum honore revocatus est. In dissensione civili Pompeji partes secutus, a C. Cæsare & sibi & aliis salutem impetravit. Denique jussu M. Antonii, in quem acriter fuerat Philippicis invehctus, an. ætatis 63. occisus est.

II.
Illius li-
beri &
frater.

Ex *Terentia*, quam senex repudiavit, *Marcum* suscepit & *Tulliolam*, quæ ter nupsit, primum *Pisoni Frugi*, deinde *Furio Crassipedi*, tum *Dolabellæ*. Repudiatam a Cicerone *Terentiam* Sallustius historicus, & eo mortuo *Messala Corvinus* duxerunt. *Marcus* filius patri longe absimilis (gulosus enim fuit & bibax, si Plinio credimus) in locum M. Antonii an. 723. quo ille ad Actium victus est, ab Augusto Consul successus, Asiam obtinuit. *Quintus* vero *Marci* oratoris frater, ex Prætura Asiæ proconsulari imperio per triennium præfuit; tandem una cum *Quinto* filio, quem ex *Pomponia* *Pomponii Attici* sorore genuerat, in triumvirali proseriptione periit.

C A P U T XXX.

Gens Valeria.

I.
Valeriæ
gentis
familia.

Valeriorum gens duplex fuit, plebeja & patricia. E plebeja fuerunt *Publius* & *Marcus* Lævini, quorum ille contra *Pyrrium*, hic contra *Philippum Macedonem* res magnas gessit; sed de illis non hic agimus. Gentis patriciæ princeps fuit *Volesus Sabinus*, qui jam inde a Romuli temporibus divitiis & opibus pollens, pacis Romanos inter & Sabinos ineundæ auctor fuit; cujus abnepos *M. Valerius Volesus* tres habuit liberos, *P. Valerium Poplicolam*, *M. Valerium Maximum*, & *L. Valerium Potitum*, a quibus totidem familiæ propagatæ sunt. *Valerii Maximi* ad annum Urbis 500. *Potiti* ad Augusti Cælaris imperium, *Poplicolæ* ad *Arcadii* & *Honorii* tempora maximis honoribus floruerunt.

II.
Valerii
Poplico-
læ.

P. Valerius Volusi filius, & ob singularem quemdam in populum Romanum amorem vulgo *Poplicola*

cola dictus, quatuor gessit Consulatus, an. 244. 245. 246. 249. duosque egit triumphos, alterum de Vejentibus, de Sabinis alterum. Duo illi filii nati sunt, *Publius & Marcus*. *Publius* duplici Consulatu anno 278. 283. & de Vejentibus Sabinisque triumpho nobilis, qui contra Herodium pugnans cecidit, nepotem habuit *Publium* semel sub Camillo Magistrum equitum, & quinquies Tribunum militarem, & pronepotes *Publium* Consulem an. 401. & Dictatorem an. 409. & *Marcum* bis Consulem, semel an. 397. & iterum 400.

M. Valerio primo *Poplicolæ* filio duo nepotes fuerunt, *Publius & Marcus*; & abnepotes ex *Publio* *Publius* Magister equitum, ex *Marco* *Marcus* ille *Valerius*, qui cum Gallum singulari certamine viciisset, adjuvante Corvo *Corvini* cognomen invenit; curules magistratus 21. sex Consulatus an. 405. 410. &c. Censuram duasque Dictaturas gessit; ter triumphavit de Antiatis, Volscis, Sidicinis, Etruscis, &c. Ex qua Valeriorum familia *M. Valerius Corvinus* traxerit originem, apud eruditos non convenit. Nonnulli *P. Valerii Poplicolæ* anno 401. Consulis filium faciunt, quod contra fastorum fidem est & historiæ: illi enim *Valerio* *Publius* prænomen fuit, *Corvini* vero & patri & avo *Marcus*. Zonaras eumque secutus Pighius a *M. Valerio Maximo Poplicolæ* fratre prognatum volunt, quod *Maximi* cognomen habuerit. Ipse *Corvinus* apud Livium a *P. Poplicola*, qui Reges ejecit, ortum se proficitur; cui ego, quam aliis, assentiri malui. Quæ opinio si vera est, *Maximi* cognomen non avitum in eo fuit, sed virtute partum.

III.
Corvini

Ut ut est (nihil enim definire ausim) a *Corvino* propagati sunt *Valerii Messalæ*. Ejus enim filius *Marcus* Consul anno 464. pater fuit *Marci Maximi* Consulatu an. 490. Censura, de Pœnis triumpho clarissimi; cui, quod Messanam urbem Siciliæ cepisset, primum *Messanæ*, tum *Messalæ* cognomen inditum est. Ex ejus posteris *Marci* Consules multi, filius an. 527. nepos 595. pronepos 592. & Censor licet ipse prius fuisset, a Censore notatus. Ab hoc *Messala* per centum prope annos jacuit *Messalarum*

IV.
Messalæ.

larum domus, donec illius pronepos M. *Messala Niger* orator, prudens, acutus, multæque operæ, Consulatum adeptus est an. 692. illiusque cognatus M. *Messala* anno 700. de quo postea agemus. Ex *Marco* oratore natus est *Marcus* & ipse summus orator, qui eo nomine etiam tum juvenis a Cicerone laudatur: victis Bruti partibus a quibus steterat, *Octavio Cæsari*, a quo fuerat revocatus in Urbem, contra *Antonium* adfuit, deinde Consulatum anno 724. de *Salassis* triumphum, & Urbis Præfecturam obtinuit. Ex duobus filiis *Lucius* in gentem *Aureliam* adoptatus, L. *Aurelius Cotta Messalinus* dictus est: alter *Marcus* Consul an. 750. bello Pannonico victor ornamenta triumphalia retulit: cujus filius & nepos *Marci* Consulatum gesserunt, ille an. 772. hic 820. *Neronis* in tertio Consulatu collega. Ex *Cajo Messala* & *Hortensii* oratoris sorore genitus est M. *Messala* Augur, Consul an. 700. de quo paulo ante, cujus filius M. *Messala Barbatus* vir eruditissimus & Consul anno 741. genuit M. *Messalam Barbatum*, qui ex *Lepida* suscepit *Messalinam*, *Claudii Imperatoris* uxorem.

V. *Maxim.* *M. Valerius Maximus*, *Volusi* filius & *Poplicolæ* frater, Auguratu, Consulatu ann. 248. Dictatura, de *Sabinis* & *Latinis* triumpho nobilis, filium habuit *Marcum* Consulem an. 297. & pronepotem *Marcum* bis Tribunum militarem, ex cujus filio natus est *Marcus* bis Legatus sub L. *Papyrio* Dictatore, & Consul an. 441. & aliquanto post Censor.

VI. *Potiti.* L. *Val. Potito Volusi* filio & *Poplicolæ* fratri semel atque iterum Consuli an. 268. & 283. filius fuit *Lucius* Consulatu an. 304. & triumpho de *Æquis* & *Volscis* clarus, qui duos filios habuit *Cajum* & *Lucium* ambos Consules an. 344. & 361. ambos Tribunos militares, illum semel, hunc quinques. *Lucio* natus est *Lucius* sexies Tribunus militaris. *Cajo* vero *Cajus*, cujus filii *Cajus*, & *Lucius* *Flacci* dicti sunt. *Cajus* quidem Consul ann. 422. fuit; *Lucius* Magister equitum an. 432.

VII. *Flacci.* *Lucius* ex *Marco* filio nepotem habuit *Lucium* *Flac-*
cum Consulem an. 492. Pronepotem *Publium* Con-
sulem an. 526. abnepotem *Lucium*, qui cum M. *Ca-*
tone,

rone, quem in Urbem evocarat, & Consulatum an. 258. & Censuram gessit: & aliquanto post princeps Senatus lectus est. Ex eo genitus *Lucius* Consul an. 600. pater *Lucii* Consulis an. 622. qui duos filios suscepit *Cajum* & *Lucium*; quorum ille semel anno 660. Consul fuit, hic bis an. 653. cum C. Mario, & iterum an. 667. cum Ciina Mario mortuo suffectus, Censor cum M. Antonio, & princeps Senatus. A Marianis in Asiam contra Mithridatem missus, C. Fimbrizæ Legati scelere occisus est. Sunt tamen qui velint, *Cajum* & *Lucium* cognatos, non fratres fuisse. *Lucii* filius fuit *Lucius* ille Flaccus, qui bellum Cretense magna ex parte gessit, Pisonis & Quæstor in Hispania, & Legatus in Macedonia; is ipse quem Cicero defendit. Duo illi filii nati sunt *Lucius* & *Cajus*, quorum ille sub Cajo Cæsare Prætor fuit, hic in partibus Pompeji periiit.



DISSERTATIO QUINTA.

ANNUS, MENSES, ET FERIÆ

ROMANORUM.

CAPUT PRIMUM.

Quid tempus, dies, mensis, annus.



PERÆ pretium est de tempore ipsiusque partibus pauca præmittere, ne quis offendat in iis quæ de Romanorum annis & mensibus dicturi sumus. Nihil aliud tem-

pus est, quam mensura, qua priores motus partes, posterioreseque numerando percurrimus. Primus omnium motus supremi orbis diurna conversio est: sunt alia tempora aliorum motuum, versio, & totidem, quot orbium cælestium curfus. Verum duo sunt ex omnibus errantia sydera, Sol & Luna quorum

I.
Quid
tempus.

rum conversionibus tempus potissimum metimur ; ut enim supremus orbis diurna conversione diem , ita circuitu suo & Sol annum , & Luna mensem efficit .

II.
Quid
dies na-
turalis
& artifi-
cialis .

Diem dividunt astronomi in naturalem & artificiosum . Naturalis est Solis ab uno puncto ad idem punctum fixum velut a meridiano circulo ad eundem reditus . Artificialis est Solis supra horizontem commoratio ; cui nox respondet ; quæ Solis itidem infra horizontem mora definitur . Naturalis dies 24. horis circumscribitur : artificialis nec certum nec statum horarum numerum continet , sed modo plures , modo pauciores pro vario Solis vel accessu vel recessu . Dies vero civiles ad naturalis modum horis quatuor & viginti ab omnibus fere populis definiti sunt ; sed non eadem fuerunt omnibus dierum initia . Dies enim statuitur vel a Solis ortu ad exitum , ut olim a Babyloniis ; vel a meridie ad meridiem , ut alias ab Umbriæ populis ; aut ab occasu Solis ad occasum , ut ab Atheniensibus ac Judæis ; aut a media nocte ad mediam noctem ; quod Romanis usitatum fuit .

III.
Quid
mensis
solaris
periodi-
cus , sy-
nodicus .

Ut ex horis dies , ita ex diebus collectis mensis efficitur : *μῶνας* Græci dicunt ἀπὸ τῆς μῶνης , hoc est a Luna , tunc ἀπὸ τῆς μῆνης μῶν deducitur quod ὁ μῆν latius patet , quam μῶν , & ut Lunæ , ita & Soli menses congruunt . Mensium enim duo genera sunt ; alii enim sunt naturales , civiles alii : naturalium species duæ , nam alii sunt Solis , alii Lunæ . Solaris mensis est , quo Sol in zodiaco orbe unum signum percurrit ; cum vero non pari tempore signa omnia peragret , huiusmodi menses alii altis dierum numero majores sunt . Lunarior mensis iterum duplex est , alter periodicus , synodicus alter : periodicus , quo Luna orbem suum percurrit ; synodicus , quo Luna a Sole digressa Solem , qui motu suo gradus fere 27. progressus est , iterum assequitur . Unde mensis periodicus synodico brevior est ; ille enim dierum est 27. hor. 7. 47. 3. hic vero dierum 29. hor. 12. 44. 3. Civiles menses nihil sunt aliud , quam numeri quidam dierum , quos unaquæque civitas sibi præscribit .

An-

ANNUS, MENSES, & FERIAE. 303

Annum, uti dictum est, conversione sua Sol efficit. Unde *annus*, si Varroni & Servio credimus, ab *annulo* dictus est; quod annum Solis reditu ad eandem, unde profectus erat, cœli partem metimur. Duplex vero annus est, quorum alter ad Solis, alter ad Lunæ cursum describitur; mensis enim, qui conversione Lunæ efficitur, duodecies replicatus ex hominum instituto lunarem componit annum. Solaris annus itidem duplex est; cœlestis sive tropicus, cujus initium vel ab æquinoctiis ducitur, vel a solstitiis, qui quatuor anni cardines sunt; alter civilis, qui popularem ad usum paululum ab eo deflectitur. Tropicus est dierum 365. hor. 5. 49. Civilis non una mensura est, sed pro vario populorum arbitrio vel brevior est, vel longior.

Admonere hoc loco non omiserim, lunares sive menses sive annos alios esse mathematicos, alios populares. Cum enim dies tribuantur in horas 24. horæ singulæ in 60. scrupula, prima hæc in totidem secunda, & ita deinceps. Menses v. g. dicuntur mathematici, qui supra dies horas aliquot continent, horarumque scrupula; populares vero, qui alternis dierum sunt 30. & 29. quasi singuli supra dies 29. horas præcise 12. colligant. Si quid vero de ratione scrupularia superest, id in hora sensim collectum diem tandem efficit, qui certis annis extra ordinem inferatur. Hujusmodi annum lunarem, qui cum solari conjunctus non est, adhibent etiam nunc Turcæ, & Arabes; populi tamen plerique omnes qui lunarem anni modum secuti sunt, hoc anno usi sunt, qui cum solari implicatus esset, & communi velut inclusus orbe, quem cyclum ac periodum vulgo nominarunt.

IV.
Quid
annus
solaris &
lunaris.

V.
Quid
mensis &
annus
lunaris,
mathe-
mati-
cus, &
popula-
ris.

CAPUT II.

Annus a Romulo ordinatus.

I.
Annus
Romuli
10. an. 12.
mensēs
habue-
rit.

Decem, an duodecim menses priscus Romuli annus contineret, dubitatum est a veteribus. Censorinus c. 20. annum jam tum ab initio duodecim fuisse mensium ex Licinio Macro & Fenestella perhibet. Varro, Suetonius, Ovidius decem tantummodo mensium fuisse prodiderunt, & dierum 304. quos ita dispensatos fuisse Solinus & Macrobius volunt, ut menses alii 30. alii 31. diebus evolverentur. Aliter tamen Plutarcho visum est, qui mensibus aliis dies 35. aliis etiam plures, quibusdam ne vicenos quidem attribuit: eoque pertinet, quod a Censorino de Albanis proditum est, illos mēsi Martio arrogasse dies 26. Majo 23. Septembri 16. Nihilque aliud Romanis propositum fuisse scribit Plutarchus, quam ut 360. dies Græcorum exemplo singulis annis assignaret. Communis tamen opinio est Romuli anno non plures, quam & menses 10. & dies 304. competere.

II.
Unde
petita
mensium
nomina.

Dies igitur 304. mensibus decem Romulus distribuit. Mensium nomina sunt hæc. Martius, Aprilis, Majus, Junius, Quintilis, Sextilis, September, October, November, December. Cur singulis hæc nomina indita sint, inter scriptores non convenit, alii enim aliunde ea repetunt. Principem locum inter menses Romanos Martius obtinet, secundum Aprilis. Uterque, si Fulvio & Junio adhibenda fides, a diis, qui Romanorum parentes ferebantur, dicti sunt; Martius a Marte, Aprilis ab Aphrodite sive Venere. Festo & Varroni aliter placuit, qui mensem Martium jam ante Romuli ætatem ab Italis usurpatum urbibus memorant; ideoque a Marte sortitum esse nomen, quod Latina gens armis esset belloque dedita. Aprilem non a Venere vocatum scribit Cinthius; sed ab aperiendo, quod benigno calore Solis tum ex humo cuncta gignantur. Nec minor de Maji & Junii appellatione dissensio est. Populum Romulus cum in centurias seniorum & juni-

juniorum descripsisset, mensem Majum, ut auctor est Servius, a Majoribus, *Junium* a junioribus nuncupavit. Majus tamen ex aliis a Maja dictus est, sive Vulcani uxore ut vult Cinthius, sive Mercurii matre ut placet Plutarcho; Junius vero vel a Junone ex Ovidio, vel a Juventa dea ex Agrætio, vel a Junio Bruto qui Reges expulit. Cæterorum vero nominum facilis ratio est, cum ab ordine, quo collocati erant, singulorum nomina repetita sint: Quintilis enim dicitur & Sextilis, quod ille quintus sit, hic sextus. Hæc nomina ante Romulum in usu apud Latinos fuisse certum est; unde quis non immerito suspicetur Romulum non constituisse hunc anni modum, sed ex Latio in Urbem invexisse.

Non idem dierum numerus, mensibus singulis imputatus est; sed aliis plures, pauciores aliis. Qui enim lunarem instituit annum sive Romulus, sive quis alius, initium cujusque mensis sumsit ex illo die, quo novam Lunam contigisset videri. Quia vero alias celerius apparet, alias tardius, accidit, ut cum tardius visa est, præcedenti mensi plures dies darentur; cum celerius, pauciores. Ita casu factum, ut quot cuique mensi dies primum attributi erant, totidem deinde retenti sint; ita menses quatuor Martius, Majus, Quintilis, & October unum & triginta dies sortiti sunt: cæteri triginta.

Singulorum mensium tres partes erant, a Kalendis, Nonis, Idibus appellatæ: de quibus duo quærimus; unde petita hæc nomina, quotquot dies singulis partibus dati. Kalendæ a *καλῶ* dictæ sunt, quæ vox idem sonat, quod *vero*. Cum enim lunari mense uterentur, ubi Pontifex primum Lunæ aspectum observasset, vocata in Capitolium plebe hac formula prædicebat, quot dies ad Nonas superessent; si quinque dies: *Quinque te voco, Juno novella*; si septem: *Dies septem te voco, Juno novella*. Nonæ vocatæ sunt, quod ab eo die ad Idus octo dies paterent; quare Nonæ nonus retro dies erant. Idibus nomen inventum vel ab ove *iduli*, quæ hoc die immolabatur, vel ab Etrusca voce *induare*, hoc est, dividere, quod mensem duas in partes quoque

æqua-

III.
Non idem in singulis mensibus dierum numerus.

IV.
Unde dictæ Kalendæ, Nonæ, Idus.

æquales Idus dividant: vel ἀπὸ τῆς ἑίδης, a plenæ Lunæ specie: tum enim orbe perfectō, Luna videri solet.

v.
Quot
dies Ka-
lendis,
Nonis,
Idibus,
attribu-
ti.

Kalendæ certam in mensibus sedem semper occupant, primum cujusque mensis diem; Nonæ & Idus non item. Martio, Majo, Julio, & Octobri, qui 31. dierum erant, Nonæ septimum, Idus decimum quintum: in reliquis, qui 30. diebus constabant, Nonæ quintum, Idus decimum tertium: in Nonis modo quatuor, modo sex dies tribuuntur, Idibus semper octo. Kalendæ pro mense modo 17. & Romuli tempore sexdecim: primo cujusque mensis die dicitur *Kalendis*; secundo die, si mensis die septimo Nonas habet, vi. *Nonas*; si quinto, iv. *Nonas*: tum iii. *Nonas*, *pridie Nonas*, qui dies est vel quartus vel sextus: post diem vero Nonarum proximus dies appellatus viii. *Idus*; tum vii. & ita reliqui. Post Idus Kalendarum dies sequuntur, quæ eo plures numerantur, quo pauciores Nonas mensis habuit: dies enim post Idus reliqui Kalendis mensis sequentis imputantur.

C A P U T III.

Annus a Numæ castigatus.

I.
A quo
Janua-
rius &
Februa-
rius an-
no addi-
ti.

A Multis proditum est scriptoribus annum Romuli primum a Numa Pompilio, deinde ab aliis castigatum esse, vel menses duos additos, vel si jam duodecim erant, dierum numerum fuisse aut ordinem immutatum. Nam primus ante cum fuisset Martius, tertius ab Numa, vel a Tullo, vel a Decemviris factus est; primus autem Januarius, secundus Februarius, qui ambo vel in duodecimum & undecimum locum ita rejehti, ut esset omnium postremus Februarius. Quin etiam aliquot post Numam sæculis, Januarius primum locum obtinuit, secundum Martius, Februarius postremum, quem initio ultimum fuisse plerique perhibent; & Terminalia novissimum anni diem occupasse, omnes peræque consentiunt: a quo vero potissimum secundo fuerit loco constitutus, incertum est.

Cæte-

Cæterum hæc a Numa castigationis initia ratio est, cum annus Romuli dierum esset 304. solari multo minor erat, cui tum vulgo 365. dies attributi: unde huic anno id inerat vitii ut capita, tum annorum tum mensium in eandem tempestatem non redirent: sed hiberni menses in autumnum, verni in hyemem, ac reliqui deinceps in alienam sedem invaderent. Quare ut hic annus ad solarem propius accederet, additi quidem vivente etiam tum Romulo multi dies, sed ii nec ullo proprio nomine signati, nec in certos menses digesti; cui incommodo ut mederetur Numa Pompilius 304. diebus 51. dies addidit in honorem imparis numeri, cum 50. tantum addere debuisset, annique lunaris modum 355. diebus definiit. Deinde de senj mensibus, qui tricenarii erant seu cavi, dies singulos detraxit, quibus 51. adjunctis 57. dies exstiterunt. Tum ii dies in duos menses tributi sunt, Januarium & Februarium; Januario dati dies 29. Februario 28. ita impar numerus in omnibus mensibus adhibitus, uno exempto Februario, qui propterea & infestus habitus est, & diis Manibus consecratus fuit.

Perluasum erat id temporis tum Græcis tum Romanis, lunarem annum diebus 354. constare; solarem vero diebus 365. cum quadrante. Quare ut annus lunaris cum solari conciliaretur, ex diebus undecim, quibus Lunam Sol excedit, mensis decimus tertius constitutus est, qui a Græcis *Emolismæus* a Romanis *Merkedinus* vel *Merkedonius* dictus est. Is cæteris mensibus brevior erat, qui vel 22. vel 23. tantum dies alternis haberet; non singulis annis, sed post biennium tantum intercalatus est, post diem 23. Februarii: unde *Februarius intercalaris* interdum appellatus est.

In hoc vero a Numa peccatum est, quod amore imparis numeri lunarem annum ex 355. diebus composuerit, diesque undecim cum quadrante more Græcorum, ut propius Solis vestigia Luna premeret, addiderit. Inde enim factum est, ut civilis apud Romanos annus dierum esset 366. cum quadrante, & cœlestem uno die superaret; unde prima confusionis labes; nam *Merkedinus* mensis dies habuit

II.

Dies 51.

a Numa

additi.

III.

Mensis

Merke-

donius

interca-

latus.

IV.

In anno

Numæ

unus

dies a-

bunda-

vit.

buit 22. & 23. cum 20. & 21. alternis habere debuisset, nec quarti cujusque anni initium solstitio hyberno congruit, quod propositum Numæ fuerat. Cum enim cœlestis annus civili uno die minor esset, unius cujusque anni caput uno die a solstitio recessit, & post 24. annos a solstitio anni initium 24. diebus aberat, cui malo sive a Tullo sive aliquanto post a Decemviris adhibita medicina est, a quibus vicesimo quarto quoque anno & Mercedinus mensis & dies a Numa additus omitti jussi sunt ut ad eandem Solis metam plenis annorum spatiis dies congruerent, quod Livius & Macrobius prodiderunt. Unde quivis intelligat, Romanam periodum non 22. annis, ut Scaligero visum est, sed 24. fuisse circumscriptam.

v.
Nūdinæ
nunquā
in Ka-
lendas
vel No-
nas in-
curre-
bant.

Unum est, quod hoc loco adnotare non pigebit, cum apud Romanos nefas esset nundinas vel in diem anni principem; vel in Nonas incurrere, quod utrumque Reipublicæ perniciosum putaretur; ne id eveniret, dies ille quo abundabat annus, eorum qui fastis præerant permissus arbitrio est, ut cum libitum erat, illum vel intercalarent vel omitterent. v. g. si nundinæ in Kal. Januarias caderent, dies unus præter morem in Decembrem insertus est, & alter postea sive de Januario sive de alio mense detractus; aut contra dies unus Decembri ademptus, & Januario restitutus. Idem ne in Nonas nundinæ convenirent, in Januario intercalatus dies ille, qui non stabilem in Calendario stationem obtinebat, sed ex Pontificum arbitrio solebat vel dispensari vel omitti.

C A P U T IV.

*Annus iterum a C. Cæsare correctus,
tum ab Augusto.*

I.
Annus
Pontifi-
cum vi-
tio cor-
ruptus.

SI imperatum sive a Numa sive a Tullo intercalationem observassent Pontifices, constans anni Romani & status fuisset, & ratio; sed Pontificum libidine, penes quos intercalandi provincia fuit; anni

ANNUS, MENSES, & FERIÆ. 309

anni caput e sua sede ita dimotum est, ut Januarius in autumnum pervenerit. Mensis enim Merkedini intercalatio ab iis vel omiſſa est, vel præcipitata, sive odio sive amore & publicanorum & magistratum, ut tempus illis aut prorogarent, aut minuerent: eoque jam labes progressionem fecerat, ut C. Cæsaris tempore prima Januarii dies solstitium hybernium 67. diebus antecederet.

Perversum hunc anni situm & ordinem C. Cæsar summus Pontifex castigare instituit anno Urbis 708. Ubi cognovit anni solaris modum ex Sosigene Ægyptio, hoc tempus in usum civilem transtulit, jussitque ut hic annus Urbis 708. dierum esset 445. ex Censorino: habuit enim dies anni Pompiliani 335. præterea 23. mensis Merkedonii, denique 67. qui ad solstitium hybernium deerant. Ex his diebus duo conflati menses, iique inter Novembrem & Decembrem intercalati, sed nullo insigniti nomine. Ita hic annus menses habuit quindecim, annusque *confusionis* cum a Censorino tum ab aliis dicitur; vel quia *confusionis* ultimus est, vel quia plures quam cæteri & menses habuit & dies.

II.
Annus
confu-
sionis

Hac perturbatione semel defunctus Cæsar, ut suum deinceps cursum anni tenerent, ita Julianum annum constituit. Mensis Merkedonius, unde nata confusio erat, abolitus; dies decem cum quadrante ad annum Pompilianum additi, ita ut annus civilis itidem ac solaris 365. diebus cum quadrante contineretur, dies vero additii per varios menses distributi: duo Januario, Sextili & Decembri adjecti, qui antea 29. dierum erant: reliquis totidem dierum Aprili, Junio, Septembri, novembri singuli. Hi vero dies in calcem mensium de industria coniecti, ne religiones cujusque mensis a loco summoerentur. Ita dierum ante Nonas & Idus numerus idem, qui fuerat tempore Numæ, perseveravit: ab Idibus ad Kalendas dies vel unus vel duo additi, ita ut essent pro mensium modo ut minimum septemdecim, ut plurimum novemdecim.

III.
Annus
Julianus
consti-
tutus.

Cum Julianus annus dierum esset 365. cum quadrante, hoc est horarum præcise 6, jussit eas Cæsar tamdiu differri, donec collectæ diem efficerent, ut

IV.
Annus
bissex-
tilis.

quinti cujusque anni initio dies una accederet ad summam. Hanc diem post 23. Februarii inferi moris fuit; ne vero dierum ordo usque ad Kalendas Martias turbaretur, hic dies sextus ante Kalendas ut dies subsequens, non septimus ut debuit; appellatus est: unde quintus quisque annus bissextilis dicitur, quod hoc anno sexto Kalendas bis usurpatur.

V. Post Cæsaris obitum annus ab eo dispositus, Pontificum vitio labem maximam contraxit. Cum enim præceptum esset, ut dies intercalaris infereretur quarto quoque anno, hoc est quarto vertente, & ineunte quinto; ii (qua de causa, incertum est) confectis tribus tantum annis; incipiente quarto intercalarunt, non desinente: unde paulatim accidit, ut infra metas suas anni Epoca constiterit; per annos enim 35. cum dies novem sufficere debuissent, 12. inseruerunt. Quare primus Januarii dies, a suo cardine luxatus, triduum solidum Epocham antevertit. Augustus Cæsar, ut tres illi dies perirent, ann. 738. jussit & annos 12. sine intercalatione decurrere, & diem intercalarem non tertio deinceps anno, sed quarto desinente inferi: ita concors subinde fuit cum tropico civili annus.

VI. Ne quid vero huic desit dissertationi de variis anni correctionibus, quænam castigandi iterum anni sub Gregorio XIII. causa fuerit, paucis dabo. Quamvis anni Juliani descriptio ad usum maxime expedita sit, & Solis conversionem quam fieri potest proxime consequatur, fuit tamen Julianus annus scrupulis horariis 11. tropico major; cujusmodi scrupulos hora sexaginta continet, dies vero 1440. Quare per annos 131. anni tropici minores sunt uno die Julianis annis; unde fit, ut tropici caput in anni Juliani modo versus mensium initia paulatim reflectatur, dum Julianus in sua sede permanet. Exempli causa vernal æquinoctium tempore Concilii Nicæni diem 20. & 21. Martii occupabat, post annos fere 1300. dies Martii 10. & 11. obtinuit: proinde anno 1582. Gregorii XIII. jussu dies decem expuncti sunt, & æquinoctium vernal ad pristinas sæculi Nicæni notas revocatum. Ne vero dinceps cardi-

cardines illi evagarentur, provisum est, uti singulis annorum centuriis bissextilis omitteretur; quarta tamen excepta centuria, quæ bissextilem retinet. Ita 400. annis tres tantum bissextilis pereunt, quod non centum annis, sed 131. unus dies 393. tribus diebus tropicum fuerat, quod facilitatis gratia per centurias dispensatur.

C A P U T X.

Dies festi, profesti, & feriæ.

Dierum apud Romanos non eadem ratio fuit, sed tum religionis tum iudiciorum causa varium genus & multiplex. In tria potissimum fastigia partim a Romulo, partim a Numa divisi sunt: alii enim *festi* erant, hoc est diis Calendis consecrati: alii *profesti* quibus rei tum publicæ tum privatæ vacare fas erat; alii *interditi*, qui diis hominibusque ita communes erant, ut certis horis jus dicere liceret, nefas aliis. *Festorum* vero classes quatuor fuereunt, *Sacrificia*, *Epulæ*, *Ludi*, *Feriæ*; hæc enim nomina iis indita sunt diebus, quibus in deorum honorem vel oblata sunt sacrificia, vel ludi exhibiti vel celebrata convivia, vel ab opere cessatum est.

Feriæ aliæ publicæ erant, aliæ privatæ. Publicarum species quatuor; *stativæ*, quæ statis tum mensibus tum diebus universo populo communes erant; *conceptivæ*, quæ quotannis sive a magistratibus sive a sacerdotibus in dies tum certos tum incertos concipiebantur; *impetrativæ*, quas pro imperio seu Consul seu Prætor imperabat: *nundinæ*, quibus conveniebant rustici, sive emendi sive vendendi causa. *Feriæ privatæ* aliæ familiarum propriæ; ut Claudiar, ut Corneliar; aliæ personarum, ut dies natales; & aliæ id genus.

Ferias publicas proclamare & Prætoris fuit & Regis sacrificuli. Ille *compitalitias*, *conceptivas*, *impetrativas*; hic omnes indixit: Prætor vero, ut a forensibus negotiis vacatio esset; Rex sacrorum, ut sacra rite peragerentur. Diverſa utrique præscripta

I.
Dies festi.

II.
Feriæ publicæ & privatæ.

III.
Quorum fuerit ferias indicere.

formula : hæc Regi sacrificulo v. g. *Jovis epulum cras est* ; Prætori , *Die nona post Kalendas Januarias Quiritibus Compitalia erunt* . Quænam vero opera feriis vetita essent , nos admonet Cicero his verbis : *feriarum ratio in liberis requietem habet litium & jurgiorum , in servis operum & laborum* . Hoc tamen feriis agi fas erat , teste Scævola , quod prætermissum noceret . Si v. g. bos decidisset in specus , si trabs tecti fracta esset , & bovem liberare & fulcire trabem licebat .

IV.
Dies pro-
festi .

Ut *festorum* dierum , ita etiam *profestorum* genus multiplex fuit . Quibus enim fas erat Prætori tria hæc solemnia verba dicere , *do , dico , addico* , ii *fasti* erant ; quibus id non licebat , *nefasti* . Præterea *comitiales* erant , quibus agere cum populo ; *compendini* , quibus vadimonium dicere ; *stati* , quibus judicio cum peregrino contendere . Quanquam sunt , qui *fastos* dies diversæ fuisse rationis velint : *fasti* enim alii integri , alii non item , cujusmodi *comitiales* erant , si. v. g. *comitia* vel casu vel jussu Consulibus non haberentur ; *nefastis* vero diebus quamvis tria solemnia verba Prætor non diceret , causas tamen agere , habere concionem , legem promulgare licitum erat .

V.
Dies ne-
fasti .

Sicut domi , ita & foris *nefasti* dies erant , sive *non præliares* , quibus aut rem suam repetere , aut hostem laceßere nefas . Alii *atri* dicebantur , ut *postridie* *Kalendas* , *Nonas* , & *Idus* ; alii *inominales* , ut ante quartum *Kalendas* & *Idus* : quod enim his diebus tum a Sulpitio Tribuno militum ad Allium adversum Gallos , tum ab aliis ducibus alibi male pugnatum esset , Pontificum decreto cautum est , ne quis his diebus prælium committeret . *Inominalibus* accensitæ sunt feriæ , & *Latinae* , quibus *induciæ* cum Latinis sancitæ erant ; & *Saturnaliorum* , quod summa in pace imperasse Saturnus diceretur ; & *Ditis* & *Proserpinæ* , quod his diebus deorum tris- tium patere januam fabularentur . Si tamen prælium iniret hostis , illius retundere impetus , vimque & injuriam propulsare nunquam prohibitum .

DISSERTATIO SEXTA.

ROMANORUM VESTES,
CONVIVIA, LUDI, ET FUNERA.

CAPUT PRIMUM.



Aria fuerunt apud Romanos vestium genera; alia enim virorum vestis erat, alia puerorum, alia mulierum. Erant etiam diversa & militum & Imperatorum sive indumenta sive insignia. Illorum nomina sunt hæc, toga, trabea, tunica, subucula, penula, chlamys, lacerna, paludamentum, ricinium, lana, stola, capizium, pallium, zona, mitra, plagula, de quibus pauca delibasse satis erit.

Ut pallium Græcorum, ita toga Romanorum propria fuit: unde vulgo togatos pro Romanis, & palliatos pro Græcis apud auctores legere est: & comædiæ togatæ quæ Romanorum, palliatæ quæ Græcorum. Fuit & toga pacis insigne, sicut & sagum belli. Toga, quam tunicæ superindui moris erat, semper lanea fuit, ut plurimum figura semicirculari, sicut auctor est Dionysius Halicarnesseus; interdum etiam quadrata, si Athenæo credimus. Aperta, an integra, & sine ulla scissura fuerit, aliter aliis visum est. Apertam fuisse docet Valerius Maximus, dum Scipionem Nasicam lævam manum apertæ togæ circumdedisse refert; integram fuisse pluribus contendit Aldus Manutius; cingi solitam scribit Sigonius, Manutius negat: unde illud Syllæ de Cajo Cæsare, *Cavete a puero male præcincto*, alter de toga, alter de tunica cum Suetonio explicat. Non eadem omnibus togæ mensura fuit. Ii, quibus res domi angusta, brevior toga usi sunt; quibus ampla, longior. Stante Republica longior erat, sub Imperatoribus brevior: tum enim negle-

I.
Apud
Romanos varia
vestium
genera.

II.
Toga-
rum
forma
& usus.

Et toga vulgus abiit ad penulas, lacernas, & tunicas, easque pulli coloris; cumque Augustus vidisset in circo pullatorum turbam, per jocum dixisse fertur Romanos rerum dominos gentemque togatam, deinde Aediles monuit, ne quem in circum venire nisi togatum paterentur. Apud veteres nulli finis erant, postea breves fuerunt duo, sed alter altero inferior; ambo togæ ita vel affuti vel appensi, ut superior a dextro latere ad sinistrum haud aliter ac balteus oblique serperet, inferior ab umbilico ad imam ferme togam deflueret.

III.
Toga-
rum
varia ge-
nera.

Togarum varium genus fuit & multiplex: erant enim toga *prætecta*, *virilis*, *candida*, *pulla*, *sordida*, *purpurea*, *picta*. Tum *prætecta* fuit, cum limbus purpureus ad extremam oram circumlatus erat; *virilis*, si pura & nulla adjuncta esset purpura; *candida*, quæ præter nativam lanæ albedinem creta addita splenderet; *pulla*, quæ pulli & atrii coloris; *sordida*, quæ alba quidem, sed & longo usu attrita & pluribus scedata maculis; *picta*, quæ & purpurei coloris erat & auro distincta; *purpurea*, quæ ex mera contexta erat purpura, unde diversa fuit & a *prætecta* & a *picta*, quod nec limbus nec aurum adderetur.

IV.
Toga
prætecta
&
virilis.

Has togas pro arbitrio adhibere nefas erat, sed alius aliarum usus fuit. *Prætecta* propria fuit magistratuum omnium, Sacerdotum, Magistrorum qui vicis singuli præerant, Senatorum qui curabant ludos Romanos; sed maxime & puërorum ad annum 17. & puellarum, donec nubèrent. Hic usus, ut Macrobius refert, vel a Romulo vel a Tarquinio Prisco profluxit; quorum ille puero, qui e Sabinis mulieribus primus natus est, *prætectam*; hic filio, qui etiam tum puer in bello Sabino hostem occiderat, & *prætectam* & *pullam* indulsit. Toga *virilis* privatis hominibus communis fuit, quam anno ætatis 17. dari solemne fuit, tum enim quisque sui juris erat, cum prius a custode regeretur.

V.
Toga
candi-
da, pul-
la, sordi-
da.

Toga *candida* ab iis tantum adhiberi solita est, qui honores peterent; *pulla* vero ab iis qui erant in luctu, v. g. si cui vel pater vel mater obierat; unde illi *candidati* dicti sunt, hi vero & *pullati* & *atrati*. Sub Imperatoribus ut togæ usus, ita color albus

albus negligi cœpit, plebisque togæ ut plurimum *pullæ* fuerunt. Unde inter cives id erat discriminis, quod ingenui *candidati*, plebei *pullati* a togarum colore dicerentur; cum stante Republica ii soli essent *candidati*, qui ambirent magistratus, & *pullati*, qui essent in luctu. Idem fere *sordidæ* togæ usus erat, qui *pullæ*. Si cui enim quid calamitatis accidisset, si de aliquo crimine postulatus, tum ut suum sive dolorem sive metum testaretur, togam *sordidam* adhibebat; tumque & *sordidatus* & *sordidus* & *in sordibus esse* dicebatur. Hujusmodi etiam togis infima plebs sæpe usa est, cui ob inopiam mutandæ togæ copia non erat, cum ditiores & niveas & nitidas gererent: erant enim Romæ fullones, qui contractas diuturno usu sordes eluerent. Sed inter togas principem locum obtinuit toga sive *piæta* sive *palmata*: vix enim alteram ab altera differre putem, quæ ob figurarum varietatem cum ad picturæ similitudinem accederet, *piæta* dicta est, & Imperatorum, dum Romæ triumphum agerent, propria fuit; datum tamen est & L. Æmilio Paulo qui Persen vicit, & Pompejo Magno, ut *piæta* toga, ubi & quando libitum esset, uterentur.

Togæ supponi tunicas mos fuit ut plurimum duas, interdum plures; quæ cutem attingit, *subucula* dicta est; quæ togam, *tunica*, quæ toga & angustior erat & brevior. Primum manicæ tunicis nullæ erant, deinde additæ, quæ si digitos manumve tegerent, id probro & ignaviæ datum. Ex tunicarum varietate Senatorum, equitum, plebisque petitum discrimen est. Plebis tunica recta erat & sine clavis; Senatorum & equitum clavata; sed in equitum tunicis angustii erant clavi, in Senatorum lati: unde hujusmodi toga & *latus clavus*, & *tunica lati clavi* vulgo nuncupata est. Ita etiam inter Tribunos militum alii *angusticlavii*, alii *laticlavii* dicti sunt, quod illi angusto, hi lato clavo uterentur: per clavum vero cave quidquam aliud intelligas, quam purpureos veluti flores, panno vel assutos vel intextos quem morem victis Etruscis invexisse Tullum Hostilium perhibent. *Latum clavum* Senatorum liberis ubi virilem togam sumserant, Augustus indulsit,

VI.
Tunica
& latus
clavus.

dulfit, ademit Tiberius. Tum Senatorum, tum equitum filiis ab anno ætatis 17. concessum fuisse ad annum ætatis senatoriæ, Aldus Manutius suspicatur ita tamen ut si hoc anno in Senatum allegerentur, illum retinerent, sin minus, deponerent, cum *latus clavus* senatoriæ dignitatis esset insigne. *Palmata tunica*, quæ vel lato clavo honestior erat, triumphantium fuit; a palmis in ea depictis nomen inditum.

VII. *Chlamys*, *lacerna*, *paludamentum*, * *ricinium*, *lacerna*, *sagum* militaria indumenta, quæ tunicæ superindui usus fuit. Quid aliud ab alio differret, non facile est assequi: *ricinium* quadratum fuit; *lacena* ita dicta quod ex mera lana texta erat; *lacerna* militum fuit, ut *paludamentum* Imperatoris: erat enim purpura, cocco, auroque distinctum, unde Imperator ad bellum *paludatus* proficisci solebat. Interdum tamen & Legati & Tribuni militum, si Livio credimus, *paludamento* usi sunt, quod *chlamys* etiam dicitur.

VIII. *Penula*, quæ tum viris tum mulieribus communis erat, supra tunicam indui solebat, ad arcendum sive frigus sive imbrem. Idem de *stola* scripsit Nonius Marcellus, quæ tamen mulierum propria fuit, qua pariter, ac viri tunica, utebantur, quod ex ipso Varrone patet, qui viro *togam* & *tunicam*, mulieri *pallium* & *stolam* tribuit: ut enim a viris toga tunicæ, ita a mulieribus pallium stolæ circumdatum. De cæteris mulierum vestibus plura dicere nihil attinet.

IX. *Calceamenta*. *Calceamentorum* duo genera fuerunt, *calceus* & *solea*; *calceus* totum pedem textit, *solea* plantam tantum: pars superior teretibus habenis devincta erat, ut ait Gellius. Calcei alii *mullei* erant & *lunulati*, alii *perones* & *puri*: illis nomen factum & a *mullo* colore purpureo, & a *lunula* assuta; his a *corio puro*, ex quo absque lunulis constabant. *Peronibus* plebes & viatores usi sunt; *lunulatis* Senatores & patricii; quæ tamen nota non Lunæ figuram, sed vel centenarii numeri ex Isidoro, vel literæ *Rho* referebat; ut obvius quisque ipsos a Romanorum patriciis

* Non desunt, qui asserant *ricinium* breve *pallium* fuisse, non militare, sed muliebre.

patriciis ortos vel inde agnosceret: quod Romulus vel primus induxit, vel ab Regibus Albanis mutuatus est. Post Augustum calcei albi coloris erant Imperatorum coccinei; vix tamen quisquam mihi persuaserit, omnes sive Senatores sive patricios purpureis calceis usos esse.

Non abs re fuerit hoc loco pauca subicere de *ritu Gabino*, de puerorum *bullâ*, de equitum *annulo*. Quænam togæ componendæ ratio *ritus Gabinus* diceretur, commode ita explicari potest. Togæ lacinia, quæ sinistro brachio imponi vulgo solebat, primum contrahenda, deinde ita retrahenda ad pectus, ut in nodum, qui togam breviorē redderet necteretur. Hic ritus a Gabiis (urbs est Latii) nomen invenit; quod illius oppidi cives, dum forte togati sacris operarentur, ingruentibus hostibus, contractis ea ratione rogis, obviam ire ausi sint, iisque suis victores redierint: hoc modo præcinctus Consul solebat bella indicare, Imperator sacra facere, cremare hostium spolia &c.

Ut equitibus *annulus*, (de quo supra diximus) ita nobilium pueris *bullâ* ornamento fuit. Erat ex auro sæpius, interdum ex argento aliove metallo, in cordis figuram efformata, ut illius aspectu incitati se fortes domi forisque præstarent. Qui usus a Tarquinio Prisco, uti dictum est, profluxit; is enim filium suum, quod hostem etiam tum puer interfecisset, huiusmodi munere donavit: unde bulla patriciorum pueris sensim dari cæpit.

C A P U T II.

Romanorum prandium, cæna, & accumbendi ratio.

Quinque erant apud Romanos cibi sumendi tempora, mane *jentaculum*, circiter meridiem *prandium*, haud multo post *merenda*, sub horam nocturnam *cæna*, noctu *comessatio*, quæ ebriosorum fuit. Nec quinquies tamen, nec quater singuli singulis diebus esse solebant; sed pueri tantum, senes, servi, opifices: alii vero vel bis, vel semel. His vocibus

X.
Ritus
Gabi-
nus.

XI.
Annuli
& bulla.

I.
Cibi su-
mendi
tempo-
ra.

cibus diversa origo est. *Jentaculum* ita dicitur, quod a jejunio; *prandium*, quasi πρὸ ἑσπέρου, quod meridie; *merenda*, quod post meridiem cibus sumeretur; *cæna* vero & *comessatio* a Græcis vocibus κοινὸν, *commune*, & κόπια, *pæsus*, quod veteres in propatulo luxus vitandi causa cœnitarent, & in vicis, antequam conderentur oppida, alios alii convictus causa invitarent: sunt tamen qui *comessionem* a comedendo deduci velint.


II. *Prandium*, cum a prisca Romanis non usurpatum fuit, tum semper parcissimum; *cæna* & lautior & liberalior, quod seorsim apud se pranderent, cum amicis sæpe cœnitarent. Cœnæ tres partes erant; prima *gustatio*, in qua mora, promulsidem, echinos, ostreas, & alia id genus apponi moris fuit; altera *cæna*, in qua cibi erant & præcipui & lautissimi; tertia *mensa secunda* sive *mensa pomorum*, in quibus bellaria, nuges, poma, uvæ, & hujus generis alia. In usu fuit, ut principio cœnæ daretur scheda, in qua notatum erat, quot, quæ, quove ordine obsonia apponi deberent, ut ex Athenæo colligere est. Solemne etiam fuit, ut divo alicui libarent, hoc est nonnihil vini vel in terram vel in mensam ex patera effunderent.

III. De cœnandi ratione quatuor quærimus; unde mos accumbendi fluxerit, quis numerus tum lectulorum tum convivarum, quis accumbendi modus, quisve locus honoris, summus, an medius. Alia aliis temporibus cœnandi ratio Romæ fuit; primum quidem assidentes; deinde accumbentes cœnarunt. Mos ille a Laconibus & Cretensibus teste Varrone, hic vero ab Asianis devicta Asia Græcisque manavit; usus tamen fuit, ut scæminæ pudoris causa cubantibus viris assiderent, quibus etiam postea indultum est, ut itidem ac viri accumberent.

IV. Consuetudo fuit sub vespèram in cœnaculo mensam instrui & rotundam & humilem; circum mensam vel duo ut minimum, vel tres ut plurimum lectulos interni purpura aliave stragula veste, pro convivoris aut opibus aut inopia: convivarum vero numerus nec Gratiarum numero minor, nec Musarum major eatenus esse debuit, ut cum paucis-
simi

ACCUMBENDI RATIO.
ex Lipsio





CIRCUS

simi convivæ non pauciores essent quam tres, tum plurimi non plures quam novem.

Priusquam accumberent, corpus lavare, mutare togam, soleasque. ne inquinarent lectulos, ponere solemne fuit; in lectulis vero ita sese componebant, ut, dorso a pulvillis suffulto, & capite leviter erecto, pars corporis inferior jaceret in longum porrecta, superior vero cubito sinistro niteretur. Quod si plures uno lecto decumberent, hæc cubandi ratio fuit, ut pedes illius, qui ad caput lecti jacebat, pone dorsum secundi, pedes secundi, pone dorsum tertii porrigerentur.

In uno lecto bini interdum, sæpe terni, quaterni nonnunquam, raro plures accumbebant. Qui ad lecti caput erat, *summus* dicebatur; qui ad pedes, *imus*: qui inter istos, *medius*. Si bini tantum in lecto convivæ, qui dignitate præstabat, *summus* fuit; si terni, *medius*; si quaterni, *proximus* & *summo*.

C A P U T III.

Romanorum ludi.

Ludorum divisio, vel a loco ubi exhibiti sunt, vel a fine propter quem celebrati, repeti potest. Si a loco, ludorum duo fuerunt genera; *circenses* & *scenici*; si a fine, quatuor, *sacri*, *votivi*, *funebres*, *ludicri*. Qui enim in circo agebantur, dicti sunt *circenses*; qui in scena sive theatro, *scenici*; qui in deorum honorem, *sacri*, ut *Megalenses*, *Cereales*, &c. qui ex voto vel pro victoria vel pro bona valetudine, *votivi*; qui in mortuorum funere, *funebres*; qui exercitationis causa, *ludicri*, ut *Trojani*, *Castrenses*, &c.

Non unius magistratus fuit omnes exhibere ludos, sed alii alios curarunt pro diversa Reipublicæ forma & ludorum varietate. Omnes penes ludos, præter *funebres*, celebrare initio Regum fuit, deinde Consulum; ubi constituta Reipublicæ forma est, creatique varii magistratus, Consules & Prætores fecerunt ludos *circenses*, *seculares* & *Apollinares*; *Ædiles*

V.
Accum-
bendi
ratio.

VI.
Quis lo-
cus ho-
noris.

I.
Varietate
dorum
genera.

II.
A qui-
bus lu-
di exhi-
biti.

diles plebei *plebejos*, *Ædiles curules Megalenses*, *Cereales*, & ejusdem generis alios; nonnunquam etiam *funebres*, sed sæpius hæredes illius, cujus in honorem edebantur.

III.
Ludi
circen-
ses.

De circensibus tria potissimum quærimus: quid circus; unde hoc illi nomen; quique ludi in eo exhibiti. Cum Romana res nondum adolevisset, in insula Tiberiana ludi primum celebrati. Erant pro meta enses ex una parte, ex altera Tiberis; deinde Tarquinius Priscus inter Palatinum montem & Aventinum Circum extruxit, cujus longitudo trium stadiorum erat cum dimidio, latitudo quatuor jugurum; post tectum impositum est, facta sedilia, loca in 30. curias divisa. A duobus lateribus Euripus erat, qui aquas reciperet; post Euripum extructæ tripertitus, ex quibus una conficitur amphitheatralis octo stadiorum amplitudine, capax 150. millium hominum. Hæc & plura Dionysius. Omnia persequi ornamenta infinitum sit. Circus dicitur, vel quod circum metas & pompa ferretur, & equites currebant; vel quod spectaculis undique ædificatis ludi in medio celebrarentur. Hi ludi circenses in septem veluti classes tribui possunt, quarum prima fuit pugna cum cæstibus, pugnis, fustibus, gladiis, pilis, hastis, &c. ad quam pertinent tum gladiatorum certamen, tum pugna cum bestiis, quorum utrumque ingenuis infame fuit; tum etiam lucta, cum alter alterum seu vi seu agilitate corporis humi sternere nitebatur. In secunda classe cursus erat; in tertia saltatio aut in æquo campo, aut ex inferiori loco in superiorem & contra, aut cum in equos insiliebant vel nudi vel cataphracti; in quarta jaculatio discorum, sagittarum, pillorum, telorum; in quinta pugna equestris; in sexta aurigatio, quæ bigæ, quadrigæve certabant; in septima naumachia sive navale certamen, cum in aqua forma navalis pugnae adumbrata est.

IV.
Thea-
tra.


Varia Romæ fuit pro varietate temporum ludorum spectandorum ratio. Primum quibus animus erat dexteritatis aut firmitatis aut pernicitatis dare specimen; in diem & locum dictum conveniebant, & ex una parte judices, ex altera circumfusa multitudo,



NAVMACHIAE. IDEST.

NAVALIS. PUGNAE.

Descriptio

ex Onuphr Panuino






S. C.

THEATRVN POMPEI MAGNI

Nunc acies Campi Floræ ad
Palatium Urfinorum



titudo, uter vinceret, spectabat: deinde quod alii aliis objectu corporum nocerent, locus circum undique aggestis cespitibus factus est altior, medius depressior, unde illi *cavea* nomen factum; post subsellia sibi quisque attulit. Ubi vero Messala & Cassius theatrum faciendum locarunt, magnifica Romæ identidem theatra extructa sunt; præ cæteris tamen maxime celebrantur theatra L. Mummii, Scauri, & Curionis temporaria, & Pompeji Magni ex quadrato lapide stabile. Primas tamen tulit Scaurus, cujus in theatro scena triplex erat 360. columnarum, signa inter columnas ad tria millia: ima pars scenæ e marmore, media e vitro; cavea cœpit hominum 80. millia; reliquus apparatus veste Attalica, pictis tabulis; aliisque id genus magnificentissimis.

Theatri multæ partes erant, *scena*, *proscenium*, *pulpitum*, *orchestra*. *Scena* ab umbra arborum nomen invenit; ibi enim a pastoribus carmina recitari alias moris fuit; *scena* vero ab uno theatri cornu ad alterum pertinuit, fuitque vel ductilis vel versatilis, ut varias picturæ species exhiberet. Ante scenam erat *proscenium*, ubi dum in scena laterent personæ, alii gesticatione, cantu, saltatione populum retinerent. E proscenio eminebat *pulpitum*, quo prodibant actores; proscenium excipiebat *orchestra*, in qua Senatores confidebant. At non idem semper Senatoribus locus fuit, nam per annos 558. Senatus & equestris ordo populo mixti ludis interfuerunt: sed an. 558. Attilius & L. Scribonius ex Africani majoris consilio Senatum; Roscius an. 685. equites a plebe distinxit. Amphitheatra forma semper erant aut circulari aut oblonga, ut in iis ludi gladiatorii & ferarum venationes exhiberentur; medius locus & *cavea* dictus est & *arena*, quod & depressus esset, & arena sparsus, ut certantes absque offensione caderent: quamvis theatra circi, aliaque hujusmodi loca proprios haberent ludos, omnes tamen ludos in omnibus absque discrimine committi sæpe contigit.

Scenicorum ludorum originem l. 7. exponit Livius. Cum anno 389. Romæ pestilentia esset, nec vis morbi aut humanis consiliis aut ope divina le-

V.
Variæ
theatri
partes.

VI.
Ludi
scenici,
trago-
dia.

vare-

vareretur, ludi quoque scenici inter alia iræ cœlestis placamina instituti sunt. Ex Etruria acciti ludiones, qui sine ullo carmine ad tibicinis modos saltantes haud indecoros motus more Tusco dabant; postea versus, sed inconditi, & motus a voce non absoni accesserunt; denique arte omnia perpolita. Ludorum vero scenicorum quatuor sunt genera, *Tragœdia*, *Comœdia*, *Satyra*, & *Mimus*; de quibus pluribus disserere non est hujus loci: cujusque definitionem apponere sufficiet. *Tragœdia* est imitatio per actiones illustris fortunæ, exitu infelici, oratione gravi metrica. *Comœdia* est poema dramaticum negotiosum, exitu lætum, stylo populari: ita Julius Scaliger. *Satyra*, ex Diomede Grammatico, est fabula, in qua tragici poetæ Satyros induxerunt ludendi causa jocandique, simul ut spectator inter res tragicas & serias Satyrorum joci & lusus delectaretur. *Mimus* est vilium & rerum & personarum imitatio. Ad mimos vel satyras quodammodo pertinent Attellanæ fabulæ, quibus a ludionibus Attella sive Averfa Romam evocatis nomen inditum; quorum fabellæ cum turpiores essent, Romana severitate temperatæ sunt, ut in iis pauca obscœna essent, joci vero multi mutique sales: in Attellanis tamen semper servare personam jus fuit, in satyris non item.

VII.
Ludi
sacri.

Hi fere sacri ludi erant, *Megalenses*, *Cereales*, *Florales*, *Martiales*, *Apollinares*, *Consuales*, *Capitolini*, *Romani*, *Plebeji*, *Compitalitii*, *Palatini*, *Sæculares*. *Megalenses* magnæ deorum Matri fiebant; & primum quidem dicti *Megalensia*, postea, ut fit, detrita litera *Megalesia*, per sex dies a pridie Nonas April. ad v. Idus exhibitos fasti declarant; tum ludendi licentia facta omnibus, passimque convivium celebrata.

VIII.
LudiCe-
reales &
Florales.

Cereales in honorem Cereris habiti sunt a pridie Idus Aprilis per dies octo, ut ipsius luctus ob raptam Proserpinam a matronis adumbrarentur. Ante noctem epulari nefas erat; exhibebantur etiam certamina equestria. Fuit *Ædilium* curulium hos ludos in Palatio edere, quos Prætores & magistratus in toga & prætexta celebrarent, cives convivii & sodali-

dalitatibus . Floralibus ludis turpior origo est . Acca Tarrutia cum quæstu corporis vim ingentem pecuniæ comparasset , populum Romanum moriens hæredem dixit ea lege , ut editis ludis suum natalem diem celebraret : quo vero rei pudendæ aliqua dignitas adderetur , deam , quæ præesset floribus , fuisse finxerunt . Inde Ovidius nympham fuisse nomine Chlorin , eamque Zephyro nuptam fabulatur .

Martiales ludi in Martis , Apollinares in Apollinis laudem peracti . Martiales equorum cursu & venatione commissi , Apollinares a Marco vate imperati , ut hostis ab agro Romano pelleretur ; dumque primum hi ludi exhibentur , repentino hostis adventu plebs ad arma excitata hostis occurrit , eumque fudit . Unde moris fuit ut populus & stipem Apollini conferret , & hos ludos spectaret laureatus , & omnes vulgo apertis januis in propatulo epularentur : cumque hi ludi non statim essent , sed in annum a Prætoribus voverentur , anno 545 . in certam diem singulis annis decerni cœperunt .

IX.
Martiales & Apollinares .

Ludis , *Consualibus* , *Capitolinis* , *Romanis* , *Plebejis* , & *Compitalitiis* diversa causa fuit . *Consuales* a Romulo facti Conso deo , cuius aram se reperisse sub terram mentitus erat ; sive Consus ille Neptunus , sive quis alius deus . In his ludis cum multa , tum id maxime ridiculum fuit , quod & equos & asinos non otiosi modo sinerent , sed coronarent etiam floribus . *Capitolini* , ob servatum Capitolium auctore Camillo , Jovi consecrati sunt , in quibus senex ludibrii causa a præcone produci solebat , cum toga prætextaque aurea ; quod eo cultu Vejentium Rex a Camillo sub hasta venditus esset . *Romani* ludi a Regibus fieri cœpti sunt , *magnique* appellati , quod magnis impensis darentur . Sunt qui cum Consualibus confundant : ex Cicerone liquet in honorem trium magnorum Deorum Jovis , Junonis , Minervæ ab Ædile Curuli per novem dies primum in circo , deinde in theatro peractos .

X.
Consuales , Capitolini , Romani .

Ludi *Plebeji* vel post Reges exactos , vel victis a Posthumio Dictatore ad lacum Regillensem Latinis , vel post plebis sive in montem Sacrum sive in Aventinum secessionem instituti sunt . Illos ab Ædilibus

XI.
Plebeji & Compitalitii .

bus plebejis in circo per triduum fieri Livius, minas argenti quinquagintas dari Dionysius scribit, epulumque populo apparari ambo testantur. *Compitalitii ludi* ante Urbem designatam a vicorum compitis, in quibus illos exhibebant agrestes, & facti & dicti sunt; deinde intermissi ad Servium usque Regem, tum a vicorum Magistris instaurati, denique sublati collegiis ipsi quoque aboliti.

XII.
Ludi se-
culares.

Ludorum *saecularium* origo ita infecta est fabulis, ut vix quidquam veri inde elici possit. Saeculares dicti sunt, non quod centesimo quoque anno fierent; sed quod, cum raro accidunt, post saeculum evenire vulgo dicimus. Nulli enim statim erant sive dies sive anni, quibus exhiberentur; cum ante Augustum quater tantum editi sint, primum an. Urbis 52. si Zosimo adhibenda fides, deinde a Valerio Poplicola, exactis Regibus, denique aliquanto post sub Consulibus: quinquies sub Imperatoribus ad Augusto, Claudio, Domitiano, Septimio Severo, & Philippo, anno Urbis millesimo. Paulo ante ludorum tempus per Italiam mitti praecones mos fuit, ut populum invitarent ad ludos, quos nemo aut vidisset unquam, aut visurus esset. Per triduum omni genere tum ludorum, & in circo & in theatris, tum sacrificiorum in omnibus templis celebrabatur; diis pene omnibus facta sacrificia, Jovi, Junoni, Dianae, Apollini, Latonae, Parcis, Cereri, Diti, & Proserpinæ: ritus ceteros persequi longum sit.

XIII.
Ludi
votivi.

Votivi ludi dicti sunt, quos vel magistratus vel Imperator voverat, post partam ex hoste victoriam exhibendos. Ita Acilius Consul, ita alii ludos voverunt; ad quos etiam pertinent tum ludi *victoriae* & a Sylā & C. Caesare imperati, tum ludi sub Imperatoribus *quinquennales*, & *decennales*, & *vicesennales*, qui ab Augusto alii alia de causa instituti sunt; *quinquennales* ob devictum Antonium, *decennales* ut imperium absque invidia retineret. Solebat enim decimo quoque anno ludos edere, tumque populo resignare imperium, illudque illico, quasi rogaretur, recipere. Inde fluxit ille mos, ut ceteri deinceps Imperatores & decimo & etiam vicesimo Imperii anno ludos magno apparatu exhiberent, quod

quod apud omnes auctores legere est. Fuerunt etiam & triumphales ludi, qui post insignes victorias, & natalitii, qui in summorum viorum natalibus ederentur.

Funebres ludos a Græcis olim fuisse usurpatos ex Achillis & Æneæ exemplo intelligere licet, quorum ille ad Patrocli, hic ad Pallantis sepulcrum huiusmodi ludos edidit; unde etiam gladiatorium munus profluxit. Captivi enim primum ad mortuorum tumulum, occisi, deinde ut crudelitas aliqua voluptate misceretur, inter se commissi. Romæ vel Junius Brutus in patris defuncti honorem, vel Ap. Claudius & M. Fulvius Consules gladiatores primi dederunt; eoque devenit Populi Romani furor, ut certis mensibus ad 20. vel 30. hominum millia in his ludis trucidarentur. M. Tullius Consul ne ab ullo candidato, Augustus ne sæpius quam bis annis singulis, nec plurium quam 60. parium celebrarentur, prohibuit. Nero 400. Senatores, equites 600. fœminas Domitianus in his ludis inter se commisit, quos Theodoricus Italiæ Rex multo post sustulit.

xiv.
Funes
bres.

Superfunt & *Castrenses* ludi & *Trojani*, quorum illi a militibus, dum in statione manerent, militari ritu edebantur; hi Romæ a pueris, qui Ascanii exemplo turmatim congregiebantur. Qui omnibus præerat, *princeps juventutis* appellatus, isque primum vel ex patricia vel ex nobili gente, deinde ex Imperatorum stemmate semper delectus.

xv.
Castren-
ses &
Trojani.

C A P U T IV.

Romanorum funera.

LUbet etiam hoc loco de Romanorum funeribus pauca subicere. Cum quis gravi morbo decumberet, aderant affines & cognati, qui spiritum ejus ore exciperent, morientisque clauderent oculos; quod tamen ne præstarent filii, Mævia lege cautum erat. Ut obierat, moris erat defuncti corpus per intervalla conclamari, calida aqua a propinquis ablui, ut vitalis spiritus, si quis superesset, excitarent; deinde a pollinctoribus, quorum erat

i.
Cadaver
ad ja-
nuam
exposi-
tum.

curare mortuos, ungi & toga indui, candida vel alba si e plebe esset aut eques, prætexta si magistratus, purpura si Censor: tum cadaver ad januam facie & pedibus in publicum versis collocatum; in-
 verim cupressi in mortui domo appositæ, seu quia hæc arbor Diti sacra est, seu quod semel excisa non renascatur.


II.
 Dela-
 rum a
 viris no-
 bilibus.


Post apparabantur ea, quæ ad funus opus erant, & die octavo populus ad honestandas exequias invitatus per præconem his verbis: *Exequias v. gr. L. Titio L. filio, quibus est commodum, ire jam tempus est; ollus ex ædibus effertur*. Postquam convenerat populus, si is pauper fuerat, feretro; si dives, lecto vel purpura constrato vel pretiosis linteis cadaver efferebatur: tum tibicen sive siticen, utroque enim nomine appellatur, phtygio modulo canere funebrem nœniam, quæ mortui laudes, fidem, integritatem, fortitudinem, & præclare gesta contineret. Illius erat funeris pompam præcedere; propinquorum, vel vespillonum si tenuioris erat fortunæ, sive feretrum sive lectum deferre: unde sæpe filii parentes, fratres sorores suas, interdum servi libertate donati, devictarum gentium legati, senatores, prætorii, & consulares summorum virorum & Imperatorum corpora extulerunt. Ita corpus Æmilii Pauli, qui Persen vicit, a legatis Macedonum & Ligurum elatum est; L. Sillæ a Senatoribus & virginibus sacris; Metelli Macedonici a quatuor filiis, quorum unus Consul designatus erat, unus censorius, duo triumphales, tres consulares.

III.
 Funeris
 pompæ.

In pompa deferri solemne fuit honorum, quos gesserat, insignia: ut fasces, secures, arma, dona militaria, coronas quas retulerat, vexilla, urbium dona & legionum, spolia hostium, majorum expressos cera vultus, & totius gentis longo ordine simulacrâ. Lectum præcedebant & cives, qui rasis capitibus triumphantes profecuti erant, & servi manumissi, qui tum pileati erant, velatis alba lana capitibus. Lectum sequebantur propinqui, affines, filii, filiæ, amici, omnes capillo demisso, & in veste pulla. Præterea filiæ & nudis capitibus erant passis crinibus, & alba veste albaque vitta insignes.

Adhiæ





Adhibebantur etiam præficæ, quæ ad legendum conductæ darent cæteris plangendi modum.

Si clârô genere ortus erat, & bene de publica re meritis, corpus in forum delatum est, ibique habita oratio funebris vel a filio, si quis adultus erat; vel a propinquo, qui mortui virtutes & præclare gesta laudibus extolleret. Quæ consuetudo a P. Valerio Poplicola manavit, qui collegam suum Junium Brutum oratione funebri primus laudasse perhibetur: qui honos & juvenibus interdum sive fortitudine sive genere illustribus, & claris mulieribus delatus est. Inde funus procedebat in locum, ubi corpus vel sepeliendum erat, vel cremandum. Initio in domo quemque sua sepeliri usus fuit; deinde lege xii. Tabularum vetitum, ne quis in Urbe sepeliretur, quod tamen nonnullis virtutis ergo populus indulgit, ut Valerio Poplicolæ, P. Posthumio Tuberto, C. Fabricio, Ser. Sulpicio, Vestalibus, & postea Imperatoribus. Fuit vero vel Augurum vel Sacerdotum locum sepulcro designare sive in agris sive in viis extra portas.

Si cremandum corpus erat; pyra in modum aræ extracta est ex larice, picea, taxo, aliisque arboribus, circum cupressi positæ. Pyra & cadaver pretiosis liquoribus perfusa; pyræ aurum, arma, pretiosa vestis, aliaque id genus injecta. Digitus mortuo abscissus, ut combusto reliquo corpore, ad ipsum iusta fierent. Tum corpus impositum pyræ, cui ardentem facem, qui mortuo arctiori necessitudine junctus erat, inferebat: humanus etiam sanguis interdum ante rogam effusus, aut captivorum aut gladiatorum, sive ii a Romanis cæsi, sive inter se commissi; quorum si copia non erat, solebant præficæ & suas laniare genas, & inde cruorem effundere. Ubi ustulatum cadaver erat, rogam *ustum* dici cœpit: cineres in urna collecti, cognati, amici, alique ter aqua pura a Sacerdote aspersi. Sub hæc præfica novissimum verbum illud alta voce pronunciabat: *I licet*, hoc est *Ire licet*; & qui comitati funus erant, extremum vale dicebant, *Vale, Vale, Vale, nos te ordine, quo natura permiserit, sequemur*. Denique cineres & ossa in sepulcrum illata,

IV.
Habitâ
in foro
oratio
fune-
bris.

V.
Denique
cadaver
rogo im-
positum.

illata, ante quod constituta ara erat, in qua odores incenderent. Peractis ad sepulcrum iustis, ab hæredibus convivium amicis & cognatis domi datum; fenibus cœna fanebris, quæ *Silicernium* dicta, & interdum epulum populo. Hæc fere sunt quæ ad Romanorum funera pertinent.



FINIS.

I N D E X

R E R U M

Quæ ad Bella, Prælia, Mortes, Povincias,
Jura, Familias, &c.

R O M A N O R U M


pertinent.

A

A Ciei forma.	185
<i>Acies</i> quotuplex.	ibid.
<i>Adoptivorum filiorum nomina.</i>	198
<i>Ædiles plebis: Curules, Cereales.</i>	221
<i>Æneas Phrygia pulsus regnat in Italia.</i>	10
<i>Agnomen.</i>	195
<i>Ala.</i>	180
<i>Alesia capta a Cæsare.</i>	101
<i>Ambracia capta a Fulvio Nobiliore.</i>	96
<i>Annuli.</i>	205
<i>Annus a Romulo ordinatus.</i>	304
<i>correctus primum a Numa.</i>	307
<i>deinde a Julio Cæsare.</i>	309
<i>vitio Pontificum corruptus.</i>	ibid.
<i>Ab Augusto emendatus.</i>	310
<i>denique a Gregorio XIII.</i>	ibid.
<i>Annus confusionis.</i>	309
<i>Annus lunaris, solaris, popularis, &c.</i>	303. & seq.
<i>Armorum varia genera.</i>	188
<i>Athenæ a Sylla captæ.</i>	99
<i>Avaricum captum a Cæsare.</i>	100
<i>Augures a quibus lecti.</i>	232
<i>Auguriorum varia genera.</i>	239
<i>Augurii captandi ratio.</i>	240
<i>Auspicia.</i>	ibid.
<i>Auxilia.</i>	176

X 4

Bella



E

B ella Romanorum.	13
Bellum Achaicum.	25
Aetiacum.	44
Ætolicum.	25
Albanum.	14
Allobrogicum.	34
Antiochenum.	24
Ardeatinum.	15
Asiaticum.	26
Balearicum.	38
Cæninense.	13
Camerinense.	ib.
Celtibericum.	28
Cimbricum.	31
Creticum.	38
Etruscum I. sub Tarquinio Prisco.	14
Etruscum II. sub Servio.	ibid
Faliscum.	15
Fidenatense I. sub Romulo.	13
Fidenatense II. sub Tullo Hostilio.	ibid.
Gabinum.	14
Gallicum I.	16
Gallicum II.	27
Gallicum III.	34
Gallogræcum.	25
Jugurthinum.	30
Latinum I. sub Anco Martio.	14
Latinum II. sub Tarquinio Prisco.	ibid.
Latinum III.	16
Ligusticum.	27
Lusitanicum.	29
Macedonicum I.	21
Macedonicum II.	23
Macedonicum III.	ibid.
Mithridaticum I.	31
Mithridaticum II.	32
Mithridaticum III.	ibid.
Mutinense.	42
Numantium.	29
Parthicum.	35

<i>Perusinum</i> .	43
<i>Philippense</i> .	42
<i>Piraticum</i> .	38
<i>Pompejanum</i> .	41
<i>Punicum I.</i>	18
<i>Punicum II.</i>	19
<i>Punicum III.</i>	20
<i>Romanum</i> .	13
<i>Sabinum sub Romulo</i> .	ibid.
<i>Sabinum sub Tullo Hostilio</i> .	ibid.
<i>Sabinum sub Tarquinio Prisco</i> .	14
<i>Sabinum sub Tarquinio Superbo</i> .	ibid.
<i>Samniticum</i> .	17
<i>Sertorianum</i> .	40
<i>Servile Euni</i> .	35
<i>Servile Salvii</i> .	36
<i>Servile Spartaci</i> .	ibid.
<i>Siculum</i> .	43
<i>Sociale</i> .	37
<i>Syllanum</i> .	39
<i>Tarentinum</i> .	17
<i>Vejentinum I. sub Romulo</i> .	13
<i>Vejentinum II. sub Anco Martio</i> .	14
<i>Vejentinum III. sub Tarquinio Prisco</i> .	ibid.
<i>Vejentinum IV. sub Servio</i> .	ibid.
<i>Vejentinum V. sub Camillo</i> .	15
<i>Viriathicum</i> .	29
<i>Volscum I. sub Tarquinio Superbo</i> .	14
<i>Volscum II.</i>	15
<i>Bulla puerorum</i> .	317
C	
C <i>Adaver ad januam expositum</i>	325
<i>delatum a viris nobilibus</i>	326
<i>rogo impositum</i> .	327
<i>Calceamenta</i> .	316
<i>Capite censi ad militiam admissi</i>	173
<i>Capitolium</i> .	215
<i>Capua a Fulvio Flacco capta</i> .	93
<i>Carthago nova ab Africano majori capta</i> .	95
<i>Carthago vetus a minori Africano diruta</i> .	96
<i>Censorum origo</i>	218
<i>jura & potestas</i> .	119
<i>Cen-</i>	

<i>Centuriarum institutio.</i>	203
<i>Centurionum gradus</i>	182
<i>ordo in pugna.</i>	186
<i>Chlamys.</i>	316
<i>Cibi sumendi tempora.</i>	317
<i>Classium institutio.</i>	202
<i>Cæna.</i>	318
<i>Cognomen.</i>	194. 197
<i>Cohors</i>	177
<i>Comœdia.</i>	321
<i>Conciliabulum.</i>	172
<i>Comitia triplicis generis</i>	206
<i>a quibus vocata.</i>	208
<i>ubi & quando habita.</i>	209
<i>Consulares provinciæ.</i>	228
<i>Consules</i>	216
<i>illorum institutio, insignia & jura. ib. & seq.</i>	
<i>Corinthus a Mummio incensa.</i>	97
<i>Cornu.</i>	180
<i>Corona & quotuplex.</i>	190
<i>Curiarum institutio.</i>	202
D	
D <i>ecimus Centurio.</i>	182
<i>Decuriones.</i>	184
<i>Dictatoris institutio</i>	229
<i>potestas.</i>	ibid
<i>Dies festi</i>	311
<i>nefasti</i>	312
<i>profesti.</i>	ibid.
<i>Dies naturalis & artificialis.</i>	302
<i>Duumviri creati, & illorum munera.</i>	238
E	
E <i>quites, & eorum origo.</i>	205
<i>Equites delecti.</i>	175
<i>Evocati milites.</i>	181
<i>Exercitus partes.</i>	176
F	
F <i>amilia Romanorum.</i>	242
<i>Emilii.</i>	245
<i>Lepidi.</i>	247
<i>Mamerci.</i>	245
<i>Pappi.</i>	246
<i>Pauli.</i>	

INDEX RERUM.

333

Pauli. ibid.
Regilli. ibid.
Scauri. 247

Antonii. 249
Aurelii Cæcilii Metelli. 250

Cotta. ibid.

Metelli Balearici. 254

Metelli Dalmatici. ibid.

Metelli Macedonici. 253

Metelli Numidici. 255

Orestæ. 250

Scauri. ibid.

Calphurnii Bestæ. 256

Bibuli. 255

Flamma. ibid.

Frugi. 256

Pisones Cæsonini. 255

Claudii patricii. 257

Crassæ. 258

Nerones. 259

Pulchri. 258

Claudii plebei Marcelli. 259

Cornelii Arvina. 261

Cethegi. 265

Cinna. 266

Cissi. 261

Dolabella. 265

Rufi. 266

Scipiones. 262

Scipiones Asina. ibid.

Scipiones Africani. ibid.

Scipiones Asiatici. 263

Scipiones Hispalli. 262

Scipiones Nasica. 264

Syllæ. 266

Domitti Enobarbi. 267

Fabii Maximi. 268

Pictores. ibid.

Fulvii Centumali. 270

Flacci. ibid.

Nobiliores. 271

Farii Camilli. ibid.

Julii

<i>Julii Cæsares.</i>	<i>ibid.</i>
<i>Junii Bibulci.</i>	279
<i>Bruti.</i>	<i>ibid.</i>
<i>Norbani.</i>	<i>ibid.</i>
<i>Penni.</i>	<i>ibid.</i>
<i>Peræ.</i>	<i>ibid.</i>
<i>Pulli.</i>	<i>ibid.</i>
<i>Licinii Crassi.</i>	280
<i>Luculli.</i>	282
<i>Murænæ.</i>	283
<i>Livii Denteres.</i>	<i>ibid.</i>
<i>Drusi.</i>	<i>ibid.</i>
<i>Salinatores.</i>	<i>ibid.</i>
<i>Lutatii Catuli.</i>	284
<i>Manlii Acidini.</i>	185
<i>Capitolini.</i>	<i>ibid.</i>
<i>Cincinnati.</i>	<i>ibid.</i>
<i>Torquati.</i>	<i>ibid.</i>
<i>Vulsones.</i>	<i>ibid.</i>
<i>Marii.</i>	286
<i>Marcii Censorini.</i>	287
<i>Coriolani.</i>	<i>ibid.</i>
<i>Figuli.</i>	<i>ibid.</i>
<i>Philippi.</i>	<i>ibid.</i>
<i>Reges.</i>	<i>ibid.</i>
<i>Rutili.</i>	<i>ibid.</i>
<i>Mucii.</i>	288
<i>Octavii.</i>	289
<i>Pompeii Magni.</i>	290
<i>Nepotes.</i>	289
<i>Rufi.</i>	<i>ibid.</i>
<i>Porcii Catones.</i>	291
<i>Liciniani.</i>	<i>ibid.</i>
<i>Saloniani.</i>	292
<i>Quintii Capitolini.</i>	<i>ibid.</i>
<i>Cincinnati.</i>	<i>ibid.</i>
<i>Crispini.</i>	293
<i>Flaminini.</i>	<i>ibid.</i>
<i>Sempronii Atratini.</i>	<i>ibid.</i>
<i>Blæsi.</i>	294
<i>Gracchi.</i>	<i>ibid.</i>
<i>Longi.</i>	<i>ibid.</i>

FAVSTINÆ


Nummis


Temp.



Vestæ

CAVEA PULLARIA





INDEX RERUM.

	335
Spohi .	ibid.
Tuditani .	ibid.
Servilii Abalæ .	295
Coepiones .	ibid.
Fidenaies .	ibid.
Gemini .	ibid.
Prisci .	ibid.
Structi .	ibid.
Vaciæ Isaurici .	296
Sulpicii Camerini .	ibid.
Galbæ .	ibid.
Galli .	ibid.
Petici .	ibid.
Quirini .	ibid.
Rufi .	ibid.
Tullii Cicerones .	297
Valerii Corvini .	299
Flacci .	300
Maximi .	ibid.
Messalæ .	299
Poplicolæ .	ibid.
Potiti .	300
Feriæ publicæ & privatæ .	311
Flaminum creatio & numerus .	233
Flaminis Dialis dignitas .	ibid.
Forum .	172
Funera .	325
Funeris pompa ,	326

G

G Abinus ritus .	317
------------------	-----

H

H Aruspices .	241
H Hasta pura .	190
H Hastati .	182
H Hastatus princeps .	ibid.

I

I Mperator .	184
I Imperatoris appellatio .	190
I Imperium quid .	266, 227
In-	

Ingenui tantum ad militiam admissi.
Ingenuus quis.
Jura Romanorum.
Jus Censu.

Colonice.
Conciliabuli.
Fæderis.
Fori.
Honorum.
Imperii.
Italicum.
Latii.
Magistratum.
Militie.
Municipii.
Patriciorum.
Plebejorum.
Præfectura.
Provinciarum.
Romanum.
Sacrorum.
Tributorum.
Veſtigalis.

173
 162
 ibid.
 164
 170
 172
 ibid.
 ibid.
 165
 166
 167
 ibid.
 166
 164
 171
 163
 ibid.
 171
 169
 162
 163
 164
 165

K

K *Alendæ.*

L

L *Acerna.*
Lectulorum circa mensam numerus.

Legati

Leges latæ in comitiis.

Legio quid.

Legionum numerus.

ordo in acie.

Libertini ad militiam admissi.

Libertus & liber quis.

Ludi a quibus exhibiti.

Ludi Apollinares.

Capitolini.

Castrenses.

Cereales.

Circenses.

305

316

318

184

207

177

178

186

174

162

319

322

323

325

322

319

Com.

INDEX RERUM .

337

<i>Compitalitii .</i>	323
<i>Consuales .</i>	ibid.
<i>Florales .</i>	322
<i>Funebres .</i>	325
<i>Martiales .</i>	322
<i>Plebeji .</i>	323
<i>Romani .</i>	ibid.
<i>Sacri .</i>	322
<i>Sæculares .</i>	324
<i>Scenici .</i>	321
<i>Trojani .</i>	325
<i>Votivi .</i>	324

<i>Lupercorum institutio , sacrificia , &c.</i>	236
---	-----

M

M <i>Agistratus in comitiis creati .</i>	206
<i>Manipulus quid .</i>	177
<i>Mensium unde petita nomina .</i>	313
<i>Mensis lunaris , solaris , periodicus , synodicus .</i>	ibid
<i>Markedonius .</i>	307
<i>Milites cur dimissi .</i>	175
<i>Militum varii ordines .</i>	180
<i>ordo in pugna .</i>	286
<i>Mimus .</i>	321
<i>Mortes illustrium Romanorum .</i>	102
<i>Mors L. Æmilii Pauli .</i>	111
<i>L. Æmilii Pauli Junioris .</i>	113
<i>Annibalis .</i>	136
<i>M. Antonii oratoris .</i>	118
<i>M. Antonii Triumviri .</i>	134
<i>M. Attilii Reguli .</i>	109
<i>D. Bruti .</i>	131
<i>L. Junii Bruti .</i>	104
<i>M. Bruti .</i>	133
<i>Tit. & Tib. Brutorum .</i>	103
<i>C. & L. Cæsarum .</i>	118
<i>C. Julii Cæsaris Dictatoris .</i>	129
<i>C. Crassi .</i>	124
<i>Sp. Cassii .</i>	105
<i>L. Catilinæ .</i>	122
<i>M. Catonis .</i>	127
<i>Q. Catuli .</i>	118

M.

<i>M. Tul. & Q. Ciceronum.</i>	131
<i>L. Corn. Cinna.</i>	120
<i>P. Clodii.</i>	124
<i>M. Coriolani.</i>	105
<i>P. Crassi.</i>	118
<i>M. Crassi.</i>	124
<i>C. Curionis.</i>	125
<i>P. Decii.</i>	107
<i>P. Decii Junioris.</i>	108
<i>M. Livii Drusi.</i>	116
<i>Fabiorum.</i>	106
<i>Tib. Gracchi.</i>	113
<i>Caji Gracchi.</i>	114
<i>Jugurtha.</i>	138
<i>M. Manlii.</i>	106
<i>T. Manlii.</i>	108
<i>M. Claudii Marcelli.</i>	110
<i>C. Marii.</i>	119
<i>Sp. Melii.</i>	105
<i>Corn. Merula.</i>	118
<i>Mithridatis.</i>	139
<i>Numa Pompilii.</i>	102
<i>Octavii.</i>	118
<i>Cn. Pompeii Magni.</i>	126
<i>Sex. Pompeji.</i>	134
<i>P. Valerii Poplicola.</i>	104
<i>Pyrrhi.</i>	135
<i>Romuli.</i>	102
<i>L. Apul. Saturnini.</i>	116
<i>Cn. & P. Scipionum.</i>	110
<i>P. Scipionis Africani majoris.</i>	111
<i>P. Scipionis Africani minoris.</i>	115
<i>P. Scipionis Pompeji soceri.</i>	128
<i>Sertorii.</i>	122
<i>C. Servilii Glaucia.</i>	116
<i>P. Sulpicii.</i>	117
<i>L. Corn. Sylla.</i>	121
<i>Servii Tullii.</i>	103
<i>Viriathi.</i>	138
<i>Municipium quid.</i>	171

N

N obiles qui.	243
Nomina unde petita.	197
Nomina feminis, filiis, libertis imposita.	198
Nomina gentium & familiarum.	199
Nominum varia ratio florente & eversa Rep.	200
Nonæ.	305
Numantia ab Africano minori deleta.	97
Numitor ab Amulio regno ejectus.	11
Nundinæ nunquam in Kalendas aut Nonas incurrebant.	308

O

O ratio quid.	191
----------------------	-----

P

P allium.	313
Paludamentum.	316
Patricii.	163
Patriciorum origo.	243
Pedites ablecti.	179
Penula.	316
Phaleræ.	190
Pinarii quando instituti.	235
Plebeji.	161
Plebis origo.	205
Pontificum electio.	231
jura.	ibid
Potitii quando instituti.	235
Prandium.	317
Præfecti equitum.	184
Prælia Romanorum.	45
Prælium Acilii Glabrionis contra Antiochum.	72
L. Æmilii Pauli contra Perseum.	70
M. Antonii ad Philippos contra Brutum & Cassium.	91
M. Attilii Reguli contra Pœnos,	57. 58
C. Jul. Cæsaris contra Ambiorigem.	82
contra Ariovistum	80
contra Germanos	80. 82
contra Helvetios in Æduis.	80
contra Jubam & Scipionem ad Tapsum.	88
contra Nervios ad Sabim.	81

Y

contra

<i>contra Pharnacem in Ponto</i>	88
<i>contra Pompejum ad Pharsalum</i>	86
<i>contra Pompeji filios ad Mundam</i>	89
<i>contra Ptolemaum ad Alexandriam</i>	87
<i>Octav. Cæsaris contra Antonium ad Metinam</i>	90
<i>contra Brutum & Cassium ad Philippos.</i>	91
<i>contra Sext. Pompejum ad Siciliam</i>	92
<i>contra M. Antonium ad Actium.</i>	ibid.
<i>Q. Lutatii Catuli contra Pœnos</i>	59
<i>Appii Claudii contra Pœnos.</i>	556
<i>Claudii Pulchri contra Pœnos.</i>	59
<i>C. Claudii Neronis contra Asdrubalem ad Metaurum.</i>	65
<i>Clælia virginis contra Porſenam.</i>	48
<i>A. Cornelii Cossi contra Tolumnium.</i>	50
<i>M. Velerii Corvini contra Gallum.</i>	51
<i>M. Licinii Crassi contra Parthos.</i>	83
<i>M. Curii contra Pyrrhum.</i>	56
<i>Decii contra Pyrrhum.</i>	53
<i>C. Duilii contra Pœnos.</i>	57
<i>Q. Fabii Rulliani contra Samnites.</i>	53
<i>Q. Fabii Cunctatoris contra Annibalem.</i>	62
<i>C. Flaminius contra Annibalem ad Trasymenum.</i>	61
<i>Sempronii Gracchi contra Pœnos ad Calonem.</i>	65
<i>Horatorum contra Curiatios.</i>	46
<i>Horatii Coclitis contra Etruscos.</i>	47
<i>Junii Pulli contra Pœnos.</i>	59
<i>Valerii Lævini contra Pyrrhum.</i>	54
<i>Luculli contra Mithridatem ad Cyzicem.</i>	77
<i>contra Mithridatem in Ponto.</i>	78
<i>contra Tigranem in Armenia.</i>	ibid.
<i>T. Manlii Torquati contra Gallum.</i>	50
<i>M. Marcelli contra Virgimarum.</i>	74
<i>L. Marcii contra Asdrubalem in Hispania.</i>	66
<i>C. Marii contra Bocchum.</i>	74
<i>contra Jugurtham ad Cirtam</i>	75
<i>contra Teutonas ad Aquas Sextias</i>	ibid.
<i>contra Cimbros ad Vercellas.</i>	76
<i>L. Cæcilii Metelli contra Pœnos.</i>	58
<i>Q. Metelli contra Jugurtham.</i>	74
<i>L. Papyrii Cursoris contra Samnites.</i>	52
<i>Cn. Pompeji Magni contra Mithridatem in Ponto.</i>	79
<i>contra</i>	

IN DEX RERUM.

341

contra Hiarbam & Domitium in Africa.	84
contra Sertorium ad Sucronem.	85
Posthumii Regillensis contra Tarquinius.	42
L. Quintii Cincinnati contra Æquos.	49
T. Quintii Flaminini contra Philippum.	70
Romuli contra Acronem.	45
contra Tatium.	46
Mutii Scævolæ contra Porsenam.	47
Sempronii contra Annibalem ad Trebiam.	60
P. Corn. Scipionis contra Annibalem ad Tici- num.	60
P. Corn. Scipionis Africani contra Asdrubalem ad Batulam.	67
contra Asdrubalem ad Salpiam.	ibid.
contra Syphacem in Africa.	68
contra Annibalem.	ibid.
L. Corn. Scipionis contra Antiochum.	72
L. Corn. Syllæ contra Mithridatem ad Charo- neam.	77
contra Mithridatem ad Orchomenon.	ibid.
contra Carinatem & Marcium ad portam Col- linam.	84
Tulli Hostilii contra Veientes.	46
Terentii Varronis contra Annibalem ad Cannas.	63
T. Veturii contra Samnites ad Furcas Caudinas.	51
Prænomen quid.	194
quomodo scriptum, & unde deductum.	195
Prætorum jura.	220
numerus.	ibid.
potestas.	221
Princeps.	182
Proletarii ad militiam admissi.	174
Proconsulum insignia & comitatus.	227
Provinciarum divisio facta ab Augusto.	228
Provincia Romanorum.	140
Achaja.	153. et seg.
Ætolia.	154
Æqui.	142
Africa.	158
Apulia.	143
Asia.	155
Baleares.	150

<i>Bithynia</i> .	155
<i>Bruntum</i> .	143
<i>Campania</i> .	143
<i>Cantabria</i> .	150
<i>Carnia</i> .	147
<i>Cassiterides</i> .	154
<i>Cilicia</i> .	156
<i>Corfica</i> .	149
<i>Creta</i> .	160
<i>Cyprus</i> .	157
<i>Dalmatia</i> .	152
<i>Epirus</i> .	154
<i>Etruria</i> .	141
<i>Gades</i> .	150
<i>Gallæcia</i> .	ibid
<i>Gallia</i> .	145
<i>Alpina</i> .	148
<i>Braccata</i> .	147
<i>Comata</i> .	ibid.
<i>Galli Senones</i>	145
<i>Græcia</i> .	153
<i>Hernici</i> .	143
<i>Hispania</i> .	149
<i>Illyricum</i> .	152
<i>Insubria</i> .	146
<i>Isauria</i> .	156
<i>Istria</i> .	151
<i>Italia</i> .	141
<i>Latium</i> .	ibid. & seq.
<i>Libya</i> .	159
<i>Liguria</i> .	145
<i>Lucania</i> .	143
<i>Lusitania</i> .	150
<i>Lycia</i> .	156
<i>Macedonia</i> .	152
<i>Mauritania</i> .	159
<i>Numidia</i> .	158
<i>Osci</i> .	143
<i>Pamphilia</i> .	156
<i>Pontus</i> .	ibid.
<i>Sabini</i> .	144
<i>Salernitini</i> .	143

INDEX RERUM.

343

<i>Samnites.</i>	144
<i>Sardinia.</i>	149
<i>Senogallia.</i>	153
<i>Sicilia.</i>	148
<i>Syria.</i>	157
<i>Venetia.</i>	147
<i>Umbria.</i>	150
<i>Volsci.</i>	142
Q <i>Uæstorum ordo.</i>	225
<i>jura.</i>	226

R

R <i>Emus.</i>	11
<i>Romani ab aliis nomina mutuati.</i>	194
<i>Romani populi variae divisiones.</i>	200
<i>Romulus & Remus Numitoris nepotes.</i>	11
<i>Amulium occidunt.</i>	ibid.
<i>Romam condunt.</i>	ibid.

S

S <i>Acerdotes in comitiis creati.</i>	207
<i>Sacerdotum varia genera.</i>	230
<i>Senatores, & eorum origo.</i>	203. 204
<i>Servus quis.</i>	162
<i>Servorum nomina.</i>	199
<i>Sibyllæ quæ & quot.</i>	237
<i>Sibyllini libri cui & a qua Sibylla oblati.</i>	ibid.
<i>Signa militaria.</i>	187
<i>Socii qui.</i>	176
<i>Stipendia.</i>	188
<i>Stola.</i>	316
<i>Suffragii ferendi ratio.</i>	212
<i>Supplicatio.</i>	190
<i>Syracusæ a Marcello captæ.</i>	94

T

T <i>Empus quid.</i>	301
<i>Theatra.</i>	321
<i>Tigranocerta a Lucullo capta.</i>	99
<i>Tragœdia.</i>	321
<i>Transvectio quid.</i>	219
<i>Triarii.</i>	180
<i>Tribuni plebis.</i>	222
<i>Tribuni militares.</i>	ibid.
<i>qua ratione delecti.</i>	183

Y 3

Tri-

<i>Tribunorum militarium numerus.</i>	ibid.
<i>Tribuum institutio.</i>	201
<i>Triumphus.</i>	190

V

V <i>Eji a Camillo capti.</i>	93
<i>Velites.</i>	180
<i>Vesta & Vestalis nomen unde?</i>	234
<i>Vestaliū institutio & munera.</i>	ibid. & seq.

Finis Indicis.



EXER.

EXERCITATIONES DUÆ,

altera de præcipuis


Veterum Romanorum

SACRIFICIIS,

altera de ipsorum

N U P T I I S,

*ex probatissimis scriptoribus
excerpta.*



1887-1888

1887-1888

1887-1888

A P P E N D I X

AD REM CIVILEM

R O M A N O R U M .

a Petro Josepho Cantelio S. J.
explicatam.

EXERCITATIO PRIMA.

ROMANORUM SACRIFICIA.

CAPUT PRIMUM.

De sacrificiis in genere.



Acrorum ritus, qui veteribus Romanis quondam in usu fuerunt, antequam explico, dicam breviter, quid *sacrificium* sit, & quot fuerint apud Romanos sacrificiorum genera.

Sacrificium igitur erat quodcunque erga Deos officium, quod rei divinæ faciendæ causa rite impendebatur. Sacrificia autem & sacra apud veteres Romanos promiscue dicebantur: quorum alia *domestica* erant, alia *peregrina*. Domestica illa, quæ domi nata sunt, non aliunde ab aliis populis vel gentibus petita. Ea erant vel *manifesta*, vel *seclusa*. Manifesta vocabantur, quæ palam fiebant; erantque duplicis generis, vel *stata*, vel *incertioris temporis*. Stata appellabantur, quæ certis diebus fiebant, feriis scilicet stativis, ut Agonalibus, Carmentalibus, Lupercalibus, Quirinalibus, & similibus, quæ in veteri Calendario Romano notantur ad singulos menses. Hæc etiam dicebantur *solemnia*, *anniversaria*, sive *annua*; quorum alia erant *publica*, alia *privata*. Publica sacra, quæ publico sumtu pro populo fiebant; inquit Festus: ac proinde popularia etiam nomi-

I.
 Quid sacrificium & quot apud Romanos sacrificiorum genera.

nominata. Hujusmodi erant Fornacalia, Palilia, Lavitia, &c. Privata, quæ & *propria*, & *familiaria*, & *gentilitia*, ea erant, quæ pro singulis hominibus, familiis, gentibus fiebant; idem Festus: inter hæc Natalia, Denicalia, Parentalia, & similia. Incertioris temporis sacra dicuntur illa, quæ feriis publicis quidem, sed conceptivis & imperativis celebrari solebant. Hujusmodi sunt Latina, Paganalia, Sementina, Compitalia, quæ singulis annis incertiore tempore concipiebantur; ut & illa, quæ fiebant feriis imperativis, quæ scilicet occasione flagitante indicebantur, ob victoriam, natalem diem Imperatoris, & similia. Seclusa Romanis veteribus appellabantur sacra, quæ Græci *mysteria* vocabant; Cicero & Livius *initiationes* nominant, Plinius *sacra opertanea*: quo in numero erat sacrificium Bonæ Deæ, quod duplex erat: *publicum*, quod pro populo fieret; *opertaneum* vero, quod in operto, viris non admittis. Talia igitur erant domestica Romanorum sacra; peregrina vero sic Festus describit: *Peregrina sacra appellantur, quæ aut evocatis Diis in oppugnandis urbibus Romam sunt collocata, aut quæ ob quasdam religiones per pacem sunt petita, ut ex Phrygia Matris Magnæ, ex Græcia Cereris, Epidauro Æsculapii, quæ coluntur eorum more, a quibus sunt accepta.* Hæc de variis sacrificiorum generibus.

C A P U T II.

De Hostiis.

I.
Quid
discriminisin-
ter Hostiam, &
Victimam.

SEquitur Hostiarum consideratio. *Hostia* apud veteres Romanos nihil aliud erat, quam animal, quod immolabatur ab Imperatore ad bellum proficiscente, pro impetranda contra hostes victoria. Eadem & *vicima* dicebatur, quia possigatis jam hostibus mactabatur ab eo, qui victoria potitus erat. Alii tamen apud Festum hostiam appellatam volunt ab antiqua voce latina *hostire*, hoc est ferire; victimam vero, quod vi ictus percussa caderet, sed quod vincita ad aras duceretur. Alii etiam aliter explicant, quos referre non est necesse. Notandum

dum est, quod scribit Servius, in omnibus sacris taminini generis plus valere victimas.

Hostiarum duo fuerunt genera: alterum, quo voluntas Dei per exta disquirebatur; alterum, quo sola anima Deo sacrabatur, unde & animales hostias vocabant haruspices. Porro hostiæ apud Romanos varis epithetis appellabantur. Aliæ enim hostiæ *purae*, quæ ad sacrificandum aptæ; aliæ *bidentes* dictæ, quasi *biennes*, ut inquit Servius, vel quæ per ætatem duos dentes altiores haberent, ut Macrobius; *injuges* aliæ, quæ nunquam domitæ, ac jugo subditæ fuerant. *Eximiae* erant, quæ ad sacrificium e grege tanquam omnium optimæ eximebantur: *præcidaneæ*, quæ ante sacrificia solemnia pridie cedebantur; & *porca præcidanea* erat, quam immolare erant soliti deæ Cereri, antequam novam frugem præciderent; *succidaneæ*, quæ, si primis hostiis litatum non erat, aliæ post easdem ductæ cædebantur, quæ quasi prioribus jam cæsis luendi piaculi gratia subdebantur, & succedebant; *ambarvales*, quæ Ambarvaliorum festo circum arva ducebantur. *Caviaræ*, quæ & *cavæ*, erant hostiæ cauda tenus, quæ in sacrificio ponebantur quinto quoque anno pro collegio Pontificum; *prodigæ*, quæ consumeabantur; *piaculares*, quæ cædebantur, piaculi luendi gratia; *harvigæ*, cujus adhærentia inspiciebantur exta; *optatæ*, quas Ædilis tribunicus constitutis hostiis immolandas optabat, seu eligebat. Denique aliæ *maximæ* dicebantur ab ætate; *mediales*, quæ meridie immolabantur; *minores*, perfectis & majoribus oppositæ, quæ & *laetentes*. Hæc de Hostiis.

II.
Hostia-
ram ge-
nera
quot.

CAPUT III.

De ritibus, ac primum de iis, qui sacrificium antecedeant.

Ritus in sacris rite peragendis observari ab Romanis soliti, varii fuerant. Elegans sane & notatu digna lex est, quam sacrificaturis præscribit Cicero: *Ad Divos adevnto caste, pietatem adhibento, opes amovento; qui secus faxit, Deus ipse vindex esto.*

His

I.
sacerdo-
rum præ-
paratio.


His verbis præparatio quasi describitur ad sacra ; sacerdos enim in omnibus sacrificiis rite celebrandis , antequam Diis immolaret , aut rem divinam faceret , quibusdam se prius sacris præparabat : unde Græcis verbum frequens ἱεργιάζεν hoc est ad cultum sacrorum se expiare . Eo pertinebant , corpus abluere , venere abstinere , & similia . Plerumque tamen manus tantum lavabant ; aliquando etiam pedes . Hinc apud Latinos proverbialia ; *illotis manibus pedibusque rem aliquam aggredi* : hinc toties apud eosdem *puræ manus , pure lavari &c.* Hæc autem lavatio fiebat vivo flumine , hoc est semper fluente & naturali .

II.
Hostiarum
probatio &
deductio .

Hostiarum deinde , antequam ad mactationem ducerentur , probatio fiebat ; quæ cujuscumque fuerit , explicat Lucanius : *Coronatam pecudem , inquit , multo ante explorarunt , sitne ad sacra legitima , ne quam ex his mactent , quas vetat religio . Erant autem istæ probationes , inquit Servius , utrum esset animal aptum sacrificio oblatum . Etiam cultrum a fronte usque ad caudam ante immolationem ducere consueverunt . Hostiis probatis , bonis nominibus eligebantur , qui eas ducerent . Ducebantur autem hostiæ prælato titulo , cui scilicet Deo essent mactandæ . In iis ducendis considerabant , an reluctarentur : ducendæ enim erant ad sacrificium , non trahendæ . Adductæ hostiæ aris admovebantur ; quibus admotis , observabant sacrificaturi , an starent , an vero fugerent . Si starent , probabantur ; sin fugerent , non solum improbabantur , sed & dirum illud & triste accipiebant omen . In stante victima hoc etiam considerabant , an horrendos ante mactationem ederet mugitus . Moris autem erat , si fugeret , ut eam , ubicumque locorum inveniretur , occiderent , ne piaculum committeretur .*

III.
Quinam
a sacris
amoti
& prohibiti .

Stante jam ad aras hostia , & omnibus ad sacrificium & mactationem præparatis , sacrorum minister solemniter voce profanos sacris exesse jubebat , & quasi arcebat . Hinc *profani* dicebantur , qui pro fanis jubebantur esse , sacris nondum initiati ; quibus etiam sacrorum mysteria & arcana non licebat aperire : nam eaunciare illa nefas habebatur . Polluti quo-



quoque, id est, quibus manus non erant puræ, aut etiam sanguinolentæ erant; impuri item, & sceleribus flagitiisque contaminati sacris arcebantur. Aliquando a lictore clamabatur: *Hostis vinctus, mulier, virgo exesto*; quæ formula locum habebat in iis tantum sacris, quibus mulieres interesse non poterant.

Iussis exesse, quibus interesse sacris non licebat; erat qui publice imperabat, ut qui intererant, linguis faverent. Quid autem voluerint hac formula veteres illi in rebus divinis, exponit Seneca (in lib. de vita beata.) Hoc verbum non, ut plerique existimant, a favore trahitur, sed imperatur silentium, ut rite peragi possit sacrum, nulla mala voce obstreperante &c. Paulus tamen ex Festo favere illud interpretatur non silentium præstare, sed bona verba fieri; unde sæpissime bona verba in rebus sacris nominant veteres scriptores, quibus contraria erant mala verba.

His peractis, sacrificaturi ad sacra rite facienda se componebant. Imprimis autem sacris se vestibus induebant. Vestimenta hæc pura esse oportebat, idest non obsita, ut ait Festus, non fulgurata, non funesta, non maculam habentia. Ea erant linea, textile Servio, & purpurea. Sacris vestibus induti fronde se coronabant; aram deinde manibus apprehendebant; tum fundebant preces. Ne quid vero in precando præteriretur, vel præposterum quid diceretur, aliquis de scripto verba præibat.

CAPUT IV.

De ritibus in ipso sacrificio observari solitis, ac primum de iis, qui spectabant ad Superos.

SIC igitur componente se ad sacrificia peragenda sacerdote, vel eo qui sacrum esset celebraturus, stabat ad aram hostia, vinculis soluta: nihil enim in sacris vinctum esse oportebat, inquit Servius; unde etiam vincti mentio in solemnibus illa formula: *Hostis vinctus, mulier, virgo exesto*, de qua supra. Stans vittima aqua pura lustrabatur, deinde illi vinum infunde-

VI.
Quid favere linguis.

V.
Vestimenta sacra.

I.
Sacrificii initium.

fundebantur, quod purum esse oportebat, idque inter cornua, vel in frontem. In illo infundendo certa verborum utebantur solemnitate: *Macte hoc vino inferio esto*; de qua ita Servius. *Quoties aut thus, aut vinum super victimam fundebatur, dicebant: Mactus est taurus vino, vel thure; hoc est cummulata est hostia, id est magis aucta*. Inferium autem vinum appellabant illud ipsum quod dabatur, quod inferebatur, quod infra pateræ labrum libabatur, ut ex Festo Paullus.

II. *Quidmola falsa, & immolare.* Hostiæ vino perfusæ mola falsa etiam inspergebatur, unde verbum *immolare*. Servius: *Immolare est mola, id est farre molito & sale hostiam perspersam sacrare*. Immolandi autem verbum animadvertendum est tribui, non Popis, non Victimariis, id est sacerdotum ministris, sed his, qui magistratu vel sacerdotio publico præditi erant, quive etiam privatim domi sacra faciebant. Mola hæc falsa fiebat a virginibus Vestalibus ter anno ex farre, quod propterea *pium* a veteribus Poetis est appellatum.

III. *Jussus.* Post immolationem aderant succincti ad sacrificia ministri Popæ & Victimarii. Succincti, inquam; nam succinctum esse eorum erat habitus. Inter eos qui hostiam cæsurus erat (nam alii aliis intenti sacra densi circumstabant) *agon'* vocem solemnem ingeminabat; qua jussus expectabatur; unde *agonales dies* dicti. Tandem jubebatur ferire jussum; fiebat autem jussus ille solemnem verborum formula; *Hoc age*. Quia vero ministri attentissimi adstabant, expectantes jussum, hinc & extra sacra, illa loquendi ratio ad attentionem conciliandam usurpari consuevit.

IV. *De victimæ percussione.* Jussu edito, hostiæ feriebantur. Fiebat hoc securi; quandoque etiam malleo. Hostia ferienda dicebatur *præbere*, hoc est dare, porrigere, offerre cervicem feriendam. Illa percussa, videbant quomodo se haberet; an placida esset, quod boni erat ominis; an vero, quod mali & sinistri, mugitum ederet, vel etiam, an ista fugeret. Illud etiam videbant, an in aliam, quam oportebat, corporis partem procideret. Hæc omnia *piacularia auspicia* dicebantur, quæ sacrificantibus tristitia portendebant.

Jacenti hostiæ ministri cultros supponebant, eam-
quæ jugulabant, quod fiebat præcluso spiritu, ne
quid de sacra deperiret; vel nequid mancum sive
non integrum Diis offerretur. Jugulatæ victimæ
cruorem pateris suscipiebant; denique viscera ape-
riiebant; statimque succedebat extorum inspectio,
de qua videndus Cantelius noster, ubi de Haruspici-
bus agit. Extæ, si bona ab extispiciis essent
nunciata, abluebantur; abluta lixabantur; deinde sa-
cerdotibus oblata profecabantur in frusta, & fuman-
tia adhuc conspergebantur farina, ut facilius ab igne
apprehenderentur. His ita peractis, ignis in ara ac-
cendebatur, qui ex lectis lignis fiebat. Neque enim
parva diligentia erat in eligendis lignis, quæ con-
venirent singulis sacrorum generibus; quandoqui-
dem non ex quibuslibet lignis ignis accendebatur
sed ex lignis in sacrificiorum lege nominatis. In
sacris Bacchi antiquitas nulla ligna, nisi oporebasi-
lidis, aut phibaleæ ficus, aut viticis cum foliis vi-
tium utebantur. In sacris Veneris myrthus crema-
batur. Apud Sicyonios vero ignis non fiebat, nisi
ex lignis juniperi. In Jovis sacris ilicis ligna, in
Martis fraxinorum, in Herculis cerri, æsculi, aut
corni utebantur. Sed hæc non adeo curiose serva-
bant Romani. Notandum est autem, quod scribit
Servius, apud majores non solere incendi, sed ignem
divinum precibus elici, qui incendebat altaria.

Ignem accenso, extæ aris inferebantur, lancibus im-
posita vel canistris. Ut vero odoratus suaviores ha-
beret victima, thus masculum offundebatur, quod
singuli pro suis facultatibus dabant. Ditiores enim
thuris acervos ingerebant; plena acerra grandique
lance; pauperiores thuris tantum grana quædam
seu micæ jaciebant summis digitis duobus aut tri-
bus. Præter thus offundebatur etiam vinum; purum,
inquam, non spurcum. Spurci nomine id vinum
appellabant, quod sacris adhiberi non licebat; quale
credebatur, cui aqua adjuncta erat, defrutumve,
aut igne tactum, mustumve antequam defervesce-
ret. Huc pertinet vinum calpar, idest vinum no-
vum, quod (ut scribit Festus) ex dolio demebatur
sacrificii causa, antequam gustaretur. In his autem

omni-

V.

Ritus
circa ex-
tæ: de-
que igne
& lignis
sacris.

VI.

De Thu-
re, & vi-
no aliis-
que ri-
tibus.

omnibus cautio erat ut quidquid dabatur, de manu daretur dextera. Omnibus tandem rite peractis, conveniebant sacerdotes & nonnulli eorum qui interfuerant, & ad epulas se convertebant. Laudes inter vescendum Diis cani solitæ.

CAPUT V.

De ritibus, qui ad Deos inferos & marinos pertinebant.

I.
Quo ritu
Inferi
coleren-
tur.

TAlia erant sacrificia Deorum, quos Superos Romani habebant & appellabant: nunc restat, ut pauca dicamus de cultu inferorum. Sacrificia, quæ Diis inferis fiebant, tempore, colore vestimentorum, ritu, & similibus nonnihil differebant. Sacrificabant autem veteres Diis inferis, quod existimarent eos malorum omnium, quibus homines exagitabantur & vexabantur, auctores esse. Inferorum sacra fiebant die ad vespeream inclinante, atque etiam noctu, ut nonnulli volunt. In his numina variis modis & mysticis quibusdam sonis invocari solita. Aræ, quæ pares erant & geminæ, cupresso ornabantur & vittis cæruleis, quibus etiam hostiæ integebantur. Hæ nigræ erant, pecudes scilicet nigri coloris, quæ jugulabantur in effosis foveis & scrobibus. Certus autem fuit in his sacrificiis victimas probandi ritus; nam stanti ad aras victimæ vinum invertebatur, probandi causa. *Invertebatur*, inquam; quæ vox in sacrificiis Inferorum solemnis erat & propria; nam in aliis *fundi* dicebatur. *Fundere* (inquit Servius) *est supra manū libare, quod fit in sacris superis; vergere autem est conversa in sinistram partem manu ita fundere, ut patera convertatur, quod in inferis fit.* Hæc autem pertinent ad victimarum explorationem, ut si non stupuerunt, aptæ probentur. Quemadmodum autem victimæ, quæ Superis mactabantur, cogeantur jugulum superius vertere, ita quæ mactabantur Inferis, caput ad terram depressum tenebant. Jugulata victima, sanguinem pateris exceptum prælibabant; ter deinde ferebant circum aras victimæ excoriatæ viscera; cruorem

rem denique adhuc spirantem in effossam terram mittebant. Victimæ sic jacenti & jugulatæ, utri erat aræ subterraneæ imposita, vinum superinfundebatur; deinde mel, mulsu, & lac. Sunt, qui oleum pro vino Plutoni datum asserant. Ut autem Diis superis libabant tantum, & vasis vinum effundebant; ita Inferis sacrificantes etiam vasa in ignem conjiciebant.

Ritus in Inferiorum sacrificiis observari soliti hi ferme erant: nam in iis, quæ Diis marinis fiebant, id præterea moris erat, ut cum jugulatæ essent & prosectæ victimæ, prius exta cum precibus, deinde vinum in aquam effunderetur. Ovidius sane (*Metam. lib. xi. v. 247.*) thuris quoque honorem Diis marinis tribuit; quod a natura hujusmodi sacrorum videtur valde abhorrere, cum aereis tantum numinibus id genus sacrificii ad altiora tendentis conveniat, non aquaticis. Hæc de sacris eorumque ritibus in genere dicta sufficiant: ad peculiaria transeamus, in quibus siquid singulare erit, suo loco explicabitur.

II.
Quo ritu Dii marini.

C A P U T VI.

De sacrificiis mense Januario fieri solitis.

K Alendis Januarii suo Jano sacrificabant Romani, I. fiebatque illud sacrum libo, quod a Jano *Janual* appellabatur, & mola ex farina horna & sale permixta, denique thure & mero. Hoc die, qui designati erant Consules, magistratum inibant, & comitati frequenti populo ascendebant in Capitolium, ubi Jovi optimo maximo injuges juvencos mactabant, & quamplurima odorem gratum & suavem facientia in templis & pro eorum foribus cremabantur, quod observari cœpit anno Urbis conditæ 601. Q. Fulvio Nobiliore & T. Annio Lusco Coss.

I.
Janual.

In diem nonum Januarii, qui Latinis quintus ante Id. dicebatur, *Agonia*, sive *Agonalia* incidebant. Plures hujus appellationis causæ a scriptoribus.

II.
Agonalia.

Z

bus

bus afferuntur. Ovidius quinque enumerat; vel enim Agonalia idcirco dici potuisse ait, quod minister sacrorum, sive Victimarius cultrum manu tenens, atque hostiam feriturus, rogare solebat, *Agone? i. e. ferio ne?* nec, nisi iussus ageret, hostiamque percuteret. Vel ab agendo dicta fuerunt, quod hostiæ non sponte ad sacrificia veniebant, sed a ministris agebantur. Vel ab agnis, quasi Agnalia prius dicta fuerint; cum tamen non agnus, sed aries immolari consuevisset. Vela voce Græca *αἶών*, quæ Latinis, *trepidatio* est, a metu scilicet hostiarum, quæ, viso cultro quo erant feriendæ, in aqua, sive in mola, ubi tangebantur, trepidabant. Vel denique a ludis Græcorum, qui *Agones* dicebantur, quæ sententia præ cæteris Ovidio probatur. Celebrabantur autem Agonalia in honorem Jani, ex instituto Numæ Pompilii, quo die Rex sacrorum arietem (uti diximus) immolabat.

III.
Carmen-
talia.

Undecimo Januarii die, Idus tertio, *Carmentalia* fiebant, quæ nomen a vate Carmenta, Evandri matre ex Mercurio, nata sunt. Illi enim post mortem in Dearum numerum relatæ aram dicarunt Romani apud eam portam, quæ deinde Carmentalis appellata est; ibique hoc ipso die ante meridiem quotannis sacrificabant, quod de Imperio Romano multa esset vaticinata. Die autem decimoquinto, qui decimus octavus erat ante Kalendas Februarii, Carmentalia iterum referebantur, & ipsa a Carmenta Evandri matre dicta, vel a duabus Carmentis Porrima & Postverta, sive Prosa & Prorsa; de quibus vide Ovidium (*Fast. lib. i. v. 643.*) qui præterea notat piaculum fuisse *scortea*, i. e. sua morte perempta in his sacris afferre. Hæc autem a matronis excolebantur; cujus rei causam affert Plutarchus. Cum enim Senatus usu olim carpentorum matribus interdixisset, illæ inter se conspirantes neque utrum gerere, neque parere voluerunt, ut viros hac ratione suos ulciscerentur; donec carpentorum usu iterum concesso quum peperissent, sæcundæ & liberorum copia claræ templum Carmentæ posuerunt eique sacrum fecerunt.

IV.
Sementi-
na.

His deinde *Feria sementina* succedebant, quæ non

statæ erant, sed conceptivæ, & sationis causa susceptæ, quasi ex iis fruges grandescere potuissent. Pro felici igitur frugum proventu his Feriis sacra in æde Telluris Telluri & Cereri fiebant.

CAPUT VII.

De Februario.

INTER præcipua mensis Februarii sacrificia, *Lupercalia* fuerunt die decimoquinto, qui item decimusquintus est ante Kalendas Martias. Originem horum sacrorum alii ad alios referunt: nonnulli ad Evandrum, a quo ex Arcadia in Italiam translata volunt; plerique tamen ad Romulum & Remum. Ajunt enim eos in Fauni sacro, dum pararentur epulæ, ipsique sese nudos exercerent in ludis, vocatos ex alto a pastore, monitosque, prædones abigere armenta. Omnibus igitur in diversas partes, ut nudi erant, discurrentibus, a Remo abacta armenta recuperata sunt, & in hujus rei memoriam institutum hoc solemne. Sunt, qui a Lupa, Romuli & Remi nutrice, dicta volunt; cum Luperci ab eo loco, quo Romulus expositus fertur, cursum suum ordiantur. Utrumque sit de Lupercaliorum origine, eorum ritus explicemus, qui sane singulares admodum erant. In Palatino monte, ubi Panistemplum erat & simulacrum, caprina facie & barba oblonga, capræ candidæ jugulabantur: ibique sistebantur adolescentes nobiles duo, quorum frontes alii, cultro sanguine perfuso, tingebant; alii statim lana lacte madente abstergebant, eosque dum abstergerentur ridere oportebat. Caprarum deinde pelles in scuticas diffecabant, ac subligaculis præcincti, nudi unctique cursum ordiebantur, uti dictum supra est, a ficu Ruminali, ubi Romulus & Remus fuerunt expositi. Discurrentes autem obvios quosque verberabant per lulum & lasciviam. Mulieres quoque palmas caprinarum pellicum scuticis cædendas ultro præbebant, credentes earum ictus ad sæcunditatem facilitatemque pariendi conducere. Turpe autem & inhonestum fuit honestis

I.
Lupercalia.

viris & magistratu fungentibus vel jam functis, Lupercos agere; qua de causa gravissime invehus est Cicero in Antonium.

II.
Quirinalia, &
Fornacialia.

Lupercalibus *Quirinalia* succedebant die decimoseptimo Februarii qui decimustertius ante Kalendas Martias dicebatur. Hæc etiam *Feriae stultorum* appellabantur, quod cum quisque in sua curia *Fornacialibus*, quæ indictivæ feriæ erant, feriretur & sacra faceret, stulta populi pars quæ sua curia esset ignorans, rem divinam Fornacialibus omissam, Quirinalibus faciebat. Fornacialia autem a Numa Pompilio instituta Deæ Fornaci fiebant farris correndi gratia, quod ad fornacem, quæ in pistrinis erat, sacrificium fieri solebat.

III.
Feralia.

Die Februarii decimoseptimo, ut Ovidius docet, vel ut alii, vigesimoprimo, qui nonus est ante Kal. Martias, *Feralia* instituebantur. Hæc sive a feriendis pecudibus, sive ab inferis, seu potius a ferendis ad sepulcrum epulis dicta sint, vel ab Ænea originem traxerunt, ut auctor est Ovidius, vel a Numa Pompilio, a quo alia multa, ut scribit Macrobius. Ritus describuntur ab Ovidio (*lib. 2. Fast. v. 533. & seq.*) ubi id præcipuum est, quod in sacris istis epulæ ad sepulcrum allatæ super nudam silicem ponerentur, unde *silicernium* dictum est, auctore Servio. Donatus tamen scribit *Silicernium* esse cenam, quæ inferitur Diis manibus, quod eam silentes cernant, id est possideant umbræ, vel quod qui eam inferunt, cernant quidem, sed non degustent: nam de his, quæ libantur inferis, quisquis ederet vel biberet, funestabatur. Durabant Feralia dies undecim, quibus vel nubere, vel sacrum Diis superis facere ominosum erat. Mutæ etiam Deæ his diebus sacrificium quoddam magicum fieri ad compescendas detrahentium linguas Ovidius docet, quod cujuscumque fuerit, vide in Fastis. Plura vid. infra in *Parentalibus*.

IV.
Charistia.

Proximo a Feralibus die *Charistia* a charis & amicis celebrabantur. De his Valerius Maximus l. 2. c. 1. ex. 5. *Convivium*, inquit, *solemne majores instituerunt, idque Charistia appellaverunt, cui præter cognatos & affines nemo interponebatur, ut si qua inter necessarios quærela esset orta, apud sacra mensæ & inter*
bila-

bilaritatem animorum, fautoribus Concordiæ adhibitis, tolleretur.

Sequuntur *Terminalia*, quod is dies, ut Varro illud explicat, anni extremus erat constitutus. Festus tamen a deo Termine derivat, cui sacrificabant, quod in ejus tutela fines agnorum esse putarent. Terminorum autem tanta religio fuit, ut Numa statuerit eum, qui Terminum exarasset, & ipsum & boves sacros esse. Sacra hæc incruenta ab eodem Numa instituta sunt, quod nefas esset lapides Terminos hostiarum cædecruentari, ac proinde liba tantum Cerealia, frugumque primitiæ offerebantur. Sed agnum deinde & porcā deo Termine cædi consuevisse auctor est Ovidius, a quo plures etiam hujus sacrificii ritus recensentur.

V.
Terminalia.

Ultimo loco occurrunt *Regifugium* & *Equiria*, illud vigesimoquarto Februarii die, hoc est sexto Kalend. Martii, hoc vigesimo septimo, id est ante Kal. Mart. tertio. *Regifugium* vel ab regis Tarquinii ex Urbe fuga, vel a fuga Regis sacrorum ex foro comitio dictum volunt. Regem enim sacrorum, facto inter Saliarum virgines & Salios sacrificio, statim e comitio fugere consuevisse, Festus memorat. *Equiria*, a Romulo in honorem Martis instituta, ab equorum cursu dicta sunt. Hæc in Campo Martio juxta Tiberim celebrabantur, nisi Tiberis inundasset; tum enim in montem Caelium translata, ubi locus dictus Campus Martialis, in quo equi currebant, siquando aquæ Tiberis Campum Martium occupassent. Sunt & altera *Equiria*, tertio idus Mart. celebrari solita. Nonnulli augurantur illa facta fuisse, ut equitatus lustraretur; hæc ut numerus integraretur.

VI.
Regifugium, & Equiria.

C A P U T V.

De Martio.

IN primum Martii diem *Matronalia* incidebant, instituta a Romulo; & a matronis Romanis, a quibus celebrabantur, appellata. Eorum causæ varix indicantur; alii enim referunt ad bellum, a matronis Romanos inter & Sabinos diremtum; alii institu-

I.
Matronalia.

stituta volunt, ut matres favore Martis eam felicitatem consequerentur in filiis, quam videbatur is deus Iliæ concessisse; alii sic dicta putant, quod mense Martio terra foecunda sit, quales Matronæ fieri cupiunt; alii, quod hoc die Junonis Lucinæ ædes coli cæpta sit; alii tandem, quia Mars filius dicatur Junonis, quæ conjugiiis putabatur præesse. Hoc a viris munera feminis mittebantur, quemadmodum Saturnalibus a feminis missitabantur viris. Matronæ item hoc die servis suis cænas apponebant, ut eos ad promptius obsequium hoc modo invitarent.

II.
Festum
Anciliorum.

His Kalendis, & duobus sequentibus diebus ex Numæ institutione *festum Anciliorum* erat. Hæc sacra & dies festi cœnis & comessationibus cum cantu & symphonia laute admodum a Saliis celebrabantur, adeo ut opiparum quadris & splendidum convivium *Saliare* postea fuerit appellatum. Tribus Anciliorum diebus non modo nubere, sed quidquam inceptare religio erat; expectandum enim censebant, dum condita essent Ancilia.

III.
Annæ
Perennæ

Die decimoquinto, hoc est idibus, festum erat *Annæ Perennæ*; de qua Ovidius *Fastor.* 3. v. 533. & seq. Hoc festo plebs Romana (nam reliqui ordines senatorius & equestris contentiores erant) in ripa Tiberis genio & largioribus poculis indulgebat, & cantu quodam vitam sibi perennem precabatur. Idus Martiæ post mortem C. Julii Cæsaris *Parricidium* nominari cœperunt; cautumque, ne unquam eo die Senatus haberetur.

IV.
Liberalia.

In decimooctavum hujus mensis diem, idest in xv. Kal. April. incidebant *Liberalia*, a deo Libero sive Baccho sic nuncupata. Varro tamen mavult a *libertate* derivare; quod per totum oppidum eo die *fererent*, (h. e. feriarentur) *sacerdotes, liberi, & anus hedera coronatæ cum libis & foculo pro emtore sacrificarent*. Servius Liberalia dicta arbitratur, quod ad purgationem animæ pertinent. Hæc & *Agonia* a nonnullis dicta sunt. Liberaliorum ritus describuntur ab Ovidio *Fast.* 3. v. 725. Vilis anus, hedera coronata, liba calentia quibus mel erat infusum Baccho offerebat, inde illa, secum ducens feminarum choros & greges, populum invitabat

ad

ad liba gustanda. Eo die adolescentes Romani, posita prætexta, togam virilem & liberam sumebant.

Quinquatria XIV. Kal. April. hoc est decimonono hujus mensis occurrebant, in honorem Minervæ instituta, & a quinque dierum numero, quibus fiebant, sic dicta. Hi dies jucunde & hilariter transigebantur, in iisque, prima excepta, venationes, scenici ludi, & oratorum poetarumque certamina fiebant; pueri magistris suis munus, quod *Minerval* dicebatur, offerebant, suisque studiis veniam & vacationem impetrantes lætos hos dies agebant. Soliti autem sacra facere non modo pueri puellæque ludos litterarios frequentantes, sed etiam magistri, scriptores, pictoresque, & quæ lanam tractabant, quique fullonicam exercebant. Ultimo autem *Quinquatrium* die; qui X. Kal. Apr. seu vigesimus tertius mensis Martii erat, *Tubilustrium* celebrabatur, sic dictum, quod eo die tubæ sacrorum in atrio futorio lustrarentur; id autem agna factum fuisse, quidam ex Festo colligunt.

Hilaria incidebant in vigesimum quintum diem Martii, id est in VII. Kal. Apr. quo primum tempore sol diem longiorem nocte protendit. Celebrabantur in honorem Matris deum, in quibus omnia festa & fiebant, & dicebantur.

Vigesimo septimo Martii die, id est VI. Kal. Apr. erat *Lavatio Matris deum*. Eo die in Almonè Fluvio, qui haud procul ab Urbe fluebat in Tiberim, a sacerdote veste purpurea induto abluebatur simulacrum Matris deum, quod ex Phrygia advectum erat, dumque vehebatur & lavabatur, obscœna & turpia ante deam cani consueverunt.

CAPUT IX.

De Aprili.

Kalendis Aprilis Veneris sacrum fiebat, & matronæ fertis myrteis redimitæ simulacrum ejus & se abluebant. Virgines etiam apud templum For-

V.
Quinquatria,
& Tubilustrium

VI.
Hilaria.

VII.
Lavatio
Matris
deum.

I.
Sacra
Veneris.

tunæ virilis, quod erat in ripa Tiberina, myrtō coronatæ thure sacrificare & lavari consueverunt; quæ autem viro maturæ erant, ducebantur in templum, ibique depositis vestibus omnia corporis vitia detegabant, sperantes fore, ut ea Fortunæ beneficio viros laterent. Eodem die placabatur Venus *verticordia*, ut corda conjugum verteret, & animos ab illicito amore prohiberent.

Pridie nonas erant *Megalesia*; quinto autem idus *Cerealia*, sive ludi Megalenses & Cereales, de quibus vide Cantelium pag. 359.

II.
Fordicidia.

Die decimoquinto, hoc est xvii. Kal. Maji, celebrabantur *Fordicidia*, in quibus *boves fordæ*, id est *gravidæ immolabantur, dictæ a fœtu*: Festus. Hujus sacri origo hæc traditur ab Ovidio. Cum, Numa regnante, modo siccitas, modo nimix pluvix sterilitatem facerent, Faunus a Numa consultus fuit, quæ ratione sterilitas tanta averti, & dii qui videbantur irati, placari possent; qui respondit, placandam deam Tellurem esse duabus hostiis, quas tamen juvenca una daret, quod de bove grvida *Ægeria* nympha interpretata est. Triginta vero gravidas boves hoc die immolatas scribit idem Ovidius, pro munere curiarum, in singulis scilicet singulas; aliquas etiam in templo Jovis Capitolini. Eodem die virgo Vestalis maxima cremabat vitulos; quorum cinis servabatur in templo Vestæ, unde suffimen fieret, quo populus purgaretur.

III.
Palilia.

Undecimo Kal. Maji, qui dies natalis Urbis Romæ erat; sacra fiebant, a Pale pastorum dea *Palilia*, seu a pariendo *Parilia* appellata. Quibus ceremoniis ea celebrata fuerint, fusc admodum more suo explicat Ovidius. Primum suffimen conficiebatur vituli favilla, equi sanguine, & fabæ culmine; deinde primo diluculo pastor lustrabat oves & ovilia: & oves quidem aqua & sulphure inspergebat, sabina vero herba, olea, & lauro igne succensis, circum ovilia suffibat; quo suffimento pecora piari, morbos depelli, & rabem averti putabant. Sacrificabatur deinde Pali deæ cibo, quod confectum erat ex milio, lacte, & sapa, & preces ad eam fiebant. Sacris peractis, pastores aqua spargebantur, cœnæ apparabantur,

tur, & vesperi sub noctem ignes ab rusticis excitabantur ex stipulis, quos ter transliebant.

Vigesimaltertio Aprilis die, id est ix. Kal. Maji, *Vinalia priora* erant, vinis degustandis instituta, ut auctor est Plinius. Hoc Vinalium die meretrices sacrificabant Veneri Erycinæ, cujus templum erat Romæ, haud procul a porta Collina. Sunt & *Vinalia posteriora*, quæ in mensem Augustum incidunt. De his loco suo.

Vinalibus, die vigesimoquinto Aprilis, hoc est vii. Kal. Maji, *Robigalia* succedebant, dicta a Robigo deo, quem Romani veteres colebant; non ut prodesset, sed (quemadmodum Febris, & similia mala & sinistra numina) ne obesset. Sacrum hoc ove & cane peragebatur, quorum exta deo cum thure & vino offerebantur.

Ultimo loco occurrunt mense Aprili *Floralia*, quæ fiebant die vigesimo octavo, id est vi. Kalend. Maji. Hæc in honorem Floræ instituta sunt a Romanis, teste Plinio, anno U. C. 516. ex oraculo Sybillæ, ut omnia bene deflorescerent. Sacra turpia erant, & vere meretricia, ut Ovidius appellat, in quibus præter sædas corporum meretriciorum denudationes, ædiles cicer, fabas, & alia id genus spargebant populo in theatro, leporesque & capreas aliaque mitia animalia his ludis admittebant, non leones, non urso, aut apros, similesque grandiores feras. Lapsum temporis introducti fuerunt & elephanti funambuli, quod primo a Galba Imperatore factum est. Spectantes autem versicoloribus vestibus in hisce ludis, quemadmodum albis in Cerealibus utebantur.

C A P U T X.

De Majo.

IEquitur Majus, cujus Kalendæ consecratæ erant Laribus, & Præstitibus, & Bonæ deæ. Laribus quidem, quod his eo die ara a Curibus Sabinis, vel

potius a Curio quodam dedicata fuit ; Præstites sic dicti sunt, quod omnia suis oculis tuta præstarent ; ad Bonam deam quod attinet, sacra illi fieri solita testatur Ovidius *Fast.* 5. v. 148. Kalendis autem celebrabatur hujus deæ festum, propterea quod eo die virgo quædam, quam alii Clauſam, alii Claudiam Vestalem esse putant, templum ei dicavit in monte Aventino, quod postea Livia Drusilla vetustate collapsum restituit. Sacra Bonæ deæ non ubique & passim per Urbem fiebant, sed in domo Pontificis maximi, atque adeo in ipso ædium ultimo recessu. Putant tamen nonnulli, sacra hæc celebrata fuisse non in solius Pontificis, verum etiam in Consulis & Prætoris ædibus. Hæc noctu a solis mulieribus peragebantur, ita ut viro interesse non liceret, ipsæque picturæ masculorum velari juberentur. Mulieres ipsas castas esse oportebat, & quæ aliquot dies a viris abstinuissent: unde etiam Plutarchus putat, mulieres in hoc sacro myrtum abominari, quod Veneri dicata sit. Huic deæ vinum libabant, quod tamen non vinum, sed lac, vasque ipsum non vinarium, sed mellarium appellabant; canes quoque mastabant & suam prægnantem; scæminæque probris & maledictis deam incessebant, neminem optabant bonum inveniri, qui domi nasceretur. Absurda vota, apud deam præcipue, quam Bonam dictabant.

11.
Compitalia.

In secundum diem Maji, qui Latinis VI. non. vocabatur, & Laribus attributus erat, incidebant *Compitalia*, sic dicta, quod in compitis peragebantur. In illis scribit Macrobius, pueros antiquitus pro familiarum sospitate Maniæ deæ, matri Larium fuisse immolatos ex responso Apollinis, quo præceptum fuerat, ut pro capitibus supplicaretur; sed hoc tam immane sacrificii genus Junius Brutus Consul, pulso Tarquinio, aliter constituit celebrandum; nam capitibus alii & papaveris supplicari jussit, ut responso Apollinis satisfieret de nomine *capitum*, remoto nimirum scelere infausæ sacrificiationis; factumque est, ut effigies Maniæ, suspensæ pro singulorum foribus, periculum siquod immineret familiis, expiarent. Ministrabant autem in his sacris non ingenui, sed servi ex Servii Tullii instituto, quasi hoc gratius esset Laribus.

Le-

Lemuria, nono Maji die, seu VII. id. fieri solita, a Lemuribus, qui re divina per hosce dies placabantur, appellata sunt. Hæc tribus noctibus, non continuis, sed interveniente semper nocte una, peragebantur. Qui enim Manes placaturus erat, surgebat nocte intempesta, nudisque pedibus incedens aqua fontana se abluebat, & junctis cum medio pollice digitis fabas nigras, quas primum ore versaverat, a tergo jaciebat, noviesque dicebat sese iis suosque redimere; deinde rursus lavabatur, & pulsabat æra, noviesque umbras rogabat, ut ex ædibus exirent. Toto illo tempore, quo hæc festa celebrabant, templa deorum clausa erant; eratque ominosum, quemadmodum etiam in Feralibus, per hosce dies nubere. *Lemuria* initio ad placandas tantum Remi umbras instituta sunt a Romulo; unde etiam primis temporibus non *Lemuria*, sed *Remuria* dicta sunt.

Idibus Maji *Mercatorum Festum* erat, quod eo die Mercurio ædes esset dedicata. Hi ad portam Capenam, laureo termite in Mercurii fontem immerso, se suasque merces aspergebant, & mercatorio more preces concipiebant. Eodem die scirpea Argeorum, sive Argivorum triginta simulacra publice a sacerdotibus jaciebantur ex ponte sublicio in Tiberim, quum vetustissimis temporibus projici homines solerent. De his vide Ovid. *Fast.* 5. *vers.* 621. & Plutar. *quæst.* Rom. 32.

Die vigesimo, hoc est XIII. Kalend. Jun. celebrabantur *Secunda Agonalia*, de quibus supra mente Januario. Die vigesimo tertio iterum *Tubilustria* erant, & sequenti die alterum *Regifugium*, de quibus item jam diximus loco suo. Denique die vigesimoquinto, id est VIII. Kalend. Jun. *Consecratio* fiebat templi Fortunæ publicæ, quæ in valle Quirini inter Esquilias & Quirinalem collem culta fuit.

III.
LemuriaIV.
Festum
MercatorumV.
Agonalia altera, Tubilustria, Regifugium, &c.

De Junio.

I.
Tertium
Regifu-
gium,
&c.

K Alendis Junii, præter tertium *Regifugium*, ag-
bantur *feſta Marti extramurano, Carnæ deæ*
& *Monetæ*. Mars apud Romanos duo habuit tem-
pla, unum intra Urbem ad tranquillitatem custo-
diendam; & ad Urbis deſenſionem; alterum vero
extra Urbem in via Appia ad portam Capenam: in-
de Mars extramuraneus dictus. Carnæ deæ ſacrifica-
re cœpit in monte Cœlio Junius Brutus, pulſo Tar-
quinio. Hanc deam viſceribus humanis præſſe Ro-
mani credebant, ab eaque jecinora & corda, quæ-
que ſunt intrinſecus viſcera, conſervari: Solebant
autem hoc feſto ſacrificare & guſtare in honorem
Carnæ deæ lardum & pulſtem fabaceam, hoc eſt fa-
bas mixtas cum calido farre, unde & *fabaceæ* dictæ
ſunt Kalendæ Juniæ. Eodem die celebrata ſunt fe-
ſta Junonis Monetæ, cui ex Camilli voto templum
dedicatum fuerat. Nec prætereundum eſt iſdem Ka-
lendis Tempeſtatem quoque cultam fuiſſe, eique tem-
plum dicatum, quod ſervaiſſe crederetur claſſem Ro-
manam, quæ apud Corſicam pene interierat.

II.
Bellonæ
Feſtum.

Pridie Nonas *Bellonæ feſtum* erat. Huic Appius
Claudius, cum Etruſcos bello vicifſet, ædem exſtru-
xit, antè quam columella erat, bellica appellata, ſu-
pra quam haſtam jaciebant, cum bellum indicebatur.
Sacerdotes hujus deæ Bellonarii dicti ſunt, qui ſeiſpoſ
gladiis feriebant, & proprio ſanguine numen placa-
bant, furentesque vaticinabantur.

III.
Ludi Pi-
ſcatorii.

Septimo idus Piſcatorii ludi celebrabantur, de qui-
bus ſic Feſtus: *Piſcatorii ludi vocantur, qui quotan-*
nis menſe Junio trans Tiberim fieri ſolent a Pratore
Urbano pro piſcatoribus Tiberinis, quorum quæſtus non
in macellum pervenit, ſed fere in aream Vulcani, quod
id genus piſciculorum vivorum datur ei deo pro animis
humanis.

IV.
Veſtalia.

Quinto Idus feriæ erant Veſtæ, quæ & *Veſtalia*.
Hoc die, cum convivium paſſim ante focos agitarentur,
cibi etiam virginibus Veſtalibus a civibus mit-
te-

tebantur, deæ Vestæ libandi; & asini floribus coronati, atque monilia veluti quædam e panibus confecta gestantes, circumferebantur per Urbem. Molæ item fertis floreis ornabantur, & quiescebant: Horum rituum & ceremoniarum causas diligenter Ovidius persequitur. Cum enim nullus olim molarum usus Romæ fuerit, sed farra in furnis Vestæ solummodo hoc est ignis beneficio torreretur consueverint, servatus deinde mos est, ut hoc die & foci & Domina focorum, quæ Vestæ est, a pistoribus colerentur; & asini, qui Vestæ beneficio a molis circumagendi immunes fuerant, eo die vacarent & feriarentur. Plura vide apud Ovidium *Fast.* 6. v. 320. Eodem diem matronæ Romanæ nudis pedibus ad Vestæ templum ibant, quod olim ea parte lacunæ fuissent, qua Vestæ templum sicco pede adiri minime potuerit: siccatis deinde lacunis, in memoriam veteris consuetudinis, quæ primum necessitas fuit, ritus deinde cæpit esse.

Tertio idus *Matralia* erant, Matris Matutæ festa, quæ Ino Cadmi filia fuit, Græcisque Leucothea dicta est. Ritus hujus festi varii fuerunt. Templi Matris Matutæ aditu servæ prohibebantur, unamque dumtaxat matronæ introducebant, cujus genis colaphos infligebant. Hoc autem ex æmulatione ejus deæ adversus maritum factum fuisse, Plutarchus putat. Cum enim suspicata esset maritum ancillæ amore captum, in insaniam prolapsa filium perdidit; indeque hic ritus profluxit, ut ancillæ prorsus ab ejus sacro arcerentur. Matralibus quoque matronæ in Matutæ templum *testaceum* faciebant, libum sic dictum, quod in testa calida coqueretur. Mos autem hæc liba offerendi originem habuit a libis illis, quæ Carmenta Matutæ obtulit, cum eam hospitio suscepisset. Illud etiam scitu dignum, matronas Romanas in hujus deæ sacris fratrum suorum, suarumque sororum liberos in ulnis sub brachio ferentes, non suis liberis, sed nepotibus bona ab ea petere consuevisse.

Eodem Matralium die *Festum Fortunæ* fieri solitum. In hujus templo simulacrum erat Servii Tullii regis, toga contextum; cujus rei causas Ovidius tres

V.
Matralia

VI.
Festum
Fortunæ

enu-

enumerat, *Fest.* 6. v. 569. quem vide. Simulacrum hoc, orto aliquando incendio, crematis consumtisque omnibus, quæ in templo asservabantur, solum sine labe permansit.

VII.
Quinquatrus
minu-
sculæ.

Idibus Juniis celebrabatur *minuscule Quinquatrus*, de quibus Varro, *lib. 5. de l. l. Quinquatrum minuscule dictæ Juniae idus ab similitudine majorum quod tibicines tum feriati per Urbem vagantur, & conveniunt ad ædem Minervæ.* De ritibus in hisce Quinquatribus observari solitis videndus Livius *lib. 9.* qui fusc eos explicat, & Ovidius *lib. 6. Fast. v. 6. i.*

Octavo Kal. Julii *Festum* agebatur *Fortis Fortunæ*, de quo ita scribit Varro *lib. 5. de l. l. Dies Fortis Fortunæ appellatus ab Servio Tullio rege; quod is sanum Fortis Fortunæ secundum Tiberim extra Urbem dedicavit Junio mense.* Hoc festo plebei homines, qui arte aliqua vivebant, & servi in navibus coronatis super Tiberim convivia celebrabant.

VIII.
Fortis
Fortunæ
festum.

Reliquis mensis Junii diebus aliquot templa fuerunt consecrata, ut Laribus & Jovi Statori quinto Kal. Jul. Quirino in mense Quirinali quarto Kal. Herculi denique Musarum prid. Kal. de quibus omnibus pauca notat Ovidius *sub fin. lib. 6. Fast.*

C A P U T XII.

De Quintili, sive Julio.

HActenus, Ovidio duce, non pauca de Sacrificiis veterum Romanorum, apta ineptave, asferre licuit; nunc autem sex reliquis Fastorum libris injuria temporum plane sublatis, vix quidquam est, quod ad eorundem sacrorum doctrinam illustrandam tradi possit. Nos face solita destituti, quo licebit pede progrediemur; nec vitio dabitur, si plura fortasse minus ad rem pertinentia, non alienissima tamen, nec scitu prorsus indigna, in tam tenui rerum segete proferemus.

Julio mense maximas lites interquiescere solitas docet Plinius secundus *lib. 8. ep. 21.* Ejus Kalendis fiebant

bant annuæ domorum locationes, & ex veteribus in novas commigrationes.

Pridie nonas *Fortunæ muliebris festum* celebrabatur, quod eo die templum illi esset dedicatum; cuius dedicationis causa in hunc fere modum a priscis scriptoribus traditur. C. Marcio Coriolano, qui in patriam, unde exul pulsus fuerat, bellum acerrimum intulerat, mulierum Romanarum ac præcipue Veturie matris & uxoris Volumniæ lacrimis & precibus exorato, Senatus ob navatam reip. operam præmium matronis, quod maxime vellent, decrevit. Illæ nihil aliud petierunt, quam ut liceret sibi templum Fortunæ muliebri ædificare, quo loco incolumitatem Urbis impetraverant, atque eo quotannis ad sacrificium convenire, die redeunte, quo pax data fuerat. Senatus populusque Romanus locum emi pecunia publica iussit, qui dedicaretur deæ, ibique ex præscripto Pontificum templum & ara construeretur. Sumtu etiam publico sacrum anniversarium ibidem teneri statuit, cui præesset matrona, quam ipsæ ad id ministerium deligerent. Templum igitur dedicatum est a Proculo Virginio Consule, festumque eodem die quotannis celebratum.

I.
Festum
Fortunæ
mulie-
bris.

Tertio nonas *Poplifugia* fuerunt. *Dies Poplifugia*, II.
inquit Varro lib. 5. de l. l. videtur nominatus, quod Poplifugia
eo die repente tumultu fugerit populus. Sunt tamen
qui Poplifugia hæc referunt ad ipsas nonas, quæ peculiari voce *Caprotinæ* dicebantur; cuius appellationis duplex traditur ab antiquis scriptoribus ratio. Alii enim ad Romuli casum referunt; nam cum Romulus ad exercitum recensendum concionem in campo ad Capræ paludem haberet, subito coorta tempestas, cum magno fragore tonitribusque, tam denso regem operuit nimbo, ut conspectum ejus concioni abstulerit; nec deinde in terris Romulus fuit. Consternatus repentino regis fato populus est, isque dies & Poplifugium, & nonæ Caprotinæ appellari cæpit. Eodem die Romani ex Urbe ad Capræ paludem quotannis exeuntes sacrificabant; ad quod sacrum dum exirent, multa usitatorum nominum inclamabant, ut Marci, ut Caji, imitantes eam, quæ tum acciderat, fugam ac mutam invocationem, cum

timore ac tumultu factam. Inde igitur nonæ Caprotinæ, unde etiam Poplifugium dictum fuisse nonnulli augurantur; Varro tamen aliam appellationis rationem indicat lib. 9. de l. l. Nonæ Caprotinæ, inquit, quod eo die in Latio Junoni Caprotinæ mulieres sacrificantur, & sub caprifico faciunt, & e caprifico adhibent virgam. Ob hoc toga prætexta data eis. Rem hanc plenius & dilucidius Macrobius explicat lib. 1. Sat. cap. xi. cujus referre verba non piget. Post Urbem captam cum sedatus esset Gallicus motus, res vero publica esset ad tenue deducta, finitimi opportunitatem invadendi Romani nominis aucupati, præfecerunt sibi Posthumium Livium Fidenatium Dictatorem; qui mandatis ad Senatum missis postulavit, ut si vellent reliquias suæ civitatis manere, matres familiæ sibi & virginες dederentur: cumque Patres essent in incipiti deliberatione suspensi, ancilla nomine Tutela, seu Philotis, pollicita est se cum cæteris ancillis sub nomine dominarum ad hostes ituram; habituque matrumfamilias & virginum sumto, hostibus cum prosequentium lacrimis ad fidem doloris ingestæ sunt. Quæ cum a Livio in castris distributæ fuissent, viros plurima vino provocaverunt, diem festum apud se esse simulantes. Quibus soporatis, ex arbore caprifico, quæ castris erat proxima, signum Romanis dederunt; qui cum repentina incursione superassent, memor beneficii Senatus omnes ancillas manu jussit emitti, dotemque eis publicofecit, & ornatum, quo tunc erant usæ, gestare concessit, diemque ipsum nonas Caprotinas nuncupavit ab illa caprifico, ex qua signum victoriæ ceperunt, sacrificiumque statuit annua solemnitate celebrandum, cui lac quod ex caprifico manat, propter memoriam facti præcedentis, adhibetur. Utramque appellationis causam notat multis verbis Plutarchus in Romulo & Camillo.

III.
Transve-
ctio E-
quitum
&c.

Idibus Quintilibus, qui dies decimusquintus Julii erat, celebrabatur Transvectio Equitum Romanorum ab æde Honoris in Capitolium. Dionysius Halicarnassensis lib. 6. tradit eam institutam fuisse in honorem Castoris & Pollucis, & in memoriam victoriæ, quam reportarunt Romani ex bello cum Latinis populis, quod gestum est anno U. C. 357. A Posthumio & T. Virginio Coss. quam victoriam Castor & Pollux,

lux, equeſtri habitu & equis veſti, Romæ annuntiaverunt. Præter omnia vero, inquit Dionyſius, poſt ſacrificium Tranſveſtio eorum, qui equos habent ex publico, qui per tribus & centurias diſtincti, ordine in equis vehuntur omnes, quaſi e pugna redeant, coronati fronde oleagina, & togis palmatis amiſti, quas vocant trabeas, initio pompæ factò de æde Martiſ, quæ extra Urbem ſita eſt, & pertranſeunt cum cæteras Urbis partes, tum forum ædemque Caſtorum, nonnunquam quinque virorum millia, gerentes quicquid donorum militarium acceperunt a duobus; egregium ſane ſpectaculum, dignumque imperii magnitudine. Ac de huiusmodi Tranſveſtione intelligendus eſt Livius lib. 9. cum ait, a Q. Fabio Rullano inſtitutum, ut equites idibus Quintilibus tranſveherentur: nec audiendus Sigonius, qui in eo vehementer errat, ratus loqui Livium de cenſione quadam equitum, a Cenſoribus fieri ſolita.

XIV. Kal. Sextil. id eſt decimonono Julii Lucaria erant. Huius feſti ſic Feſtus meminit lib. 10. Lucaria, inquit, feſta in luco colebant Romani, qui permagnus inter viam Salariam & Tiberim fuit, pro eo, quod victi a Gallis, fugientes e prælio, ibi ſe occultaverunt. At Varro lib. 5. de ll. non a luco, ſed a luce derivat; ait enim: Lucaria item a luce, quod propter lucem amiſſam is cultus inſtitutus.

IV.
Lucaria.

VIII. Kal. ſeſe offerunt Furinalia. De his ſic ſcribit Varro lib. 5. de ll. Furinalia a Furina, quod ei deæ feriæ publicæ dies is, cujus deæ honos apud antiquos: nam ei ſacra inſtituta annua, & Flamen attributus; nunc vix nomen notum paucis.

V.
Furina-
lia.

C A P U T XIII.

De Sextili, ſive Auguſto.

Kalendis Auguſti etſi nullum in veteri Kalendario feſtum notatum legitur, Dio tamen teſtatur lib. 60. eo die certamina equeſtria quædam fuiſſe exhibita; & cauſſam addit diligentiffimus ſcriptor, quia nimirum eo die Martiſ ædes extra portam Capenam eſſet dedicata.

A a

Idi-

I.
Diana
Sacre.

Idibus *Dianæ sacra* fiebant. His feriis mulieres, voti damnatæ & compotes, ab Urbe in Aricinum nemus, ubi Diana religiosissima colebatur, ardentibus faces ferebant. Eo etiam venatores (nam venationibus Diana præest) sæpe numero faces spicatas accensas tulisse traditum est, canesque suos, morbo aut scabie affectos, infulis velatos deæ sistere solitos, & ante illam omne venatorium instrumentum collocasse. Quin etiam Diana ipsa credebatur emeritos canes & quietos a venatione his feriis habere, & ipsa quoque feriari.

II.
Vinalia
Rustica.

XIV. Kal. Septembris *Vinalia* instaurabantur. *Vinalia* duplicia erant, alia Jovis, Veneris alia; quæ tamen apud scriptores antiquos ita confunduntur, ut incertum sit, quid in tanta varietate sequendum. Veneris quidem *Vinalia* ea videntur fuisse, de quibus diximus mense Aprili; quæ vero hoc mense celebrata sunt, fuisse Jovis, & *Vinalia Rustica* appellata; sed utraque utrique tributa reperiuntur. Hic sane dies Jovis festus fuit, quia Latini bellum gerentes adversus Mezentium, omnis vini libationem ei deo dedicaverunt; eodem autem die Veneri templa sunt consecrata; jumenta quoque, olitores, & omnes horti in ejus tutela fuisse perhibentur. *Vinalibus* vinum novum Jovi libabatur, *calpar* dictum; quo etiam die primum vinum in Urbem deferiebant.

III.
Consualia.

XII. Kal. Sept. erant *Consualia*, in honorem Consilii facta, quem deum consilii putabant. Livius *lib. 1.* tradit *Consualia* ludos esse Neptuni equestres; & Varro *lib. 5. de ll.* his ludis Sabinas virgines a Romanis raptas fuisse. Hoc autem die ara subterranea sita prope Circum maximum, refossa circumquaque terra, sacrificiis & missis in ignem libaminibus honorabatur, equorumque & junctorum & iugum committebantur certamina, quemadmodum pluribus notat Dionysius *lib. 2.* Hanc aram, cum ludi celebrabantur, adire omnes poterant, quod reliquo anni tempore mira superstitione non permittebatur. *Consualibus* equos asinosque floribus coronabant, & otiari sinebant; nefas enim erat eos illo die ad laborem vel opus adigere. Festus quoque
scri-

scriptum reliquit, multis celebrari ludos in Circo maximo Consualibus consuevisse, quia id genus quadrupedum primum putaretur curru vehiculoque adungi cœptum. Hi ludi nomen deinde mutarunt, & Circenses postea sunt appellati.

Consualibus proxime accedunt *Vulcanalia*: a x. Kal. ad iv. Kal. Septembris per octiduum celebrata. Ea, Varrone teste, dicta sunt a Vulcano, quod ei tum feriæ, & quod eo die populus pro se in ignem animalia mittebat. Vulcanalibus lucubrationes suas ordiri solebant, auspicii tantum gratia, & eodem plane modo, quo Kalendis Januarii suas quisque artes modice attingebat, auspicandi causa. Ita Plinius avunculum laudans lib. 3. ep. 5. *Lucubrare, inquit, a Vulcanalibus incipiebat, non auspicandi causa, sed studendi.* Ait enim illum, non dicis causa, ut cæteri solebant, sed vere ac serio lucubrationes suas ab ipsis Vulcanalibus incipere solitum.

IV.
Vulcanalia.

VIII. Kal. *Opeconsiva* erant, & vii. Kal. *Vultur-
nalia*. De prioribus sic refert Varro lib. 5. de ll. *Opeconsiva dies ab dea Opeconsiva, cujus in regia sacrarium; quod ideo actum, ut eo præter virgines Vestales & Sacerdotem publicum, introeat nemo. Is cum eat, suffibulum haud habeat, &c.* De posterioribus sic Festus lib. 10. *Vultur-
nalia Vultur-
deo sacra e-
rant, cujus sacerdotem Vultur-
nalem vocabant. Quis
autem Vultur-
nus fuerit, quæ Opeconsiva, vide apud
Mithologos.*

V.
Opeconsiva, &
Vultur-
nalia.

CAPUT XIV.

De Septembri, & Octobri.

Septembrem ludi maxime occupabant, quorum tractatio ad sacrificiorum doctrinam non pertinet. Et sane toto hoc mense festum vix ullum apparet in veteri Calendario, explicatu dignum: nisi siquis de illo quærat, quod ad ipsas idus occurrit, quibus Prætor maximus *clavum pangebatur*. Ritus hic cuiusmodi fuerit, docet Livius lib. 7. *Lex vetusta est, priscis litteris verbisque scripta, ut qui Prætor maximus sit, idibus Septembris clavum pangat. Fixus*

I.
Quid
clavum
pangere.

fuit dextro lateri ædis Jovis Opt. Max. ea parte, qua Minervæ templum est. Eum clavum, quia raræ per ea tempora litteræ erant, notam numeri annorum fuisse ferunt; eoque Minervæ templo dicatam legem, quia numerus a Minerva inventus sit, &c. Eodem die Jovi Capitolino templum dedicasse legitur M. Horatius Cos. apud eundem Livium, & apud Plutarchum.

II.
Quid
mundum
patere.

III. Non. Octobr. Mundus patere dicebatur; quæ de re ita Festus lib. II. Mundus, ut ait Capito Atrejus lib. 6. Pontificali, ter in anno patere solet, diebus his; postridie Vulcanalia, & ante diem III. Non. Octobr. & ante diem VI. Id. Nov. Qui quid ita dicatur, sic refert Cato in Comment. jur. civil. Mundo nomen impositum est ab eo mundo, qui supra nos est. Forma enim ejus est, ut ex iis, qui intravere, cognoscere potui, assimilis illi. Ejus inferiorem partem veluti consecratam diis manibus, clausam omni tempore, nisi iis diebus, qui superscripti sunt, majores censuerunt; quos dies etiam religiosos judicaverunt ea de causa, quod quo tempore ea, quæ occultæ & abditæ religionis deorum manium essent, veluti in lucem quandam adducerentur, & patefierent, nihil eotempore in rep. geri voluerunt. Itaque per eos dies non cum hoste manus conferebant, non exercitus scribebatur, non comitia habebantur, non aliud quicquam in rep. nisi quod ultima necessitas admonebat, administrabatur. Eadem brevius perstringit Varro lib. 3. de ll. Mundus cum patet, deorum tristium atque inferum quasi janua patet; propterea non modo prælium committi, verum etiam delectum rei militaris causâ habere, ac militem proficisci, navem solvere, uxorem liberorum quærendorum causâ ducere, religiosum est &c.

III.
Meditrinalia.

V. Id. Oct. Meditrinalia erant. Varro docet, ea dicta esse a medendo, quod hoc die solitum vinum novum & vetus libari & degustari, medicamenti causa. Festus Meditrinalia sic explicat: Mos erat Latinis populis, quo die quis primum gustaret mustum, diceret ominis gratia: Vetus novum vinum bibo, veteri novo morbo medeor. A quibus verbis etiam Meditrinæ deæ nomen captum, ejusque sacra Meditrinalia dicta sunt.

IV. Id.

IV. Id. O&t. *Augustalia* sequebantur, sic dicta a I. V. *Augustalia*.
 reditu Augusti Romam, rebus in Sicilia, Græcia, Asia, Syria, & Parthia compositis. De his sic Dio Augustalia.
 lib. 54. Ob reditum Augusti, ac propter ea, quæ absens egisset, multa ac varia in honorem ejus decreta sunt, quorum ille nihil accepit, nisi quod *Fortunæ* reduci, aram consecrari, diemque sui reditus inter *ferias* referri, & *Augustalia* dici passus est. His feriis ludi quoque *Augustales* peragebantur.

III. Id. *Fontinalia* erant, a fonte sic appellata, V. *Fontinalia*.
 quod is dies *feriæ* ejus, ut inquit Varro; ab eo autem tum & in fontes coronas jaciunt, & puteos coronant. Festus: *Fontinalia* fontium sacra, unde & Romæ *Fontinalis* porta. Scaliger in *Conjectaneis* ad Varronem notat inter alia, *ferias* has fuisse ejus fontis, cujus delubrum erat juxta portam Capenam, unde & ipsa *Fontinalis* dicta est.

Idib. Equus apud Romanos immolabatur, quem VI. *Equus*
October.
Octobrem appellabant. Ritus describit Festus his verbis: *October equus* appellatur, qui in campo Martio mense *Octobri* immolatur, quotannis Marti, bigarum victricum dexterior, de cujus capite non levis contentio solebat esse inter *Suburanos* & *Sacrovienses*, ut bi in regie pariete, illi ad turrim *Mamiliam* id figerent, ejusdemque cauda tanta celeritate perfertur in regiam ut ex eo sanguis distillet in focum, participandæ rei divinæ gratia; quem hostiæ loco quidam Marti bellico deo sacrari dicunt, non ut vulgus putat, quia velut supplicium de eo sumatur, quod Romani *Ilio* sunt oriundi, & *Trojani* ita effigie equi sint capti. Vide etiam *Plutarchum* qu. 97.

XIV. Kal. Novemb. fiebat *Armilustrium*, quod VII. *Armilustrium*.
 ita describit Varro lib. 5. de ll. *Armilustrium* dictum ab eo, quod in *Armilustrio* armati sacra faciunt, nisi locus potius dictus ab his; sed quod de his prius, id ab luendo, aut lustris, id est, quod circumibant ludentes ancilibus armati. Sic autem *Paulus Festi* abbreviator: *Armilustrium* festum erat apud Romanos, quo res divinas armati faciebant, ac dum sacrificarent, tubis caneabant.

De Novembri, ac Decembri.

I.
Jovis epulum,
sive Lectisternium.

Mense Novembri pauca admodum occurrunt, quæ ad rem nostram faciant. Idibus sacrum fiebat, quod *Jovis epulum*, sive *epulum indictum* appellabant. Id autem nihil aliud erat, quam convivium, quod Jovi aliisque diis apparabatur, idemque *Lectisternium* dictum. Moris enim fuit apud Romanos, ut nonnunquam placandæ alicujus dei iræ causa, convivium in templo illius exhiberetur, diisque, tanquam epulaturis aut cubituris, lecti sternerentur. Huic epulo indicendo Triumviri; seu Septemviri Epulorum præerant, sic appellati, quod epulas indicendi Jovi cæterisque diis potestatem haberent. Lectisternia non hoc tantum die apud Romanos celebrata legimus, sed quoties movebat periculum aliquod reip. imminens; dicendum tamen est hoc fuisse ordinarium, cætera vero extra ordinem, flagitante scilicet publica necessitate.

II.
Brumalia.

Hoc mense *Brumalia* quoque a nonnullis scriptoribus memorantur. Fuerunt autem *Brumalia* Dionysii sive Bacchi, qui etiam Bromius sive Brumus dictus est. Festum hoc *Ambrosia* Græcis dicitur, quod præter alios explicat Cælius Rhodiginus *antiquæ lectæ lib. 28. c. 25.* Idem *lib. 27. c. 24.* scribit, veteres Romanos probrosum censuisse alienis vesci cibis; quare attulisse singulos, quod essent, aut biberent, ne *ἀνδρεϊσφάγοι* dicerentur. Hinc tollendæ ignominie causa Romulum, quod cum fratre a Laurentia fuerit educatus, *Brumalia* instituisse, quibus convivio excipere solitus sit Senatam, cum necessarium diceret a rege suo ali Senatam hyeme, nullis obstrepentibus bellis.

III.
Græci & Galli
defossi.

Mense eodem feriæ celebrabantur, *Græcis & Gallis defossis*, de quibus multa Plutarchus in *quæst. Rom. & in Marcelli vita.* Livius *lib. 22.* hæc habet: *Ex fatalibus libris sacrificia aliquot extraordinaria facta; inter quæ Gallus & Galla, Græcus & Græca in foro Boario sub terra vivi demissi sunt, in loco sa-*

no confectum, ibi ante hostiis humanis minime Romano sacro imbutum. His igitur Græcis & Gallis defossis quotannis in eodem foro sacra arcana fieri consueverunt.

Reliquum tandem est, ut de sacris Decembribus, quid a scriptoribus traditum sit, breviter recensamus. Nonis igitur Decembris *Faunalia* fiebant in honorem Fauni, quæ in sylvis & pratis, hædo & vino celebrabantur. Eo die summa ruri pax erat (ut Horatius *l. 3. carm. od. 18.* poetico sane more suo scribit) totusque pagus vacans ab opere diem hilariter traducebat, agricolis passim saltantibus, bobusque undique ovariantibus.

I V.
Faunalia.

Die xvi. Kal. Jan. *Saturnalia* erant, a Saturno sic appellata. Festus: *Saturno dies festus celebratur mense Decembri, quod eo ades est dedicata, & is culturæ agrorum præsidere videtur, quod etiam falx indicat ejus insigne, &c.* Fuerunt autem Saturnalia multo ante Romam conditam in Italia, atque adeo in Græcia celebrata; de quorum origine tres diversas veterum scriptorum sententias refert Macrobius *Sat. lib. 1. c. 7.* Vel enim Saturnalia a Jano, quem Saturnus inter alia agriculturam quoque docuerat, post ejus obitum instituta sunt; vel a comitibus Herculis ab ipso in Italia relictis, quia Saturni nomine ac religione tuti a latronum incursionibus fuerant; vel denique a Pelasgis in Delum insulam delatis, a quibus ex oraculo Apollinis ara Saturno erecta, & sacra illi facta Saturnalia dicta sunt. Addit quoque Macrobius, Pelasgos primum victimis humanis Saturnum placasse; ab Hercule postea monitos, ut faustis sacrificiis infausa mutarent, accensis luminibus eundem coluisse, atque inde morem missitandis per Saturnalia ceræis cepisse. Veteres Romani Saturnalibus crebra agitant convivium, & mittebant sibi invicem munera, quæ Saturnalia dicebantur, tum vero etiam cereos; vel quia Saturnum accensis luminibus & ipsi colebant, vel ut significarent, hoc principe a tenebrosa incultaque vita quasi ad lucem & bonarum artium scientiam editos nos esse. Quia vero multi occasione Saturnaliorum per avaritiam munera am-

V.
Saturnalia.

bitiose a clientibus exigebant, idque onus gravabat tenuiores, Publitius trib. pl. legem tulit, ut nonnisi cerei ditioribus missitarentur. Ipsi etiam domini servos suos conviviiis liberalibus & opiparis accipiebant, iisque ministrabant; quin etiam summa servis libertas data, ut in dominos quidvis dicerent, eorumque vitia libere castigarent. Bellum Saturnalibus suscipere nefas habebatur, & pœnas a nocente petere piacularæ erant. Eadem primum uno die assolvebantur; plures deinde dies celebrari cœperunt. In signum autem libertatis Romani veteres pileis per hosce dies utebantur; Saturno tamen res divina fiebat capite detecto, cum aliis diis, Honore excepto, velato semper capite sacrificarent: cuius moris rationes inquirens Plutarchus in *quæst. Rom.* ait id propterea fieri, vel quod velare caput institutum sit Æneæ, Saturni autem sacrificium multo sit vetustius; vel quod caput operiant coram cœlestibus diis, Saturnus autem inter inferos terrestresque deos numeretur; vel quia veritati, cuius patrem Romani Saturnum esse censebant, nihil occultum sit, nihil occultum.

VI. Altero a Saturnalibus die, hoc est xiv. Kal. Jan. Opalia. Opalia occurrebant, deæ Opis, cui supplicabatur, feriæ. Deam hanc Saturni conjugem esse credebant; & ideo hoc mense Saturnalia & Opalia proxime celebrata, quod Saturnus ejusque uxor tam frugum quam fructuum repertoires esse putarentur. Itaque omni jam sætu agrorum coacto, ab hominibus hi dii colebantur, quasi vitæ cultioris auctores, quos etiam nonnullis Cœlum & Terram esse persuasum est, Saturnumque a satù dictum, cuius causa de cœlo est; & terram Opem, cuius ope humanæ vitæ alimenta quærantur, fructusque & fruges enascuntur. Huic deæ sedentes vota concipiebant, terramque de industria tangebant, demonstrantes ipsam matrem terram esse mortalibus appetendam. Plura vide apud Macrobiū *Sat. l. i. cap. 10.* unde hæc ipsa desumpta sunt.

VII. Confusum cum Saturnaliorum diebus Sigillarium festum erat, xiii. Kal. Jan. celebrari solitum. Macrobius ex Epicado refert, Herculem occiso Gerio-

riane, cum victor per Italiam armenta duxisset, ponte, qui Sublicius dicitur, ad tempus instructo, hominum simulacra pro numero sociorum, quos casu peregrinationis amiserat, in fluvium demississe, ut aqua fecunda in mare devecta, pro corporibus defunctorum veluti patriis sedibus redderentur, & inde usum talia simulacra fingendi interfœcra mansisset. *Sed mihi*, pergit Macrobius, *hujus rei illa origo verior existimatur, quam paulo ante memini retulisse: quod Pelasgis, postquam feliciter interpretatio capita, non viventium, sed fictilia pœtœ estimatione non solum hominem; sed etiam lumen significare docuisset, cœperint Saturno cereos potius accendere, & in sacellum-Ditis ac Saturni cohærens oscilla quædam pro suis capitibus ferre. Ex illo traditum, ut cerei Saturnalibus missiarentur, & sigilla arte fictili fingerentur, ac venalia pararentur, quæ homines pro se atque suis piacula, pro Dite, Saturno facerent. Ideo Saturnalibus talis celebritas cœpta septem occupat dies, qui tantum feriati fuerunt, non festi omnes. Sigilla hujusmodi, quæ in Sigillario vico vendebantur, mitti præcipue liberis a parentibus consueverunt.*

Sequenti die Romani *Divalia* celebrabant, *Divæ Angeronæ* festum, unde *Angeronalia* quoque dicta sunt. Festus: *Angeronæ deæ sacra a Romanis instituta sunt, cum angina omne genus animalium consumeretur.* Macrobius. XII. Kal. Jan. feriæ sunt *divæ Angeronæ*, cui Pontifices in sacello voluptæ sacrum faciunt; quam *Verrius Flaccus Angeronam* dicit ait, quod angores ac animorum solitudines depellat. *Julius Modestus* ideo sacrificari huic deæ dicit, quod *populus Rom.* morbo, qui angina dicitur, præmisso voto sit liberatus. Eodem die *Herculi* & *Cereri* mulso libari, & sue prægnante sacrificari consuevisse docet idem Macrobius *Sat. l. 3. c. 11.*

Postremo occurrunt *Larentinalia*, x. Kal. Jan. celebrata. Macrobius *Sat. l. 1. c. 10.* X. Kal. Jan. feriæ sunt *Jovis*, quæ appellantur *Larentinalia*. Hæc *Laurentiæ* conjugis *Faustuli*, & *Romuli* *Remique* nutricis festa erant, ut docet Festus. *Hoc sacrificium fit in Velabro* (inquit Varro lib. 5. de ll.) *qua in novam viam exitur, ut ajunt quidam, in sepulcrum*

Accæ

VIII.
Divalia,
sive An-
gerona-
lia.

IX.
Laren-
tinalia

Accæ Laurentiæ, qui locus extra Urbem antiquam fuit, non longe a porta Romanula.

X.
Quæ nu-
mina
singulis
mensi-
bus præ-
sacrint.

Hæc de præcipuis veterum sacrificiis, quæ statis temporibus per totum annum fieri consueverunt, dicta sufficiant. Illud unum postremo loco minime prætereundum censuimus, quod tradidit Paulus Mæcula pluribus in locis, singulos scilicet menses singulis numinibus fuisse assignatos, in quorum tutela essent. Ait enim Januario *Junonem* præfuisse, Februario *Neptunum*, Martio *Minervam* sive *Palladem*, Aprilis *Venerem*, Majo *Apollinem*, Hermetem sive *Mercurium*, Junio, *Jovem Quintili* sive *Julio*, *Cererem Sextili* sive *Augusto*, Septembri *Vulcanum*, Octobri *Martem*, Novembri *Dianam*, *Vestam* Decembri. Nos, ut harum rerum studiosis gratum faceremus quorum præcipue causa hanc Spartam suscepimus, singula nomina paucis versiculis comprehendimus, ut quis præcipue deus cuique mensi præesse creditus olim sit, facile teneri memoria possit.

Juno præest primo, Neptunus vero secundo, Tertio adest Pallas, quartus Cythereide gaudet, Phœbus habet quintum, sextum Hermes, Juppiter ipse Septimum, & octavum alma Ceres, nonumque tuetur Mulciber, & decimum Mars, undecimumque Diana, Vestaque duodecimum sibi vindicat ultima mensem. Eadem deorum nomina pressius enumerata, juxta ordinem mensium, sic quisque habebit.

Juno, Neptunus, Pallas, Cythereis, Apollo, Hermes, Juppiter, atque Ceres, & Mulciber, & Mars, Lunaque cum Vesta totum sibi dividit annum.

C A P U T XVI.

De Feriis non statò neque certo tempore celebratis.

I.
De feriis
Conce-
privis, &
Indisti-
vis.

Multa hæcenus dicta sunt de feriis, quas Romani veteres *statas* appellabant, quæ certo & statò die singulis annis recurrebant, & certum habebant locum in Calendario veteri Romano. Erant præterea feriæ nonnullæ, quæ *non statæ* dicebantur, quæ scilicet certum in anni constitutione non habebant diem, neque certam in Calendario statio-

stationem; sed nunc hoc, nunc illo die pro eo, quod necessitas publica flagitabat, concipiebantur & indicebantur. Hinc intelligitur, hujusmodi ferias duplicis generis fuisse, *Conceptivas* nimirum, & *Indictivas*. De *Conceptivis* dicendum primo loco. Earum descriptio est apud Macrobius *Lib. 1. Sat. c. 16.* *Conceptivæ*, inquit, *quæ quotannis a Magistratibus vel Sacerdotibus concipiuntur, in dies vel certos, vel incertos, ut sunt Latinæ, Paganalia, Sementinæ, Compitalia.* Quæ in dies certos concipiebantur, *Sementinæ* erant, & *Compitalia*, illa in Januario, hæc in Majo a nobis supra explicata. Restat, igitur, ut quæ fuerint *Latinæ feriæ*, quæve *Paganalia*, & alia, quæ non statis feriis solent ab alijs annumerari, paucis declaremus.

Latinæ feriæ (inquit Varro *lib. 5. de ll.*) *dies conceptionis dictus a Latinis populis, quibus ex Albano monte ex sacris carnem petere fuit jus cum Romanis, a quibus Latinis Latinæ dictæ.* Originem harum feriarum eleganter narrat Dionysius Halicarnassæus *lib. 4:* Is cum de victis Etruscis, deque fœdere inter Latinos populos iſto, auctore Tarquinio Superbo, multa verba fecisset, hæc deinde persequitur. *Ut sempiternum maneret id fœdus, Tarquinius proposuit designare commune fanum Romanorum, Latinorum, Hernicorum, Volscorum, qui dumtaxat in societatem recepti erant, ut ad mercatum convenientes quotannis ibi simul epularentur, fruerenturque communibus sacris. Gratum id fuit omnibus; locus conventui præstitutus est, in meditullio fere harum gentium, mons altus Albanus imminens, ubi singulis annis feriæ celebrarentur, sacraque communiter Jovi Latiali facerent, & vacarent epulis; constituto prius, quantum quisque populus in ea sacra præbere, quantamque portionem recipere debeat. Harum feriarum & sacrificiorum participes fuerunt quinquaginta plus minus populi, quas nostra quoque ætate Romani agitant, Latinas vocant, conferuntque in eas populi sacrorum participes; quidam agnos, quidam caseos, quidam lactis certum modum, quidam liba lactaria. Victima est taurus unus communis omnium, de cujus visceribus cuique populo sua certa portio tribuitur. Hætenus Dionysius, excipit*
ver-

II.
Feriæ
Latinæ.

verbis satis superque Latinarum feriarum ratio intelligi potest. Singulare in his fuit, si in eo sacro non omnes Latini carnem acceperint, sed aliquid dilatum vel præteritum esset, aut neglectæ essent ceremoniæ, vel solemne intermissum, instaurari denuo Latinas oportuisse, tanquam non rite exhibitas. Illud quoque prætermittendum non est, indicto Latiari, hoc est solempni festo Latinarum, nefas fuisse prælium sumere, quod eo tempore quondam publicæ induciæ inter populum Romanum Latinosque firmatæ essent. Consules item non ante exire paludati in provincias consueverunt, quam ferias Latinas indixissent, atque diis in monte Albano cum Latinarum civitatum Magistratibus operam dedissent; si qui autem ante Latinas Urbe profecti sunt, male iis cessisse Dio testatur. Quum autem Consules Romani huic sacrificio hisque feriis more majorum operam darent atque adeo præessent, moris erat, ut interim alius aliquis ex patriciorum numero Urbi præficeretur, qui Præfectus Urbis Latinarum causa dicebatur; qua de causa interdum etiam Dictatores creati sunt.

III.
Pagana-
lia.

Paganalia, seu paganicæ feriæ agriculturæ causa susceptæ sunt. Earum auctor fuit Servius Tullius. Is enim postquam tribus alias urbanas, alias rusticas instituisset, & has in suos pagos distribuisset, ut rusticanae multitudinis facilius iniri posset numerus, per singulos agros aras iussit dedicari diis tutelaribus, quotannisque ibi conventum fieri & sacrificium, festum hoc cum primis religiosum constituens, vocatum Paganalia, simulque eorum sacrorum ritus, qui nunc quoque servantur, conscripsit. Ad sacrificium eumque conventum omnes paganos iussit in singula capita conferre cererum numismatis genus, sed aliud viros, aliud mulieres, aliud impuberes; quibus per sacrorum præfides connumeratis, apparebat harum numerus per sexus & ætates distinctus. Hæc Halicarnassensis. Notandum est autem potionem, quæ deæ Cereri vel Pali (eadem enim esse videtur) in Camella proponebatur, *burranicam* fuisse dictam a colore burro, quem mulsam lacte dilutum facit. Camella autem ea est, quam Pollux *σάμλλα* vocat, vasis

vasis genus. Neque illud negligendum, Cererem in paganalibus sacris Empandam fuisse appellatam, nomen a pane dando confectum.

De feriis Sementinis & Compitalibus diximus supra, cum de statis feriis ageremus, Ovidii auctoritatem secuti, qui illas in mensem Januarium, has vero in Majum retulit. Hic tamen minime dissimulabimus, Compitalia apud alios scriptores antiquos modo hoc, modo illo die agitata reperiri, ut videatur certus illis dies non fuisse definitus, ac proinde credibile sit ea conceptiva potius, quam statata fuisse.

IV.
Feriæ
Semen-
tinæ &
Compita-
les.

In conceptivarum feriarum numero erant quoque Novendiales. Sacrum Novendiale dupliciter a Romanis actum fuit, uno modo cum defunctis parentabant, seque lustrabant (de quo infra in Parentalibus, & Denicalibus) altero, cum prodigium aliquod accidisset, quod Novendiali sacro esset expiandum. Dictum hoc sacrum Novendiale, vel feriæ Novendiales a numero dierum; dies enim novem continuos celebrabatur. Livius: *Devictis Sabinis, cum in magna gloria magnisque opibus regnum Tulli, ac tota res Romana esset, nunciatum regi patribusque est, in monte Albano lapidibus pluuisse; quod cum credi vix posset, missis ad id visendum prodigium, in conspectu haud aliter, quam cum grandinem venti glomeratam in terras agunt, crebri cecidere cælo lapides. Vixi etiam audire vocem ingentem ex summi cacuminis loco, ut patrio ritu sacra Albani facerent, quæ, velut diis quoque simul cum patria relictis, oblivioni dederant; & aut Romana sacra susceperant, aut fortunæ (ut fit) obirati cultum reliquerant deum. Romanis quoque ab eodem prodigio Novendiale sacrum publice susceptum est, seu voce cælesti ex Albano monte missa (nam id quoque traditur) seu aruspicum monitu. Mansit certe solemne, ut quandocumque prodigium nunciaretur, feriæ per novem dies agerentur.*

V.
Feriæ
Noven-
diales.

Hæc de feriis non statis, quæ conceptivæ proprie dicebantur. Aliæ erant feriæ indictivæ, quæ & imperativæ sunt appellatæ: hæ a magistratu Romano imperabantur, vel solemniter indicebantur, ob victorias bello contra hostes partas; deinde etiam

VI.
Feriæ
Indicti-
væ.

iam republica jam occupata, profligataque libertate, ob natalem diem filii Imperatoris, & ob successionem in Imperium.

VII.
Supplicationes
& Lectisternia.

His accenferi non incommode possunt *supplicationes*, & *Lectisternia*. Supplicationes, iræ deorum avertendæ causa habebantur, aut cum hostili aliquo nuncio perculsa civitas ad deos & vota confugiebat. In his matronæ templorum solum crinibus suis vertere solebant, longosque gemitus & ejulatus emittebant. Supplicaturi penulas deponebant, seseque vertebant ad orientem, & recto vultu precabantur. Corpus etiam circumagebant dextro versum, dextramque ad osculum referebant, priore digito in erectum pollicem residente. Orantes deinde humi procumbebant, aris adolvebantur, signaque deum contingebant. In omnibus autem precationibus dii *patres*, deæ *matres*; illi quoque *sancti*, *sanctæ*; illi *domini*, hæ *dominæ*, omnes denique *boni* & *pulebri* appellabantur. De *Lectisternio* dictum a nobis supra est, cum in Novembri de Jovis epulo egimus.

VIII.
Bacchanalia, &
Nyctelia.

Alia denique sacra erant, nullo certo tempore celebrata, ut Bacchanalia, Nyctelia, & si qua sunt alia hujus farinæ; Ambarvalia item, quæ & Suovetaurilia. Ac Bacchanalia quidem ignorare præstat; adeo turpia sunt, quæ de illis traduntur. Varro sane testatur, ea nisi ab amentibus fieri non potuisse. Eodem plane loco habenda Nyctelia, Græca sacra & nocturna, quibus Cybeles a semiviris colebatur, ob summam turpitudinem a Romanis exclusa.

IX.
Ambarvalia, vel
Suovetaurilia.

Ambarvalia explicemus, in quibus, ut in cæteris Romanorum sacrificiis, nihil fortasse dammandum a Christiano homine, præter cæcam superstitionem. Ambarvale sacrificium ab arvis hostia ambiendis nomen traxit. Maturis frugibus, circum arva victimas ducebant, suam videlicet, ovem, & taurum, unde *Suovetaurilia* id sacrificium dictum est. Omnes deinde clamantes sequebantur, ex quibus unus querna corona ornatus, cum solemnī saltatione, composito carmine, Cereri laudes decantabat; & postquam lacte, vino, & favo libassent, antequam fruges meterent, porcā Cereri immolabant, quæ præcidanea dicta est. His sacris Fratres Ambar-

barvales præerant, qui ad hoc creati erant, ut terminos agri Romani Suovetaurilibus circumferrent. Eadem, si privata erant a patrefamilias peragebantur; si circum finem Urbis ducebantur, *Amburbia* dicta sunt, & hostiæ *Amburbiales* appellatæ.

Inter Privata sacra, nulloque certo tempore facta, Parentalia quoque recensentur, & Denicalia, & Natalia. Singula a nobis percursa cum fuerint, primæ huic scriptioni finem imponemus. *Parentalia* igitur erant festa vel convivia feralia, speciatim in mortibus parentum, vel aliorum propinquorum; diesque erant parentales; quibus oblationes & solemnitates celebrabantur in honorem parentum. Ea a Numa Pompilio instituta sunt, si Ausonio credimus; ab Ænea, si Ovidio. Differunt a Feralibus, quæ festa publica erant, stata, & solemnia, die decimonono Februarii diis manibus a populo universo celebrata. Differunt etiam nonnihil a Justis. *Iusta* enim sunt a lege & pontificio jure; at multi, qui nullis illis legibus obstructi essent, ultro ad viro- rum fortium sepulcra parentarunt, ut Caligula, qui Svetonio teste, sicubi clarorum virorum sepulcra cognosceret, inferias manibus dabat. In omnibus tamen ceremoniæ eadem ferme fuerunt. Mortuis enim sedentes parentare solebant, & lugubria officia peragere mense decrescente, & die ad vesperam vergente. In parentationibus epulæ & obsonia ad sepulcrum ferebantur. Epulum autem duplex fuit; alterum eorum qui parentabant, alterum eorum quibus parentabatur: illud scilicet cognatorum, hoc defunctorum. Priorum cœnæ erant; cuiusmodi fuit illa, quæ ad sepulcrum L. Catilinæ, damnato Antonio, facta est. Posteriorum epulæ in parentatione comburebantur; erant autem faba, apium, sal, legumina, ova, mola salsa, & hostiæ maximæ.

Denicalia, seu *feriæ denicales*, privata erant sacra, quibus familia funere polluta certis quibusdam ceremoniis purgabatur. Ea a *nece* appellata fuisse, auctor est Cicero lib. 2. de leg. Fiebant autem per everriatorem, certo genere scoparum adhibito, quæ *exverra* ab extra verrendo dicebantur. Illud feriis deni-

X.
Parentalia.

XI.
Denicalia.

denicalibus fuit peculiare, quod iis durantibus, mulos jungere non licebat.

XII. *Natalia.* Ad extremum *Natalia* reservavimus, ut nostra Exercitatio exitum, non luctuosum & tristem, sed jucundum & hilarem inveniret. Natalem diem solemni cultu celebrabant veteres, sive is deorum esset, sive Imperatorum, sive magnorum virorum, sive tandem cujusque proprius. Sic ex. gr. natalis Dianæ dies a virginibus celebrabatur, Apollinis a pueris. Quemadmodum autem deorum *Natalia* donis & muneribus colebantur, ita dies natalis Imperatorum ludis & venationibus celebratus est. Nec diem modo, quo nati sunt, sed etiam quo Imperatores electi sunt, quasi dies Imperii natalis esset, festum solemni cultu agebant. Quod si fiebat, pergratum Imperatoribus erat; haud ita quidem, si negligebatur. Magnorum quoque virorum *Natalia* a veteribus celebrata legimus, quæ sane sanctiora cuivis, quam sua, fuerunt. Sic ab Horatio diem Mæcenatis sui natalem, sic a Silio Italico natalem diem Virgilii religiosius, quam proprium, celebratum accepimus. Proprium denique privati colebant ritu nitido ac læto. Nam eo die Romani cives incedebant pexi, annulati, & in alba veste; nonnulli etiam annulos habebant, quos die tantum natali gerere consueverunt. Die eodem munera a clientibus accipiebant, atque sacrificabant, feminæ quidem Junoni, mares autem Genio, non sane hostia (nam die natali manum a cæde & sanguine abstinebant, ne die, qua ipsi lucem accepissent, aliis demerent) sed mero, thure, & corollis, ac sibi genialiter & vino, solito liberalius, indulgebant. Cœnam quoque dabant amicis, adolescentes vero etiam magistris, & ad illam senatorii & equestris ordinis homines invitabant. Interdum vel publicum convivium exhibebant, quod *natalitium* dicebatur. Omnibus solemne votum, ut dies ille sæpissime bonis & faustis avibus rediret. Sic Tibullus *lib. i. eleg. 7.*

*At tu natalis multos celebrande per annos,
Candidior semper, candidiorque veni.*

EXER.

EXERCITATIO ALTERA.

ROMANORUM NUPTIÆ.



Ultima a scriptoribus traduntur, præsertim a Jureconsultis, ad explicandam veterum Nuptiarum doctrinam universam; nos viam, quam instituimus, tenere pergentes, brevi rem totam conficiemus. Neque enim quid juris, quærendum in præsentia nobis est; sed quid moris fuerit apud Romanos, quoties individua hæc viri & mulieris societas inibat, reipublicæ utilissima, eademque si bene cedat, in comuni vita jucundissima. Nuptiales itaque ritus, quantum nostra compendia pati possunt, sedulo recensentes, rem a capite aggrediamur; & pauca de sponsalibus, quæ nuptiarum celebritatem antecedunt, præmittamus.

CAPUT PRIMUM.

De sponsalibus.

Fuit hoc in more priscis temporibus positum, ut qui uxorem ducturus erat, eam in matrimonium ductum iri stipularetur ab eo, unde ducenda erat; qui vero erat daturus, se daturum sponderet. Contractus hic stipulationum sponsonumque *sponsalia* dicebatur: quæ autem promissa erat, appellabatur *sponsa*; qui sponsonerat se ducturum, *sponsus*. Neque vero a filix dumtaxat patre nuptum datum iri, sed etiam a viri patre ductum iri sponsio interponebatur, ut ex Terentio Donatus Grammaticus putat.

Inter eos, quorum nuptiæ agitabantur, de nuptiarum conditionibus & legibus conveniebat, hoc est de dote, de donatione propter nuptias, de arrhis sponsalitiis. Hinc puella dicebatur *pecta*, destinata, *sponsa*. Verba autem, quibus sponsalia concipiebantur, hæc fuerunt: *Sponden Cajam filiam tuam uxorem mihi dari?* quæ formula in filiabus fami-

I.
Sponsalia unde dicta.

II.
Quomodo contracta.

miliaſ uſitata erat; nam innuptæ mulieres, quæ in perpetua tutela eſſent, cum deſpondebantur, probabile eſt hunc potius adhibitam fuiſſe: *Spondenſ Cajam, quæ in tua poteſtate eſt, uxorem mihi dari?* quemadmodum ex Cicerone *pro Flacco* quidam autumant. Ad hæc conſtituenda nudus conſenſus ſufficiebat; conventiones tamen huiusmodi ut plurimum referebantur in tabulas, quæ tabulæ ſignatoriis eorum, qui interfuerunt, annulis obſignabantur, ut mox dicemus.

III.
De ar-
rha, &
annulo.

In argumentum contraſtorum ſponſaliorum ſponſæ *arrhæ* a ſponſo dabantur. Dabatur autem fere eorum aliquid, quæ ad mundum, ſeu potius ad ornatum muliebrem pertinent, ut veſtes, monilia, &c. *Annulus* quoque mittebatur pignoris loco, qui *pronubus* dictus eſt. Notandum hoc loco, quod tradit *Idorus etymol. lib. 20.* feminas non uſas annulis, niſi quos virgini ſponſus miſiſſet, neque amplius quam binos aureos in digitis habere ſolitas. Idem cenſet, datum fuiſſe annulum ſponſæ a ſponſo, vel propter mutuæ dilectionis ſignum, vel propter id magis, ut eodem pignore eorum corda jungerentur; quarto propterea digito inferi annulus ſolet, quod in eo ſanguinis vena quædam ut fertur, ad cor uſque perveniat. Ferreum denique annulum, eumque ſine gemma, ſponſæ mitti ſua ætate conſueviſſe, auctor eſt *Plinius Hiſt. nat. lib. 33. c. 1.*

VI.
De pro-
xenetis
& auſpi-
cibus.

De iis quoque dicendum eſt aliquid, quorum interpoſita opera ſponſalia contrahebantur. Hi *proxenæ* & *auſpices* dicti ſunt, ideſt conciliatores, interpretes & internuncii, quod rem inciperent; felicique omine auſpicarentur. Apud eos conventiones de dote hebant, cum autem dies dicta eſſet pactis dotalibus conſcribendis, iidem noctu & ſub auroram auguriis operam dabant; ac demum curabant, ut quod conventum erat, rite fieret, tabuliſque mandaretur. Nuptiales hæc tabulæ ab iſdem auſpiciſ & proxenetis exarabantur & ſignabantur, tum eorum unus, quod conventum eſſet proſerebat, cæteris audientibus, atque ut ita fieret, poſtulantibus. Dictum ſubinde *feliciter*; qua fauſta acclamatione felicem contractus initi eventum, bonaque omina ominaban-

bantur. Feminæ autem, si quæ ad nuptias conciliandas adhibebantur, non auspices (nam hoc muneris virilis erat) sed *pronubæ* dictæ sunt. Harum aliud proprium officium erat, quod suo loco explicabitur.

C A P U T II.

De die nuptiarum, deque triplici earum forma.

Sponsalibus factis, consequens erat nuptiis diem dici. Nec vero temere nubebant, & e re nata, ac die quolibet; sed in ea re non levem mensuram, temporum, ac dierum delectum habebant. Kalendæ, nonæ, idus, omnesque feriæ, præterquam viduis, religiosæ fuerunt. Infaustus quoque nuptiis & inauspicatus existimabatur mansis Majus. Hinc ex veteri proverbio, quod refert Ovidius *Fast.* 5. v. 490.

Mense malum Majo nubere vulgus ait.

Vitabatur præterea conjugium Parentalibus, seu Lemuriis, propter infaustos & ominosos dies; toto denique triduo, quo Saliorum festa celebrabantur, donec recondita essent arma in templo Martis. Nuptiis autem celebrandis aptissimum fuit id tempus, quod idus Junias sequitur, sed tunc quoque cavebatur, ne ullus esset motus cœli aut terræ, ad quam rem auspices adhiberi solitos diximus. Fœdus enim in hisce perturbationibus inire, infelix infortunatumque putabatur.

Nec unus sane, sed tres dies in nuptiis peragendis poni consueverunt. Primo die sponsus visitabat sponsam apud ejus patrem. Dies autem non naturalis, sed civilis intelligendus est, ut is a media nocte incipiat. Nocte sequente apud focerum sponsus manebat; non tamen sponsæ conditione utebatur, sed in separata diæta pernoctabat. Luce tandem oriente, circiter primam aut secundam diei horam (hæ siquidem horæ, inquit Festus, sponsalibus dedicatæ erant) sponsa domo patris egrediebatur; & hic proprie nuptiarum dies dictus est. Tertio autem die, qui postridie nuptiarum dicebatur, quia vir jam maritus factus erat, nova nupta ad patris domum redibat, ubi repotia fiebant, & dona ab ami-

I.
Nubere
quando
nefas,
aut fas.

II.
De tri-
bus die-
bus nu-
ptia-
rum.

cis offerebantur. Sed de his omnibus iterum mentio erit, cum ad jumbilicum pervenerimus.

III.
De co-
emtion-
e,

Tribus autem modis uxores quaesitæ, & matrimonia a veteribus contracta sunt; usu, farre, & coemtionem. Coemtio (inquit Boethius lib. 2. ad Top. Cic.) certis solemnitatibus peragebatur, & sese in coemendo invicem interrogabant: vir ita, *An sibi mulier materfamilias esse vellet*; illa respondebat, *Velle*. Item mulier interrogabat, *An vir sibi paterfamilias esse vellet*; ille respondebat, *Velle*. Itaque mulier in viri conveniebat manum; & vocabantur hæ nuptiæ per coemtionem, & erat mulier materfamilias viro, loco filiæ. Coemtionem porro imaginariis venditionibus peractam, ut & adoptionem, credibile est, in eaque facienda nummos aliquot dicis causa intervenisse. Id enim in aliis quoque legitimis actibus observabatur, in quibus specie tenus mancipationum solemnia repræsentanda erant. Ad hanc contrahendi matrimonii rationem pertinet, quod ex Varrone Nonius Marcellus refert, his verbis. *Veteri Romanorum lege nubentes mulieres asses tres ad virum venientes ferre solebant; atque unum quidem, quem in manu tenebant, tanquam emendi causa marito dare; alium, quem in pede habebant, in foco Larium familiarium ponere; tertium, in sacciperio sive in marsupio majori conditum, in compito vicinali resignare solebant Laribus compitalibus, quibus fiebant sacra: & ita matrimonium dicebatur per æs & libram contractum*. Ex hoc ergo fiebat, ut mulier in manu mancipioque mariti esset, atque adeo eorumdem bonorum & sacrorum cum viro socia & particeps, suaque illi hæres fieret; vir autem non in manu, idest potestate uxoris erat, sed quod coemtus esset, id ei hæredis sui jus tribuebat.

IV.
De con-
farrea-
tione.

Confarreatio fiebat, quum certis verbis, & decem testibus præsentibus, solemnique sacrificio facto, in quo panis farreus adhibebatur, mulier in manum viri conveniebat. Ea vero fiebat per solos pontifices. Extat hac de re Servii auctoritas, cuius hæc verba traduntur esse: *Farre nuptiæ fiebant per pontificem maximum, & dialem flaminem; per frugem & molam salsam conjungebantur, unde confarreatio appellatur; ex quibus patrimi & matrimi*
na-

nascabantur. Et hic modus in sponsalibus religiosissimus fuit, in cuius signum præferebatur far tostum, quod sacrificiis sæpe abhibebatur. Ex eo confarreandimodo confarrearum matrimonium præsci dicebant; quæ vero sic nubebant, e patris statim potestate transibant in viri manum. Quemadmodum autem jungebantur confarreatione, ita disarreatione dirimebantur.

Usum denique uxor habebatur, cum mulier ita collocabatur viro, ut is nullum jus præter usum in v.
De usu. eam haberet. Nam sicut servus jure Quiritium domini non erat, sed tantum in ejus bonis, idest in usu, si is neque mancipatus esset, neque in jure cessus, neque ab ipso annuum possessus; ita etiam quæ nec farre, nec coemptione in manum convenisset, sed in domum dumtaxat deducta esset mulier, ea quidem jure Quiritium uxor non erat, neque materfamilias, sed tantum jure naturali uxor. Quæ igitur usu tantum habebatur, a materfamilias differebat, quod hæc in mariti potestatem & familiam transibat, eratque illi loco filiæ; illa vero ad usum solum, & liberorum tantum quærendorum causa ducebatur. Differebat etiam a concubina, quæ usu nunquam capiebatur, uxor autem sæpissime, ac tum maxime, cum annua possessio interveniebat, nisi trinoctium intra id tempus a viro abfuisset; præterea illa pellex, hæc uxor; cum illa concubinatus, cum hac nuptiæ esse dicebantur.

C A P U T III.

De novæ nuptiæ cultu & ornatu.

HIS ita expositis, ad novæ nuptiæ cultum, vestitum, & ornatum transeamus. Atque ut a vertice initium sit, senis crinibus ea ornari solebat, siue quod is ornatus vetustissimus esset, seu quod eo virgines Vestiales ornarentur, quarum castitatem nubentes spondebant viris suis, ut tradit Sex. Pompejus. Celibari etiam hasta, quæ in corpore gladiatoris abjecti occisique stetisset, novæ nuptiæ caput, eodem teste, comebatur; ac corona deinde redimi-

I.
De cultu capit.
tis.

ri solebat. Hasta autem ad crines comendos adhibita est, ut quemadmodum illa fuerat conjuncta cum corpore gladiatoris, sic ipsa cum viro esset; vel quia matronæ in Junonis Curitis tutela essent, sic dictæ a ferenda hasta, quæ Sabinorum lingua *curis* dicitur; vel ut fortes viros genituram ominaretur; vel quod nuptiali jure, imperio viri subiciebatur nubens, quum hasta summa armorum, & imperii sit. Plutarchus etiam in *Romulo* docet, esse qui affirmant, propterea nuptæ comam cuspide hastili discriminari, ut signum sit primas nuptias bello & pugna fuisse contractas. Alibi alia tradit idem Plutarchus; sed hæc fortasse nimis multa sunt ad potiora properantibus.

II.
De ve-
stita.

Recta item tunica nova nupta induebatur, qualem prima Caja Cæcilia texuit; quod quidem ex felici textricis conjugio in usum venisse, minime dubium est. Fuit autem illa Tanaquil, uxor Tarquinii Prisci, lanifica optima, summæque probitatis mulier; ac proinde nomen ejus, boni ominis causa, in omnibus nuptiis usurpatum, ut infra explicabimus. Cingulo insuper sponsa cingebatur. Factum id erat ex lana ovis, referente Festo; ut sicut illa in glomis sublata, conjuncta inter se est; sic vir suus secum vinctus cinctusque esset. Cingulum id Herculeo nodo vinctum vir ominis gratia solvebat, ut sic ipse felix in suscipiendis liberis esset, quemadmodum Hercules fuit, qui septuaginta liberos reliquit. Ab hoc cingulo Cinxie cognomen inditum Junoni fuit, quæ conjugalibus fœderibus peculiari numine præesse credebatur. Coronam præterea, ex floribus ac verbenis a selectis compositam, nova nupta sub amiculo ferebat; hoc est sub flammeo, quo obnubi solebat, quo die ad virum deducebatur. Atque hinc nuptiarum nomen factum est; *nubere* enim & *obnubere* apud antiquos *velare* & *operire* significabat. *Flammeum* igitur dictum id velum, quo nupta operiebatur, non quidem a flammæ colore (erat enim luteum) sed quia Flaminica, cui divortium facere non licebat, eo assidue utebatur; eodem autem velabantur & nuptæ boni ominis gratia, ut perpetuo cum viro manerent. Videtur quoque

que flammeum comparatum, tum ad ruborem cufodiendum ne pudicitia pollueretur aspectu, tum ne a quoquam prius, quam a marito nova nupta confpiceretur. Nec flammea modo lutea erant, fed & alia nuptialia veftimenta; calceos quoque iplos foccosque luteos fuiſſe, ex Catullo opinari licet.

Ornatus ſponſi (ut de iplo quoque aliquid hoc loco dicamus) in eo præcipue notabatur, quod tonderetur; nec abſimile vero eſt, id etiam a cæteris adſtantibus fuiſſe obſervatum; præſertim ab iis, qui ad celebritatem nuptiarum adhibebantur. Fiebat id onamenti cultuſque cauſſa, non quod capilli omnino amoverentur, fed comebantur potius, & qui ſuperflui erant, tondabantur. Liberorum autem hominum erat cæſariem, quæ a *cædendo* dicta eſt, tondere & adornare; ſervorum non item. Porro ſponſus ipſe, non ſecus ac ſponſa, floribus verbeniſque coronabatur, cumque illo familia univerſa, in ejus ſive honorem ſive adulationem, coronas neſtebat; omneſque affines & neceſſarii, qui intererant lætitiæ nuptiali, floreis coronis redimiti conſpiciebantur.

III.
De or-
natu
ſponſi.

C A P U T IV.

De novæ nuptæ ad maritum deductione.

COMITA & ornata virgo, cum ad virum procederet & transferretur, rapi plane ſimulabatur ex gremio matris, aut ſi ea deeſſet, ex gremio illius, quæ proxima neceſſitudine erat; propterea quod ea res Romulo feliciter ceſſiſſet, qui per vim ſibi fuiſque uxores ex Sabinis quæſivit. Nova igitur nupta in viri domum tanquam conjugii manſionem & domicilium, traducebatur: unde *uxorem ducere*, quaſi *domum ducere*, Latini dicunt.

I.
De ra-
ptu.

Deductio hæc veſpere fiebat. Satagebant autem veteres, ut quam maxima populi frequentia, celeberrimoque officio nubentes deducerentur. Itaque pueri patrimi tres prætextati ſponſam deducebant; quorum unus facem ex ſpina alba præferibat, reliqui duo nubentem tenebant. Non deſunt tamen,

II.
De faci-
bus ſive
tædis.

qui nuptiales faces ex pinu confici solitas contendunt; sed nihil prohibet ex variis arborum generibus faces illa confici solitas dicere. Sane spinæ albæ ad maleficia pellenda viminesse, antiquitas opinata est; Plinius vero eandem nuptiarum facibus auspiciatissimam fuisse dixit, suis tamen temporibus carpinum & corylum facibus familiarissimas fuisse, postea affirmavit. Hæ modo *tædæ*, modo *faces jugales*, *faces legitimæ*, *tædæ geniales* & *festæ* a Poetis dictæ sunt. Plutarchus quoque *cereos* nominat, traditque, in nuptiis quinque accendi solitas faces, nec plures, nec pauciores. Fax autem illa, qua prælucente nova nupta ducta erat, antequam mariti domum ingrederetur, rapi ab amicis consueverat; ne aut eam sub testis viri uxor ea nocte poneret, aut vir in sepulcro comburendam curaret, quo utroque alterius mors captari putabatur.

III.
De curuli
transve-
stitione.

Enimvero silentio præteriri non potest, quod quibusdam visum est, in altum tolli nubentes priscis temporibus consuevisse. Verum hoc apud Pœnos, Græcos, Ægyptiosque usu receptum fuisse comperitum est, ut nubentes sellæ insidentes, curruque sublimis vestæ, a patris domo in mariti domicilium transveherentur. Constantinopoli quoque eundem fuisse morem, indicio sunt Claudiani versus, de nupt. Hon. & Mariæ, v. 286.

*Ante fores jam pompa sonat, pilentæque sacram
Præradiant ductura nurum.*

At vero curulem hanc novæ nuptæ translationem priscis Romanis in usu fuisse, nusquam legere est. Nubentem enim a pueris patrimis & matrimis manu ductam, satis aperte Sex. Pompejus Festus significavit.

IV.
De colo
& fuso
deque
utensili-
bus,
&c.

Sponsæ ad virum deducendæ colus cum lana, & fusus cum flamine præferiebantur, tanquam operis, in quo futura esset, auspicia; & tanquam ad opus faciendum, non ad deponendam virginatatem deduceretur. Eadem, puto, de causa utensilia mulieris, & quæ in usu ac ministerio ejus erant, per puerum impuberem in vase operto gestari consueverant. Ac puer quidem *Camillus* dicebatur, quo nomine Romani pueros nobiles Flaminum præministros

fiores appellabant; vas autem ipsum nuptiale *cumerum* dictum est, a similitudine cumerarum, quæ sunt palmæ vel sparteæ ad usum popularem.

C A P U T V.

De novæ nuptæ in mariti domum ingressu.

HOC ritu deducta sponsa ad mariti ædes accedebat. Pro foribus ædium, quæ floreis frondeisque fertis, rosa præcipue, lauru, & myrto innextis exornabantur, interrogata mulier, quænam esset, *Cajam* se esse respondebat. Plutarchus testatur, eos qui nubentem introducerent, ei verba hæc suggessisse; *Ubi tu Cajus, ego Caja*. Quorum verborum sensum eum esse quidam existimabant: Ubi tu dominus & paterfamilias, ego domina & materfamilias; ut quemadmodum Jurisconsulti in exemplis proponendis Caii & Titii nomina usurpant, ita & in nuptialibus his ceremoniis nomen Cajæ fuerit usitatum. Aliis ad Cajæ Cæcilæ nomen, quod ominis boni causa nubentes frequentabant, morem hunc referendum esse magis placuit. De Caja Cæcilia, quæ fuerit, diximus supra c. III. n. II.

I.
De Cajæ
appell
tione.

Januæ postes laneis vittis ornari, lupinoque adipe, sive oleo ungi & oblini a nubente, antequam ingrederetur, consueverunt; unde *uxor* dicta, quasi *unxor*, & Juno *Unxia*. Huic enim mori, ut & cæteris, eam præesse antiquitas credidit. Sic *Cinxia* appellata est a nuptiali cingulo ejusque solutione, quæ a marito fiebat. Sic *Domiduca* & *Iterduca*, quod ad sponsi ædes & cubiculum sponsas comitaretur, & earum itinera protegeret. Sic *Zygia*, sive *Juga* a conjunctione maris & feminae. Sunt, qui a jugo Junoni indictum id nomen putant, quod contrahentibus matrimonium imponi consuevisse memorat Servius & Igidorus, nullo tamen idoneorum & locupletum auctorum testimonio confirmant. Nam quæ ex Plauto, aut Horatio exempla efferunt, translate potius & μεταφορικῶς accipienda sunt. Verum ut ad unctionem postium redeamus, ea, teste Plinio, a nubentibus facta est, nequid mali medicamenti inferretur.

II.
De p
stium
unctione.

Aquam

III. De aqua & igne. Aquam & ignem in limine appositum uterque contrahentium tangebatur, titione ex felici arbore in aquam immerso; quasi eo fœdere inexplicabili, ac mutuo nexu copulati essent. Alterum enim quasi masculinum est, alterum quasi femininum, alterum activum, alterum patibile. Plures quoque ejusdem ritus rationes affert Plutarchus *qu. Rom. i.* quas commemorare non est necesse. Id unum subicere placeat, quod scribit Servius, eadem aqua nubentium pedes lavari solitos.

IV. De liminis præteritiona. In limine quoque domus sponsa, quasi obstinata stare consuevit, ut significaret, invitam se duci in eum locum, ubi virginitatis jactura facienda erat; vel quia hac ratione sponsam superstitem fore sponso arbitrabantur. Itaque ab amicis in altum sublata in ædes inducebatur; religioni quippe habebant, si in transgrediendo mulier limen offendisset. Varro etiam apud Servium opinatus est, ideo sponfas limen non tetigisse, ne a sacrilegio inchoarent, si deposituræ virginitatem limen calcarent, quod Vestæ idest castissimo numini erat consecratum.

V. De clavibus & pelle lanata. Nuptæ in mariti domum primo ingressæ claves dabantur, ad significandam partus facilitatem, ut Festus explicat, vel potius ut significaretur, ei rerum omnium domesticarum, quæ clavibus concludi solent, cura & custodia, totius denique domus ac rei familiaris administratio dispensatioque permitti. Contra vero, cum divortium fieret, nuncioque remisso uxor res suas sibi habere juberetur, neque ejus conditione vir amplius uti vellet, claves eadem illi adimebantur. Notandum hoc loco, domesticas claves omnes nuptæ dari a marito consuevisse, præter vinariam. Feminis enim vini usus interdicebatur, quo facilius castitas servaretur. Hinc Faunam, Fauni sororem eandem & conjugem, quod vinum præter morem regium bibisset, dum cæderetur a viro, ferunt inter virgas vitam liquisse. Sic uxor Egnatii Mecenni, quod vinum bibisset, occisa fuit a marito impune, haud ægre id patiente Romulo. Maritus enim apud veteres hujus criminis vindex idem constituebatur, & judex; ac propterea suæ quisque uxori, si vinum ebibisse deprehensa esset, re-

repudii libellum & nuncium remittere statim poterat. Quamobrem Cato, severus mulierum adversarius, ne vini potum celarent, censuit eas propinquis osculum ferre, ut fraudem odore proderent, Ad nuptam revertamur. Ea statuebatur in pelle lanata; vel propter morem vetustum, quo antiquitus homines pellibus induti erant, vel quo testaretur se sacrificii officium viro præstaturam.

C A P U T VI.

De cæna nuptiali.

Sponsæ acceptæ ejusque comitibus dabatur a novo marito cæna, quæ *nuptialis* a veteribus scriptoribus appellatur, & a Claudiano præcipue *epulæ geniales*. Convivas opipare ac laute acceptos fuisse, nemo non intelligit. Leges sane sumtuarias, Liciniam & Juliam, quibus effervescens Romanorum luxuriæ æstus coerceretur, nuptiis aliquid indulgisse, & de præscripta victus ac cœnarum tenuitate remisisse, constat ex Gellio, *lib. 2. c. 24.* Lex enim Licinia, cum in certos quosdam dies centenos æris impendi permisisset, nuptiis ducentos indulgit; lex vero Julia, quæ Cæsare Augusto imperante pervenit ad populum, profectis diebus ducentos finiit, Kal. non. id. & aliis quibusdam festis trecentos, nuptiis autem & repotiis HS. millies esse concessit, ut refert idem Gellius *loc. cit.* Inter cætera fercula, papaveris fucum cum lacte & melle dilutum exhibitum fuisse, auctor est Aldrovaldus *Insect. lib. 1.* Papaver autem symbolum erat fecunditatis; hinc Livia & Augustæ fere omnes in numis & marmoribus antiquis conspiciuntur, spicas & papavera gestantes. Quemadmodum autem nuptiis apud virum cœnabatur, ita sponsaliorum nomine convivium sponso a sponsæ parentibus datum fuisse, conjici potest ex Cicerone *lib. 2. epist. ad Q. fratrem.*

Tibiam nuptialibus festivitibus adhibitam fuisse, Plauti, Terentii, aliorumque scriptorum loci non pauci declarant. Præterea Talassionem Romani non secus, atque Græci Hymenæum, in nuptiis

I.
Cœnæ
nuptia-
lis lau-
titia.

II.
De tibiz
cantu, &
Talas-
sione.

in-

inclamabant: quam acclamationem ex eo inolevisse scribit Livius *lib. 1.* quod in Sabinarum raptu virgo una, longe ante alias pulcherrima, a globo cuiusdam Talassii rapta fuerit; multisque sciscitantibus cuinam eam ferrent, nequis violaret, Talassio eam ferri clamitatum. Qua de causa vocem hanc nuptialem factam, & ad posteros inde mansisse, Plutarchus quoque & Servius docuerunt. Neque dissimulandum, vocis hujus originem a nonnullis trahi ad lanificium, quod Græcis *ταλασσία* dicitur; constat autem lanificiis priscas matronas valde deditas fuisse præcipuamque his curam & operam impendisse. Ferrarius tamen scriptor sanediligens, & in antiquitate investiganda sæpe acutus, *de acclamat. lib. 6. cap. 19.* priorem sententiam fuisse tuetur & probat. Idem contendit, Talassionem acclamatam fuisse, non a convivis in ipsa nuptiali cœna, sed a turba, cum nova nupta in viri domum deducebatur.

III.
De simpuloni-
bus.

Saltationes denique & computationes ex more ob-eundæ maritis erant. Sponsus enim, & ejus amici quidam, qui *simpulones* appellabantur, per convivia ambulabant, ut convivis vinum porrigerent, venientes salutarent, adventum gratularentur, ad cœnam invitarent. Dicti sunt autem simpulones a simpulo, sive simpuvio, vase parvo & fictili, instar cyathi, quo vinum porrigebatur.

C A P U T VII.

De nuptialibus sacrificiis.

Sacrificium quoque nuptiale apud Romanos in usu fuit; de quo juvat hoc loco pauca attingeres, quandoquidem nihil de illo dictum a nobis est, cum de sacrificiis ageremus. Tota itaque nuptiarum die, non modo in conviviis & saltationibus, sed etiam in sacrificiis transigebatur; nec aliter faustum felixque matrimonium putabant Romani, nisi more solemniori antea litassent. Porcam, Varrone docente, immolabant; quasi eo sacrificio, diis testibus, fœdus matrimonii bene celsurum, & inviolabile futurum promitterent conjuges. Mactabatur au-
tem

tem porca, non modo quia omnium animalium maxime in venerem prona est, sed etiam fortasse, ut nupta in suscipiendis liberis adeo fecunda esset, ut scropha, quæ olim inventa sub ilicibus est.

Triginta caput fetus enixa. (Æn. 8. v. 54.) Sacrificabatur autem Junoni sæpius, sed tum maxime, cum cingulo nova nupta præcingebatur. Virgines Dianæ sacrificasse, eique zonam dedicasse, quam nunquam recuperaturæ essent, refert Suidas. Aliis demum non dicendis numinibus, quorum simulacra in cubiculum inferebantur, sæda sacra fieri noctu a nubentibus consuevisse, compertum est; sed hac in parte omnium sane diligentissimus scriptor a cordatis quibusque, & probis hominibus is habetur, qui calamo parcit, & inanem diligentiae laudem prudens contemnit.

C A P U T VIII.

De reliquis nuptiarum ritibus.

IN cubiculum, nocte adventante, cum nova nupta deduceretur, eam dimittebant prætexati patrimi ac matrimi, & pronubæ in lecto collocabant, qui rosæ contextus erat & coronatus, *genialisque* dictus, quasi *generalis*, a generandis liberis, vel a Genio potius, in cujus honorem sternebatur. Toga etiam sterni lectos Arnobius docuit; qui mos perseveravit in nuptiis a primis usque Romanorum temporibus, quibus togæ in lectis haberi ceperunt. Nuptæ autem in cubiculum deducendæ adhibebantur spectatæ pudicitæ mulieres, quæ unius viri essent, ut matrimonii perpetuitatem auspicarentur.

Sociæ interim virgines ad cubuli ostium *Epi-thalamia* canebant; quorum duo genera fuerunt, alterum vespere accini solitum, *ατακμυμνικόν* Græcis dictum, quod sponso cubitum mitteret, & quasi consopiret; alterum vero sub aurora, quod adeosdem excitandos *δισυπνικόν* dicebatur. A pueris etiam, qui ad eam celebritatem frequentes aderant, jocosus versus, omnique dicacitate & petulantia disfluentes sponso & sponsæ libere occentabantur. Nuptialia

I.
De ingressu
in cubi-
culum.

II.
De Epi-
thalamio, &c.

hu-

tem porca, non modo quia omnium animalium maxime in venerem prona est, sed etiam fortasse, ut nupta in suscipiendis liberis adeo fecunda esset, ut scropha, quæ olim inventa sub ilicibus est.

Triginta capitum fœtus enixa. (Æn. 8. v. 54.) Sacrificabatur autem Junoni sæpius, sed tum maxime, cum cingulo nova nupta præcingebatur. Virgines Dianæ sacrificasse, eique zonam dedicasse, quam nunquam recuperaturæ essent, refert Suidas. Aliis demum non dicendis numinibus, quorum simulacra in cubiculum inferebantur, fœda sacra fieri noctu a nubentibus consuevisse, compertum est; sed hac in parte omnium sane diligentissimus scriptor a cordatis quibusque, & probis hominibus is habetur, qui calamo parcit, & inanem diligentiam laudem prudens contemnit.

C A P U T VIII.

De reliquis nuptiarum ritibus.

IN cubiculum, nocte adventante, cum nova nupta deduceretur, eam dimittebant prætexati patrimi ac matrimi, & pronubæ in lecto collocabant, qui rosis contextus erat & coronatus, *genialisque* dictus, quasi *generalis*, a generandis liberis, vel a Genio potius, in cujus honorem sternebatur. Toga etiam sterni lectos Arnobius docuit; qui mos perseveravit in nuptiis a primis usque Romanorum temporibus, quibus togæ in lectis haberi ceperunt. Nuptæ autem in cubiculum deducendæ adhibebantur spectatæ pudicitiae mulieres, quæ unius viri essent, ut matrimonii perpetuitatem auspicarentur.

Sociæ interim virgines ad cubuli ostium *Epithalamia* canebant; quorum duo genera fuerunt, alterum vespere accini solitum, *ατακμπρινόν* Græcis dictum, quod sponso cubitum mitteret, & quasi consopiret; alterum vero sub aurora, quod ad eodem excitandos *δευσιπρινόν* dicebatur. A pueris etiam, qui ad eam celebritatem frequentes aderant, jocosus versus, omnique dicacitate & petulantia diffluentes sponso & sponsæ libere occentabantur. Nuptialia hu-

I.
De ingressu
in cubiculum.

II.
De Epithalamio, &c.

hujusmodi carmina Fescennina dicta sunt, a Fescennino Campaniæ oppido, ubi primum inventa & acclamata; vel quia fascinum arcere putarentur, ut alii tradunt. Ea autem temeraria erant, incomposita, rudia, quæ alternis jaciebantur.

III. Pueris his nuces a novis maritis jaci & spargi solitas testatur Festus, ut illis intenti tumultu & strepitu omnia implerent: nihilque proinde de nuptialibus sacris exaudiretur. Aliæ quoque hujus moris rationes a scriptoribus afferuntur; quidam enim putant nuces in puerorum turbam projectas, ut maritus eo indicio puerilibus omnibus ludis se renuntiare, & ludicra quæque ac puerilia relinquere testaretur; alii, ut Jovis omine matrimonium celebraretur, cum nuces in tutela Jovis essent; ac proinde *juglandes* dictæ, quasi Jovis glandes; utque nova nupta matrona esset, quemadmodum Juno, *divum regina, Jovisque & soror & conjux*.

IV. Postridie tandem nuptiarum apud novum maritum iterum cœnabatur; & quia quasi instaurabatur & reficiebatur potatio, eam cœnam *repotia* appellaverunt, quæ etiam renovabantur, quoties nova proles nata esset. Cœna hæc honestioribus dabatur, vilioribus autem sportula. Interea munera nuptialia novæ conjugii & uxori ab amicis & propinquis, & a viro ipso mittebantur; eademque, libertatem uxoriæ auspicata, in domo viri rem divinam faciebat.

FINIS.

INDEX RERUM.

Quæ ad sacrificia & Nuptias Romanor. spectant.

A

Æ S & libra.	pag. 391
Agonalia.	356. 357
Ambarvalia.	384
Amburbia.	385
Angeronalia.	379
natalis.	386
Annulus nuptialis.	388
cur quarto digito insertur.	ibid.
feminæ annulis non utebantur, nisi nuptialibus.	ibid.
non amplius, quam binos aureos, gestabant.	ib.
Aqua & ignis in nuptiis.	399
Aræ in sacrificiis Inferorum quot & quales.	353
Argeorum simulacra in Tiberim projecta.	365
Armilustrium.	375
Arrba, quid.	388
Asini quando feriat.	373
Asses tres marito a nova nupta dati.	390. 391
Augustalia.	375
Auspices nuptiarum.	388. 389
Auspicia piacularia.	352

B

B Acchanalia.	384
Bellonarii sacerdotes.	366
Bellum suscipere quando nefas.	382
Bona verba.	351
Boves fordæ.	362
Brumalia.	366
Burrana potio.	383

C

C Æsaries unde dicta.	393. 394
eam liberi tndebant, non servi.	ibid.
Caju & Caja maritus & uxor.	392. 393. 396
Caja Cæcilia.	392
Camella, quid.	382
Ca-	

<i>Camillus puer.</i>	395
<i>Capite detecto quando sacrificatum.</i>	317
<i>Carmentalia.</i>	756
<i>Cato mulieribus infensus,</i>	397
<i>Celibaris hasta.</i>	392
<i>Cerei in nuptiis.</i>	394
<i>in Saturnalibus.</i>	377
<i>Cibis alienis vesci probrosum Romanis.</i>	776
<i>Cingulum nuptiale.</i>	392
<i>Claves novæ nuptæ datæ.</i>	397
<i>quando ademptæ.</i>	ibid.
<i>vinaria cur non data.</i>	ibid.
<i>Clavum pangere quid.</i>	373
<i>Coemptio viri & mulieris.</i>	390
<i>matrisfamilias propria.</i>	ibid.
<i>Cæna natalis.</i>	386
<i>nuptialis.</i>	397. 400
<i>parentalis.</i>	385
<i>Colus cum lana & fuso novæ nuptæ prælatus.</i>	389
<i>Compitalia.</i>	364
<i>Confarreatio.</i>	391
<i>Consualia.</i>	372
<i>Consules quando magistratum inibant.</i>	356
<i>Convivium funebre.</i>	385
<i>natale.</i>	386
<i>nuptiale.</i>	485
<i>Saliare.</i>	360
<i>Saturnalitium.</i>	377
<i>Coronæ nuptiales.</i>	393. 395
<i>Cumarum, quid.</i>	ibid.

D

D <i>Enicalia.</i>	386
<i>Dianæ a quibus sacrificatum.</i>	372
<i>Dies natalis urbis Romæ.</i>	362
<i>Diffarreatio.</i>	361
<i>Domorum locationes & commutationes quando actæ.</i>	368.

E

E <i>Lepbanti funambuli.</i>	363
<i>Epithalamia.</i>	400
<i>pulæ post sacrificia peractæ.</i>	353
<i>pulum ferale.</i>	85. 386.

INDEX RERUM.

403

geniale. 398
indictum, sive Jovis. 376

Equitia. 359

Equitum Romanorum transvectio. 371

Equus October. 375

Everriator. 386

Extā. 353

Exverra. 386

F

Fabaceæ Kalendæ. 366

Faces nuptiales. 394

Far pium. 352

in nuptiis adhibitum. 391

Favere linguis. 351

Faunalia. 377

Febri a Romanis sacrificia instituta. 363

Feliciter quando dictum. 389

Feralia. 358

Feriæ compitales. 364

conceptivæ. 380

denicales. 386

indictivæ. 383

natales. 386

non statæ. 388

novendiales. 383

sementinæ. 382

stultorum. 358

Vestales. 366

Fescennini versus. 400

Festum Accæ Laurentiæ. 379

Anciliorum. 360

Angeronæ. 379

Annæ Perennæ. 360

Bellonæ. 366

Carnæ deæ. ibid.

Carmentæ. 365

Dianæ. 732

Fortis Fortunæ. 368

Fortunæ. 368

Fortunæ muliebris. ibid.

Fortunæ virilis. 362

Junonis Monetæ. 366

C c

Mar-

<i>Martis extramuranci.</i>	365
<i>Matutæ.</i>	367
<i>Mercatorum.</i>	365
<i>Sigillari orum.</i>	378
<i>Flammeum, velum nubentis.</i>	393
<i>luteum erat.</i>	ibid.
<i>Flumen vivum, quodnam dicatur.</i>	350
<i>Fontinalia.</i>	375
<i>Fordicidia.</i>	362
<i>Fornacalia.</i>	358
<i>Furinalia.</i>	371

G

G <i>Alba Imp. elephantos funambulos Floralibus exhibuit.</i>	363
<i>Genius deus.</i>	400
<i>illi quando & quomodo sacrificatum.</i>	386
<i>Geniales epulæ.</i>	397. 400
<i>faces.</i>	394
<i>tori.</i>	400
<i>Græci & Galli defossi.</i>	394

H

H <i>Asta celibaris.</i>	394
<i>Summa armorum & imperii.</i>	ibid.
<i>Hilaria.</i>	362
<i>Horæ sponsalibus dicatæ, quæ.</i>	390
<i>Hostia unde dicta.</i>	348
<i>ejus varia genera.</i>	349
<i>præstantior, quæ generis erat feminei.</i>	ibid.
<i>v. Victima.</i>	

I

I <i>Annual quid.</i>	355	356
<i>Ignis & aqua in nuptiis.</i>		396
<i>Ignis in sacris,</i>		353
<i>fiebat ex lectis lignis.</i>		ibid.
<i>precibus eliciebatur, ut incenderet altaria.</i>		ibid.
<i>ibid.</i>		
<i>Immolare quid.</i>		352
<i>Inferorum sacrificia.</i>		354
<i>Jugum an nubentibus impositum.</i>		396
<i>Juno, Cinxia.</i>		393
<i>Curitis.</i>		392
<i>Domiduca.</i>		396

Iter-

INDEX RERUM

<i>Iterduca.</i>	405
<i>Moneta.</i>	ibid.
<i>Unxia.</i>	366
<i>Zygia, sive Iuga.</i>	396
<i>Jussus quid.</i>	ibid.
	452

L

L <i>Ac, mel, & mulsum victimæ jacenti superinfu-</i> <i>sum.</i>	353
<i>Lactis nomine quando vinum appellatum.</i>	364
<i>Larentinalia.</i>	379
<i>Lavatio manuum in sacris.</i>	350
<i>pedum in nuptiis.</i>	396
<i>Lavatio Matris deum,</i>	561
<i>Lectisternia.</i>	376. 384
<i>Lectus nuptialis.</i>	400
<i>Leges sumtuarie.</i>	397
<i>Legumina in Floralibus sparsa</i>	363
<i>in Parentalibus oblata.</i>	385
<i>Lemuria.</i>	365
<i>Liberalia.</i>	360
<i>Ligna in sacrificiis accensa, quæ.</i>	353
<i>Limen cur nova nupta transiliret.</i>	396
<i>Ludi piscatorii.</i>	366
<i>Lupercalia.</i>	357

M

M <i>Ajus mensis nubentibus infaustus.</i>	366
<i>Mania dea Larium mater.</i>	364
<i>Manus dextera in sacrificiis adhibita.</i>	13 53. et. seq.
<i>Marinis diis quo ritu sacrificatum.</i>	355
<i>Matralia.</i>	367
<i>Matronalia.</i>	359
<i>Meditrinalia.</i>	374
<i>Mensibus singulis quæ numina assignata.</i>	380
<i>Minerval quid.</i>	361
<i>Mola salsa.</i>	352
<i>a quibus confecta.</i>	ibid.
<i>Mundus patet quid.</i>	374
<i>natalitia,</i>	386
<i>Munera nuptialia.</i>	388
<i>Saturnalia.</i>	377
<i>quando viris missa a feminis.</i>	365
<i>quando feminis a viris.</i>	360

Muta dea. 258
Myrtum in sacris Bonæ deæ mulieres abominatæ. 364

N

N *Atalia.* 386
Nonæ caprocina. 369
Novendiale sacrum. 383
Nubere quid. 393
quando nefas, aut fas. 394
Nuces in nuptiis spargi solitæ. 400
Nuptæ novæ cingulum. 392
claves. 296
cultus. 392
curulis transvectio. 394
deductio ad maritum. 394
in cuiculam. 400
pellis lanata. 397
velatio. 393
utensilia prælata. 365
Nyctelia. 384

O

O *Bnubere quid.* 393
October equus. 375
Oleum victimæ infusum. 355
Opalia. 378
Opeconsiva. 372. 373
Oratorum certamina quando facta. 360
Ornatus possum in nuptiis. 396
sponsæ. 392. 393
sponsi. ibid.

P

P *Aganalia.* 382
Palilia. 362
Panis farreus. 391
Papaver lacte & melle dilutum in nuptiis. 397
Parentalia. 385
nuptiis ominosa. 389
Parricidium idus Martiæ cur dictæ. 367
Pellis lanata novæ nuptæ. 390
Pileis Romani quando utebantur. 378
Poetarum certamina quando facta. 350
Pompa nuptialis. 394
Poplifugium. 369

Porca

INDEX RERUM.

407

<i>Porca quando immolata.</i>	399
<i>Postes in nuptiis quomodo ornati.</i>	486
<i>Præfectus Urbis Latinorum causa, qui.</i>	382
<i>Præpartio sacerdotum.</i>	350
<i>Pronuba mulieres.</i>	389
<i>novam nuptam in cubiculum deducebant.</i>	400
<i>Pronubus annulus.</i>	388
<i>Profani a sacris amoti.</i>	350
<i>Proxenetæ.</i>	388
<i>Pueri patrimi & matrimi.</i>	394
<i>Pura manus.</i>	351

Q

<i>Quinquatria.</i>	291
<i>Quinquartus minuscule.</i>	367
<i>Quirinalia.</i>	358

R

<i>R Efugium.</i>	359.	365
<i>Repotia.</i>		290
<i>Ritus precationum.</i>		384
<i>sacrificiorum.</i>		
<i>ad superos spectantes.</i>		347
<i>ad inferos.</i>		354
<i>ad marinos.</i>		355
<i>Robigaliæ.</i>		393

S

<i>Sacerdotum præparatio.</i>	349
<i>lavatio.</i>	353
<i>Sacra Bonæ deæ.</i>	360
<i>Liberi,</i>	ibid.
<i>Matris deum.</i>	361
<i>Mercurii.</i>	375
<i>Minervæ.</i>	361
<i>Mutæ deæ.</i>	339
<i>Termini.</i>	359
<i>Veneris.</i>	361
<i>Sacrificium quid.</i>	347
<i>quotuplex.</i>	ibid.
<i>ab eo arcebantur impii, polluti, & profa-</i>	
<i>ni.</i>	350
<i>quandoque etiam mulieres.</i>	ibid.
<i>Sacrificia inferorum.</i>	354
<i>marinorum.</i>	355

su.

<i>superum.</i>	349
<i>Saliare convivium.</i>	360
<i>Saltationes in nuptiis.</i>	399
<i>Saturnalia.</i>	377
<i>Senatus a Romulo convivio exceptus, quando & cur</i>	376
<i>Servæ, præter unam, a Matralibus amotæ, cur.</i>	367
<i>Servii Tullii simulacrum,</i>	ibid.
<i>Servi comam non tondebant.</i>	394
<i>Compitaliorum ministri.</i>	364
<i>convivio a matronis excepti.</i>	360
<i>a dominis</i>	377
<i>Sigillaria.</i>	379
<i>Sigilla pueris a parentibus missa.</i>	ibid.
<i>Silicernium.</i>	358
<i>Simpulones.</i>	230
<i>Simpurium.</i>	ibid.
<i>Spina alba.</i>	394
<i>Sponsa & Sponsus qui dicantur.</i>	387
<i>Sponsalia unde dicta.</i>	ibid.
<i>quomodo contracta.</i>	ibid.
<i>eorum formulæ.</i>	396
<i>Sumptuariæ leges.</i>	398
<i>Suovetaurilia</i>	384
<i>Supplicationes.</i>	ibid.

T

T <i>Abula sponsaliorum a proxenetis obsignatæ.</i>	389
<i>Tædæ nuptiales.</i>	394
<i>Talassio.</i>	398
<i>Tanaquil.</i>	392
<i>Templum Bellonæ quando dicatum.</i>	366
<i>Bonæ deæ.</i>	ibid.
<i>Carmentæ.</i>	356
<i>Fortunæ muliebris.</i>	367
<i>Fortunæ publicæ.</i>	358
<i>Martis.</i>	465
<i>Matris Matutæ.</i>	367
<i>Telluris.</i>	356
<i>Tempestatis.</i>	366
<i>Veneris.</i>	372
<i>Veneris Erycinæ.</i>	362
<i>Vestæ.</i>	367

Tem-

INDEX RERUM.

<i>Tempus nuptiis aptum.</i>	409
<i>ineptum.</i>	389
<i>Terminalia.</i>	ibid.
<i>Testuaceum, quid.</i>	359
<i>Thus hostiæ infusum.</i>	367
<i>diis marinis ab Ovidio tributum.</i>	352
<i>Tibia nuptialis.</i>	355
<i>Toga in lectis nuptialibus strata.</i>	398
<i>quando sumta.</i>	400
<i>Transvectio equitum Romanorum.</i>	360
<i>Tubilustrium.</i>	370
<i>Tunica recta, indumentum novæ nuptæ.</i>	361
	392

V

V <i>Enatores Dianæ operati.</i>	372
<i>Verticordia Venus.</i>	362
<i>Vestes sacræ.</i>	350
<i>Vestalia.</i>	369
<i>Victima, quæ,</i>	348
<i>quomodo differt ab hostia.</i>	349
<i>præstantior, quæ generis feminei erat.</i>	ibid.
<i>Victimæ ad sacrificium trahendæ non erant.</i>	350
<i>ante aram solutæ stabant.</i>	351
<i>Superis jugulum elevabant.</i>	352
<i>Inferis deprimebant.</i>	355
<i>earum deductio,</i>	ibid.
<i>exploratio sive probatio,</i>	ibid.
<i>percussio.</i>	352
<i>jugulatio.</i>	ibid. et 354
<i>Vinalia priora.</i>	362
<i>posteriora, sive rustica.</i>	372
<i>Vinum calpar.</i>	354
<i>inferium.</i>	352
<i>purum.</i>	ibid.
<i>spurcum.</i>	353
<i>hostiæ infusum.</i>	ibid.
<i>in aquam effusum.</i>	ibid.
<i>feminis vetitum.</i>	397
<i>Virgines Dianæ operatæ.</i>	372
<i>Unctio postium.</i>	396
<i>cur a nubentibus facta.</i>	397
	U ^{su}

Ufu quaesita partaque uxores.

391

Vulcanalia.

373

Vulturnalia.

ibid.

Uxor unde dicta,

396

Uxorum quaerendarum modi.

390

FINIS.



254

42

